



<36602428810010

<36602428810010

Bayer. Staatsbibliothek

I can u. go

Gerbert.

PRINCIPIA
THEOLOGICÆ
CANONICÆ
QUOD EXTERIOREM
ECCLESIAE FORMAM
ET GUBERNATIONEM.


AUCTORE
P. MARTINO GERBERT,


*Monacho O. S. B. e Congr. D. Blasii in Silva nigra,
Em.mi & Rev.mi S. R. E. Cardinalis DE RODT,
S. Q. R. I. Princ. & Episcopi Constant. &c. &c.
Theologo.*



PERMISSU SUPERIORUM.

—————
TYPIS PRINC. MONAST. S. BLASII. 1758.





PRÆFATIO.



Tametſi jus canonicum ſeorſim a theologia tractari ſoleat, & diſtinctam ab ea conſtituere videatur partem; illi tamen, qui rem probe ſpectarint, & theologiæ chriſtianæ ambitum perſpexerint, aliter judicabunt, meumque probabunt inſtitutum, quod partes theologiæ chriſtianæ ordine ac juſto ſyſtemate comprehenſurus, principia theologiæ canonicæ nunc tanquam ſingularem partem exhibeam, quoad ea, quæ ad exteriorẽ formam, gubernationemque eccleſiæ pertinent.

Eccleſia a primis incunabulis ſuis in immenſum excrevit corpus, quod omnes monarchias & regna mundi ſua amplitudine ſuperat. Regitur univerſum corpus hoc per eos, qui ab

a 2

apo-

P R Æ F A T I O.

apostolis, quibus CHRISTUS ecclesiam formandam commisit, constituti ac ordinati, in regimine ecclesiæ invicem succedunt, ad id arctissima unione devincti, & constricti non solum unius fidei & sacramentorum communione, verum etiam quoad exterius regimen, ordinem & disciplinam per leges & canones, legitimam judiciorum formam, forum competens ac auctoritatem coercendi delinquentes, & in officio retinendi per pœnas ac vim coactivam, plena potestate in rebus, quæ religionem & ecclesiam concernunt,

His absolvitur jus canonicum, & per amplissimum sese diffundit campum canonum & decretorum ecclesiasticorum, quibus gubernatur ecclesia a legitimis pastoribus & ministris. Proinde summe necessarium est hoc studium, non singulare canonistis, sed commune theologis & clericis omnibus, qui ecclesiastico ministerio addicuntur, ut ecclesiæ administrandæ normam addiscant. Hinc in concilio Carthagenensi IV. ad suggestionem S. AUGUSTINI sequens est constitutus canon, & in codice ecclesiæ Africanæ 18. habetur: *Ut ordinandis episcopis vel clericis ab ordinantibus placita conciliorum auribus eorum inculcentur.* Eo autem diffusius est hoc studium, quod nova simul ac vetera, si recte institutum sit, complecti debeat. Cum enim ordinem & disciplinam ecclesiæ spectet, quæ varia esse potest pro temporum ratione & circum-

P R Æ F A T I O.

cumstantiis, qui sedulo canonibus student, omnia nosse & experiri allaborant, ac imprimis veteris purioris disciplinæ ecclesiasticæ scientiam: quale studium S. CAROLO Borromæo perplacuisse PETRUS a Basilica in ejus vita L. VII. c. II. memorat: *Canonum ea scientia ipsi perjuranda erat, quæ patrum mores & acta representans ecclesiæ componendæ atque ordinandæ rationem continet. Dolens autem eos communi consuetudine tantummodo canones ad interpretandum seligi, qui ad lites judicique valent; constituit ipse, qui iis declarandis præesset, unde sacra majorum instituta, & ritus, optimumque ecclesiæ administrandæ genus hauriretur.*

Potest hoc studium aut ita institui, ac canones colligi eo ordine, quo in conciliis editi sunt, secundum seriem temporis: aut per locos communes, sedesque materiarum ac certos titulos distribui. Hæc ratio posteriore ævo præplacuit, illa primis ecclesiæ sæculis obtinuit.

Prima, quæ occurrit ejusmodi collectio, habetur in canonibus, quos apostolicos vocamus. Non defuerunt proxima ætate, idque imprimis evincere conatus est Fr. TURRIANUS in *defensione pro canonibus apostolorum*, eos revera apostolorum esse, jam ante annum CHRISTI quinquagesimum omnes sancitos. Alii eorum partem saltem apostolis & collectori S. CLEMENTI tribuunt, uti BINIUS, SIXTUS

P R Æ F A T I O.

Senensis, BARONIUS, BELLARMINUS, POSSEVINUS, ubi de his canonibus, aut de S. CLEMENTE agunt. Sed communis jam fere est eruditorum, non paucorum etiam Protestantium, Anglorum saltem, opinio, esse hanc collectionem diversarum constitutionum disciplinæ ecclesiasticæ, quæ in conciliis, aut ab episcopis priorum sæculorum sunt editæ. Neque enim unquam in numerum sacrarum scripturarum sunt receptæ, ut genuina apostolorum scripta: neque ante quintum sæculum nomine canonum apostolicorum venerunt, quando ad eos est provocatum, ceu ad *canones antiquos*, *canones patrum*, *canones ecclesiasticos*, sicuti etiam vocantur ad calcem constitutionum apostolicarum, quibus subjungi solent. Et si vocentur canones apostolici, haberi debent hominum potius apostolicorum (quales dicti sunt proximi apostolicis temporibus) ac traditionis apostolicæ, quam solebant respicere in suis decretis proximis post apostolos sæculis, & quæcunque non solum de fide, sed etiam de ritibus & externa ecclesiæ politia emergebant quæstiones ac controversiæ, eas secundum apostolicas traditiones determinare.

Fiebat id synodis, quales, secundum præscriptum & exemplum in actis apostolorum, habitas fuisse primis sæculis compertum est; & constat etiam, non pauca eorum, quæ his canonibus apostolicis statuuntur, in conciliis illorum
tem-

P R Æ F A T I O.

temporum esse transacta : veluti quod canone septimo decernitur , ne Pascha cum Judæis celebretur, quod teste EUSEBIO *hist. eccl. L. V. c. 23.* in plurimis episcoporum synodis statutum est. Ita, quod habetur canone 6. & 81. ne quis episcopus, presbyter aut diaconus sæculares curas, aut publicas administrationes suscipiat, ab antecessoribus suis in concilio episcoporum statutum fuisse S. CYPRIANUS epistola prima ad plebem FURNITANAM commemorat. Idemque S. Martyr, quod habetur c. 46. & 47. de baptismo hæreticorum, epistola celebri ad JUBAJANUM 73. a synodo sub AGRIPINO statutum fuisse testatur : & epistola 55. ad ANTONIANUM, quod de lapsis resipiscentibus ab ecclesia recipiendis canone 50. decernitur, a copioso episcoporum numero in unum conveniente, statutum esse asserit, ac EUSEBIUS idem factum in synodo Romana testatur *Lib. VI. c. 43. historiae*. Ea ad hæresin Montanistarum ac Novatianorum pertinent, quemadmodum, quæ canone 53. statuuntur, hæresin Manichæorum spectant. Unde quidem constat, canones hos non ab apostolis, sed proximis post apostolos sæculis esse constitutos, quibus hæreses istæ ortæ, ab ecclesia mox sunt rejectæ. Cum his conspirant alia ex doctoribus & historia ecclesiastica illorum temporum comperta, atque istis canonibus statuta, moribus & institutis ecclesiæ primævæ apprime congruentia.

P R Æ F A T I O.

Quare non dubitat *Guiliel.* BEVEREGIUS ex Protestantibus Anglis, hanc collectionem codicem canonum ecclesiæ primitivæ inscribere, & contra DALLÆUM CALVINI pariter sectarium vindicare: qui contendit, canones istos opus esse auctoris quinti sæculi, hæretici nescio cujus tenebrionis. THOMAS *Bruno* in judicio de canonibus & constitutionibus ecclesiæ (quod in Amstelodamensi patrum apostolicorum editione, a Jo. CLERICO curata, subnectitur laudati *Guil.* BEVEREGII operi inscripto, *Codex canonum ecclesiæ primitivæ illustratus*) altius quidem ascendit, & LEONTIUM Tripolitanum Lydiæ episcopum Arianum (ne quid de illis auctoribus ævi nostri dicam, qui canonem saltem 46. & 47. a Donatistis suppositos dicunt) vel ipsum collectorem horum canonum, vel saltem adiutorem facit; collectionem autem posteriorem facit concilio Nicæno, ad exemplum patrum concilii illius factam, & in vulgus sparsam, ex variis variorum hominum & sæculorum traditionibus, partim vestigiis virorum apostolicorum inhærentium, animo fixis, partim observatione sola & usu diutino roboratis, partim in usum clericorum scripto tandem mandatis, compactam & compaginatam. Sed eruditi & industrii viri, inter quos laudatus *Guiliel.* BEVEREGIUS consuli potest, ostenderunt, tum in antiquioribus monumentis ecclesiasticis, tum maxime conciliis œcumenicis ac Nicæno quidem passim ad hos canones respici;

P R Æ F A T I O.

spici; imprimis autem Antiocheni celebris concilii an. 341. viginti duos canones inter viginti quinque ex his canonibus esse expressos; & passim etiam in aliis conciliis, quando ad veteres canones provocatur, hos probat indigitari, licet non ita expresse, uti a sæculo quinto & deinceps, quando integra collectio celebrari cœpit, in Græca præsertim ecclesia summa auctoritate habita, & apostolis adscripta a sexto saltem sæculo. Quod parcius in occidente ac Latina ecclesia factum memoratur, vix quoad 50. priores a DIONYSIO *Exiguo* collectioni suæ insertos; quin tamen eos apostolis aperte tribuat, quamvis jam sub nomine canonum apostolicorum venirent.

Canones apostolorum, ut jam notavimus, solebant subjungi constitutionibus apostolorum, quæ etiam, canone ultimo apostolorum interpolato, referuntur inter divinas scripturas; sed constitutiones istæ aperta non solum *vobiscas*, verum etiam imposturæ continent argumenta. Nihil sanctius deberet esse in ecclesia, atque ad illius exteriorem formam & disciplinam primævam accommodatius, quam istæ constitutiones, si quod præferunt, posset ullo modo subsistere. Viden' ex ungue leonem: *Nos igitur duodecim apostoli Domini, qui una sumus, has vobis constitutiones de omni ecclesiastica forma indicimus, prasente PAULO vase electionis & coapostolo, & JACOBO & reliquis presbyteris & septem diaconis.*

P R Æ F A T I O.

L. VIII. constit. c. 4. Ita impostor ille **PAULUM** apostolum cum septem diaconis in idem concilium cogit, ex quibus **S. STEPHANUS** lapidatus est, **SAULO** consentiente neci ejus, ut vel ipse *Lib. V. c. 8.* *Constitutionum* fuerat contestatus: *Beatus JACOBUS, & Sanctus STEPHANUS* condiaconus noster, apud nos honorati fuerunt, ii enim sunt a **DEO** beatitudine donati. **S. ATHANASIUS** in epistola festali meminit διδασχῆς τῶν ἀποστόλων doctrinæ apostolorum, quam patres sanxerint legi iis, qui accedunt ad fidem, cupiuntque in pietatis verbo institui. Sed constitutionibus, de quibus agimus, hæc non congruunt, quæ episcopos potius & ecclesiæ ministros, quam catechumenos concernunt. Nec aliquid ex **S. EPIPHANII** testimonio *bar. 70. n. 10.* concludi potest, qui Audianos constitutione apostolorum abufos commemorat, additque: *Qui liber tametsi dubia apud nonnullos fidei sit, non est tamen improbandus. N. m.* in eo, quæ ad ecclesiæ disciplinam attinent, omnia comprehenduntur; neque quidquam aut in fide, ac catholica professione depravatam, aut ecclesiæ administrationi ac decretis contrarium continent. Hæc non pauci ac inter alios **ALBASPINÆUS** *Lib. I. c. 3.* & **MORINUS** de sacris ordinat. *P. II. p. 20.* de nostris, quas habemus, constitutionibus apostolicis intelligunt, censerque **MORINUS** disciplinam esse ecclesiasticam, qua orientalis ecclesia ante **CONSTANTINUM** primum
sub

P R Æ F A T I O.

sub ethnicis imperatoribus regebatur. *Primus*, ait, *eas in ordinem ex ore & mandatis apostolorum exceptas redegit, & edidit CLEMENS*; deinde *successu temporis a synodis orientis auctæ primi auctoris nomen constanter retinuerunt*. Quod de oriente dicit, nemo inficiabitur opinor, qui disciplinæ orientalis peritus, constitutiones illas legerit. Maxime si sacræ ordinationes spectentur Græcorum, quarum forma in his constitutionibus sit expressa, de qua agit MORINUS, non præcise, ut ab apostolis edita, sed ut ante 1400. annos in oriente usurpata. Conspirat simili in argumento EUSEBIUS Renaudotius, de liturgiæ orientalium origine & auctoritate agens, singulari dissertatione in capite collectionis orientalium liturgiæ, in Græca, inquit, ecclesia nihil, ut videtur, antiquius scriptum est, quod quidem ad sacros eucharistiæ ritus precesque referatur, quam ea forma, quæ ultimo constitutionum apostolicarum libro inserta est, & quam idcirco recentiores nonnulli seorsim editam, liturgiam S. CLEMENTIS appellaverunt. Verum duo maximi momenti circa illam observanda sunt. Primum est, quod etsi viris doctissimis merito iudicatum sit, constitutiones illas ante concilium Nicenum fuisse collectas, non negant tamen interpolatas illas multis in locis fuisse, nec ab hæreticis modo, quod a veterum patrum nonnullis observatum est, sed etiam a librariis. P. Augustinus TOUTTE in prævia admonitione ad catechesin V. mystagogicam S. CYRILLI Hierosolymitani, cui editioni

P R Æ F A T I O.

tioni an. 1720. paratæ immortuus est, multa in Cyrilliana liturgia communia observavit, cum ea liturgia, quæ in constitutionibus apostolicis *Lib. II. c. 57. & lib. VIII. c. 5. & seqq.* ex integro describitur: atque jam a multis observatum dicit, constitutiones apostolicas ad usum Palæstinæ & Hierosolymitanæ ecclesiæ magnam partem expressas esse: quod novis possit observationibus illustrari. **TILEMONTIUS T. II. p. 166.** in **S. CLEMENTE**, pro collectione diversorum usuum has constitutiones habet, paulatim in ecclesiis institutorum, quorum non pauci adhuc sæculo quarto non penitus usu invaluerint.

Inter Protestantes nuperrime *Philippus BARATHERIUS* singularibus dissertationibus constitutiones has jam sæculo tertio, imo secundo ineunte extitisse probat, ex precum formulis, observatione sabbati, administratione baptismi & cœnæ &c. Nec dubitat, apostolos omnino quædam scripto consignata reliquisse de externa forma, atque regimine ecclesiæ, quæ omnia in his constitutionibus collecta sint; a compilatore vero multa connexionis ergo, vel etiam ut major auctoritas apostolis conciliaretur, ficta scilicet miracula addita esse, ut si quis curate singula ponderare velit, spuria a genuinis facile distinguere possit. Adhuc longius processit *Guilielmus WHISTONUS*, qui eas circa annum **CHRISTI 64.** in secundo apostolorum concilio generali

CLE

P R Æ F A T I O.

CLEMENTI dictatas, ac per eum ad 19. episcopos totidem ecclesiarum apostolicarum, secreti ac sacri fidei cultus & disciplinæ christianæ canonis instar, missas esse, conceptas autem 40. illis diebus, quibus **CHRISTUS** post resurrectionem suam cum discipulis conversatus fuerit in monte Sion. *Ne alias CHRISTUS destituisset ecclesiam suam certo aliquo systemate legum, quibus ducatur & regatur.* Nihilominus interpolatas imo corruptas, quæ nunc circumferuntur constitutiones, & quidem a **S. ATHASIO**, impudenter dicit, alias ac genuinas sibi adinvenisse vane plaudens in *doctrina apostolorum* Arabica, Æthiopica, & Coptica nescio qua in Anglia, nunc demum reperta & ex pluteis bibliothecæ Bodlejanæ in lucem proferenda. Adversarium imprimis nactus est doctissimum *Ernestum* **GRABIUM**; qui tamen constitutiones hodiernas jam ad sæculum secundum refert, cum passim ad quintum sæculum eorum referatur compilatio ex variis scriptis facta.

Sed redeamus ad ea, quæ assertæ fidei sunt & auctoritatis, institutionesque juris canonici proprie attinent, ac primum quidem verus ex collectionibus canonum compositum. Talem *Lud. DU-PINIUS* c. 29. methodi studii theologici esse censet collectionem vetustiorum canonum, qui habentur sub nomine concilii Illiberitani. Huc porro refert quos concilium Arelatense primum pro universo occidente fecit, ac papam

SIL

P R Æ F A T I O.

SILVESTRUM rogavit, ut illos publicaret, suaque auctoritate muniret : *Placuit per te , qui majores diœceses tenes , potissimum omnibus insinuari.* Et tamen non memorantur canones isti ab ecclesia Romana adoptati fuisse, quæ primum solis canonibus Nicænis usa fuit : *Alios quippe canones Romana non admittit ecclesia ,* sunt verba INNOCENTII I. ad THEOPHILUM Alexandrinum scribentis. Et ad populum Constantinopolitanum : *Canonibus porro obsequendum esse scribimus , qui Nicææ sunt decreti , quos solos consecrari debet ecclesiam catholicam , & juxta eos judicare.* Ex iis tamen quæ ZOSIMUM & BONIFACIUM PP. patresque Africanos inter gesta sunt in causa appellationis APIARII colligitur, canones Sardicenses Nicænis junctos fuisse, sed nomine concilii Nicæni, cujus prosecutio quædam haberi potest concilium Sardicense. In concilio Chalcedonenſi legati sedis apostolicæ provocaverunt ad solum Nicænum canonem VI. expresseque LUCENTIUS edixit de canonibus concilii Cpolitani I. *Canones istius synodi in synodicalis constitutionibus non habentur.* Edidit Heinricus JUSTELLUS cum Guilielmo VOELLO 1661. ex vetustissimo codice patris sui Christoph. JUSTELLI codicem canonum Romanæ ecclesiæ, quo de ingens editoribus hisce cum PETRO de Marca exorta est contentio, quam exposuit Stephanus BALUZIUS in additione ad Lib. III. c. 3. & in præfatione opusculis PETRI de Marca a. 1681 editis, præmissa. PASCHASIUS

P R Æ F A T I O.

SIUS vero *Quesnellus* in dissertatione duodecima ad opera LEONIS codicem illum canonum negat fuisse ecclesiæ Romanæ, & de collectione, quam PETRUS *de Marca* in Rivipulensi Cataloniæ monasterio repertam putat fuisse auctoritate LEONIS M. factam, atque in occidente solam per sexaginta & amplius annos viguisse, vehementer dubitat. Nec alium putat fuisse Romanæ ecclesiæ codicem, quam quem ipse in appendice ad opera LEONIS M. ex THUANEŒ & Oxoniensi codice publici juris fecit. An vero ecclesia Romana diversis temporibus diversos canonum codices habuerit, an unum potius novis subinde augmentis locupletatum non omnino liquet. Certe DIONYSIUS *Exiguus* novam fecit collectionem sollicitatus, ut testatur a multis magna confusione offensus, qua priscus Romanæ ecclesiæ codex laboravit. Cui conformem *Franc.* PITHÆUS codicem canonum veterem ecclesiæ Romanæ edidit, ad veteres manuscriptos codices restitutum & notis illustratum Parisiis an. 1687. qui fere omnia continet, quæ in codice canonum ecclesiæ orientalis, & Africanæ habentur. Sed canones Constantinopolitani mutili sunt & Chalcodonenses tantum usque ad vigesimum octavum. Majore hic jure codex canonum ecclesiæ universæ dici potest, quam is, qui ex canonibus conciliorum orientalium solum constat, præeuntibus Nicænis, subsequenter Ancyranis, Neocæsariensibus, Laodicensibus, licet vetustioribus

P R Æ F A T I O.

ribus, Gangrensis, Antiochenis, Constantinopolitanis, Ephesinis, Chalcedonensibus. Antequam Chalcedonense tamen concilium jam habuit ecclesia orientalis codicem canonum complurimum, cum varii usque ad 96. ibi citentur *Act. IV. & IX.* Receptus deinceps etiam sæculo VII. est codex Africanus, quem DIONYSIUS *Exiguus* sub titulo *Synodi apud Carthaginem Africanorum* inseruit suæ collectioni eodem ordine & modo, quo apud JUSTELLUM & LABBÆUM habetur. Et in actis concilii VI. Carthaginensis, cui S. AUGUSTINUS interfuit, leguntur recitata fuisse concilia diversa universæ provinciæ Africae, transactis temporibus AURELII Carthaginensis episcopi celebrata.

In sequentium temporum collectionibus, quæ plerumque studio & opera doctorum privatorum sunt factæ, id habetur singulare, ut decretales etiam Pontificum litteræ infererentur aut juxta seriem temporum, aut in certas sedes secundum materias distributæ. Illud primumprehenditur in celebri DIONYSII *Exigui* collectione, qui ei decretales pontificum a SIRICIO usque ad ANASTASIUM II. inseruit. Primum autem JOANNES II. in causa CONTUMELIOSI rescribens ad consultationem CÆSARII *Arelatensis* ad litteras SIRICII P. provocat simul ac concilium Antiochenum, & canones apostolicos: quæ omnia in codice Dionysiano continebantur, unde eum sæculo sexto
in

P R Æ F A T I O.

in Galliis notum & auctoritatem nactum esse con-
jicitur. Eundem codicem ADRIANUS P.
CAROLO M. misit, auctum decretalibus ab
HILARO nempe SIMPLICIO, FELI-
CE, SYMMACHO, HORMISDA usque
ad GREGORIUM II.

Ex actis concilii Bracarenfis I. colligitur, sæcu-
lo VI. in Hispania codicem canonum extitisse,
auctoritate legali præditum, cui decretales pon-
tificum adjectæ videntur usque ad GREGO-
RIUM M., cuique postea episcopus quidam
præfationem præmisit. Sequenti sæculo inde
compendium ac breviarium canonum & decre-
talium nova methodo digestum est, in certos ti-
tulos inter se connexos. Hanc epitomen pri-
mus edidit Card. *de Aquirre* T. III. coll. concil.
Hispaniæ, & ISIDORUM *Hispalensem* illius
auctorem facit, ubi jam sæculo VI. MARTI-
NUS *Bracarenfis* pro ecclesia Hispanica novam
collectionem canonum publicavit, concinno or-
dine primum quæ episcopos & clerum, deinde
quæ laicos spectant tractans. In Africa FER-
RANDUS diaconus breviarium canonum edi-
dit ducentorum triginta duorum, summaria ex-
hibens tantum, & citans, quibus ex conciliis aut
decretalibus quæque sint repetenda: quem CRE-
SCONIUS itidem *Afer* episcopus imitatus,
novam edidit.

In oriente codex canonum, successu tempo-
ris novis conciliorum canonibus auctus est. Jo-

b

annes

P R Æ F A T I O.

annes autem SCHOLASTICUS patriarcha Cyprianus sæculo sexto, in 50. titulos secundum materias, non servato ordine temporum, revocavit decem conciliorum canones, ac postea in compendium redigens, ad singulos titulos novellas JUSTINIANI junxit, unde nomocanonem appellavit. Cujusmodi postea celebrem PHOTIUS digessit, qui nobis jus canonicum Græcorum, politiam etiam ecclesiasticam priorum ecclesiæ sæculorum sistit, & tam canones quam etiam leges circa res ecclesiasticas comprehendit.

In occidente paulatim supposititiæ decretales ingruerunt: quæ jam undique in occidente solebant collectionibus canonum adjungi, unicam si forte excipias collectionem canonum ABBO-NIS abbatis Floriacensis celebris sæculo X. ne quid dicam de collectione canonum, seu statutorum S. BONIFACII M. & Germaniæ apostoli nomen in MS. Corbejensi præferente, ubi 36. articulis circa munus episcoporum & presbyterorum in regimine ecclesiæ & administratione sacramentorum conciliorum statuta referuntur.

Sed ut de spuriiis decretalibus aliquid dicam, ejus compilerator *Isidorus* MERCATOR vulgo vocatur, seu peccator, quomodo se appellare ISIDORUS *Hispal.* humilitatis & pœnitentiæ causa, ut alii passim illis temporibus, vocat; sed auctor hujus compilationis sine injuria haud dicitur,

P R Æ F A T I O.

citur ; quem alii passim tamen Hispanum , alii
 Gallum aut Germanum esse volunt, nemo au-
 tem Italum vel Romanum. Unde constat ne-
 quaquam consciis Romanis pontificibus aut cu-
 ria Romana has spurias decretales inde a primis
 Romanis pontificibus CLEMENTE &c. esse
 procusas , ut circa judicia ecclesiastica domina-
 tum suum protenderent. ANGELRAMNUS
Metensis sæculo octavo primus earum usum fe-
 cisse memoratur, quin eas tamen allegaret, qui
 in sua causa collectionem canonum a se factam
 ADRIANO P. obtulit, in qua excerpta varia
 ex pseudo-decretalibus habentur. RICULPHUS
 vero *Mogunt.* paucis post annis eas in Francia
 publicare cœpit. NICOLAUS I. dum primus
 eas in causa RHODADI *Suessionensis*, quem e-
 piscopi Galli deposuerant, citat, fatetur esse, qui
 eas ad codicem canonum pertinere negent.
 HINCMARUS *Laudunensis* in simili causa eas
 pro se allegavit, nec ideo ab avunculo cognomi-
 ne Remensi carpitur, quippe qui veras a falsis
 discernere non posset, quemadmodum etiam
 GERBERTUS postea SILVESTER II.
 Eæ hodie omnino detectæ sunt, & pro spuriis
 passim ab eruditis agnoscuntur.

Secus olim accidit , ubi cito omnia pervase-
 runt & judiciorum formam immutarunt. Qui
 deinceps canonum collectiones fecerunt eas ado-
 ptarunt REGINO abbas *Prumensis*, BUR-
 CHARDUS episcopus *Wormatiensis*, AN-
 SELMUS episcopus *Lucensis*, IVO *Carno-*
b 2
tensis,

P R Æ F A T I O.

tenfis, DEUS-DEDIT, cujus collectio canonum MSta in bibliotheca *Vaticana* extat.

Sed omnibus palmam præripuit GRATIANUS *concordantia discordantium canonum*, communiter recepta in judiciis & scholis, ubi studium canonicum maxime in academia Bononiensi Romæ contigua maxime effervescebat, vigebarque. Tres is in partes opus suum distribuit, quarum prima *distinctionibus* centum & una principia juris pertractat, de jure divino & humano, de ordinationibus & ministris ecclesiæ, superioribus & inferioribus, & eorum qualitatibus. Altera *causas* complectitur triginta sex, de judiciis, & eorum materia, vique tam interna quam externa, quarum trigesima tertia *De pœnitentia* septem habet distinctiones. Tertia pars quinque distinctiones habet ac *de consecratione* inscribitur: de consecratione ecclesiarum exorsa, de Eucharistia, baptismo & confirmatione agit, quæ olim simul conferri solebant sacramenta. Vocatur etiam opus GRATIANI *decretum*, & ex auctoritatibus tum canonum cum SS. Patrum plurima sacra antiquitatis ecclesiasticæ monumenta complectitur præter decretales pontificum; quibus compilandis maxima deinceps opera infumta est, indeque *decreti* & *decretalium* discrimen desumitur.

Cum enim cessantibus fere synodis particularibus, aut diminuta saltem earum in judiciis ecclesiasticis auctoritate, decretales summorum pontificum

P R Æ F A T I O.

tificum augerentur, ad supplendam saltem **GRATIANI** operam compilationes variæ deinceps sunt factæ. Ac prima quidem eodem adhuc quo vixit **GRATIANUS** sæculo a *Bernardo* **CIRCA**; qua tamen aliqui faciunt duas adhuc anteriores, alteram a **BOEHMERO** in appendice decretalium editam, desinentem in **URBANO III.** alteram apud **HARDUINUM T. VI. P. II. p. 1694.** extantem, ceu appendicem ad concilium Lateranense III. continentem decretales **ALEXANDRI III.** Sæculo decimo tertio **GILBERTUS, ALANUS, Jo. GALLUS, BERNARDUS Compustellanus**, celebres sunt: demum compilator epistolarum **INNOCENTII III. PETRUS Beneventanus,** & **HONORII III. TANCREDUS.**

Quæ compilationes cum non omnes publica auctoritate essent factæ, & variæ adhuc decretales extravagarentur, **GREGORIUS IX.** in archigymnasio Bononiensi publicus antea decreti interpres, usus opera **S. RAYMUNDI de Pennafort**, vel *Peniafort*, uti in bulla **CLEMENTIS VII.** qua catalogo Sanctorum inscriptus est, vocatur, novam adornavit, non integras decretales ex more præcedentium compilatorum sistens, sed præcipua eorum capita, aut decisiones tantum. Utili tamen opera **ANTONIUS Cantius** in editione decretalium an. 1570. omissa textui subiecit, quod deinceps ab aliis est factum, multumque persæpe ad eviden-

b 3

tiam

P R Æ F A T I O.

tiam sensus facit. Laudatus BOEHMERUS in appendice decretalium collectiones duas decretalium alteram INNOCENTII IV. ex concilio generali an. 1245. alteram GREGORII X. itidem ex concilio generali Lugdunensi II. edidit. Et *Bern. de* MONTFAUCON in bibliotheca MSSorum meminit corporis decretalium ex epistolis GREGORII IX. INNOCENTII IV. & GREGORII X. sed hæc insertæ sunt a BONIFACIO VIII. libro, qui sextus inscribitur decretalium, licet quinque etiam constet libris ad modum decretalium GREGORII IX. cui Clementinæ accesserunt ex CLEMENTIS V. constitutionibus in concilio Viennensi an. 1311. Quibus proinde magis omnes assurgunt, quam extravagantibus JOANNIS XXII. extravagantibus communibus. Quibus sub SIXTO V. additus est liber VII. decretalium constitutionum apostolicarum ad plenam & perfectam juris apostolici cognitionem.

Subjungi solent etiam institutiones juris canonici *Jo. Pauli* LANCELOTI, quod fuit primum juris decretalium compendium, plerumque verbis decretalium compositum, jussu quidem PAULUI IV. conscriptum, nunquam tamen publica auctoritate & vi legis donatum; licet a PAULO V. corpori juris canonici illustrationis gratia annexum sit, quatuor tantum non ut decretales quinque constans libris, facili
iori

PRÆFATIO.

liori methodo, quam nos fere secuti sumus in his theologiæ canonicæ principiis, accommodatis tamen ac inflexis paululum ad antiquum & præsentem rerum ecclesiasticarum statum, quem penitus subruere conati sunt Protestantes.

Unde incipiendum nobis mox fuit de jure sacrorum, ut ecclesiæ auctoritatem suam ac legitimam vindicaremus potestatem. Quoniam vero singulas theologiæ partes in systema rede-gimus, & per partes distribuimus, accurata postulavit methodus, ut quæ aliis partibus morali præsertim sacramentali & liturgicæ essent propria, ea suis locis tractaremus. Quod sine invidia fieri potuit, & cavillationem invidiamque juris pontificii hostium propulsat, qui confusionem hic carpunt, tum materiarum cum jurium, quasi forum ecclesiasticum in alienam messem falcem immittat. Non parum id negotii fecit, in discernendis præsertim materiis, quæ ad theologiam moralem pertinent, forumque internum ab externo a multis sæculis separatum, medio loco exhibendo principia theologiæ canonicæ, præmissis principiis theologiæ moralis, subsequaturis propediem principiis theologiæ sacramentalis & liturgicæ.

SUM-



S U M M A R I A.

PRINCIPIA THEOLOGICÆ CANONICÆ.

SECTIO I. DE JURE SACRORUM.

Caput I.

De distinctione ecclesiasticæ potestatis a civili.

§§. 1. *Principia theologiæ canoniciæ.* 2. *Quoad legitimam ecclesiasticam potestatem.* 3. *A politica distinctam.* 4. *Circa exteriori formam ac regimen ecclesiæ.* 5. *Non juribus tantum collegialibus.* 6. *Sed plena potestate divinitus ecclesiæ competentem.* 7. *Neutiquam principibus jure territoriali.* 8. *Aut episcopali.* 9. *Cum quo ad religionem sacræ potestati profana subfit.* 10. *Succurrit tantum protectione & executione canonum.* 11. *Estque suum tribunal personis ecclesiasticis.* 12. *Et rebus causisque sacris.*

Caput II.

De hierarchia ecclesiastica.

13. *Ordo hierarchicus a CHRISTO institutus.* 14. *Ad formam quadantenus* 15. *Urbe Romani imperii.* 16. *Præ aliis sedibus patriarchalibus.*

S U M M A R I A.

fibus. 17. Relationibus undique ad Romanam ecclesiam factis. 18. Et appellationibus. 19. Vicariis & legatis pontificiis ubique institutis. 20. De cardinalibus. 21. Patriarcharum auctoritas. 22. Archiepiscoporum. 23. Quorum insigne est pallium. 24. Episcoporum eximia in ecclesia potestas. 25. Cum senatie clericorum seu capitulo. 26. Chorepiscopi. 27. Ac vicarij episcoporum. 28. Et alia dignitates. 29. Parochi. 30. Religiosi clerici. 31. Et prelati regulares.

Caput III.

Quales esse, & quomodo eligi ac constitui debeant sacrorum prelides.

32. Necessaria ecclesie praesulum dotes. 33. Quas ecclesia requirit & attendit. 34. In electionibus legitimis. 35. Vel postulationibus praetatorum. 36. Cura de successore dando sede vacante. 37. De translationibus de una in alteram sedem. 38. De renuntiationibus. 39. De supplenda negligentia in collationibus.

SECTIO II.

DE REBUS, ET BONIS ECCLESIASTICIS.

Caput I.

De rebus sacris ad forum ecclesiasticum pertinentibus.

40. Officium divinum ac liturgia. 41. Sacramenta. 42. Nominatim matrimonium, ejusque impedimenta. 43. De quibus ad ecclesiam pertinet judicium. 44. Pro diversitate impedimentorum. 45. Et indissolubili matrimonii vinculo.

S U M M A R I A.

Jo. 46. Ecclesiæ ac alia loca sacra. 47. Eorumque immunitas. 48. Res alia sacra, dies festi & jejuniorum. 49. Sepultura.

Caput II.

De bonis ecclesiasticis.

50. Sacris ministris debetur sustentatio. 51. Ac bona largissime in ecclesiam sunt profusa. 52. Ex oblationibus fidelium. 53. Primitiis ac imprimis decimis. 54. Stipendiis. 55. Liberalitate fidelium, & principum. 56. Collatis etiam dominiis & principatibus. 57. Cum variis immunitatibus.

Caput III.

De canonico usu bonorum ecclesiasticorum.

58. Ante divisionem bonorum, penes quos cura eorum fuerit. 59. Usus & distributio bonorum ecclesiasticorum. 60. Divisio eorum, & erectio beneficiorum. 61. Pensiones. 62. Exactiones & distributiones post factam bonorum divisionem. 63. Legitimus bonorum ecclesiasticorum usus. 64. Et administratio, non dominium. 65. Usus moderatus bonorum, non luxuriosus. 66. Ne alienentur, aut diripiantur. 67. Aut aliis modis in commercio & contractibus ladantur. 68. De negotiationibus clericorum. 69. Peculium clericorum. 70. Testamenta. 71. Spolia, annata.

Caput IV.

De beneficiis.

72. Beneficiorum varia genera. 73. Ordinatio facta ad certas ecclesias & beneficia. 74. Quorum collatio ad episcopos spectat. 75. De expectativis, reservationibus &c. 76. Jus

S U M M A R I A.

76. *Jus patronatus.* 77. *Juralitate beneficiorum.* 81. *De ra principum circa beneficia.* 82. *De unione beneficiorum.* 78. *Institutio ac investitura.* 83. *De locis piis.* 79. *De residentia.* 80. *De plu-*

Caput V.

De cura ecclesiæ circa causas civiles, & sæcularia judicia.

84. *Ecclesia jurisdictionem temporalem non arrogat.* 85. *Licet ipsi principes causas sæculares commiserint judicandas.* 86. *Et proprium officium habeat circa personas afflictas.* 87. *Et miserabiles.* 88. *Causasque etiam publicas.* 89. *Alias interdictis negotiationibus secularibus.*

SECTIO III.

DE JUDICIIS, CRIMINIBUS, ET POENIS ECCLESIASTICIS.

Caput I.

De judiciis ecclesiasticis

90. *De judice competente.* *sententia, re judicata & ap-*
91. *Ac judicio.* 92. *pellatione.* 94. *Varia ecclesiæ*
De litis contestatione. 93. *De praxis.*

Caput II.

De criminibus.

95. *Antiqua & recentior disciplina circa crimina.* 96. *98. Tribunal inquisitionis.* 99. *De schismaticis.*
De infidelibus. 97. *De hære-* 100. *De apostatis.* 101. *De Si-*
monia.

S U M M A R I A.

monia. 102. *Varii generis.* 103. *Circa dotes beneficiorum & ordinū religiosorum.* 104. *De laudabilibus consuetudinibus.* 105. *De locatigne beneficiorum & venalitate magisterii docendi.* 106. *Pœnia Simoniacorum.* 107. *De homicidio voluntario & casuali.* 108. *De adulteriis &c.* 109. *De raptoribus &c. furtis, usuris.* 110. *De crimine falsi.* &c. 111. *De coercitione clericorum præsertim ob neglectum muneris sacri.* 112. *De delictis personarum ecclesiasticarum.* 113. *De excessibus prælatorum & subditorum &c.* 114. *De privilegiis & excessibus privilegiatorum.*


Caput III.

De pœnis ecclesiasticis.

115. *De purgatione canonica, & vulgari.* 116. *De injuriis, & damno dato.* 117. *De pœnis.* 118. *De pœnitentiis & remissionibus.* 119. *De censuris.* 120. *Ac primum excommunicatione.* 121. *Quibus sit infligenda.* 122. *Et ob quales causas.* 123. *De excommunicatione minori.* 124. *De suspensione aut depositione clericorum.* 125. *De communione laïca & peregrina.* 126. *De irregularitate in pœnam.* 127. *De interdicto.* 128. *Ejusque moderamine.* 129. *De legitimo ordine in censuris infligendis.* 130. *Et absolutione ab iisdem.*



PRINCI-



PRINCIPIA THEOLOGICÆ CANONICÆ.

SECTIO I. DE JURE SACRORUM. CAPUT I.

*De distinctione ecclesiasticæ potestatis
a civili.*

§. I.



Principiis theologiæ cano- Principia
nicæ ea proprie com- theologiæ
prehendimus, quæ ad canonicæ,
exterio- rem formam
gubernationemque ecclesiæ perti-
nent personasque ac res sacras, sa-
crisque contextas.

A

Igi-

Igitur spectatur a nobis hic præcise cœtus ecclesiastici status, directio, & conservatio exterior: quod proprie *jus canonicum* dicitur seu *ecclesiasticum*, circa personas & res ecclesiasticas. Quemadmodum enim homo duabus constat partibus corporea seu animali, & spiritali; ita respublica duabus continetur societatibus sacra nimirum, & politica, quarum hæc præsentis vitæ, illa æternæ res curat, & ecclesia dicitur, jam post CHRISTUM ultra omnia regna mundi in toto orbe diffusa; cum prius in singularibus familiis & societatibus, ac fere una in republica Hebræorum contineretur, legibus divinis adstricta, sub eorum regimine, qui a DEO ad hoc instituti sunt & ordinati. Has eo nomine dicimus personas sacras seu ecclesiasticas; res autem sacras vocamus, quæ ad easdem personas sacras & ecclesiam pertinent, circa exteriorem ejus gubernationem, judicia & actiones ad eundem finem.

Hinc eas nos hic materias omnes excludimus, quæ ad jus civile pertinent directe; indirecte autem tantum ad theologiam, secundum hodiernam disciplinam ad forum internum conscientiæ, qui est amplissimus theologiæ moralis & casuisticæ campus. Quoad res autem sacras eas solum huc revocamus, quæ ad exteriorem formam & gubernationem ecclesiæ ac hierarchiam sacram pertinent, qui in nostro systemate theologico id agimus, ut partes theologiæ inter se discernantur & ordinentur. Separamus igitur etiam ea, quæ ad liturgica pertinent in sacramentis ac ritibus disciplinaque ecclesiæ, quatenus aliter considerantur, quam ad formam ac gubernationem exteriorem ecclesiæ.

Hoc

Hoc mihi facere licuit, qui universas theologiae partes seorsim dispono; cum qui praecise jus canonicum tractant, multas miscere res alias tum civiles cum theologicas necesse habuerint, quatenus ad jus canonicum quodammodo innectuntur & principiis theologis innituntur. Recte enim J. O. GERSONIUS observavit, *Recommen-* quod *canones, si bene inspiciamus, non sint dat. licen-* nisi *conclusiones elicita vel illata ex principiis tiando-* theologis, id est, ex evangelio & aliis libris *rum in* canonicis per illos, quibus dicit CHRISTUS: *decretis.* Qui vos audit, me audit. Hinc quivis conjiciet, rationemque colliget; quare in principiis theologiae christianae peculiarem partem constituerim, principia theologiae canonicae ad exteriorem formam gubernationemque ecclesiae circa personas ac res sacras sacrisque connexas, res nimirum ac bona hujus mundi quatenus personis sacris ac ecclesiae sunt propria.

§. II.

Distincta & toto caelo diversa est Quoad le-
sacra a politica respublica; ac legiti- gitimam
ma potestas ecclesiastica est penes ecclesiasti-
eos, quos ecclesiae moderandae praestatem.
fecit CHRISTUS, sacrumque in-
stituit ministerium ac hierarchiam.

Quemadmodum olim Judaicae reipublicae forma theocratia, ita christianae ecclesiae forma christocratia dici potest, cujus caput supremum & rex CHRISTUS est; eo tamen discrimine, quod mutuo sibi implicita fuerit sacra & politica res in eadem una republica; cum ecclesia christiana per omnia regna mundi

Luc.
XXIII. 2.

diffusa sit, quæ est ac vocatur regnum CHRISTI seu cœlorum haud raro in evangelio, quia non est de hoc mundo, ut CHRISTUS PILATO est contestatus: cum hinc invidiam conflare vellent Judæi CHRISTO, quasi cæsaris potestatem imminutam vellet ac destructam: quemadmodum etiam EUSEBIUS ex HEGESIPPO refert, DOMITIANUM tantopere in christianos seviisse, quod imperio & majestati suæ infestos crederet; a persecutione autem cessasse, cum ex cognatis CHRISTI audisset, non esse terrenum ac temporale regnum, sed cœleste & angelicum.

Lib. III.
c. 20.

In hoc aberrabant Judæi circa MESSIAM, cum regnum temporale instauraturum persuasi, ut vel inde pateat, quam pervulgata de regno MESSIÆ fuerit persuasio, quod in veteri testamento prædictum, in novo est institutum; quod CHRISTUS dicit intra nos esse. Quemadmodum vero ad societatem civilem nascuntur homines per generationem carnalem, ita in regnum CHRISTI per regenerationem spiritualem, non solum interius ad regnum & hæreditatem æternæ vitæ, sed etiam exterius ad cœtum ecclesiæ ac regnum CHRISTI in hoc mundo, quod non est de hoc mundo.

Luc.
XVII. 20.

Jo. XX.
21.

Id a CHRISTO cœptum per apostolos est dilatatum, & in toto orbe constitutum, dicente eis CHRISTO: *Sicut me misit Pater, ita ego mitto vos.* Eadem auctoritate instructos ac vicarios suos apostoli post se reliquerunt communi mortis fato functi, non sola verbi divini prædicandi & sacramenta ministrandi, sed etiam ecclesiam gubernandi potestate plenaria concredita. Cujus rei luculentissimum habetur in primæva ecclesia documentum, ejus nimirum independentiæ ab omni politica potesta-

testate, qua invita coaluit, & excrevit suo vi-
gore, & auctoritate eorum, quos CHRISTUS
& apostoli regimini præfecerunt.

Unde patet, qua injuria hodie Pseudo-po-
litici ac universi Protestantes regnum hoc
CHRISTI ceu inimicum & adversum po-
testati politicæ statuant, audentque hoc re-
gnum multo nobilissimum præstantissimumque
subjicere regno politico, ne status in statu in-
stituatur societati humanæ infestus, volunt-
que ecclesiam omni superioritate ac dominio
privatam; secus ac primitus fuit, seipsa sub-
sistens contra omnes adversas sæculi potesta-
tes; suis legibus, suisque hierarchis guberna-
ta, non solum doctoribus & auditoribus con-
stans; sed imperantibus etiam & parentibus
seu subditis fidelibus; non quidem fastu, vel
armis mundanis, sed non ideo nullis, quin lon-
ge fortioribus virtutis DEI. Nam, inquit 2. Cor. X.
apostolus, *arma militiæ nostræ non carnalia* 4.
*sunt, sed potentia DEO ad destructionem mu-
nitionum &c.* CHRISTUS suos ita in-
stituit, ne abusi sua hac potentia fastum & *Matth.*
dominatum mundanum imitarentur; hinc suis XX. 25.
prohibuit *κατακυριεύειν*, abuti dominio. Et *Marc. X.*
PETRUS magistrum secutus seniores con- 42.
senior ipse monet: *Pascite qui in vobis est* 1. Petr. V.
*gregem DEI providentes non coacte, sed spon-
taneæ secundum DEUM: neque turpis lu-
cri gratiæ, sed voluntarie, neque ut domi-
nantes (κατακυριεύοντες) in cleris, sed for-
ma facti gregis ex animo.* Verum est apud
LUCAM haberi simplicem vocem *κυριεύειν*. *Luc. XX.*
Sed in eodem exemplo, quo CHRISTUS 25.
fastum mundanum in suis voluit damnare, hu-
militati & modestiæ christianæ adversum: di-
xit autem eis: *Reges gentium dominantur*
A 3 eorum,

- eorum, & qui potestatem habent super eos, benefici vocantur. Vos autem non sic: sed qui major est in vobis, fiat sicut minor.
2. Cor. X. Ita apostolus seipsum commonstrat Corinthiis:
1. Ipse autem ego PAULUS obsecra vos per mansuetudinem & modestiam CHRISTI, qui in facie quidem humilis sum inter vos. Nihilominus sua etiam novit uti potestate, & idem alios facere voluit. Hinc a Mileto Ephesum vocans majores natu ecclesiæ monet:
- Act. XX. Attendite vobis, & universo gregi, in qua
17. vos Spiritus sanctus posuit episcopos regere ecclesiam DEI. Et TIMOTHEUM monet:
2. Timot. Argue, obsecra, increpa in omni patientia.
IV. 2.

Hom. 4. in
illa Isaia
verba: Vi-
di Domi-
nium &c.

Est hoc proprium ad imitationem CHRISTI ministris ecclesiæ; quin tamen aliquid de vigore evangelico remittant; ac se noverint multo nobiliori in regna clavum tenere quam principes hujus sæculi. Ille quidem oportune, ait S. CHRYSOSTOMUS, ea, quæ sunt in terris sortitus est administranda: ceterum sacerdotii jus e supernis descendit: quæcunque enim ligaveritis &c. Regi ea, quæ hic sunt, commissa sunt, mihi cælestia: mihi cum dico, sacerdotem intelligo. Itaque cum videris sacerdotem indignum, ne traducas sacerdotium. Non enim oportet damnare res, sed eum, qui re bona male utitur: quandoquidem & JUDAS proditor fuit, verum non ob id accusatur ordo apostolicus, sed illius animus: nec crimen est sacerdotii, sed malum animi. Regi corpora commissa sunt, sacerdoti anima. Rex residua pecuniarum remittit, sacerdos autem residua peccatorum. Ille cogit, hic exhortatur. Ille necessitate, hic consilio: ille habet arma sensibilia, hic arma spiritualia: ille bellum gerit cum Barbaris, mi-
hi

hi bellum est adversus demones. Major hic principatus, propterea rex caput submittit manui sacerdotis, & ubique in veteri scriptura sacerdotes inungebant reges. Hinc, si velint, colligant Protestantes, quomodo non coactivum, sed suasivum sit ecclesiæ regimen, nimirum non temporali aut corporali subactione, sed moderatione potestatis sacræ juxta mansuetudinem & humilitatem CHRISTI.

Suadere quippe est æquius, quam cogere:

Magis nobis convenit, & illis item

Sociare nitimur quos Numini.

ut canit S. GREGORIUS NAZ. carmine de vita sua. Quam necessarium autem idem duxerit subditorum & ad regimen propositorum ordinem, disci potest ex sermone ejus primo de sacerdotio..

§. III.

Quemadmodum olim in veteri testamento Levitarum ordo sacerdotalis singularis fuit, ita clericorum in novo testamento est a laicis distinctus, qui sacris præfunt, & ecclesiæ gubernacula tenent. A politica distincta.

Multa hodie ultro citroque inter ipsos etiam disceptantur Protestantes, an ad reipublicæ sacræ Judæorum synedrii, synagogæ, aut scholæ Judaicæ formam efformata sit ecclesia quoad gubernationem externam. Fuit in veteri testamento summus pontifex, sacerdotes & Levitæ, quemadmodum in hierarchia ecclesiastica catholicorum clerus sacer est distributus, usque ad centrum unitatis ac sacro-

rum præsidem Romanum pontificem, reliquis subordinatis in regimine exercendo, distincto clericorum ordine a laicis, qui subditorum locum sustinent. Ubi etiam, ut postea videbimus, ipsum Romanum imperium formam quamdam præbuit, ad quam effectum est ecclesiæ regimen.

Inter Protestantes autem, Anglos præsertim non pauci formam Judaicam agnoscunt JAC. USSERIUS, HERR. BODUELLUS, GEORG. HICKESIUS, ex nostris autem imprimis BELLARMINUS, ut nihil dicam de DIODORO VIRGILIO, CAROLO SIGON. & quos alios citat COMPEGIUS VITRINGA; qui tamen hic synagogæ potius formam esse vult in iis, quibus a templo discrepat. Jo. SELDENUS rempublicam christianam cum synedrio comparans ad S. IGNATII epistolam ad Tral-
 lianos, & SYNESII epistolam 57. provocat. Quæ sententia propius ad eam accedit, qua cum ecclesiæ potius ad templi, quatenus cum synagoga haud raro confunditur, forma composita fuerit, ac simul etiam synedrium complectitur. Quo sensu SIXTUS V. in constitutione L. utitur ad cardinalium numerum septuagesimum determinandum: *Ut ita, orditur constitutionem, veteris synagogæ figura sanctæ & apostolicæ veritati respondeat.* S. CLEMENS ROM. hoc late ducit argumentum ex veteri testamento, ut Corinthios rebelles potestati sacræ ad subjectionem adduceret, & omnes ad suum revocaret ordinem: *Summo quippe, inquit, sacerdoti, sua munia tributa sunt; & sacerdotibus locus proprius est assignatus; & Levitis sua ministeria incumbunt; homo laicus præceptis laici*

*De Synag.
 gog. vet.
 proleg. c. 2.*

*De Syned.
 vet. Hebr.
 L. I. c. 14.*

*Bullar.
 Cherubin.
 T. II.*

*Epist. I.
 n. 40, 41.*

laicis constringitur. Unusquisque vestrum, fratres! in suo statu gratias DEO babeat, in bona conscientia degens, non transgrediens præscriptam muneris sui regulam, in honestate. Sed paulo post propius rem repetit ab ipsa CHRISTI institutione, secundum veterem tamen normam. *Missus igitur est, ait, Ib. n. 42.* CHRISTUS a DEO & apostoli a CHRISTO: & factum est utrumque ordinatum ex voluntate DEI. Itaque acceptis mandatis, & certo persuasi per resurrectionem Domini nostri JESU CHRISTI, & in fide confirmati per verbum DEI cum S. Spiritus plenitudine ac securitate, egressi sunt annunciantes, adventurum esse regnum DEI. Prædicantes igitur per regiones ac urbes, primitias earum, spiritu cum probassent, in episcopos & diaconos eorum, qui credituri erant, constituerunt. Neque hoc nove: a multis enim temporibus de episcopis & diaconis scriptum fuerat. Sic enim alicubi dicit scriptura: *Is. L. X.* Constituam episcopos eorum in iustitia, & diaconos eorum in fide. Deinceps institutionem CHRISTI, MOYSIS & apostolorum conjungit ob eundem finem pacis mirum & ordinis in ecclesia. *17.*

S. CLEMENS ALEX. multa ex hoc sermone cognominis Romani excerpit & describit libro IV. Stromatum. Alibi autem refert *Lib. Quis* de S. JOANNE, eum cum post tyranni *dives* (DOMITIANI) obitum e Patmo insula *vetur* Ephesum rediisset a vicinis quoque gentibus rogatum fuisse, partim quidem ut episcopos constitueret, partim ut integras ecclesias disponderet & formaret, partim etiam ut unumquemque eorum, quos Spiritus designaret in clerum, cooptaret. Unde quidem patet, quam

*De pro-
script. L.*
41.

inique hodie Protestantes huic distinctioni ordinis refragentur, ut sacerdotii ac hierarchiæ jura laceſſant & confundant, pariter ac jam olim TERTULLIANUS in hæreticis vituperavit: *Alius hodie episcopus, cras alius: hodie diaconus, qui cras lector: hodie presbyter, qui cras laicus: nam & laicis sacerdotalia munera injungunt.* Sic sacra & profana miscere, illa his subjugare non pudet, contra perpetuam ecclesiæ faciem & formam primitivam, qualem nobis describunt eorum temporum auctores omnes; & in nullo magis occupantur argumento SS. CLEMENS ROMAN. IGNATIUS, POLYCARPUS, CYPRIANUS; & passim testimonium præbent, HERMES, JUSTINUS M. CLEMENS AL. TERTULLIANUS, & si qui alii sunt eorum temporum auctores.

§. IV.

Circa ex-
teriorem
formam
ac regi-
men ec-
clesiæ.

Licet latissime se diffundat sacra potestas quoad fidem & mores vitamque christianam, quatenus tamen formam exteriorē & gubernationem ecclesiæ spectat, proprie constituit jus ac theologiam canonicam.

Jus canonicum novum a RAYMUNDO de PENNAFORT compilatum, cujus hodie est in Romana ecclesia usus, orditur a titulo de summa Trinitate, & fide catholica; sed his paucissimis delibatis, mox ad titulos de constitutionibus & rescriptis &c. transgreditur, quæ proprie sunt hujus loci, legibus sacris

sacris contenta, quæ canones vocantur; fidei autem capita, *symbola* inde a prima ecclesiæ ætate sunt dicta.

Canones etiã ipsi hic considerantur quoad externam ecclesiæ disciplinam, quoad forum externum, hodie maxime distinctum a foro interno: quod pœnitentiæ vocatur, & ad causas conscientiæ ac peccata omnia se extendit contra jus naturæ, divinum, & humanum, atque ad theologiam moralem & casuisticam refertur, non canonicam, uti ea proprie sumitur, definitur, restringiturque ad ea, quæ ad exteriorem formam gubernationemque ecclesiæ pertinent circa personas, ac res sacras sacrisque connexas: quæ sunt objectum, & principia istæ conficiunt theologiæ canonicæ.

Ea olim latius patuit, quam hodie, quando externum forum ab interno magis est separatum, demtaque est cavillandi occasio, quasi ecclesiæ omnia ad se trahat sub specie rei spiritualis ac peccati. Quo tamen nomine potestas civilis potius gratias habere debet potestati sacræ, quod etiã religionis nomine scelerum impetum cohibeat. Cujusmodi saluberrimas ecclesiæ leges attulimus in principiis theologiæ moralis; deinceps ea prosequemur, quæ regimini ecclesiæ unice sunt propria, ac disciplinam ecclesiæ spectant, in qua soli ecclesiæ competit jus ac potestas legislativa, plena semper auctoritate exercita, frustra hodie demum obstrepentibus Protestantibus.

Nihil dicam de legibus sacris in scriptura contentis non evangelio solum, & epistolis apostolicis, sed etiam illis, quas ecclesia ex veteri testamento adoptavit: qua ratione paulo ante formam regiminis sacri ad normam veteris

Hebr. VII.
12.

Deuter.
XVII. 8.

1. Cor. VI.
1.

Vid. Ch.
Pfaf. Ori-
gini juris
eccl. c. 2.
art. 2. n.
888.

Act. XV.
28.

Ih. v. 41.

teris ordinis Levitici esse effectam intelleximus : & tota lex moralis modo etiam perfectiori ad legem novam est translata , quod apostolus ad Hebræos etiam innuit : *Translato enim*, inquit , *sacerdotio , necesse est , ut & legis translatio fiat ;* ut habetur in c. *Translato* de constitutionibus ; *Cum enim utriusque testamenti sacerdotia ab eodem DEO sub eadem sponsione data fuit , necesse est , ut quod de uno dicitur , etiam de altero intelligatur.* Ita autem in veteri lege habetur : *Si difficile & ambiguum apud te iudicium esse perspexeris , & iudicium intra portas tuas videris verba variari , venies ad sacerdotes & ad iudicem , qui fuerit illo tempore , qui iudicabunt tibi iudicii veritatem , & facies quodcumque dixerint.* Hinc apostolus arguit Corinthios , quod non ad hoc iudicium recurrant fideles : *Audet aliquis vestrum habens negotium adversus alterum , iudicari apud iniquos & non apud sanctos ?* Unde ipsis adversariis nostris non diffidentibus *audientia episcopalis* originem traxit , & fuit frequentata sub ethnicis , & christianis principibus in causis etiam sæcularibus , quanto magis in sacris , ubi plenam potestatem sibi soli semper vindicavit ecclesia , præeuntibus apostolis imprimis luculento argumento circa legalia , constitutione ac rescripto solemni edito : *Visum est Spiritui sancto & nobis , nihil ultra imponere vobis oneris &c.* Et paulo post de D. PAULO refertur : *Perambulabat autem Syriam & Ciliciam confirmandus ecclesias : præcipiens custodire præcepta apostolorum & seniorum.*

Semper autem deinceps id sibi sumsit auctoritatis ecclesia , ut leges & canones præscriberet :

ret : cujusmodi antiquissimi habentur apostolici, licet non ab apostolis ipsis editi, sed a primis conciliis & traditione apostolica, ut innuit JUSTINIANUS. Suntque ex Protestantibus, etiam qui sæculo secundo aut certo ineunte tertio collectos dicant. Inter quos GUIL. BEVEREGIUS eos edidit cum erudito commentario sub titulo: *Codex canonum ecclesie primitiva*, atque collectionem a S. CLEMENTE ALEX. factam conjicit. Ex illis autem & infinitis deinceps subsecutis canonibus patet, non liberæ observantiæ, sed necessitatis fuisse ac districtæ legis sub gravissimis pœnis intentatis, spiritualibus illis quidem, sed corporalibus ac ipsa mortē durioribus: quamvis nec hæ defuerint ab ipsis apostolis inflictæ, mortis a PETRO ANANIÆ & SAPHIRÆ, cæcitatē a S. PAULO ÆLIMÆ mago, & traditionis Satanæ incestuoso apud Corinthios; quibus etiam minatur: *Iis qui ante peccaverunt, & ceteris omnibus, quoniam si venero iterum non parcam.* Not. VK
c. sua
2. Cor.

§. V.

Nihilominus varia commentū Protestantē, ecclesiam legitima sua potestate spoliata volunt, vix juribus quibusdam collegialibus a quibusdam admissis, & legibus conventionibus confederationeque disciplinæ, saltem sub statu ecclesiæ pressæ.

Non juribus tantum collegialibus.

Quod si in originem ecclesiæ indagemus principium illius & auctorem DEUM ipsum deprehendimus a primordiis mundi & institutione legis

Matth.
XXVIII.
18. &c.

Jo. XX.
21.
Matth.
X, 1.
Luc. X.
12.

Origin.
jur. eccl.
c. 4. a. 2.

legis Mosaicæ ; a CHRISTO autem *θεωπῶς* in lege evangelica , qui utique plenissima potestate , DEUS simul & homo a Patre missus ac instructus fuit circa ecclesiam proprio sanguine partam : *Data est mihi* , ita apostolos alloquitur , *omnis potestas in cælo & in terra. Euntes ergo docete omnes gentes baptizantes eos in nomine Patris & Filii & Spiritus sancti : docentes eos servare omnia , quaecunque mandavi vobis. Et ecce ego vobiscum sum omnibus diebus usque ad consummationem sæculi.* Hæc apostolis suis denunciavit CHRISTUS , quos eadem instruxit potestate ut jam dixi : *Sicut me misit Pater, ita ego mitto vos :* Quos solemniter vocavit & instituit : eisque alios LXXII. associavit : *Et misit illos binos ante faciem suam , in omnem civitatem & locum , quo erat ipse venturus. Et dicebat illis : messis quidem multa , operarii autem pauci.* Hoc dicebat comparatione totius mundi , per quem universa ecclesia erat dilatanda . Quod utique fieri debuit per eos , qui jam antea ad hoc munus erant ordinati , leges etiam præordinatæ & plena potestas data , antequam societas ecclesiastica coaluerit , sacris initiandis , initiatos regendi , ligandi & solvendi , hoc est , decidendi determinandique , quidnam licitum esset quid secus , si vel ipsum CH. PFAFFIUM audiamus ; qui tamen ecclesiam vix nomine collegii dignatur , in quod coire licuerit , ibique cultui divino vacare , atque dein circa administrationem disciplinæ collegialis ordinemque in conventu servandum per modum pacti , per modum conventionis , per modum confederationis leges ecclesiasticas condere , ad quas servandas omnes se sua sponte obligent poenisque etiam ,

etiam, quas, *inquit*, tantisper, sensu depurato, ita nuncupamus, sese ita hætenus subjiciant, ut, si ea, haud luere velint, collegio dein exigantur, cum alias omnia sursum deorsum ruitura essent. Recenset deinde jura hæc collegialia, constitutionem ministrorum, & ordinem eos in cœtum recipiendi, item cœremoniarum omnium, quæ cultum publicum conficiunt, administrationem bonorum ecclesiasticorum, judicia ecclesiastica, ubi, per compromissum, res controversa ut amicabiliter transigatur, ad personas ecclesiasticas decisio quætionis controversæ devolvitur, disciplina pœnitentialis externa, seunctio item a cœtu eorum, qui contra confœderationem peccant, ab omni tamen vi externa & coactioni alienam, & quæ sunt hujusmodi.

Ita sibi blanditur multa ecclesiæ tribuisse; & certe plus aliquid indulgit, quam alii; qui omnino omni jure spoliant ecclesiam, & principi transcribunt, ut videbimus. Inter quos J. HENR. BOEHMERUS necessitate priorum sæculorum ecclesiæ sub persecutoribus pressæ inductus, disciplinæ quandam confœderationem agnoscit, mutua conventionem receptam; circa omne pietatis officium, firmatum & stabilitum per severitatem quandam castigatricem, ut rem definit singulari dissertatione tertia inter dissertationes duodecim juris ecclesiastici antiqui ad PLINIUM secundum & TERTULLIANUM. Ubi ex PLINIO secundo ethnico nimirum homine nomen & rem disciplinæ hujus confœderatæ sumendam potius duxit, quam ex institutione CHRISTI & apostolorum, qui plena auctoritate constituendam regendamque susceperunt

1. Cor.
XII. 28.

Ephes. IV.
11.

Orig. eccl.
c. I. art. 2.
n. d.

Orig. eccl.
c. IV. a. 2.

perunt ecclesiam, & suis successoribus pariter transmiserunt; quemadmodum usque ad præsentem diem perpetuo sibi in unitate & communione ecclesiæ succedentes ecclesiam gubernarunt secundum primam CHRISTI institutionem. *Et quosdam quidem posuit DEUS in ecclesia primum apostolos, secundo prophetas, tertio doctores, deinde virtutes, exinde gratias curationum, opitulationes, gubernationes, genera linguarum, interpretationes sermonum. Et ipse dedit quosdam quidem apostolos, quosdam autem prophetas, alios vero evangelistas, alios autem pastores & doctores ad consummationem sanctorum in opus ministerii, in edificationem corporis CHRISTI: donec occurratur omnes in unitatem fidei.* Unde patet tamdiu ministeria hæc & virtutes esse debere in ecclesia, donec omnes occurramus in unitatem fidei usque ad consummationem sæculi; quod inficiari non possunt quoad unam partem saltem adversarii, scilicet perpetuos sacri cœtus ministros, pastores & doctores, *Sine quo, ut ait PFAFFIUS, ecclesia omnino subsistere nequit.* Et tamen, secundum conceptum suum collegialem, a communitate potestatem in episcopos apud nos catholicos transfusam esse vult, ex pacto demum & conventionem ecclesiam repræsentativam agnoscens; quam meram usurpationem esse contendit BOEHMERUS episcopis jam assuetis dominatui, quem sub imperatoribus ethnicis ex disciplinæ confederatione exercuerint; PFAFFIUS autem aliquid amplius indulgere volens, quod una manu dat, altera iterum aufert. *Atque, ait, hæc jura ista collegialia sunt, quæ collegio & societati christiana, quam ecclesiam nuncupant, non solum*

solum ex natura rei, sed & exemplo veteris ecclesiae, quæ sub imperatoribus ethnicis floruit, conveniunt, qui quippe pro rei ipsius, uti jamjam diximus, exigentia in libertatem civium, quam in cætum civium coituri ii sibi reservaverant, tyrannico quodam ausu hand involaturi privilegium hoc collegio lubentes meritoque permisere. At aliter hodie se res habet, ubi imperantes christiani sunt. Hic enim, cum collegia communibus votis in administratione jurium suorum agere amplius non possunt, utpote per totum statum diffusa, liquet administrationem jurium communium collegialium aliis committendam esse.

§. VI.

Jura collegialia, quæ nulla sunt, a collegio aliorum transferri non potuerunt in potestatem civilem, spoliata hierarchia juribus & potestate divinitus sibi collata.

Sed plena potestate divinitus ecclesiae competente.

In ecclesia Romana, ait PFAFFIUS, clerus ea cum majestaticis quoque quibusdam juribus perverse ad jura ecclesiastica tractis possidet, in iis vero ecclesiis, ubi sacra mutata fuere, principes ut plurimum iis fulgent, nisi quod, tum maxime ubi principum religio a subditorum differt, alicubi collegiis ipsismet vel per clerum vel per communia vota jurium horum exercitium permissum sit. Hæc quam sint ex ingenio ad arbitrium conficta, nemo non videt, qui institutionem sacri ministerii a CHRISTO factam, atque ab apostolis & eorum successoribus in primæva ecclesia usque ad præsentem diem exercitam sine præjudicio spectarit: cum

Orig. eccl. c.4. art.2.

B

uti-

utique apostoli prius fuerint quam societas ecclesiastica seu collegium, quod isti statuunt tantum & tam amplum quod omnia regna mundi sua amplitudine superet, in totum orbem diffusum; isti autem fingunt post mille & quadringentos demum annos jura sua recuperasse, & in principes transtulisse: cum nec cogitaverint quidem de hac re populi illi, qui ecclesiæ jugum LUTHERI & CALVINI aliorumque novatorum tempore excusserunt: Principibus pro sua potentia armis & pacis transactionibus rem totam agentibus, circa religionem: quæ negotia semper in conventibus sacrorum præfulum alias transacta fuerunt.

Nec aliud quam *tacitum consensum* hic proferre ac extundere, vel ipse PFAFFIUS potuit: quam ob rem a suis quoque fuit exagitatus, qui perspexerunt, nullibi in sacris tabulis jura ista collegialia ecclesiæ adscribi. Nec etiam ostendi potest ullo authentico documento, tempore secessionis factæ, collegia ecclesiastica, juribus hisce, si etiam quædam fuissent, renunciassent, ac principi tradidissent, aut tradere voluissent. Cum fuerint fideles populi juris sui hujusce plane ignari, quod primum excogitavit PFAFFIUS PUFFENDORFFIO & paucis quibusdam præeuntibus, qui jura collegialia effinxerunt, posteriores omnes prius facta jam per LUTHERUM CALVINUM &c. religionis mutatione, atque in imperio Romano post cruenta bella, pactis inter principes firmata, quod nunquam antea factum fuit, aut pessime cessit, si principes in sacra involarunt mox sacrorum præfulibus ausui isti sese opponentibus. *Quemadmodum*, aiebat ad CONSTANTINUM magnus OSIUS teste S. ATHANASIO, *qui tuum impe-*

*Epist. ad
Solitar.*

imperium malignis oculis carpit, contradicit ordinationi divina, ita & tu cave, ne, quæ sunt ecclesia, ad te trabens, magno crimini obnoxius fias. Date, scriptum est, quæ sunt cæsaris cæsari, quæ sunt DEI DEO. Neque igitur fas est nobis in terris imperium tenere, nec tu thymiamatum & sacrorum potestatem habes, imperator.

Hæc passim occurrunt, & a me singulari opere alibi sunt laydata; dicunturque pace ipsius PF AFFII, qui non propria hæc principum jura facit; nisi quatenus ab ecclesia accepit & jam multi doluerunt, atque experti sunt, quam male actum sit, dum principibus jura sacra sunt commissa; quam in rem D O D W E L L I Parænesis ad exteros extat.

De legitima ecclesiastica potestate.

Sed aliter res esse non potest, nec salva esse ecclesia sine legitima auctoritate: quam qui ecclesiæ præsidibus negant, necesse est principibus consignent, quorum armis securitatem suam unice tuentur per pacificationes religiosas, quibus agnoscit PF AFFIUS jura illa penes principes sigillum civile accepisse, eo ut munita a cœtu ad se amplius retrahi non possint. Nec eo amplius se privari sinent principes pro sua potentia, etiam in casu tyrannidis sacræ ad ejusdem PF AFFII nutum: quamvis ita rebelliones nutriantur & facile fuscitentur, dum subditi alienæ a principe religionis sunt, forte non toleratæ, quo privilegio solum Calvinistæ & Lutherani in imperio gaudent: cum tamen juxta principia protestantica, quilibet suo utatur jure & libertate conscientiæ inviolabili.

§. VII.

Multo adhuc manifestiore errore Neuti-
& usurpatione principibus qua prin- quam
cipi- principi-

bus jure
territoria-
li

cipibus ex jure territoriali jus circa
sacra adscribitur, contra CHRISTI
institutionem, & perennem ecclesiæ
sua in auctoritate vigorem.

*De legiti-
ma eccle-
siastica po-
testate.*

Bene habet, quod ipsi inter se digladientur
adversarii, nec convenient, quo jure princi-
pes sacrum sibi dominatum usurpent in eccle-
siam, quam CHRISTUS renitentibus sæ-
culi potestatibus, ac toto adversante mundo,
in toto orbe stabilivit per apostolos & eorum
successores, privative, a prima sua origine,
gubernatam salvam & integram, non obstanti-
bus diris persecutionibus, & principum etiam
quandoque christianorum usurpationibus, po-
strema præsertim ætate, ubi demum ima sum-
mis, sacra profanis omnia miscere cœperunt.
Jam alibi ex instituto contra BOEHMERUM
præcipuum hujus sententiæ instauratorem pro-
vocavi ad unicam saltem hujus ecclesiastici
status epocham, a prima ecclesiæ origine usque
ad præsentem rerum statum. Solent quidem
ad ultimam ætatem ascendere, inter hos J. O.
GEORGIUS REINERIU S in medita-
tionibus de jure principum Germaniæ, cum-
primis Saxoniæ, circa sacra, ante tempora re-
formationis, non dubitat ad ipsum PHARAO-
NIS in Ægypto exemplum provocare, atque
ad rempublicam Judaicam. In qua, etsi non
fuissent distincta sacra & profana, hæc sacer-
dotibus & levitis, illa principibus propria;
argumentum tamen peti haud posset, unam
in rempublicam sociatis ac coeuntibus sacer-
dotio & imperio, religioneque statui Judaico
ita innexa, ut qui religioni fidem haud præ-
buit ejusdemque legibus se subjecit, civis esse
non potuerit. Id quod jamjam aliter se habet,
agno-

agnoscente ipso PFAFFIO : cum CHRISTUS *Orig. eccl.*
 in toto orbe ecclesiam sibi constituerit liberam *c. 4. a. 1.*
 ab omni dominatu politico ; regnum non de *n. s.*
 hoc mundo ; atque odio haberi a mundo suos,
 nec quidquam curare vult , scientes , quod prio-
 rem se odio habuerit.

Quodsi autem vi juris territorialis compe-
 tat principi jus in ecclesiam ; an eo imperato-
 res orbis domini gavisi sunt etiam in primordiis
 ecclesiæ ? an ergo primi christiani apostoli &
 eorum successores violarunt hæc jura qui invi-
 tis vel maxime principibus , seseque totis viri-
 bus opponentibus , DEO magis quam homini-
 bus obediendum ratî , ecclesiam constabilive-
 runt & rexerunt. Nec hic proficit commentum
 status extraordinarii ecclesiæ pressæ sub impe-
 ratoribus ethnicis , a quo emersa subdere se de-
 buerit christianis principibus.

Ita jam non sub titulo juris territorialis ob-
 tinetur jus hoc sacrorum : quod idem fuit a-
 pud ethnicos ; quam christianos principes ;
 nec aliquid occurrit nisi forte prærogativa chri-
 stiani ac primarii membri , unde fuerunt non-
 nulli , qui jus principum christianorum deri-
 varunt : cum tamen hoc nomine ipsi se ec-
 clesiæ subdiderint principes ; atque id tantum
 habent , quemadmodum postea dicemus , ut
 zelum suum demonstrent , ac potentiam pro
 ecclesiæ commodis & incrementis impendant ,
 neutiquam vero ipsam subigant potentiae &
 regimini suo ecclesiam. Quod qui aliquando
 sibi arrogarunt , usurpatio ea fuit in exem-
 plum neutiquam trahenda , aut adducenda in
 testimonium legitimæ potestatis : quam uti con-
 tra ausus infidelium principum sibi semper ec-
 clesia conservavit , ita idem strenue agit , quan-
 tum valet contra inobedientes principes chri-
 stia.

stianos in sacra involantes, armis suis spiritualibus, quæ si nihil proficiant in terris, erit aliquando, ut eorum vim refragariæ potestates sæculi experiantur; nec prævalebunt adversus ecclesiam.

§. VIII.

Aut episcopali.

Monstrum est jus episcopale, quod fuerunt, qui principibus, in pacificationibus religiosis exercitum, asfererent, duplicem veluti personam & potestatem sacram & profanam ipsi suo nomine & auctoritate sustinerent.

Fuit hæc CARPZOVII & aliorum non ignobilium protestanticorum doctorum opinio, a suis satis refutata, imprimis a THOMASIO & BOEHMERO; qui tamen non minus absurde, ut vidimus, potestatem hanc sacram principi adjudicant, tanquam principi. Neque majestatem eorum satis amplificatam existimant, nisi plenum etiam jus ac jurisdictionem in ecclesiam habeat. Ne autem ecclesiæ qua ecclesiæ dominatum aliquem transcribere videantur, potius volunt ex jure profano majestatis, quam sacro episcopali hanc desumere prærogativam; quemadmodum media via incedentes alii, quorum retulimus sententiam, collegii partim, partim supremæ majestatis titulo jus sacrorum vendicant principi, in hoc conspirantes, principio Hobbesiano nonnihil moderato, qui omnia plane ecclesiæ jura civitati adscribit; ut recte PFAFFLIUS jus sacrorum sicut apud nos est episcopali

Orig. eccl.
c. 3. a. 3.
n. II.

scopale, ita apud Protestantes principale nominari posse fateatur.

Sed isti, de quibus modo agimus, invidiam novæ nomenclaturæ effugiunt, rei ipsius augent, haud absimili absurditate, quam olim imperatores Romani simul nomen summi pontificis usurparunt: quod quidem christiani imperatores non statim desueverunt; sed non usurparunt potestatem pontificiam; etsi zelo bono aut malo magis aut minus rei christianæ fatagerent, aut iusta tuitione, aut iniqua usurpatione. Prærogativam autem episcopalem aut pontificiam sibi arrogasse, nusquam leguntur: quidquid hic Protestantes proferant etiam de posterioribus nonnullis imperatoribus. Quam in rem nuper CYPRIANUS celebre apud suos nomen, dissertationem publici juris fecit de MAXIMILIANO I. pontificatum maximum affectante; ubi inter alia de solemnibus imperatorum vestibibus, quæ Norimbergæ servantur ac clericalibus similes sunt, dicit a pontificatu isto ethnico id etiam esse profectum. Sunt qui illud CONSTANTINUM. apud EUSEBIUM: *Vos eorum, quæ intra ecclesiam; ego eorum quæ extra sunt a DEO constitutus episcopus fuerim*, ita sumunt, ut de gentilibus extra ecclesiam constitutis intelligatur; alii hoc ad duplicem personam & potestatem principum, sacram & profanam trahunt.

*Lib. IV. de
vita Con-
stantini.
c. 24.*

Hanc certe nec arrogarunt pii imperatores, nec tulerunt legitimi ecclesiæ præfules profanari; licet quandoque vigorem & zelum apostolicum & sacerdotalem in imperatoribus collaudarint, ipsi etiam Romani pontifices, atque inter hos S. LEO M. in suis ad imperatores epistolis MARCIANUM imprimis, sed sacerdotalem sanctitatem, industriam, sollicitu-

dinem mentem &c. non characterem. Quomodo etiam in concilio Chalcedonensi inter acclamationes publicas imperator princeps pontifex vocitatur; potius inde, quod consiliis pontificum aspirarit in causa ecclesiæ, quam quod sacerdotale aut pontificium munus attrectarit, quod iis solis semper competiit, qui ad hoc sunt consecrati in ordine ecclesiastico ac hierachico, in quo apex & princeps est episcopatus, ut postea dicemus, independens a potestate politica a C H R I S T O institutus, & pulcherrima serie usque ad summum pontificem Romanum progrediens. Eo quidem ordine id accidit qui in Romano imperio fuit, quando ecclesia christiana adolevit, ut pro amplitudine urbium & distributione provinciarum jurisdictio sacra sese passim extenderet; sed singulari divina providentia & ordinatione ecclesiæ, non indultu ac nutu principum.

Est hic hodieque Græcorum schismaticorum error æmulorum prærogativæ Romanæ sedis, ac urbis imperantis: quam sortem cum Constantinopolis tractu temporum acciperet antea dicta BYZANTIUM suæ metropoli parens, sese paulatim extulit innocue quidem primo, donec ordinem hierachicum in centro unitatis subvertere niteretur.

Videri poterat quodammodo hic episcopatus a principatu civili dependere; sed salvo saltem ordine episcopali & potestate sacra, quam penitus sublatam volunt Protestantes principi litantes, & ecclesiam subicientes, atque in tantum assentantes, ut etiam personam episcopalem sustinere dicerent, quod in imperio Germanico contigit, ansamque præbuit exercita in pacificationibus potestas.

Sed

Sed hodie apud ipsos Protestantes exploditur hæc sententia; non ut minus tribuatur potestatis saltem externæ & juris sacrorum, sed invidia nominis & characteris episcopalis in ecclesia catholica distincto clericali & sacerdotali ordine a laico. Id quod rejiciunt Protestantes, & æquale jus sacerdotii christianorum omnium statuunt: quo nomine etiam, qui jura collegialia ecclesiæ constituunt, & principibus transcripta volunt, quandam capacitatem principum agnoscunt ad tenenda gubernacula ecclesiæ non solum absoluta, sed etiam collegialia, nec externa tantum, sed etiam interna, qualia exempla nonnulla suppetunt, non solum in Anglia ipsa in regina ELISABETH, sed etiam apud nos principibus nonnunquam sacra obeuntibus: quod haud dubie munus facile illis sui concederent, si affectarent principes nec dedignarentur.

§. IX.

Quoad religionem politica sacræ subest potestati, utroque colla subjecerunt ac parent pii quique principes ac magistratus in causa salutis animæ.

Cum quoad religionem sacræ potestati profana subsit.

Quod si rite sacræ & politicæ potestatis constituantur fines & mutua subordinatio, cessabunt querelæ & æmulatio, ac metus, ne statum in statu admittendo, reipublicæ salus periclitetur, quando in negotiis salutis æternæ rebusque sacris principes & magistratus subjectionem profitentur ac deferunt ecclesiæ. Non hic loquimur de directa aut indirecta potestate ecclesiæ in temporalia; quin ita terminos

B 5

utrius.

utriusque potestatis constituimus, ut politicæ quod suum est in temporalibus jus, & ecclesiasticæ in spiritualibus integrum sit.

Hæc placide inter se coalescent, & in pace erit sacerdotium ac imperium quodlibet sua tenendo gubernacula a DEO accepta, prout apostolus omnem animam subesse vult potestatibus sublimioribus tanquam a DEO ordinatis; idemque attendere vult, quos Spiritus sanctus episcopos constituit, regere ecclesiam DEI, & CHRISTUS PETRO claves regni cælorum dedit, ac pascendas oves commisit, quibus dum se aggregant principes & magistratus, oves esse haud dedignantur & summo ad salutem æternam sibi deputant lucro; adeoque in omnibus, quæ ad hunc conducunt finem, ultro se subjiciunt, quod fore in ecclesia christiana per ISAJAM est prædictum:

Is. XLIX.
22. 23.

Hæc dicit Dominus DEUS: Ecce levabo ad gentes manum 23 ad populos exaltabo signum meum, 24 & afferent filios tuos in ulnis 25 & filios tuos super humeros portabunt. Et erunt reges nutritii tui 26 & reginae nutrices tue: vultu in terram demisso adorabunt te, 27 & pulverem pedum tuorum lingent. Quem locum mirum est a non paucis Protestantibus ad principum usurpatam circa sacra potestatem sustinendam proferri aucupata voce מְנִינִי, quasi curatores designet: cum quidem designet beneficia, & munificentiam regum in ecclesiam, sed simul etiam subjectionem, ut sunt ex ipsis Protestantibus commentatoribus, qui id profiteantur, inter quos BRENTIUS ad hunc locum, Non tantum, inquit, promittitur, reges 28 & principes fore ecclesiæ nutritores, verum etiam fore eos ecclesiæ subiectos.

*Vid. Com.
peg. Vi-
tringa ad
eundem
locum.*

Nec

Nec diffiteri possunt, qui collegialia saltem ecclesiæ concedunt jura, iisdem subesse reges & principes, quando a collegio in eos jura illa collata non fuerint. *Est*, inquit PUF- FENDORFFIUS, *in civitate societas seu Contra collegium mercatorum, quod statutis & dire-* Houtuy-
floribus consensu membrorum constitutis re- num. p.
gitur. In id quoque collegium adscribi vult 292.
princeps collata certa sorte. Sane hac adscri-
ptione idem non acquirit absolutam disposi-
tionem in collegium ejusque bona, sed potius
statutis se collegii subjicit, nec aliqua præ re-
liquis prærogativa gaudet, nisi quam magni-
tudo sortis collata aut præstatio aliqua extra-
ordinaria vel consensus cæterorum ultro tri-
buit, nec in eo collegio consideratur ut prin-
ceps, sed ut mercator. Constat certe sese sub-
 misisse ecclesiæ principes cum primum eccle-
 siæ nomen dederunt; id quod ipse agnoscit
 BOEHMERUS, & imperat. CONSTAN-
 TINO irascitur, quod se negotiis ecclesiasti-
 cis immiscere nöluerit, quod juxta sua prin-
 cipia facere potuerit ac debuerit vi majesta-
 tis ac juris territorialis; quemadmodum jux-
 ta eos, qui jura collegialia sciscunt, ex de-
 latione jurium collegialium spontanea facta
 in principem idem illis jus est.

Utrumque autem fallit tam quoad jus ipsum
 quam quoad factum. Toto cœlo diversa ac
 distincta politica a sacra potestate hierarchia-
 que a CHRISTO instituta, quam dimitte-
 re & alio deferre non potuit ecclesia, sin-
 gulari ordini ac hierarchis divinitus assigna-
 tam & inseparabilem, utpote characteri & mu- *Hom. 4. in*
 neri sacerdotali intime conjunctam. *Tbro-* illa *Is. ver-*
nus regius, ait S. CHRYSOSTOMUS, *ba: Vidi*
quamvis ob genimæ affixas admirandus vi- Domi-
detur, num.

detur, tamen rerum terrenarum administrationem sortitus est. Verum sacerdotis thronus in cælis collocatus est, & de cælestibus negotiis pronunciandi habet auctoritatem. Quaecunque ligaveritis super terram, erunt ligata & in cælis. DEUS ipsum regale caput sacerdotis manibus subjecit, nos erudiens, quod hic princeps est illo major, siquidem id quod minus est benedictionem accipit ab eo, quod præstantius est. Legenda est ea integra homilia, ex qua jam superius locum descripsimus, ubi exemplo OZIE ostendit, quam sit funesta usurpationis principum in sacra involantium divina vindicta subveniente, quando terror & potentia principum limites excedens & alienam rem usurpans in officio teneri nequit: Posteaquam igitur, idem eodem loco ait sanctus doctor, arguisset sacerdos, rex autem non cessisset, sed arma moveret, clypeos, & hastas, suæque uteretur potestate, ibi sacerdos dicit: Ego, inquit, quod erat officii præstiti, nihil amplius possum, succurrere sacerdotio quod conculcatur, leges violantur, fas subvertitur. Idem sanctus doctor in homilia de S. BABYLA refert antiquissimum vigoris pastoralis exemplum contra PHILIPPUM, ut creditur, imperatorem, quem etiam EUSEBIUS christianum fuisse sparfos esse rumores narrat, & in pervigilio paschæ ad ecclesiam properantem, aditu prohibitum, pœnitentia perfunctum esse. Cujusmodi luculentum exemplum in THEODOSIO imperatore a S. AMBROSIO exercitum habetur ob cædem Thessalonicensem a sacris arcendo: quod se monitum divinitus in somno fecisse, epistola ad illum imperatorem asserit. Et epistola ad MARCELLINAM sororem refert, quid egerit erga eundem imperato-

Lib. VI.

c. 34.

Epist. 51.

Epist. 41.

ratorem, non prius coram eo sacrificium offerens, quam revocasset mandatum de reædificanda Judæis destructa synagoga. Quod DEO placitum fuisse, ibidem testatur se percepisse ex consolatione, quam inter celebrationem mysteriorum senserit. Atque vigor apostolicus, quo ea in re usus est ex epistola, quam ad THEODOSIUM ob eam causam dedit colligi potest. Ipse autem THEODOSIUS agnovit AMBROSIIUM episcopum solum eo nomine dignum, teste THEODORETO. Quod in memoriam revocat simile S. BASILII dictum a S. GREGORIO NAZ. relatum, eodem vigore ausibus VALENTIS imperatoris sese oppositis contra Arianos: quod cum præfectus iussa principis urgens stupuisset, ac testatus esset, neminem unquam tanta secum locutum fuisse fiducia, hoc responsum a S. BASILIO tulit: *Neque enim in episcopum incidisti: Alioquin hoc prorsus modo differuisset, pro huiusmodi rebus in certamen veniens.* Alia ejusmodi exempla erga alios imperatores CONSTANTINUM, CONSTANTIUM &c. habentur complura.

Frustra hic provocant adversarii, quod sacris olim principes non sint interdicti, licet etiam hæretici fuerint: quæ œconomia majoris mali periculo est servata, servaturque, quin tamen causa ecclesiæ deferatur, juxta S. AUGUSTINI regulam, excommunicationem non esse stringendam, si metus schismatis subsit, quando nimirum integram multitudinem occupat malum. Quod idem multo magis circa summos principes locum habet; si sint pervicaces nec debitam ecclesiæ præstent subjectionem. De subordinatis magistratibus autem non eadem res est, suoque loco non pauca afferemus exempla exercitæ in eos censuræ

a S.

Epist. 40.

*Can. VI.
conc. Arelat. I.*

*Lib. VII.
c. 13.*

*De vita
Constant.
lib. III. c.
10.*

a S. ATHANASIO , SYNESIO , CYRILLO ALEXANDR. &c. Quales magistratus , ut subjectionem ecclesiæ præstent , ipsi summi imperantes curarunt : quam in rem insignis habetur canon Arelatensis concilii auspiciis CONSTANTINIM. celebrati , ubi de præsidibus statuitur : *Ut cum promoti fuerint litteras accipiant ecclesiasticas communicatorias : ita tamen ut in quibuscunque locis gesserint ab episcopo ejusdem loci cura de illis agatur ; at cum cæperint contra disciplinam publicam agere , tunc demum a communione excludantur.* Licet refragarii id etiam moleste tulerint , quod de ORESTE præfecto augustali Ægypti SOCRATES testatur : ORESTI , inquit , jam pridem inuisa erat episcoporum dominatio , tum quod episcopi de potestate eorum , qui ad regendas provincias ab imperatore missi erant , plurimum decerperent ; tum quod CYRILLUS actus suos explorare vellet. Sed imperatores pii ipsi episcopos parentum loco venerabantur , ut de CONSTANTINO EUSEBIUS , SOCRATES Lib. I. c. 5. SOZOMENUS Lib. I. c. 18. & THEODORETUS Lib. I. c. 7. testantur. Hic ipse de VALENTINIANO imprimis memorabilem narrat rem cum de episcopo Mediolani eligendo ageretur : *Hominem , aiebat , ita instructum in sede , & gradu episcopali jam collocatè , uti & nos , a quibus hoc gubernatur imperium , ei vere , & ex animo capita inclinemus ; & illius reprehensionem , nam cum simus homines , errore labi necesse est , velut medicinam animorum cupide amplexemur.* Humillimi alias & sanctissimi præfules hic dignitati sacerdotali consulendum duxerunt : quod de S. MARTINO

NO SULPITIUS SEVER. in ejus vita testatum facit : *Nam, inquit, etsi pro aliquibus supplicandum regi fuit, imperavit potius quam rogavit; & a convivio ejus frequenter rogatus, abstinuit dicens, se mensæ ejus participem esse non posse, qui duos imperatores, unum regno, alterum vita expulisset. Mensæ autem admotus, nec integrum sibi fore existimavit, si aut regem ipsum, aut eos, qui a rege erant proximi, presbyterio prætulisset.* Quod factum imperator, omnesque qui tunc aderant, ita admirati sunt, ut hoc ipsum eis, in quo contemti erant, placeret. AMBROSIO ipso teste idem MAXIMUS *Ep. 27.* affurrexit, ut osculum daret. MAXIMI conjux S. MARTINO etiam pedibus adolvebatur, mensam admovebat, aquam manibus subministrabat, cibum parabat, potum porrigebat. LEONTIUS Tripolitan. vix non talia officia ab imperatrice exigebat teste PHILOSTORGIO Hist. VII. c. 6. *Quod si cupis, ajebat, me ad te venire, ita ut reverentiam, qua te decet episcopum prosequi, serves; quando ego ingrediar, tum vero tu descendens e sublimi solio, reverenter mihi obviam venito, & manibus meis caput tuum submittit, benedictionem a me postulans. Deinde sedeam quidem ego, tu vero stes cum reverentia; postquam jussero sessura, ubi signum tibi dederò.* Nec commotus est his CONSTANTIUS maritus, etsi uxor conquereretur. Sed hunc factum esse non negarim. Creditur LEONTIUS iste a nonnullis compiler constitutionum apostolicarum, in quibus (*Lib. II. c. 26.*) de episcopi dignitate ista leguntur : *Hic est princeps, & dux vester, hic rex vester & dynasta, hic DEUS vester, terre-*

terrenus, post DEUM: ut DEI dignitate ornatus, qua clerus in potestate habet, & toti populo imperat.

§. X.

Succurrit
tantum
protectio-
ne & exe-
cutione
canonum.

Nihilominus opportune adest & succurrit implorata politica potestas, ad tuenda ecclesiæ jura, executioni mandandas ab ecclesia constitutas leges & canones, conservandum ordinem, ac justitiam contra refragarios.

*Lib. VII.
c. 30.*

*Hist. eccl.
lib. III. p.
442.*

*Apud Eu-
seb. lib. X.
c. 5.*

Antiquissimum habetur exemplum implorari auxilii, etiam ab imperatore ethnico AURELIANO contra PAULUM SAMOSAT, qui in domus episcopalis possessione persistebat, posteaquam a concilio Antiocheno episcopatu dejectus esset, nec ecclesiæ potestas suppetere executioni mandandi latam sententiam. Accidit autem divina disponente providentia, ut recte omnino imperator rem ageret. *Interpellatus*, inquit EUSEBIUS, *imperator AURELIANUS rectissime hoc negotium dijudicavit, iis domum tradi præcipiens, quibus Italici christiana religionis antistites, & Romanus episcopus subscriberent.* Fallitur autem D. GODEAU interpellationem hanc a PAULO factam ratus, qui potius se gratia ZENOBIÆ sustentabat. Idem hic tenuit AURELIANUS, quod postea CONSTANTINUS M. in causa CÆCILIANI, cujus hæc sunt ad MELCHIADEM P. verba: *Visum est mihi ut idem CÆCILIANUS cum decem episcopis, qui illum reum facere videantur, & decem aliis, quos ipse suæ litis dijudicationi necessarios existimaverit, Roman*
navi-

navigio trajiciat ; ut ibi coram vobis , RETECIO etiam & MATERNO , & MARINO collegis vestris , quos ea de causa Romam maturare jusserim , possit audiri , sicut sanctissima DEI lex , ut nostis , postulat.

Causa cadentes Donatistæ cum iterum imperatorem interpellarent , dedit eis judicium plenius Arelatense , ubi iterum victi sunt. CONSTANTINUS autem ingenue fatetur , & agnoscit indigne ac male ad se factam esse appellationem : *Meum , inquit , judicium postulant , Constant. qui ipse judicium expeſto.* Frustra illi contra *epist. ad e-* judicium transmarinum Romanæ sedis excipiebant , & adhuc tempore S. AUGUSTINI *piscop. cavillabantur. thol. Quid , inquit , quod nec ipse Epist. 162. usurpavit ?* Rogatus quippe imperator iudices misit episcopos , qui cum eo viderent , & de tota illa causa , quod justum videretur , statuerent. Hoc probamus & Donatistarum precibus , & verbis ipsius imperatoris. Quodsi importunitati Donatistarum aliquid dedit , fecit id veniam deprecaturus a præsulibus non reformans sententiam , sed firmans , ac executioni mandans : quod eatenus bene habet. Sed plus sibi indulſit in causa S. ATHANASII , & res male cessit. Quod non raro deinceps accidit , dum aut principes ipsi in se susciperent causæ cognitionem , aut legitimum non sequerentur ecclesiæ judicium.

Non inde autem vituperantur principes , quod aſſentent , ac succurrerent perturbatis ecclesiæ rebus : quod ipsis incumbit , & ad hoc interpellari ab ipsis ecclesiæ præsulibus solebant. Insignis eam in rem ac prolixa habetur concilii Romani sub DAMASO ad GRA- *Tom. II.* TIANUM epistola , qua rogant pietatem *conc. p.* suam : *Ut jubere dignetur , sunt patrum ver-* 1001.

C

ba,

ba, quicumque vel ejus (DAMASI) vel nostro judicio, qui catholici sumus, fuerit condemnatus, atque injuste voluerit ecclesiam retinere, vel vocatus a sacerdotali judicio per contumaciam non adesse, seu ab illustribus viris præfectis prætorie Italiae vestrae, sive a vicario accitus ad urbem veniat: aut si in longioribus partibus hujusmodi emerferit questio, ad metropolitani per locorum judicia deducatur examen: vel si ipse metropolitanus est Romanam necessario, vel ad eos, quos Romanus episcopus judices dederit, contendere sine dilatione mereatur. Sed quoniam de ipso Romano pontifice res agebatur, aliud insuper petunt: Ut episcopus Romanus, si concilio ejus causa non creditur, apud concilium se imperiale defendat, nam & SILVESTER papa a sacrilegis accusatus apud parentem vestrum CONSTANTINUM causam propriam prosecutus est. Hoc ipse postulaverat DAMASUS, & haud dubie SILVESTER, quamvis in historia nihil prorsus de tota illa causa occurrat.

De concordia sacerdot. & imp. L. IV. c. 2.

Dissert. III.

Similis est ad CONSTANTINUM S. ATHANASII appellatio, quam PETRUS de MARCA appellationis *tanquam de abusu* exemplum esse vult, quales in Gallia sunt consuetæ ad Parlamentum, quod majestatem justitiamque regis repræsentet, ad quem velut ad canonum protectorem spectet, ne quid illis adversum attenteretur. Sed nostra hæc ætas docet, quousque judicium illud deveniat, etiam contra regis voluntatem: quod jam Emin. SFONDRA TI in Gallia vendicata prodidit, sic rerum causarumque ecclesiasticarum disceptationem ad forum sæculare transferri, atque esse hæc remedia morbis ipse pejo-

pejora, sæpiusque ab ipsis Gallis improbata, & eousque progressa, ut jam omnis potestas ecclesiastica sub abusus prætextu ejusmodi appellationibus eludi possit. In ecclesia antiqua vix habentur ejusmodi exempla, quæ fere male cesserunt, ut hoc ipsum S. A T H A N A S I I; & adhuc nondum satis extricata res est, qualis ea fuerit, quemadmodum & illa S I L V E S T R I. Certe non ad imperatorem tantam judicem fuit facta, sed ob vim, D I O N Y S I I comitis auctoritate factam, in judicio Tyrio.

Non autem alio pertinet, quæcunque hic exercetur sæculi potestas, quam ad tuitionem rerum ac legum sacrarum, easque executioni mandandas, si qua se difficultas exerat, & impleretur brachium sæculare contra furores & contumaciam seditiosorum & refragiariorum, quando judicia, leges & poenæ canonicæ non proficiant, & illis obstititur, atque ex adverso agitur. Quam J U S T I N I A N U S παρὰ φυλακὴν custodiam & tuitionem canonum vocat ab ἐξουσία seu potestate distinctam, quam in rebus politicis habet. Si, inquit, civiles leges, quarum nobis potestatem DEUS pro sua in homines benignitate credidit, firmas ab omnibus custodiri ad obedientiam, securitatem studemus, quanto plus studii adhibere debemus circa sacrorum canonum, & divinarum legum custodiam, qua super salute animarum nostrarum definita sunt. Quibus innuit, ut sibi ea custodia incumbit, ita muneris esse curare, ab aliis ut observentur ecclesiæ leges.

§. XI.

Estque
suum tri-
bunal per-
sonis ec-
clesiasti-
cis.

Personarum ecclesiasticarum suum est coram ecclesiastico iudice tribunal, severe caventibus sacris canonibus, ne prætereatur saltem sine episcopali indultu, suffragantibus etiam civilibus legibus.

*An. 341.
can. 11.*

Concilia, spectantibus & patrocinantibus principibus ac magistratibus, hoc canonibus suis statuerunt; cum primum coram principibus christianis aliud forte fieri potuisset: secus ac antea sub imperatoribus ethnicis contigit, ubi juxta apostolum causæ christianorum omnium coram ecclesia sunt actæ. Ita Antiochenum concilium habet: *Si quis episcopus, aut presbyter, aut diaconus, aliusve quilibet ex canone, citra sententiam & litteras episcoporum provincie & maxime metropolitano- rum ad imperatorem proficisci aggressus fuerit, is abdicetur & abjiciatur non solum a communione, sed etiam a dignitate cujus est particeps: ut qui religiosissimi imperatoris auribus molestiam afferre audeat præter legem ecclesie. Si autem necessarius usus hoc exigit, ut ad imperatorem se conferat, id agat cum deliberatione & consensu metropolitani provincie, & eorum, qui sunt in ea, eorumque litteris munitus iter invadat.*

*Can. 7. ed.
gr. dia. 8.*

Si cui hæc auctoritas minus fortasse congrua videatur, audiat in concilio Sardicensi proponentem OSIUM omnibus applaudentibus, ne quacunque de causa id fiat, etiam non litigiosa: OSIUS episcopus dixit: *Importunitates, & nimia frequentia, & injusta petitiones*

nes fecerunt non tantum habere gratiam vel fiduciam, dum quidam episcopi non cessant ad comitatum ire, & maxime Afri, qui sicut cognovimus sanctissimi fratris & coepiscopi nostri GRATI salutaria consilia spernunt, atque contemnunt; ut non solum ad comitatum multas & diversas ecclesie non profuturas causas perferant &c. Canon quidem iste alio etiam spectat; sed apparet ex conciliis Africanis abusum istum & usurpationem judicis incompetentis etiam deinceps restringendum & severe cohibendum fuisse visum, uti constat ex canone XII concilii Hipponensis an. 393. & Carthaginensis III. canone qui habetur c. placuit II. q. 1. Ita vero sonat: *Item placuit, ut quisquis episcoporum, presbyterorum, & diaconorum seu clericorum, cum in ecclesia ei crimen fuerit intentatum, vel civilis causa ei fuerit commota, si relicto ecclesiastico judicio publicis judiciis purgari voluerit, etiamsi pro illo fuerit prolata sententia, locum suum amittat: & hoc in criminali judicio. In civili vero perdat quod evicit, si locum suum obtinere voluerit. Cui enim ad eligendos iudices undique patet auctoritas, ipse se indignum fraterno consortio iudicat, qui de universa ecclesia male sentiendo de judicio seculari poscit auxilium: cum privatorum causas apostolus ad ecclesiam deferri, atque ibi terminari precipiat.* Hinc in Carthaginensi IV. quicumque catholici excommunicantur, qui ad iudicium infidelium vel hæreticorum provocant. Et PATRICIUS in Hibernia ob eandem rationem christianos omnes communione privat, qui causam contra alium christianum ad iudices detulerit, non ad ecclesiam. Sed ut ad clericos redeamus, gravissimus est concilii Chalcedonensis canon: *Can. 9.*

Can. 9.

T. III.

conc. p.

1479.

C 3

Si

Si quis clericus habet cum clerico litem, aut negotium, proprium episcopum non relinquat, & ad secularia judicia ne excurrat; sed causam prius apud proprium episcopum agat, vel de episcopi sententia apud eos, quos utraque pars elegerit, iudicium agitetur. Si quis autem præter hæc fecerit, canonicis pœnis subiciatur. Si clericus autem cum proprio, vel etiam cum alio episcopo negotium, aut litem habeat, a provincie synodo iudicetur. Si autem cum ipsius provincie metropolitano episcopo aut clericus controversiam habeat; diœcesis exarchum adeat, vel imperialis urbis Constantinopolis thronum, & apud eum litiget. In hunc finem ergo erant, suntque subordinata sibi tribunalia; atque urbi imperatorie Constantinopoli hoc indultum fuit, non quod principis auctoritas intercesserit, sed ob concursum episcoporum in principali urbe, facilioremque executionem & tuitionem iustarum legitimo iudicio decifarum causarum,

*Apolog.
contra A-
rianos. n.
39.*

Quodsi autem in provinciis aliquid a subordinatis magistratibus contra hanc immunitatem susceptum, tunc imperatorie fores sunt pulsatae, non ob causam ipsam, sed violata ecclesie jura, ut de se S. ATHANASIUS testatur: Quocirca hæc retulimus ad piissimos & DEI amantissimos imperatores, rogantes eorum humanitatem, ut eos qui adhuc vexantur & affliguntur, dimitti jubeant, decernantque, ut ne quis iudicium, quorum officium est popularia solum curare, clericos iudicet, aut ullatenus in posterum occasione curandarum ecclesiarum, adversus fratres quidvis moliatur. Constituti autem sunt in hunc finem scholastici defensores, si quid ejusmodi occurrebat: Qui habeant, ut habet canon Cartha-

Carthaginensis, facultatem pro negotiis ecclesiarum, quoties necessitas flagitaverit, vel ad obfistendum obrepentibus, vel ad necessaria suggerenda, ingredi iudicium secretaria. *An. 405. T.II.conc. p. 1113.*

Alias autem quibuscunque de causis saltem sine episcopi permissu vel contra iudicium ecclesiasticum minime licitum fuit sæculare iudicium expetere. Ita canone I. concilii Andegavensis fuit cautum: *An. 453.*

Primum ut contra episcopale iudicium clericis non liceat profligare neque inconsultis sacerdotibus secularia iudicia expetere. Et concilium Venetense: *Can. 9.*

Clericis, nisi ex permissu episcoporum suorum, secularia iudicia adire non liceat. Sed si quis fortassis episcopi sui iudicium cæperit habere suspectum, aut ipsi de proprietate aliqua adversus ipsum episcopum fuerit nata contentio, aliorum episcoporum audientiam, non sæcularium potestatum, debet ambire. Aliter a communione habeatur alienus. Indiscriminatim autem videtur hoc fuisse prohibitum circa qualescunque personas & vicissim qualibuscunque personis id vetitum, ne a suo legitimo iudicio abstrahere possint clericos sine speciali episcopi indultu tanquam legitimi iudicis, aut nisi coactus seu pulsatus quis fuerit, quod ne fieret, graviter prohibitum sub excommunicationis pœna, juxta ac concilium

Agathense sanxit: *Can. 32.*
Clericus ne quemquam præsumat apud sæcularem iudicem, episcopo non permittente, pulsare: sed si pulsatus fuerit respondeat, nec audeat criminale negotium in iudicio sæculari proponere. Si quis vero sæcularium per calumniam ecclesiam, aut clericum fatigare tentaverit, & victus fuerit, ab ecclesiæ liminibus & a catholicorum communionem, nisi digne pœnituerit, arceatur.

An. 538. Idem in concilio Aurelianensi ibidem canone 32. postea fuit statutum. Et in concilio Carthaginensi circa idem tempus sæcularium imprimis attentatio fuit coercita: *Ut nullus sæcularium personarum prætermisso pontifice seu præposito ecclesiæ, quemquam clericorum pro sua potestate constringere, discutere audeat vel damnare. Sed & clericus, si pro causa ad petitionem cujuscunque fuerit ab ecclesiastico ordinatore commonitus, se ad audientiam spondeat adfuturum, & respondere nulla caliditate dissimulet. Sed & quæcunque causatio, quoties inter clericum & sæcularem vertitur absque presbytero, aut archidiacono, vel si quis esse præpositus ecclesiæ dignoscitur, judex publicus audire negotium non præsumat. Sane si causam habentibus placuit ire ad judicium fori ex voluntate communi, permittente præposito ecclesiæ, clerico licentia tribuatur.* Itaque ut legitima semper integra demonstraretur potestas ac tribunal, interventu ac indultu opus fuit legitimi judicis ac præpositi, cogi autem nemo potuit invitus. In decretalibus GREGORII IX. generalis refertur canon nomine conc. Parisiensis: *Nullus judicum neque presbyterum, neque diaconum, aut clericum ullum aut minores ecclesiæ sine permissu pontificis per se distringere aut condemnare præsumat. Quod si fecerit, ab ecclesiæ DEI, cui injuriam irrogare dignoscitur, tamdiu sit sequestratus, quousque reatum suum cognoscens emendet.*

*Lib. II.
Tit. II.
cap. 3.*

*Cod. Tb.
lib. XVI.
Tit. XII.
l. III.*

Quod etiam imperatoriis legibus cautum fuit. Ita habetur THEODOSII M. lex: *Continna lege sancimus, nomen episcoporum vel eorum, qui ecclesiæ necessitatibus serviunt, ne ad judicia siue ordinariorum siue extraordinario-*

naviorum judicum pertrahatur : habent illi judices suos , nec quisquam his publicis commune cum legibus , quantum ad causas tamen ecclesiasticas attinet , quas decet episcopali auctoritate decidi. In GRATIANO, ubi refertur hæc lex, non comparent hæc verba : *Quantum tamen ad causas ecclesiasticas attinet.* Aliis legibus Romanis ac etiam capitularibus CAROLI M. eadem immunitas clericis indulgetur, sed nulla hic exceptio occurrit : *Ut clerici inter se negotium habentes a suo episcopo dijudicentur , non a secularibus.* Sed jam CONSTANTIUS indiscriminatim lege prohibuit, *in judiciis episcopos accusari . . .* „ Si quid est igitur querelarum, quod quispiam defert apud alios potissimum episcopos convenit explorari, ut opportuna atque commoda cunctorum quæstionibus audientia commodetur. „

Caus. XL

q. 1. c. 5.

Baluz. T.

I. p. 516.

Cod. Theo.

dos. lib.

XVI. Tit.

II. de episc.

l. XII.

Sed ii, quorum est de jure divino cognoscere, hoc jure divino ita ordinatum edicunt, in concilio Lateran. cap. nimis. 30. de jurejur. & conc. Trid. sess. XXV. c. XX. BONIF. VIII. in cap. quamquam IV. de cens. in 6. Quod beneficium cum non sit personale, sed pro honore totius ordinis ecclesiastici indultum, negant canonistæ, clericos etiam cum jramento, ac in causa quoque mere temporali eisdem renunciare posse. Sed in causis capitalibus post rem examinatam degradati traduntur brachio sæculari. Jure certe antiquo etiam cessavit hic exemptio : ita habetur can. VII. conc. I. Matisconensis ; „ Ut nullus clericus „ de qualibet causa extra discussionem episcopi „ sui, a sæculari judicio injuriam patiatur, aut „ custodiæ deputetur. Quodsi quicumque judex cujuscumque clericum absque causa cri-

C 5

„ mina-

„ minali, id est homicidio, furto aut maleficio, hoc facere fortasse præsumferit, quamdiu episcopo loci illius visum fuerit, ab ecclesiæ liminibus arceatur. „ Imperatores hunc honorem personis ecclesiasticis detulerunt, ut soli suo reservarent supremo iudicio, aut saltem citra imperialem iussionem fieri haud permitterent. JUSTINIAN. *Lib. 1. tit. III. de episc. L. XXV. § Nov. 123. c. 8. VALENT. Nov. XV. de hujusmodi atrocibus criminibus verba faciens, legem & pœnam statuens ita fervari vult, ut nec ministris nec antistitibus sacræ religionis in tali causa statuat esse parcendum. Vid. app. cod. THEODOS. SIRMONT.*

§. XII.

Et rebus
causisque
sacris.

Circa res ac causas sacras, sacrisque annexas plenam habet semperque exercuit ecclesia potestatem, nemine ad nostra usque tempora in controversiam vocante.

Protestantes, ut vidimus, qui totum concusserunt ecclesiæ statum, ecclesiam his, soli sibi competentibus, spoliare contendunt iuribus, & legitima potestate circa sacra, quam veteres imperatores potius assertam quam imminutam voluerunt, quidquid nonnunquam particularibus in casibus usurpaverint: „ Augustæ memoriæ pater tuus (VALENTIANUM juniorem alloquitur S. AMBROSIIUS) non solum sermone respondit, sed etiam legibus suis sanxit in causa fidei, vel ecclesiastici alicujus ordinis eum „ judi-

Epist. 32.

judicare debere, qui nec munere impar, „
 nec jure dissimilis. „ Hæc verba rescripti
 sunt. Non quidem in codice habetur lex ista,
 alia tamen ejusdem valoris a VALENTI-
 NIANO & GRATIANO data: „ Qui „ *Cod. Theo-*
 mos est causarum civilium, iidem in nego- „ *dos. Lib.*
 tiis ecclesiasticis obtinendi sunt; ut si qua „ *XVI. Tit.*
 sunt ex quibusdam dissensionibus, levibus „ *II. de episc.*
 que delictis ad religionis observantiam per- „ *l. 23.*
 tinentia locis suis, & a suæ dioceseos sy- „
 nodis audiantur: exceptis quæ actio crimi- „
 nalis ab ordinariis extraordinariisque judi- „
 cibus aut illustribus potestatibus audienda „
 constituit. „ Similis habetur ARCADII *Cod. Theo-*
 & HONORII lex: „ Quotiens de religio- „ *dos. Lib.*
 ne agitur, episcopos convenit judicare: cæ- „ *XVI. Tit.*
 teras vero causas, quæ ad ordinarios cogni- „ *XI. de re-*
 tores, vel ad usum publici juris pertinent, „ *lig. l. 1.*
 legibus oportet audiri. „ Et JUSTINIA-
 NUS: „ Si ecclesiasticum sit delictum e- „ *Nov. 33.*
 gens castigatione ecclesiastica & multa, DEO „ *c. 1.*
 amabilis episcopus hoc discernat, nihil „
 communicantibus provinciæ judicibus. Ne „
 que enim volumus talia negotia scire civi- „
 les judices: cum oporteat talia ecclesiastice „
 examinari, & emendari animas delinquen- „
 tium per ecclesiasticam multam secundum „
 sacras & divinas regulas, quas etiam nostræ „
 sequi non dedignantur leges. „ Id data qua-
 vis occasione alias etiam contestati sunt im-
 peratores. Jam notavimus CONSTANTI-
 NUM M. intempestiva Donatistarum petiti-
 onæ victum, cum cedere iudicio ecclesiastico
 nollent, pœnituisse & veniam deprecatum esse,
 quod causam ad se receperit, quod S. A U- *Epist. 43.*
 GUSTINUS notat. VALENTINIA- *ad Glorios.*
 NUS teste SOZOMENO id palam est con- *Ep. Eleus.*
 fessus *Lib. VI.*
 c. 7.

fessus, & rationem congruam reddit imperator: *Mibi quidem in laicorum ordine constituto fas non est hujusmodi negotia curiosius scrutari. Sacerdotes vero, quibus id cura est, seorsim, ubicunque voluerint, conveniant.* Dilaudat vehementer hunc animum imperatoris idem SOZOMENUS, erga divinum Numen adeo pie affecti, ut neque imperaret quidquam sacerdotibus, neque omnino novare aliquid in ecclesiasticis sustinuerit, si quid sibi deterius aut rectius visum fuisset. Has enim res examine ac judicio suo præstantiores esse existimasse, quamvis eximius fuerit imperator, Et ad res gerendas aptissimus. Imperator GRATIANUS in causa schismatis URSINI, etsi initio URSINUM ipsum damnarit, sancivit tamen, episcopum Romanum reliquorum prælatorum causam examinare, ne profani iudices de religione judicarent, sed pontifex religionis unacum collegis. Quam legem plurimum laudant episcopi anno 378. congregati, ejusque executionem petunt a GRATIANO. Quod eodem anno fecit imperator rescripto ad AQUILINUM, & omnino firmum vult judicium Romani & aliorum episcoporum atque a præfectis executioni mandari, non usurpando in refragarios potestatem, sed ad metropolitanos referendo; aut si reus metropolitanus sit ad Romanum pontificem, vel datos ab eo iudices, vel concilium episcoporum vicinorum. Testatur ipse THEODORETUS, imperatorem, cum peteret curari, ut sicut orientales ita etiam alii concilii patres prohiberentur conventum agere, in responsis tulisse, episcopis se imperare haud posse.

Idem

Hb. c. 21.

In append.
Cod. Theod.
p. 80.

Tit. II.
conc. p.
1003.
1004. e-
pist. ad Jo.
Antioch.
apud Garn.
p. 60.

Idem sacrorum præfules, ut jam observavi, intrepide monuerunt, nihil principibus pro sua potentia in sacris competere juris, quod jam tunc adulatores principibus inspirabant: *Allegatur imperatori*, inquit S. A. M. *Epist. ad BROSIIUS*, *licere omnia, ipsius esse univer-* Marcelli-
sa. Respondeo: Noli gravare imperator, ut nam soro-
putes te in ea, quæ divina sunt, imperiale rem.
aliquod jus habere, noli te extollere, sed si vis
dintius imperare, esto DEO subditus. Scri-
ptum est: quæ DEI, DEO, quæ cæsaris, cæ-
sari. Ad imperatorem palatia pertinent, ad
sacerdotem ecclesia. Publicorum tibi mænio-
rum jus commissum est, non sacrorum. Sem-
per invictæ ecclesia suum hoc retinuit jus, at-
que legibus etiam firmavit; ita ex synodo Re- *An. 1148.*
menſi ſub EUGENIO III. in decretales re- *c. 4.*
latus eſt canon: Decernimus, ut laici ec- *Lib. II.*
cleſiaſtica tractare negotia non præſumant. Tit. I.
Sed épiscopi, abbates, archiepiscopi, & alii c. 2.
eccleſiarum prælati de negotiis eccleſiaſticis
(maxime de illis, quæ ſpiritualia eſſe noſcun-
tur) laicorum judicio non diſponant: nec
propter eorum prohibitionem, eccleſiaſticam
dimittant juſtitiam exercere. Ibi inter alia *Can. novis*
habetur, judicem eccleſiaſticum poſſe per ille. 13.
viam denunciationis evangelicæ ſeu judicialis,
procedere contra quemlibet peccatorem, etiam
laicum: maxime ratione perjurii, vel pacis
fractæ. Quod ſpectat juſ novum, ubi ſepa-
ratum eſt externum ab interno tribunali, quo
olim mixto eccleſia diſtriſtis cenſuris & pœ-
nis in quævis grandia animadvertit peccata
ac canones edidit. Nunc autem cauſæ pub-
licæ ſacræ ad forum ſeu judicium eccleſiaſti-
cum ſpectantes in jure canonico determinan-
tur quoad ſpirituales vel ſpiritualibus anne-

xas, & quæ ecclesiam respiciunt, unde emergit distinctio fori etiam mixti & causarum connexarum, quas distinguunt canonistæ, & nos suo loco, quantum satis est ad principia theologiæ canonicæ, explicabimus. Hæc universim delibanda fuerunt, quatenus ad generalem rei canonicæ notionem faciunt, quam initio mox dedimus, & in progressu evolvemus, præcisissimis illis, quæ ad alias theologiæ partes pertinent, subsequentes præsertim, sacramentalem ac liturgicam.

C A P U T II.

De hierarchia ecclesiastica.

§. XIII.

Ordo hierarchicus
a CHRISTO
institutus.

Gubernacula tenet, ac ecclesiæ præfidet amplissima auctoritate illustrissimus hierarchicus ordo a CHRISTO & apostolis institutus, ecclesiæ compagem continens, suapteque sustentans.

Seff.

XXIII.

Can. VI.

In orat. I.

S. Gregor.

Nazianz.

Sì quis dixerit, ita definit concilium Tridentinum, in ecclesia catholica non esse hierarchiam divina ordinatione institutam, quæ constat ex episcopis, presbyteris, & ministris, anathema sit. „ Ecclesiæ nostræ hierarchia (juxta ELIAM Cretensem) interjecta est inter cœlestem & Mosaicam seu legalem, & cum harum utraque participat. Cœlestis enim divinarum rerum speculationem ab omni
„ mate.

materia remotam habet, divinæque formæ, „ ad quam nulla res sensibilis pertingere po- „ test, similitudinem quandam habet. „ At vero hierarchia legalis ritibus quibusdam corporeis & observationibus sensibilibus addicta erat, infirmis & egenis, juxta apostolum, elementis deserviens. Partim vero spiritualibus rebus partim corporalibus detinetur ecclesiastica hierarchia, prout mente & corpore constamus, atque ecclesia spiritualibus donis & potestate, partim etiam exteriore forma insigni gaudet, per totum orbem diffusa, & omnia mundi in se continens regna. Memorabilis est S. CLEMENTIS ALEXAND. sententia de profectu & progressionibus hierarchiæ hujus terrestris in cœlestem: „ Nam (inquit) hic „ quoque in ecclesia progressionibus episcoporum presbyterorum sunt, ut arbitror, imitationes gloriæ angelorum, & illius œconomix „ ac dispensationis, quam dicunt scripturæ illos expectare, qui insistentes vestigiis apostolorum vixerunt in perfectione justitiæ „ convenienter evangelio. Hos sublatos in numeris, scribit apostolus, primum quidem „ diaconos futuros, deinde cooptandos esse „ in presbyteratum per profectum gloriæ. „ DIONYSIUS, qui de cœlesti & ecclesiastica hierarchia ex instituto scripsit, etsi pro Areopagita illo non habeatur, non incongrue tamen totam hanc rem est prosecutus, & conjunxit utramque hierarchiam triumphantis & militantis ecclesiæ; ab ovo rem exorsus, initiationis nimirum per sacrum baptismi lavacrum, quo ecclesiæ quidem adscribimur omnes, & renascimur membra reipublicæ ecclesiasticæ, sicuti nascimur in hunc mundum ad societatem humanam: ut quemadmodum

status

*Lib. VI.
Stromat.*

status politicus subsistit & regitur legitima potestate; ita sacer ecclesiæ status seipso sicuti constituit, ecclesiæque a CHRISTO est constituta, se sustineat & gubernetur. Hoc S. PAULUS egregie similitudine corporis humani expressit, variis membris constantis, quæ non eundem usum habent, caput autem est ad regendum totum corpus; & inter alios mentem apostoli S. CHRYSOSTOMUS exposuit, ecclesiæ præfules caput interpretatus, notans simul æmulationem, quam hæc differentia generet, & ecclesiam turbis, ac veluti incendio quodam totam invaserit. Quod eo non valet, ut idcirco subordinatio istæ debita non prorsus sit necessaria, atque legitimum suum ecclesiæ competat regimen, sine quo subsistere nequitiam potest, atque idcirco a CHRISTO & apostolis institutum subsistit. „Apostoli nostri (sunt verba S. CLEMENTIS ROM.) cognoverunt per „Dominum nostrum JESUM CHRISTUM, „quod futura esset contentio de nomine episcopatus: ob eam ergo causam constituerunt supradictos & deinceps futuræ successione regulam tradiderunt, ut cum illi decederent, ministerium eorum ac munus „alii viri probati exciperent. „

Ita ergo in ecclesia DEI constituitur & subsistit sacra potestas ac regale sacerdotium, non, uti in veteri testamento certæ tribui, ac successioni carnali assignatum, sed commune quidem omnibus, certis autem ad id munus idoneis personis per ordinem hierarchicum commissum; ut CHRISTI & apostolorum locum in ecclesia teneant, ac semper teneant, quibus fideles integerrimam obedientiam & subjectionem præstent, atque in ipso ministerio

rio sacro sit debita subordinatio ad unum, conservandæ unitatis causa, caput. *Quemadmodum*, inquit S. IGNATIUS, *novi Ad Ma-* *gnēs. n. 3.*
sanctos facere presbyteros, non respicientes ad
apparentem juvenilem ordinationem, sed ut
prudentes in DEO cedentes ipsi, non ipsi au-
tem, sed Patri JESU CHRISTI omnium
episcopo. Neoterici istic litigandi ansam arri-
 puerunt ex verbis illis νεωτερικῇ τάξις, qua-
 si non personam sed dignitatem ipsam episco-
 palem, quæ est principalis in hierarchia ec-
 clesiastica, νεωτερικὴν τάξιν seu institutum
 novum appellet. Sed apertissimam falsitatem
 redarguunt, non solum contextus ipse ac in-
 tegra illa epistola, verum etiam reliquæ san-
 cti martyris epistolæ omnes, cum reliquis fe-
 re primævæ ecclesiæ scriptis, ut jam studiose
 non semel tantum observavi: quod in hoc ner-
 vus consistat disciplinæ populi, formæ ac re-
 giminis ecclesiastici pulcherrimo ordine ad
 unitatem capitis tum tota in ecclesia, cum
 singulis quibusque particularibus ecclesiis, quæ
 integrum quoddam constituunt corpus sub ca-
 pite episcopo atque huic coordinantur, si rite
 sit ordinatum corpus non solum ex fidelibus
 subditis, sed etiam illis, qui sacris præfunt:
Nam memorabile vestrum presbyterium, idem
 ait S. IGNATIUS, & in Ephesiis collaudat, *n. 4.*
dignum DEO, ita coaptatum est episcopo, ut
chorde cythara. Hæc est illustrissima eccle-
 siastica hierarchia variis ordinibus ad unitatem
 fidei & ecclesiæ contra hæreses & schismata or-
 dinata.

Hoc unice sibi propositum habuisse S. I G N A-
 T I U M in suis epistolis discere etiam potes ex *Vindic.*
 J o. P E A R S O N I O protestante anglo do- *Ignatia-*
 ctissimo; „ Confluebant (ait) ad eum in iti- „ *n. c. 13.*

D

„ nere

„ nere ab ecclesiis Asiæ & episcopi , & presby-
 „ teri & diaconi complures ordine & munere
 „ & nomine & dignitate distincti ; de suarum
 „ ecclesiarum statu eum certiore faciebant :
 „ ad illorum ecclesias epistolas exarabat , sub
 „ martyris auctoritate , & summi in Syria epi-
 „ scopi , monita iis dabat. Quod ei maxime
 „ necessarium videbatur præcipue inculcabat ,
 „ ut ab hæreticis & schismaticis caverent , ne
 „ illi latius adhuc serperent. Remedium huic
 „ malo maxime opportunum judicabat , ut
 „ clero suo omnes adhærent , & christianam
 „ unitatem colerent : omnesque cleri ordines
 „ sui loci dignitatem obtinerent. Crebro igi-
 „ tur ordines sacros distinguit , & enumerat ,
 „ & singulorum nonnullos jam suo officio fun-
 „ gentes nominat ; hæc autem recte fieri non
 „ potuerunt , nisi & ordinum nomina distincte
 „ enuntiaret. Neque enim tres ordines bene
 „ distinguere , aut cuique sua officia & dignita-
 „ tes recte assignare potuit , nisi cuique etiam
 „ proprium aliquod nomen affigeret ; neque
 „ singulares homines tunc temporis certis or-
 „ dinibus distinctos , & officia diversa in ea-
 „ dem ecclesia exequentes , commendare po-
 „ tuit , nisi sub certi gradus nomine atque
 „ caractere . „

In eo autem est PEARSONIUS , ut common-
 strete triplicem in primitiva ecclesia , quem pri-
 mum ex canone concilii Tridentini dedimus ,
 hierarchicum ordinem ac gradum episcoporum ,
 presbyterorum , & diaconorum seu ministro-
 rum , quem Protestantes sustulerunt , instaurant
 autem Angli episcopales contra Puritanos , &
 alios , qui aut omnino episcopalem prærogati-
 vam rejiciunt , aut saltem indifferenter habent.
 Plurimum autem disputatur de primæva insti-
 tutio-

tutione apostolica, ac ecclesiæ primitivæ forma & regimine, quod plerique Protestantium enervant ex illis etiam, qui episcopatum non penitus exterminatum eunt, sed tamen ejus potestatem legitimam diminuunt, vel non aliunde quam ex confœderatione disciplinæ repetunt, veluti inter alios THOM. BRUNO, *Ad can.* qui edidit judicium de canonibus & constitutionibus apostolicis, quod insertum est volumini secundo apostolicorum patrum ed. Amstelod. *Part. II.* aliis suis gentilibus contradicentibus, inter p. 177. quos imprimis memorandus est EDUARDUS *an.* 1724. STILLINGFLEETUS, qui quæ prius scripserat contra hierarchiam revocavit, & in singulari dissertatione de potestate ecclesiæ circa excommunicationem probat, ecclesiam esse societatem, eamque distinctam a societate civili ac proinde habere jus infligendi pœnas, idque non ex solo membrorum consensu, sed ex legibus ab auctore societatis illius constitutis. Idem alii commonstrarunt, & idcirco tam successionem episcoporum apostolicam, quam etiam scripta temporum apostolicorum illustrarunt. Illud inter alios WHARTONUS in Anglia sacra egit, quemadmodum SAMMARTHANUS in Gallia sacra, & UGHELLUS in Italia sacra; hoc multi præstiterunt non solum circa S. IGNATIUM, sed alios etiam scriptores apostolicos, BARNABAM, POLYCARPUM, CLEMENTEM ROMANUM. quem eum in finem HEN. WOTTONUS edidit, illustravitque dissertationibus. Ubi queritur permultos divinam cleri originem & a laicis distinctionem impugnare, & clerum omnibus suis juribus & privilegiis exuere conari. Legitimam autem successionis apostolicæ constituit auctoritatem episco-

*Lib. III.
epist. 53.*

*Epist. ad
S. Bonifac.*

porum, penes quos clavis est regiminis ecclesiastici, & in unum revocatur pulcherrimo ordine Hinc in alios superiores hierarchas usque ad centrum unitatis eadem unitatis ratio recurrit. Quam in rem lectu digna est epistola S. LEONIS ad ANASTASIUM Thessalonicensem suum in Illyrico vicarium; circa finem. Et S. GREGORIUS M. quale debeat istud esse regimen pastorum exponit, ne in schema politicum seu etiam tyrannidem degeneret. Neve pro lubitu legibus solutum existimetur, quod sæpe summi pontifices sunt contestati, procul esse ut aliquid a sacra sede contrarium sacris canonibus & decretis patrum progrediatur: *Contra quos, contestatur ZACHARIAS papa, inauditum esse, quod aliquando judicaverit.* Alias autem amplissima est ista potestas, & soluta omnino a civili, cui se etiam reges & principes subjiunt, unde GERBERTUS Remensis postea papa præcellentiam sacræ potestatis egregie extollit sermone quodam apud MABILLONIUM, in numeroso cleri conventu habito, lectuque dignissimo, de episcopis, qui sunt supremi hierarchæ ex successione apostolica, qua amplissima auctoritate ecclesiam regunt, & sacra moderantur proprio vigore & tribunali, quæ fuit olim *audientia episcopalis* dicta, ad quam si unquam locus etiam aliis quam sacro ordini est datus, non defectu plenæ potestatis, sed venia est facta, ut conspirante utraque potestate robur adderetur & protectio potestatis civilis adesset ecclesiæ.

§. XIV.

§. XIV.

Singulari divina providentia factum est, ut ecclesia, florente & undequaque sese diffundente Romano imperio adolescens, ejus veluti indueret formam, ac schema.

Ad formam quandam Romanæ imperii.

Ipsi apostoli in prima ecclesiæ constitutione hoc deprehenduntur secuti consilium divino instinctu, ut ubicunque civilis magistratus esset præcipuus, ac urbium eminentia, ibi etiam ecclesiasticum statuerent magistratum, ac senatum quemdam presbyterorum, cui præfectus apostolus, episcopus, seu angelus esset:

„Cujus (sunt verba J o s. B I N G H A M I „ *T. III.*
theologi Angli) jurisdictio non ad singula „ *orig. eccl.*
rem quamdam congregationem adstricta erat, „ *L. IX. c.*
sed super omnem regionem, civitatis ali „ *l. §. 1.*
cujus jurisditioni subjacentem, quæ προά „
σεια, vel παροικία, vel uti nunc vocatur, „
diœcesis ecclesiæ erat, explicata. Secundum „
hoc exemplar, ut probabile est, P A U L U S „
T I T O præcepit, ut constitueret in Creta „
insula presbyteros κατὰ πόλιν oppidatim, „
hoc est ecclesiasticum senatum & magistra „
tum, in quocunque loco antea civilis qui „
dam magistratus fuerat: qui, quemadmo „
dum ex subsequuta historia ecclesiastica disci „
mus, episcopus erat cum presbyteris suis, „
qui junctim seniores & senatus ecclesiæ vo „
cabantur. Civitates imperii suos quoque ma „
gistratus in imperio circumjacente habebant; „
sed hi magistratibus civitatis subditi ex illis „
generatim electi erant, uti vir quidam do „
ctus ex F R O N T I N I libro de limitibus „ *Fr. Max-*

D 3

„ agrarice ditæ

ces. episc.
p. 390.

„ agrariis aliisque antiquariis Romanis obser-
„ vavit. In eundem modum unaquæque ec-
„ clesia civitatis spirituales ministros in omni-
„ bus oppidis & vicis, ad civicam regionem
„ spectantibus, habebat; & hi ipsi ab ecclesia
„ matrice, tum quod ad potestatis suæ exer-
„ citium, tum quod ad eorum institutionem
„ dependebant; quacum ecclesiæ oppidanæ
„ subordinati & ad reddendam ei rationem ob-
„ ligati essent, non secus ac magistratus sub-
„ ordinati in civili regimine erant. „

Hæc potest dici diœceseon constitutio pro-
ut hodieque nomen suum sustinent, antiquis
autem temporibus ampliorem ambitum com-
plectebantur, & latius quam ipsæ provinciæ
patebant, in quas divisum erat Romanum im-
perium, incertum autem est quo tempore: aliis
ut laudatus observat BINGHAMUS, ad
VESPASIANI tempora, aliis ad prima ec-
clesiæ exordia revocantibus, divisionem autem
diœceseon ad CONSTANTINI ætatem;
hincque vult, ecclesiam in constituenda me-
tropolitica & patriarchali potestate exemplum
ab hac reipublicæ effigie desumpsisse. Quod di-
vinæ providentiæ est dandum efflorescente sem-
per magis magisque ecclesia, & dominatum
suum extendente. Lucem huic rei haud sper-
nendam afferunt, quæ idem BINGHAMUS
ex notitia imperii affert, quæ ARCADII &
HONORII temporibus confecta creditur,
qua universum imperium in tredecim diœceses
sub quatuor præfectis prætorio, & centum cir-
citer & viginti provincias in illis comprehen-
sas dividitur. Atque huic rei confirmandæ
valet, quod de ecclesia Hierosolymitana &
Constantinopolitana constat: quarum prior
etsi antiquissima esset & sanctissima, nihilo-
minus

minus suberat metropoli cæsareæ Palestinæ; hæc autem Byzantium dicta primum Heracleæ Thraciæ metropoli suberat, donec nomine pariter & splendore aucta Constantinopolis dicta, & sedem imperatorum nata, Romæ æmula fieret, & ecclesiasticam suam jurisdictionem protenderet, prælata etiam Alexandriæ Ægypti, & Antiochiæ Syriæ in oriente; quæ jam apostolorum temporibus cum eminere principis apostolorum P E T R I sedes habebantur, antequam principem urbem Romam propriam is sibi dicaret, & morte etiam sua vindicaret.

Ut hinc pateat non instituti alicujus humani, sed apostolici esse hanc formam, ecclesiæ regimini peraccommodam, quæ ab uno capite ac centro unitatis digressa, in inferiores sedes veluti unius arboris ramos, ac immensi corporis membra se protenderet: *Concordia*, ut verbis S. CYPRIANI utar, *mutuæ glutine atque Epist. ad unitatis vinculo copulatum, ut, si quis ex col. S Stephan. legio nostro hæresin facere, & gregem CHRISTI lacerare & vastare tentaverit, subueniant ceteri.* Patuit id deinceps semper in quibusvis causis ecclesiasticis, mutuo episcoporum consilio & opera transigi solitis; ut licet sui cuique episcopatui essent constituti fines, causæ tamen religionis communes essent omnibus: *Nam, ut pergit S. CYPRIANUS etsi pastores multi sumus, unum tamen gregem pascimus, & oves universas, quas CHRISTUS sanguine suo & passione quæsiuit, colligere & fovere debemus.* Hæc est communio potestatis ecclesiasticæ, cum debita tamen subordinatione usque ad centrum unitatis communi episcopali officio: *Communis est nobis omnibus, qui fungimur episcopatus officio (quamvis ipse in eo celsiore fastigio præmineas) specula pasto-*

D 4
ralis,

*Contra e-
pist. Pela-
gii præfat.
ad Bonif.*

ralis, ut S. AUGUSTINUS ad BONI-
FACIUM papam scribit. Atque sic status
ecclesiæ monarchico - aristocraticus dilucidatur
& explicatur, quem catholici statuunt plus
aut minus alterutri deferentes parti; ut tamen
centrum unitatis omnes constituent Romanam
sedem apostolicam, etiam Galli, qui alias plu-
sculum aristocratix tribuunt in ecclesia. Qui
si sibi constare velint, quatenus in Romano
pontifice centrum unitatis constituitur, ut
quemadmodum fideles, & inferiores antisti-
tes episcopo, ita hic archiepiscopo, & sic
ascendendo usque ad summum Pontificem tota
sibi ecclesia arctissime cohæreat & unita sit,
nihil derogare valent prærogativæ Romanæ se-
dis ac PETRI apostolorum principis.

Secus Græci schismatici sciscunt, qui regi-
men ecclesiæ ex humano instituto repetentes,
atque ex urbium præcellentia tantum dimetien-
tes, sese ab unitate ecclesiæ sciderunt; non
attendentes, quo conformata est ecclesia ad ra-
tionem Romani imperii, singulari DEI provi-
dentia esse factum, auctoribus ipsis apostolis,
qui aut potioribus urbibus dederunt episcopos,
aut ipsi præfuerunt, ac epistolas ad tales urbes
dederunt, uti constabit epistolas D. PAULI
percurrenti; procul ab omni ambitu, & fastu
sæculari, sed pro ecclesiæ emolumento & splen-
dore, quæ occupare debuerat, & dominari toti
orbi. Quare constituta ecclesia deinceps non
opus fuit conformare se formæ imperii, ut quan-
do mutationem subiit, eam sequendam non
semper duxerint præfules, licet forte honoris
quemdam ordinem indulgerent, prout canone
Chalcedonenſi est constitutum: *Quæcunque
autem civitates per litteras imperatorias me-
tropolis nomine honoratæ sunt, solo honore
fruantur*

Can. 13.

fruantur, & qui ejus ecclesiam administrat episcopus, servato scilicet vera metropoli suo jure. Exemplo esse potest vel ipsa Constantinopolitana sedes, quæ licet a duobus conciliis œcumenicis privilegium acceperit, diu tamen relictata est Romana sedes. S. BASILIUS strenue opposuit novæ metropoli Tyanensi, & S. INNOCENTIUS papa ea de re consultus ab ALEXANDRO Antiocheno antiquitatem servari, nec ad mobilitatem necessitatum mundanarum DEI ecclesiam commutari voluit. Novella JUSTINI imperatoris hujusmodi ea in re habetur: „ Quæ vero ad sacerdotia spectant, ea volumus in pristina manere forma, negotio ipso nec circa ius metropoliticum, neque circa ordinationes vel mutationem, vel novationem fuscipiente: sed prius ordinatis nunc quoque ex ordinatione auctoritatem obtinentibus, & prioribus item metropolitanis in suo permanentibus ordine: ut quantum ad ipsa nihil penitus innovetur. „

§. XV.

Urbs princeps Roma, principem Urbe Romanam apostolorum PETRUM pastorem ma primum tenente. nati, primatum tenet non honoris tantum, sed etiam jurisdictionis, quam semper, licet non eadem disciplina, exercuit.

Primatum honoris, qui summæ sedis Romanæ demerent, vix fuerunt, nec Græci quidem schismatici. Atque ex ipsis Protestantibus sunt, qui haud improbandum putant ordinem hierar-

D 5

chicum

chicum qui in ecclesia Romana obtinet. Quade re adeundus est CHR. PFAFFIUS *in Origin. juris ecclesiastici*, ubi PHIL. MELANCHTHONIS & aliorum eam in rem laudat sententiam. Nec fuit hic læva LEIBNIZII mens; nec ipse penitus abhorret PFAFFIUS. Sed nervum potestatis ecclesiasticæ succidunt hi eo ipso, quod legitimam non statuunt hanc potestatem, ac veram illius dominicam institutionem. Quain re incurrunt idipsum quod maxime hic solent ingerere, contentionem inter hierarchas ecclesiasticos eoredigentes, *quis eorum videretur esse major*, ordinem tantum & præminentiam non sacram jurisdictionem admittentes.

Id quidem nemo facile inficias eat, non eodem semper modo eam esse exercitam, nec eundem semper fuisse exteriorem ecclesiæ tum aliarum cum Romanæ imprimis splendorem, quem amplio rem est nacta, postquam primum e statu suo pressa est emersa, & deinceps etiam diviso & collabente imperio Romano aucta principatu urbis Romæ, Romanis pontificibus nullis amplius principibus obnoxiiis. Quod non sine Numine divum est factum, ut inter tot orbis dominos & principes expeditius jura sacrorum exercerentur obtinerenturque. Quod dum non attenditur, confunditur sacer cum politico dominatu, divina cum humanis juribus, ac ob principum temporumque favorem, quo exteriorem splendorem consecuta est ecclesia imprimis Romana, in invidiam vocatur ipsa sacra potestas, & primatus Romanæ ecclesiæ non honoris tantum sed etiam jurisdictionis.

Dum penes unum aut paucos erat orbis dominatus, christiani principes multa circa sacra

cra faterentur, non pro suo arbitratu aut sacra aliqua potestate, quæ semper penes sacrorum præfules resedit, sed zelo & studio juvandi ecclesiam; nisi quando potentia abusi in sacra involarent contra legitimam auctoritatem, ingenti semper ecclesiæ damno. Alias vero recte sustentarunt ecclesiæ gubernacula in suis præsulibus imprimis Romanis pontificibus, quibus non solum quietam sedem suam, sed etiam vacuum reliquerunt Romanam urbem, & sua potestate auctoritatem firmarunt, non contulerunt. Quam in rem singularis est VALENTINIANI III. lex; quam etiam solent in invdiam trahere, præsertim autem PHOCÆ imperatoris indulgentiam, quasi is primum episcopi œcumenici titulum & prærogativam Romano pontifici concefferit, ineunte demum sæculo octavo, deinceps magis magisque aucta potentia Romani pontificis orientali imperio ab occidentali abscisso, unde pontifici urbis Romæ principatus accessit, politicus, non sacer utique, quem semper obtinuit; licet postea nemini obnoxius quoad temporalia expeditius, fortiusque eum exercuerit, quam antea, ubi adhuc juxta OPTATI Milevitani *Lib. III.* phrasin, non respublica fuit in ecclesia, sed *cont. Par-* ecclesia in republica, id est in imperio Romano. *menio-* Qua mutata facie non hierarchia & jurisdictione sacra est immutata, quidquid circa rempublicam & principes acciderit circa temporalia, quæ hic non disquirimus; sed principia theologiæ canonicæ prosequimur; & jam in eo sumus, ut jus sacrorum Romanorum pontificum in ecclesiam notemus, quod semper exercuerunt, exemplo PETRI, cui successerunt, quique a CHRISTO, ut ex evangelio constat, singularem pascendarum ovium

vium curam accepit præ cæteris, pro quibus singularem amorem CHRISTO debuit contestari; atque hanc curam, ut ex actibus apostolorum constat, fideliter semper gessit; successoribus in Romana ecclesia idem pro commisso munere [pastorali præstantibus in tota ecclesia.

Sic proximus post mortem PETRI successor S. CLEMENS suum esse duxit ortum Corinthi schisma compescere pastorali data epistola. ANICETUS, SOTER, ZEPHYRINUS, VICTOR, controversiam de paschate in se susceperunt transigendam, quemadmodum postea S. STEPHANUS, SIXTUS II. litem de rebaptizandis hæreticis; reluctante quidem etiam S. CYPRIANO, ut tamen alias prærogativam Romanæ sedis agnosceret, non ordinis tantum sed & jurisdictionis plenissimæ. Quod vel epistola ad ipsum S. STEPHANUM data prodit in causa MARCIANI Arelatensis: *Quapropter scribit, facere te oportet plenissimas litteras ad episcopos nostros in Galliis constitutos, ne ultra MARCIANUM pervicacem & superbum & divinæ pietatis ac fraternæ salutis inimicum collegio nostra insultare patiantur.* Percurrendæ mihi forent omnes majores ecclesiæ causæ, quæ privatis judiciis, ac pacifice transigi haud potuerunt in partibus; atque recurrendum fuit ad Romanam sedem, cujus prærogativa erat omnium ecclesiarum suscipere curam, testibus SOCRATE, & SOZOMENO auctoribus Græcis, in causâ itidem in oriente orta: amabatur partibus S. ATHANASIO & adversariis Eusebianis rem ad Romanum pontificem deferentibus: Nam, ut inquit SOZOME-

Epist. 68.

Socr. lib.

II. c. 15.

Sozom. lib.

III. c. 8.

MENUS, *in litteris suis fatebantur*, Romanorum quidem ecclesiam apud omnes magnificam esse, quippe qua jam inde ab initio domicilium apostolorum & pietatis origo ac metropolis extiterit; licet fidei doctores ad eam ex partibus orientis advenissent. Nemo ignorat concilii Sardicensis hanc in rem decretum & episcoporum Romæ in concilio congregatorum ad imperatorum petitio, imperatorisque rescriptum, *ut qui evocatus ad sacerdotale iudicium Gratian. per contumaciam non ivisset, aut ab illustribus ad Aquiviris præfectis pratorio Gallia atque Italia, sive lin. T. I. a proconsulibus vel vicariis, auctoritate adhibita ad episcopale iudicium remittatur, vel ad P. 532. urbem Romam sub prosecutione perveniat: aut si in longinquiore partibus alicujus ferocitas talis emergerit, omnis ejus causæ dictio, ad metropolitani in eadem provincia episcopi deducatur examen; vel si ipse metropolitanus est, Romam necessario, vel ad eos quos Romanus pontifex iudices dederit, sine dilatione contendat.* Accidit enim, ut ecclesiastici causæ suæ diffusi potentium sæculi perfugium quærent, quod etiam INNOCENTIUS queritur in causa S. CHRYSOSTOMI apud *Dial. de PALLADIUM*; quare illinc etiam tutela *de vita S. & prosecutio iudiciorum ecclesiasticorum fuit Chrysost.* quærenda, quando vis ac coercitio sacra nihil proficiebat, quam sacrorum præsules imprimis Romani pontifices stringebant cum contestatione divini iudicii. Sic SIRICIUS gravissime legem inter alias coelibatus constituit, *ut, si quis ab hac canonis ratione voluerit evagari, sciat se a nostra communione seclusum, & gehennæ pœnas subiturum.* Memorabile est, *Ep. decret.* quod apud eundem habetur: *Litteras dare T. I. p. placuit non quæ nova præcepta aliqua impe-* 658.
rent,

rent, sed quibus ea, quæ per ignaviâ deficiamque aliquorum neglecta sunt, observari cupiamus, quæ tamen apostolica & patrum constitutione sunt constituta.

Ib. p. 651.

Hanc nimirum præcipuam semper curam habuerunt Romani pontifices, ut invigilarent undique canonum observantiæ. Quod si hoc solum libertatibus suis tutum volunt Galli, ut canonum ecclesiasticorum regula gubernentur, eam quam ipsi Romani pontifices semper sunt contestati, fovent mentem. Nuperrime in ipsa Romana curia Em. QUIRINUS hoc principium adhibuit circa abrogationem festorum, veritus, ne ex indultis novis nascatur detrimentum regulis avertis. Sed facile contingit, ut hic in applicatione aberretur, & si quæ novæ edantur saluberrimæ constitutiones contemnantur sub tali prætextu.

Ex altera vero parte usuvenit, si adïaphora etiam ad unam regulam revocandi contentio sit, ut nonnunquam pulcherrima disciplina & consuetudines particulares ecclesiarum abrogentur. Interim fatendum est, nihil esse concinnius in ecclesia, quam conformem ecclesiæ disciplinam, qualem ecclesia Romana in occidente quam maxime inducere semper allaboravit secundum ritum Romanum, quod in oriente obtinere haud potuit, quam etiam conata sit. S. LEO ecclesiam Alexandrinam obstringere voluit, data ad DIOSCORUM epistola, ad omnes ecclesiæ Romanæ ritus. Idemque nobis documentum præbet quam ecclesia Romana omnibus invigilaverit ecclesiis, ANATOLIUM Cyprianum adigens ad deponendum archidiaconatu ANDREAM, qui olim contra FLAVIANUM steterat, & clero dejiciendum ATTICUM eandem ob causam; quod
evi-

evicit, ægre licet ferente ANATOLIO, pontificem tantopere se rebus ecclesiæ suæ miscere. Etiam alii sanctissimi viri BASILIUS MELETIUS, patres Africani &c. nonnunquam sunt exacerbati & conquesti, atque Romani pontifices aliquid humani passi, decepti specie facti, falsisque relationibus.

Quin & ipsi, mortalium forte non exempti, in iudicium sunt vocati, ne quid de MARCELLINO, MELCHIADE dicam, DAMASUS, SYMMACHUS &c. Sed reverentia est habita summæ sedis, enituitque imprimis Gallorum zelus in causa SYMMACHI, ut hodieque scripta AVITI & ENODII testimonio esse possunt ac documento, quanta hic sit adhibenda pietas & religio, ne in iudicium vocetur vicarius CHRISTI ac supremus in ecclesia iudex.

§. XVI.

Frustra sunt, qui contra Romanæ Præ aliis sedibus patriarchalibus. sedis prærogativam canonem VI. concilii Nicæni urgent, ubi par Alexandrino episcopo in Ægyptum, Lybiam, & Pentapolim tribuitur potestas, quæ est Romano pontifici in ecclesias *suburbicarias*.

Commentum hoc JAC. GOTHOFREDUS celebris jurisconsultus protulit in lucem, edita Francofurti an. 1618. de suburbicariis regionibus & ecclesiis, seu de præfecturæ & episcopi urbis Romæ diœcesi conjectura, quam mox sub censuram revocavit JAC. SIRMONDUS; GOTHOFREDUS autem
pro-

Hist. lib.
I. c. 6.

proximo post anno vindicias pro conjectura adversus censuram J A C. S I R M O N D I protulit, eique succenturiatus est Cl. S A L M A S I U S discipulus celebris jurisconsulti D I O N Y S. G O T H O F R E D I, qui fuit J A C O B I pater; non tam studio erga G O T H O F R E D O S, quam odio in Romanam ecclesiam Calvinianæ sectæ itidem ut illi addictus; solentque detractores Romanæ sedis canonem illum Nicænum passim objicere, quo decernitur, *ut apud Alexandriam & in urbe Roma vetusta consuetudo servetur, ut vel ille Ægypti, vel hic suburbicariarum ecclesiarum sollicitudinem gerat.* Quem R U F I N U S in versione & epitome canonum Nicænorum ita exhibet: *Ut apud Alexandriam & in urbe Roma vetusta consuetudo servetur, ut vel ille Ægypti, vel hic suburbicarum ecclesiarum sollicitudinem gerat.* In canone ipso Nicæno mox additur: *Similiter & in Antiochia, & in aliis provinciis sua privilegia ecclesiis servantur. Illud autem est omnino manifestum, quod si quis absque metropolitani sententia factus sit episcopus, eum magna synodus definit, non oportere episcopum esse.* Ex quibus quidem, atque ex illis, quæ tunc actitata sunt circa M E L E T I I Alexandrini schisma, sensus & finis hujus canonis conjici potest, qui de jure ordinandi & potestatem exercendi legitimam in suffraganeos episcopos agit, quod singulare erat in his tribus præcipuis & patriarchalibus sedibus, ut etiam sedes metropoliticas sub se haberent, ac integras provincias non dioceses tantum Alexandrinus e. g. per Ægyptum, Lybiam, & Pentapolim: quod jus invaserat M E L E T I U S episcopus Lycopolitanus in sua, aut forté aliis
etiam

etiam provinciis & regionibus, episcopos constituens, & alios clericos instituens, invito Alexandrino præsule. Quoad hoc ergo tantum comparatio instituitur Romanum inter & Alexandrinum episcopum, quoad ecclesias *suburbicarias*, quas vocat RUFINUS.

Ingens autem est catholicos etiam inter disceptatio, quid illis intelligatur & comprehendatur, quæ RUFINO earum regionum gnarō cognitæ quidem esse potuerunt, sæculis autem sequentibus mutata imperii Romani divisione definiri tam facile amplius haud potuerunt, atque inde lites hætenus fervent inter eruditos, ad causam autem præsentem trahi haud debent de primatu Romanæ ecclesiæ, quidquid illæ ecclesiæ ac regiones suburbicariæ sint: cum ex illis, quæ paulo ante attulimus, atque ex tota antiquitate ecclesiastica innumeris documentis constet causarum quarumvis sagessisse Romanum pontificem, qui præter totius ecclesiæ præsidium dicitur simul esse patriarcha occidentis, primas Italiæ, archiepiscopus & metropolitānus Romanæ provinciæ, atque episcopus urbis Romæ, uti post alios expendit SS. BENEDICTUS XIV. (de cuius morte dum hæc p. 29. scribo, tristis affertur nuncius) in insigni opere *de synodo diœcesana*, ubi erudite hanc ipsam de suburbicariis regionibus tractat quæstionem, laudatis variis doctoribus qui hoc versarunt argumentum: dum alii diœcesanam, alii metropolitānam, alii patriarchalem intelligunt jurisdictionem, & prout hanc plus minusque extendunt, etiam amplificant suburbicarias regiones, de quibus in sacris monumentis antiquis nihil habetur; in codice autem Theodosiano non determinatur, quousque patuerint, unde enata est tanta conjecturarum varietas,

E

ut

ut fuerint ex Protestantibus præter eos, quos jam citavi non pauci, qui confinia tantum urbi proxima ad centum millia passuum seu centesimum inde milliarium, quousque se territorium seu jurisdictio præfecti urbis Romæ protendebatur, per regiones suburbicarias intelligant; alii tamen ex ipsis etiam Protestantibus jam indulgentiores, regiones istas suburbicarias easdem esse existimant cum decem provinciis diœcesis Italicæ, quæ sub vicario urbico fuerunt constitutæ, qui cum altero vicario Italicæ diœcesin Italicam divisam tenuit: ita ut vicarius Romanus septem provincias Italicæ Campaniam, Tusciam simul cum Umbria, Piceni partem dictam suburbicariam, Apuliam simul cum Calabria, Brutios cum Lucania, Samnium, & tres insulas, Siciliam; Sardiniam, & Corsicam sub sua habuerit jurisditione. Quæ jam communior est etiam inter catholicos opinio, mentique concilii Nicæni eo propius accedere videtur, quod ad exemplum ecclesiæ Romanæ singularem aliquam jurisdictionem & potestatem adscribat Alexandrinæ pariter ac Antiochenæ ecclesiæ, quæ tunc fuerunt præcipuæ ecclesiæ dictæ deinceps patriarchales, licet tota hæc amplitudo non exhauriatur canone isto Nicæno: ut proprie tantum sit ampliatio potestatis metropoliticæ, qualis est primatum: juxta ac antea ex BENEDICTO XIV. hanc prærogativam Romani pontificis distinximus, quæ non est inutilis, quoad præsentem tractationem principiorum theologiæ canonicæ, quoad leges pontificum, synodos item & jurisdictionem ecclesiasticam, prout diversimode a Romano pontifice exercetur, ac decreta emanant, non omnium nationum moribus & consuetudinibus congruentia.

§. XVII.

§. XVII.

Undequaque ad Romanam sedem Relationi-
 in rebus dubiis causisque majoribus bus undi-
 relationes sunt factæ, ac fieri debue- que ad Ro-
 runt; rescriptaque non consilii tan- manam
 tum, sed legis vim obtinuerunt ad ecclesiam
 dirimendam litem. factis.

Varia distinguuntur majorum causarum ge-
 nera, quæ aut negotia universalis ecclesiæ tum
 quoad fidem & mores, ritus & disciplinam
 concernunt; aut post judicium episcopale, dum
 aliter transigi non possunt ad sedem Romanam
 referenda sunt: quæ proprie sunt hujus loci
 ad formam exteriorum regimenque ecclesiæ
 spectantia. Ita ut etiam in rebus ad discipli-
 nam pertinentibus legis vim habeant, secus
 ac J. O. G E R B A S I O est visum, qui id ne-
 gotii a clero Gallicano in comitiis an. 1665.
 accepit, ut tractatum *de causis majoribus* con-
 scriberet; quem tamen postea I N N O C E N-
 T I U S XI. peculiari bulla damnavit an. 1680.
 atque in eo etiam P E T R U M de M A R C A
 adversarium habuit, quod responsa pontifi-
 cum legis locum habere negaret, quasi eo-
 rum non sit leges condere, sed saltem anti-
 quos canones interpretari; P E T R U S autem *De conc.*
 de M A R C A expresse dicit, quod responsa il- *sacerd. &*
 la non ita accipienda sint, ac si simplicis tan- *imp. lib.*
 tum consilii vicem subirent, sed veluti deci- *VII. c. 13.*
 siones habendæ sint ex canonibus aut ex tra-
 ditione petitiæ, ad quarum observationem e-
 piscopi erant adstricti. In cujus rei compro-
 bationem provocat ad S I R I C I I mandatum
 H I M E R I O Tarraconensi datum, ut respon-

sa sua deferri curet in omnium coepiscoporum notitiam.

*Epist. ad
victric.
Rotbo-
mag.*

Jam superius diximus hanc esse præcipuam pontificum curam, ut observationi canonicæ invigilent, quam jugiter sunt professi: *Non quo*, inquit INNOCENTIUS, *nova præcepta aliqua imperentur, sed ea, quæ per desiderium aliquorum neglecta sunt, ab omnibus observari cupiamus, quæ tamen apostolica & patrum constitutione sunt constituta.* Quod non eo sumi debet, ac si pontifici nulla sit potestas legislativa, sed quod ea arbitraria non sit contra avitas leges, studio potius ingenti disciplinæ ac ordinis ecclesiastici conservandi. Pariter ac de causis judicialibus in eadem epistola dicit pontifex, ut post judicium episcopale ad sedem apostolicam referantur, qua in re provocat ad veterem consuetudinem & sanctam synodum, Sardicensem nimirum. Et JULIUS pontifex, ad quem canon ille directus est, jam ad hanc consuetudinem provocavit: *An ignoratis*, inquit apud S. ATHANASIUM, *banc esse consuetudinem, ut primum nobis scribatur, & hinc quod justum est decernatur.* Quod indicat ejusmodi causam majorem, quæ præcipuam aliquam sedem attinet, etiam ante judicium aliud ad Romanum tribunal fuisse referendam; qualis tunc erat causa de S. ATHANASIO episcopo Alexandr. Sane, pergit, *si qua hujusmodi suspicio in illius urbis episcopum cadebat, ad hanc ecclesiam illud rescribendum fuit.* Nunc autem illi, re nobis non indicata, posteaquam quod libuit, egere, nos quibus ea crimina explorata non sunt, sibi suffragatores esse volunt. Nequaquam talia sunt PAULI statuta, non hæc patres tradiderunt: sed aliena est

*Apol.cont.
Arianos.*

est ista forma, novum hoc institutum. Obsecro aliter toleretis, quæ enim scribo, ad publicum bonum conferunt. Nam quæ accepimus a B. PETRO apostolo, ea vobis significo: non scripturus tamen, quod nota apud omnes ea esse existimem, nisi quæ gesta sunt nos conturbassent.

§. XVIII.

Injuste oppressis commune per-
 gium semper fuit apostolica sedes, Et appella-
 interposita appellatione legitime fa-
 cta, non subreptitie, id, quod exo-
 sas reddidit appellationes. bus.

Antiquis temporibus, quando statuta erant conciliorum, singulis annis semel aut bis, tempora, hæc erant ordinaria tribunalia, quibus querelas suas exponeret, qui se injuste a suo episcopo vexatum depositum aut excommunicatum putavit. Concilium Nicænum auctoravit mox canone II. hoc concilii principalis tribunal. Quodsi vero hoc non suffecisse vel satisfecisse est visum, numerosiora plurium provinciarum, aut pro gravitate causæ etiam plenaria ac œcumenica christiani orbis cogeantur concilia. Ejusmodi censeretur potest Sardicense concilium, quod lege sanxit ac indulgit, ut qui in justo judicio gravatum se existimaret, Romanam sedem, cui tunc JULIUS præerat, posset implorare ac appellare: „Quodsi „ aliquis (ita rem OSIUS patribus proponit) *Can. 3.*
 episcoporum judicatus fuerit in aliqua causa, „ *P. II.*
 & putat se bonam causam habere; ut iterum „
 concilium renovetur; si vobis placet, sancti „
 PETRI apostoli memoriam honoremus, „

E 3

„ ut

Can. 4.

„ ut scribatur ab his qui causam examinarunt ,
 „ JULIO Romano episcopo : & si judicave-
 „ rit renovandum esse judicium , renovetur ,
 „ & det iudices. Si autem probaverit talem
 „ causam esse , ut non refricentur quæ acta
 „ sunt : quæ decreverit confirmata erunt. Si
 „ hoc omnibus placet ? Synodus respondit :
 „ Placet. „ Et mox , GAUDENTIUS
 „ episcopus dixit : „ Addendum si placet huic
 „ sententiæ quam plenam sanctitate protulisti ,
 „ ut cum aliquis episcopus depositus fuerit , eo-
 „ rum episcoporum iudicio , qui in vicinis
 „ locis commorantur , & proclamaverit agen-
 „ dum sibi negotium in urbe Roma , alter epi-
 „ scopus in ejus cathedra post appellationem
 „ ejus , qui videtur esse depositus , omnino non
 „ ordinetur , nisi causa fuerit in iudicio episco-
 „ pi Romani determinata. „ Ut vero res rite
 „ ordinata esset , iterum O S I U S episcopus di-
 „ xit : „ Placuit autem , ut si episcopus accusa-
 „ tus fuerit , & judicaverint congregati episco-
 „ pi regionis ipsius , & de gradu suo dejece-
 „ rint : si appellaverit qui dejectus est , & con-
 „ fugerit ad episcopum Romanæ ecclesiæ , &
 „ voluerit se audiri ; si iustum putaverit , ut
 „ renovetur iudicium vel discussionis examen ,
 „ scribere his episcopis dignetur , qui in finiti-
 „ ma & propinqua provincia sunt , ut ipsi dili-
 „ genter omnia requirant & juxta fidem veri-
 „ tatis definiant. Quodsi is qui rogat causam
 „ suam audiri iterum , deprecatione sua move-
 „ rit episcopum Romanum , ut de latere suo
 „ presbyterum mittat ; erit in potestate epi-
 „ scopi quid velit & quid æstimet. Et si de-
 „ creverit mittendos esse qui præsentibus cum
 „ episcopis judicent , habentes ejus aucto-
 „ ritatem a quo destinati sunt ; erit in suo ar-
 „ bitrio.

bitrio. Si vero crediderit, episcopos suffi-
cere, ut negotio terminum imponant, fa-
ciet quod sapientissimo consilio suo judica-
verit.

Erat tunc summe necessaria ista provisio,
quando in judiciis episcopalibus factione con-
tentioneque Eusebianorum omnia erant per-
versa, & apud solam sedem Romanam asylum,
quo omnes perfugerunt, & patrocinium, au-
xilium ac justum acceperunt judicium. SO-
CRATES, & SOZOMENUS, & S. A-
THANASIUS hos recensent. Qui ipse S.
ATHANASIUS hic in censum maxime ve-
nit, cum aliis imprimis S. PAULO Con-
stantinopolitano, MARCELLO, ASCLE-
PA: qui præcipue fuerunt, quos calumniis
suis impetivere Eusebiani; Romæ autem abso-
lutionem, sedibus restituti, acceperunt, nihil
prævalentibus Eusebianorum artibus, favente
CONSTANTE, cum CONSTANTI-
NUS in locum depositorum alios intrudi haud
sivisset. Fuit autem restitutionis sententia in
concilio Romæ solemniter facta, præsentem ipso
S. ATHANASIO. Nec potuerunt Euse-
biani, post mortem JULII, successorem LI-
BERIUM, quam id etiam egerint, alio de-
ducere.

Socr. lib.

II. c. 13.

Soz. lib.

III. c. 7.

Apol. 2.

An. 341.

Romani pontifices constanter inhæserunt ca-
noni Sardicensi in codice canonum id concilium
jungentes Nicæno. Quæ res postea in
Africa simultatem excitavit sub ZOSIMO
occasione notissimæ appellationis APIARII
abusi isto privilegio cum aliis non paucis, jam
sub S. CYPRIANO, cum FELICIS-
SIMUS Romam appellasset a sententia
Africanorum episcoporum; quam ob rem S.
CYPRIANUS ad S. CORNELIUM

Epist. 59.

scribens graviter est conquestus, *quod navigare ausi sint*, & ad PETRI cathedram atque ad ecclesiam principalem, unde unitas sacerdotalis exorta est, a schismaticis & profanis litteras ferre. Omnino autem improbat istas appellationes easdem ob rationes, quibus postea usi sunt patres Africani epistola ad COELESTINUM P. fervente adhuc APIARII causa, & lite, ob canonem Sardicensis nomine concilii Nicæni allegatum, postquam in concilio præsenté legato pontificio FAUSTINO, frequentes decreverunt, ex oriente autographos & genuinos canones Nicænos repetere.

Epist. 209.

Pluribus in conciliis Africanis vetita est transmarina appellatio. Et deinceps etiam aliæ controversiæ fuerunt hac de causa coortæ, acciditque non solum in causa APIARII, sed aliis etiam deinceps, ut subreptiones ejusmodi appellationum palam fierent, præsertim in causa ANTONII, qui ex concilio etiam primatis Romam appellaverat, & restitutionem impetraverat. Qua de causa S. AUGUSTINUS graviter ad COELESTINUM P. scripsit. Haud absimiles in Galliis eveniebant casus, ac imprimis S. HILARIUS Arelatensis in invidiam est adductus ob appellationem CELIDONII in judicio episcoporum Gallorum damnati, frustra conante S. HILARIO S. LEONEM P. ac concilium Romanum in suas trahere partes. Consilium dedit AUXILIARIUS præfectus Galliarum (qui etiam S. LEONEM Romæ eam ob causam convenerat, nec a sententia ac animositate contra S. HILARIUM revocare poterat) & modum exposuit, quomodo cum Romanis agendum sit summis. Nec tamen,

an

an secutus sit S. HILARIUS istud consilium, constat. Sed nec ausus est S. HONORATUS, qui vitam S. HILARII scripsit, de hac re suum interponere iudicium.

Deinceps non defuerunt similitudines variae in Galliis praesertim ob ejusmodi appellationes, praesertim postquam in medium productis epistolis decretalibus magis invaluerunt, ac imprimis se HINC MARUS Remensis opposuit, cujus hodieque extat de iudicii appellationum epistola ad JOANNEM VIII. alia item ad NICOLAUM I. ob appellationem ROTHADI, qui a iudicibus ab ipso pontifice delegatis appellaverat, quod non raro contigit; pariter ac appellatio ab ipso Pontifice ad successorem, quomodo CONTUMELIOSUS ab AGAPITO ad JOANNEM successorem appellavit, soletque etiam appellari a Pontifice male informato ad melius informandum, & quae aliae sunt fori formulae; suntque innumeri casus & artes ad protrahendas causas, & eludenda iudicia humana, ac iudices etiam ecclesiasticos circumveniendos, ab errore ac subreptione neutiquam exemptos, quam numerosi etiam quandoque fuerint in conciliis; ut id dici debeat de Romana sede apud eam innocentes quosque perfugium reperiisse; licet etiam non raro subreptio intercurrerit in huiusmodi questionibus facti, ac litibus strepituque iudiciorum. Qua de re legi meretur S. BERNARDUS *lib. III. de considerat. c. 2.*

§. XIX.

Variis in locis ac regionibus Pontifices vicarios constituerunt, ac legatos suos undique terrarum mittunt, Vicariis & Legatis pontificiis ubique institutis.

E s

cunt,

stitutis.

tunt ; rerum ecclesiasticarum , quibus invigilare debent , causa.

Celebris & antiquissimus est vicariatus Thesalonicensis in Illyrico , quam in rem magna habetur epistolarum summorum Pontificum copia , testaturque DAMASUS vel se solum magnam earum numerum dedisse ad S. ASCHOLIUM , quamvis earum paucae hodie extent. Tam S. ASCHOLIUS quam ejus successor S. ANISIUS munus suum , quod acceperunt , sanctissime obierunt ; quod ab eorum successoribus identidem est renovatum , atque ex epistola S. INNOCENTII ad RUFUM patet , Illyrici etiam orientalis , commissam esse curam : ut causas , quæ alias Romam deferri debuissent , potestatem haberent , si fieri posset , in partibus transigendi ; nominat provincias Achajam , Thessaliam , Epirum , Cretam , Daciam , Mœsiam , Dardaniam , Prevallem ei subditas , optionemque dat eligendi sibi episcopos , quibuscum causas suæ & aliarum provinciarum sibi commissarum queat discutere. S. COELESTINUS P. epistola ad PERIGENIUM , BASILIUM , PAULUM , & alios Illyrici episcopos ad obedientiam apostolicæ sedi & episcopo Thesalonicensi præstandam hortatur , ob loci distantiam causas ei dijudicandas committens. Inter alia cavet , ne sine ejus consilio ullus ordinetur , ullus usurpet eodem incio commissam illi provinciam ; colligere nisi cum ejus voluntate episcopos non præsumant. Congruit hoc canoni VI. Nic. ubi statuitur , ut in Alexandria similiter & in Antiochia & in aliis provinciis sua privilegia , ac suæ dignitates & auctoritas ecclesiæ servetur. Id vero singulare est , quod vice
Roma-

Romani pontificis id muneris commissum sit episcopo Thessalonicensi. SIXTI III. in *Epist. 1.* hoc genere est epistola ad PERIGENIUM episcopum Corinthi, qui hanc obedientiam *Epist. 13.* præstare tergiversabatur, uti etiam ex S. LEO-NE discimus. Declarat SIXTUS epistola *Epist. 8.* alia, non ita diminutum iri jus metropolitani provinciarum singularum, *salvo ejus privilegio, quem honorare debeant, amplius honorati, inquit, in provincia sua jus habeant ordinandi, sed hoc inscio vel invito, quem de omnibus volumus ordinationibus consuli, nullus audeat ordinare. Ad Thessalonicensem majores causæ deferantur antistitem. Ipse optimos solertissimosque de vestro numero eligat, quos negotiis secum adsciscat arbitros.* Res ea non raro lites excitabat, fuitque varium vicariatus illius fatum, atque etiam diminutum prærogativa sedis Constantinopolitanæ.

Colligimus vero ex GELASIO apostoli- *T. IV.* cam sedem etiam Constantinopolitano episcopo *conc. p.* hanc injunxisse curam, ut orientalis ecclesiæ *1209.* rebus invigilet, & pontificem certiores reddere eos consuevisse, atque unacum illis rerum sagte- gisse. Nihil dicam de Alexandrina ecclesia Romanæ cæteris olim arctius obstrictæ. Quod patuit occasione hæresum præsertim Arianæ, Nestorianæ, circa quam S. CYRILLO vices suas commisit COELESTINUS, & insigni Phrygio donasse fertur, quo uti deinceps sibi patriarchæ Alexandrini honori duxerint.

In occidente vicariatus hic apostolicus varias habuit vices, nonnunquam singularibus personis, nonnunquam singularibus sedibus commissus. Discimus ex epistola SIMPLI- *T. IV.* CII papæ singularem exstimationis famam, *conc. p.* quam sibi in ecclesia comparaverat ZENON *1068.*

Hispa-

Hispalensis episcopus, in causa fuisse, vicarium apostolicæ sedis constituendi: commississeque id singulariter, ut impediatur, ne decreta apostolica & regulæ sanctorum patrum violarentur, quod semper fuit studium apostolicæ sedis, quod sæpius in suis epistolis contestantur. Hodieque vel inter ipsos Gallos lis est de vicariatu Arelatenfi, qui videtur personalis tantum fuisse. A ZOSIMO P. PATROCLO, atque a HILARIO P. LEONTIO Arelatenfi, id commissum est munus, ut quotannis concilium nationale convocarent, atque litteras formatas dijudicarent, quas etiam ZOSIMUS P. a PATROCLO sumi voluit. Singularis est S. CÆSARII Arelatenfis vicariatus a SYMMACHO commissus non solum in Galliis, sed etiam Hispania, ut invigilet negotiis religionis, concilia, quando opus esset, cogeret, nullus clericus se infcio Romam pergeret. PELAGIUS SAPAUDO eundem vicariatum conferendo provocat ad exemplum prædecessorum. HORMISDASS. REMIGIUM Remensem vicarium constituit in toto CLODOVEI regno, ut observationi canonum invigilet, concilia convocet, controversias inter episcopos dirimat, sibi que renunciet, quæ pro fide & veritate sua & apostolicæ auctoritate egerit. S. GREGORII extat epistola, qua MAXIMUM Syracusanum suum in Sicilia constituit vicarium, quæ est suburbicaria regio. Amplior fuit potestas S. BONIFACIO (dum in Germaniam pergeret) commissæ apostolicæ: qualis dici potest aliis omnibus data, qui in varias regiones fidem prædicandi atque ecclesias constituendi Roma sunt digressi.

*T. H. conc.
p. 1567.*

*T. IV.
conc. p.
1310.*

*Ep. II. ad
Sapaundum.
T. IV.
conc. p.
1412.*

*Lib. II.
c. 7.*

Idem

Aliud dicendum de nunciis apostolicis ac legatis ad omnis generis negotia ecclesiastica tractanda, ac dijudicandas causas missis. Constat vero S. LEO, nullum eos præjudicium ordinariæ episcoporum jurisdictioni facere. A quo tempore stabilium ejusmodi nunciorum apud principes & regna epocha repetenda est. Qui JULIANO Coenenſi ſuas vices Cpoli commiſit: ubi eum voluit commorari, ac curare quidquid fidem & diſciplinam attinet, quam in rem plures dedit ad eum epiſtolas. Solet jam triplex legatorum diſtingui genus: legati a latere, quo nomine intelliguntur cardinales a ſummo pontifice, cujus lateri quaſi adhærent, in præcipuis negotiis a pontificis latere, cui arduorum negotiorum cauſa alias aſſiſtunt, mitti ſoliti ad imperatores, reges & principes. Legati nati vicariis antiquis æquiparari poſſunt in arduis negotiis pontificis nomine & auctoritate ſuapte inſtructi: quo diſtinguuntur a *legatis miſſis* ordinariis & extraordinariis, qui apud principes & regna undique jam ſolent ſubſiſtere, in eccleſiaſticis negotiis uſi inſigni auctoritate: ut præſidibus & proconſulibus comparentur, quibus olim imperatores provincias regendas committebant, quo tanto facilius univerſum populum Romanum in obedientia retinerent.

Epist. 86.

§. XX.

Cardinalium olim non ignotum De Cardinalibus.
fuit nomen ac munus tum alibi cum
Romæ; hodie ampliffima eſt dignitas ac officium pontifici operam in negotiis cauſiſque eccleſiaſticis navandi.

Auctor

P. I. c. 2.

Auctor insignis tractatus de studio conciliorum, bibliothecarius regius, non dubitat, institutionem cardinalium Romæ tam antiquam facere, quam ipsos diaconos & presbyteros: quorum illi curam pauperum ac morum christianorum habebant, hi in diversis urbis regionibus, ut vocabantur, incumbebant instructioni fidelium, administrationi sacramentorum, celebrationi sacrificii Missæ, aliisque functionibus pastoralibus: quibus personæ religiosæ certos fundos ad sustentationem diaconorum & presbyterorum constituerunt, qui sunt *tituli* appellati, retento fundatorum nomine veluti *EQUITII*, *PAMACHII*, pontificum *JULII*, *CALISTI*, *DAMASI*, matronarum *VESTINÆ*, *LUCINÆ*, *EUDOXIÆ*. Assignati ejusmodi *tituli* ac fixi, *Cardinales* sunt dicti, & qui eos possidebant presbyteri, & diaconi cardinales. Ita in conciliis sub *SYMMACHO* & *GREGORIO M.* habentur subscriptiones presbyterorum *SS. JOANNIS & PAULI tit. PAMACHII*: & ita alii presbyteri & diaconi diversarum regionum: ubi etiam duo aut tres occurrunt presbyteri in quibusdam titulis amplioribus. Deinceps autem omisso fundatorum nomine, atque solo retento ecclesiarum, subscripserunt in conciliis subsequen-
tibus sub *PAULO I.* an. 761. & *EUGENIO II.* nomine presbyterorum *S. R. E. tit. SS. JOANNIS & PAULI*, duodecim apostolorum, *S. CLEMENTIS*. Diaconi necdum tituli mentionem fecerunt, sed regionis urbis suæ curæ commissæ, ut solertissimus auctor animadvertit, dicitque haud constare, an ante annum 963. designarint se presbyteros & diaconos cardinales: quomodo subscripserunt

Tom. VI.

conc. p.

1694

T. VIII.

p. 122.

T. IX.

conc. p.

648.

pferunt in conciliabulo contra JOANNEM II. Institutionem episcoporum cardinalium minus antiquam facit, vixque putat aliquid determinati haberi ante annum 769. sub pontificatu STEPHANI III. inter subscriptiones plurium episcoporum an. 998. sub GREGORIO V. notat BENEDICTUM episcopum Lavicensem subscripsisse tam pro se, quam aliis omnibus episcopis cardinalibus. Primum in aliis regionibus dignitate cardinalitia ornatum statuit CONRADUM archiepiscopum Moguntinum, qui an. 1163. ob persecutionem FRIDERICI I. ad ALEXANDRUM III. P. refugit, tunc Turonis degentem, a quo episcopus Sabinensis est renunciatus.

Idem notat an. 845. in concilio Meten- *Tom. X.*
 si cap. 54. episcopos monitos esse, ut titulis cardinalibus hoc est parochiis aptos præ- *conc. p.*
 ficiant. Quod frequenter in S. GREGO- *1493.*
 RII M. epistolis occurrit, tam quoad diaconos & presbyteros, quam etiam episcopos Cardinales, quibus proprios, fixos & ordinarios designat, atque Cardinali alicubi opponit peregrinum. GELASIUS vero P. Cardinali episcopo opponit visitatorem episcopum, qualis *Lib. IV.*
 COELESTINUS, ad quem scribit, fuerat *ep. 18.*
 creatus; fuitque olim frequenter factum, ut, *Frag. ep.*
 donec novus episcopus crearetur, alius *ad Cælesti-*
num.
visitatoris nomine ecclesiam præter suam propriam cui Cardinalis præerat, gubernaret. Accidit autem, sicut in aliis titulis Papæ e. g. Sanctissimi &c. ut successu temporum apud alias ecclesias in desuetudinem nomen Cardinalis deveniret, in ecclesia Romana autem retineretur, ac in culmen dignitatis maximæ eveheretur, qua hodie resplendent Cardinales purpurati pontificibus, quos suo e gremio eligunt, in negotiis maximis ecclesiæ operam dantes in toto orbe catholi-

tholico, ac Romæ potissimum varias in congregationes divisi e. g. S. officii, interpretum concilii Trid. sacrorum rituum, & super negotiis episcoporum & regularium.

§. XXI

Patriarcharum auctoritas.

Præcipua in ecclesiâ post Romanam sedem inde ab antiquissimis temporibus fuit potestas patriarchalium sedium Alexandrinæ & Antiochenæ, quibus accessit Hierosolymitana, & Constantinopolitana immensum sibi vindicavit jus, Romæ æmula.

Vit. Saturnini.

Patriarcharum nomen non est ecclesiæ cœvum, ac quando etiam jurisdictio apertius se ostentavit, nomen archiepiscoporum præcipuarum sedium antistites haud raro acceperunt, ipsi etiam Romani pontifices, uti sæpius præfertim in concilio Chalcedonensi nominantur. Egregie hallucinatus est SALMASIUS: qui cum apud VOPISCUM legisset in epistola quadam HADRIANI imperatoris memorari patriarcham Ægypti, hoc nomen tunc jam gessisse conjecit episcopum Alexandrinum: cum illic potius intelligendus veniat Judæorum patriarcha, quod tunc fuit insigne munus & dignitas. Montanistis S. HIERONYMUS exprobrat, quod episcopis tertium demum dent locum post patriarchas & cenones, quos vocabant. In concilio Chalcedonensi promiscue patriarchæ & archiepiscopi nomen occurrit, atque etiam Romano pontifici tribuitur. SOCRATES de concilii Constantiniani patribus memorat, quod patriarchas consti-

Epist. ad Marcell.

Ltb. V. c. 8.

constituerint. Putat autem VALESIIUS ad eum locum non de veris & ordinariis, sed de extraordinariis legatis intelligi debere: qui ad stabiliendam rectam fidem per singulas diœceses fuerant constituti, quales in actis illius concilii leguntur veluti unitatis ecclesiasticæ centrum constituti singularis meriti episcopi, non sedium prærogativa perenni, qualis est patriarchalis, fuitque initio sedibus præcipuis apostolicis singularis, qui ad D. PETRUM suam originem referebant: unde multi sunt, qui jurisdictionis ac primatus D. PETRI hanc quamdam partem esse existimant, atque inde derivant, BARONIUS, PETRUS de MARGA, VALESIIUS, RICHERIUS, PAGIUS, SCHEELSTRATIUS, THOMASSINUS. Qua de re alibi mentem meam exposui, de communione potestatis ecclesiasticæ ex instituto tractans, cujus nempe hujusmodi dignitates sunt insignis pars in hierarchia ecclesiastica, qua per varios dignitatum ordines & gradus ecclesia coadunatur & rite gubernatur. Pertinet huc canon Nicænus VI. de quo jam memini. Ex quo colligere licet, jus illud antiquum quidem fuisse, sed cum nomine ampliatum deinceps: *Antiqui Conc. Nic. mores servantur*, ita enim habet canon ille, *can. 6.* *qui sunt in Ægypto, Libya & Pentapoli, ut Alexandrinus episcopus horum omnium habeat potestatem, quandoquidem & episcopo Romano hoc est consuetum. Similiter & in Antiochia, & in aliis provinciis sua privilegia ac sue dignitates servantur.* In concilio Constantino-politano I. ita statuitur: *Episcopi ad ecclesias, Can. 2.* *qua sunt ultra diœcesin suosque limites, ne accedant: sed secundum canones Alexandria quidem episcopus Ægyptum solam regat. Orien-*

F

tis

tis autem episcopi orientem solum administrent, servatis privilegiis & præeminentiis, quæ sunt in Nicani concilii canonibus Antiochena ecclesia. Et Asiæ diæcesis episcopi, quæ sunt in sola Asiæ, administrent: & Thraciæ episcopi Thraciam tantum regant, & Ponticæ Pontanam. Hic partim metropolitana, partim patriarchalis prærogativa statuitur; sed non eadem amplitudine, qua deinceps aucta est. In eodem concilio initia quidem dignitatis Cpolitanae jacta sunt, eaque Romæ primo loco est adjuncta, sed forte unicam Thraciæ diœcesin aut titulum honoris tantum accepit, quæ postea in concilio Chalcedonensi aucta est, sanctumque Can. 28. oportere sanctissimum archiepiscopum regiæ Cpolis novæ Romæ eisdem primatibus honoris & ipsum dignum esse, & potestatem habere ordinare metropolitas in Asiæ & Ponticæ & Thraciæ diœcesibus.

In hoc ergo præcipue auctoritas potestasque patriarchalis constituitur, ut sicut archiepiscopi & metropolitæ sub se episcopos habeant; ita Patriarchæ metropolitas, quorum ordinatio & in concilia convocatio ad ipsos pertinuerit, item appellatio a metropolitanis & synodis provincialibus, cum potestate in metropolitanos etiam & eorum suffraganeos, si metropolitani officio defuerint, exercere censuram ecclesiasticam; debuerintque res magni momenti ad eos referri. Secundum hoc quædam sedes patriarchales dici potuerunt præter eminentiores illas Alexandrinam, Antiochenam, juxta laudatum canonem Cpolitanum, e. g. Cæsareensis in Ponto, Ephesina in Asia &c. Qualis etiam sedes Hierosolymitana dici potest: quæ alias mater ecclesiarum, cum diu sub nomine ELIÆ Cæsareensi metropolitano paruiſſet,

in

in concilio Nicæno ad hoc etiam constricta, paulatim caput erexit. Certe enim JUVENALI in Ephesino & Chalcedonenſi concilio inter primos locus eſt conceſſus; atque hic ipſe JUVENALIS occasionem naſtus opportunam, ſedem ſuam extulit, ut in patriarchalem aſſurgeret, cum jam ante inter S. CYRILLUM HIEROS. & ACACIUM Cæſareenſem graves fuerint controverſiæ.

Cui auſui primum Romani pontifices obſtiterunt, ſed non ita fortiter, ut patriarchatui Conſtantinopolitano, cui ſe imprimis S. LEO conſtanter oppoſuit: & deinceps ejus ſucceſſores. Veluti conſtat etiam ex GELASII P. tractatu *de anathemate*. Sed hoc non obſtante magis magisque ſemper ambitio patriarcharum Cpolitanorum, imperatorum patrociniſe fretorum, excrevit, ut reliquos etiam patriarchas ſubigeret, & in totum orientem dominatum uſurparet, nomen etiam œcumenici ſimul aſſumeret. Qua de re primum PELAGIUS papa graves dedit litteras ad JOANNEM Cpolitanum, & acta concilii, ubi ſæpius hoc nomen comparet, caſſavit. Sanctus vero GREGORIUS M. adhuc vehementius auſum iſtum & ambitionem carpit. NICOLAUS I. in reſponſis ad Conſulta Bulgarorum demum veros dicit patriarchas, præſules ſedium ab apoſtolis ſatarum Romanæ, Alexandrinæ, Antiochenæ & Hieroſolymitanæ, Conſtantinopolitanum autem patriarchatum favori principum tribuit. Pariter WALAFRID. STRABO *De orig. primarias patriarchales ſedes ab apoſtolis re-* *De orig. 2^a prog.*
petit, quibus cæteri patriarchæ ſubſint. Hinc *rerum ec-*
Aquilejenſes etiam patriarchæ volunt repetenda *cleſ. c. 31.*
ſua jura. Primates autem regnorum integro-
rum, licet pluribus præſint provinciis, non ideo

tamen patriarchæ dicuntur, sed proximum ab illis locum tenent in hierarchia ecclesiastica.

§. XXII.

Archiepi-
scoporum.

Eximia semper fuit in ecclesia metropolitica potestas ac tribunal usque ad hodiernum diem in negotiis & causis ecclesiasticis dijudicandis extra aut intra synodum.

Jam diximus ecclesiam in Romano imperio efflorescentem, ad illius formam ut plurimum fuisse constitutam. Apostoli singillatim Romani imperii provincias peragrassæ, passim in actis apostolorum memorantur. Ubi quas fundarunt ecclesias, a provincia, aut illius primaria urbe eis nomen indiderunt. Solet etiam apostolus in suis epistolis ecclesias a suis provinciis, in quibus erant, nominare. Et D. P E T R U S primam suam epistolam inscribit christianis per Pontum, Galatiam, Capadociam, Asiam, & Bythiniam, quæ totidem erant Romanæ provinciæ. Et D. P A U L U S epistolas vel ad totam in aliqua provincia ecclesiam, ut ad Romanos & Galatas; vel ad metropolitica ac primariam provinciæ ecclesiam, ut ad Corinthios, Ephesios, Colossenses & Thessalonicenses, vel denique ad primum in provincia episcopum, metropoli præfectum dirigit, uti ad T I M O T H E U M & T I T U M. Aperte innuit T I T O apostolus, cujus rei causa ipsum in Creta stabilierit ac reliquerit: *Ut ea, quæ desunt, corrigas, & constituas per civitates presbyteros sicut & ego disposui tibi.* De T I M O T H E O id S. C H R Y S O S T O M U S pro certo habet:

Tit. I. 5.

Hom. XV.
in 1. Tim.

Mani-

Manifestum est hinc, ait, quod TIMOTHEO credita fuerit ecclesia, imo gens fere tota Asiatica. Et EUSEBIUS: Ex his TIMOTHEUS quidem Ephesina ecclesia episcopatum primus accepisse dicitur, quemadmodum etiam TITUS insulae Creta ecclesiarum episcopus fuisse memoratur. Idem de successoribus TIMOTHEI & TITI refert EUSEBIUS aliis locis, de POLYCRATE, quod episcopis Asiae praeset, de PHILIPPO ecclesiae Gortynensium & reliquarum simul ecclesiarum Cretae. Item de S. IRENAEO, quod paracisi Galliae praefuerit. Sic de epistolis & synodis Palaestinae & Ponti agens, THEOPHILUM Caesareensem, & NARCISSUM Hierosolymitanum, ac PALMAM praesidem utpote antiquissimum nominat. Quod singulariter est notandum, atque etiam in Africa usitatum fuit, ut praeter ecclesiam Carthaginensem in reliquis provinciis senior jus metropoliticum exercuerit, unde etiam illic senes sunt dicti. Videtur id in Ponto adhuc tempore S. BASILIUM obtinuisse, ut colligitur ex illius *epist.* 28. *ad eccl. Neocesar. can.* 58. Quomodo- cunque ergo, semper aliquis primatus & pro-cathedria inter episcopos fuit, seu ut vocat- concilium Illiberitanum, prima cathedra epi- scopatus, qualesque vocantur in *can.* 34. *apost.* *πρωτοι, κεφαλαι.* „Episcopos uniuscu- „ jusque gentis nosse oportet, eum qui in eis „ primus est, & existimare eum ut caput, & „ nihil facere quod magni sit momenti praeter „ illius sententiam, sed ea sola facere unum „ quemque quae ad suam parochiam pertinent, „ & ad pagos qui ei subsunt. Sed nec ille abs- „ que omnium sententia aliquid agat. „ Qui- „ sane canon luculentus est, atque a concilio

Lib. III.

c. 4.

Lib. V. c.

24.

Lib. IV.

c. 23.

Lib. V. c.

23.

An. 341.
can. 9.

Antiocheno est renovatus, & ita explicatus :
 „ Episcopos, qui sunt in unaquaque provincia,
 „ scire oportet, episcopum qui præest metro-
 „ poli, etiam curam suscipere totius provinciæ,
 „ eo quod in metropolim undequaque concur-
 „ runt omnes qui habent negotia. Unde visum
 „ est eum quoque honore præcedere: reliquos
 „ autem episcopos nihil magni momenti ag-
 „ gredi sine ipso, ut vult, qui ab initio obti-
 „ nuit patrum canon: vel sola quæ ad unius-
 „ cujusque parochiam conferunt, & regiones
 „ quæ ei subsunt. Unumquemque enim epi-
 „ scopum habere suæ parochiæ potestatem, &
 „ administrare pro unicuique conveniente reli-
 „ gione, & totius regionis curam gerere, quæ
 „ suæ urbi subest, ut etiam ordinent presby-
 „ teros & diaconos, & unaquæque cum judi-
 „ cio tractent, nihil ultra facere aggrediantur
 „ sine metropolis episcopo: neque ipse sine
 „ reliquorum sententia. „ Postea statuitur :
 „ Ut, si anceps fuerit inter episcopos provin-
 „ ciales judicium, metropolitanus episcopus
 „ a vicina provincia alios convocet, ut per
 „ eos simul & per comprovinciales episcopos,
 „ quod justum visum fuerit approbetur. „ Et :
 „ Si quis episcopus vacans in ecclesiam vacan-
 „ tem profiliat, sedemque pervadat, absque in-
 „ tegro perfectoque concilio, hic abjiciatur ne-
 „ cesse est, etsi cunctus populus quem diripuit
 „ eum habere delegerit: perfectum vero con-
 „ cilium illud est ubi interfuerit metropolitanus
 „ antistes. „ Ex quibus aliisque canonibus
 „ jura metropolitana haud obscure colligi possunt,
 „ electio nimirum & ordinatio suorum suffraga-
 „ neorum, quod constanti usu ac pluribus cano-
 „ nibus est assertum: controversias decidere in-
 „ ter provinciales suos episcopos subortas, & alios
 „ etiam

Can. 14.

Can. 16.

etiam clericos, interposita appellatione: item invigilare rebus ecclesiasticis suæ provinciæ, causisque ac negotiis majoris momenti. Quæ tamen in conciliis agitari solebant, quorum convocandorum potestas erat penes metropolitani. Litterarum etiam formatarum cura ad eum potissimum pertinet juxta canonem Illiberitanum: *Placuit ubique & maxime in eo loco, in quo prima cathedra constituta est episcopatus, ut interrogentur hi qui communicatorias litteras tradunt, an omnia recte habeant, & suo testimonio comprobent.* Et conc. Carthag. III: *Ut episcopi trans mare non proficiscantur, nisi consulto primæ sedis episcopo cujusque provinciæ; ut ab eo præcipue possint sumere formatam.* Can. 58.
Can. 28.

Contigit non raro augeri, diminui, aut dividi provincias, unde sæpe lites & simultates sunt coortæ, quando non consentientibus partibus in conciliis hæc sunt facta. Pacificè in concilio Hipponensi Stephenfis provincia a Numidia est divisa. Non ita feliciter in concilio Taurinensi Narbonensis in duas provincias ecclesiasticas est divisa, PROCULO Marsilien-
se constituto secundæ Narbonensis metropo-
lita. Gravissimæ autem controversiæ fuerunt inter Arelatensem & Viennensem de primatu. Qua de re in eodem concilio est decretum, ut is gauderet primatu, qui suam urbem metropolin esse comprobaverit. Circumferuntur eam in rem litteræ ZOSIMI P. in favorem P A-
TROCII Arelatensis, sed eas alii pro sup-
positis habent, alii tamen pro genuinis agnoscunt. Scripsit autem ad episcopos provinciæ Viennensis, & Narbonensis secundæ, non
attentis iis, quæ in concilio Taurinensi in fa-
vorem PROCULI sunt constituta, Arelatensique

T. IV.
conc. p.
 1291.

Lib. XI.
ep. 64.

T. IX.
conc. p.
 619.
Lb. p. 716.
 718.

integra sua vult esse jura. Sed postea S. LEO iratus S. HILARIO Arelatenſi jura illa diminutum ivit, atque provinciam diviſit. S. AVITUS vero Viennensis ab ANASTASIO P. jurisdictionem etiam in episcopum Arelatenſem accepit. Quod cum EONIUS Arelatenſis SYMMACHO conqueſtus eſſet, hic rem retractavit ad EONIUM & S. AVITUM litteris datis. Atque etiam ſub S. MAMERTO, dum is episcopum Dienſem ordinaſſet, eadem recrudit controverſia, hodieque inter eruditos res in utramque partem diſceptatur: quemadmodum in Hiſpania de primatu Toletano ac Hiſpalenſi, cum circa Bracharenſem & Tarraconenſem reſ dudum ſit decifa. Eccleſia Toletana quietam pacificamque poſſeſſionem quingentorum fere annorum, atque primatiæ jura in diœceſi Hiſpalenſi exercita pro ſe urget. Cum per S. AUGUSTINUM lux evangelii iterum Britannia eſt illata, reſcripſit S. GREGORIUS M. ad interrogationem nonam, ut jurisdictione in Britanniam contentus, Arelatenſi nihil detrahat. Et ſub NICOLA O I. hiſ eſt mota circa jura Turonenſis eccleſiæ in minorem Britanniam, cum episcopuſ Dolenſis ſubeſſe detrectaret, cui ſeſe pontifex oppoſuit. AGAPETUS II. ſimilem controverſiam dirimendam habuit inter eccleſiam Laureacenſem & Salisburgenſem; quod poſtea fuit confirmatum a BENEDICTO VII. epiſtola data ad episcopos Galliarum & Germaniæ, nominatim ad præcipuarum Germaniæ ſedium præfules Moguntinum, Trevirenſem, Magdeburgenſem, Colonienſem, Juvavienſem ſeu Salisburgenſem, Bremenſem, miſſo Laureacenſi pallio. Quæ jam concidit ſedes & Salisburgenſi plenum manſit juſ.

Fue.

Fuerunt etiam in Galliis motæ lites circa medium ævum ob imminuta metropolitica jura pontificibus ad se rapientibus res episcoporum judicandas *in prima*, ut vocant, *instantia*, faventibus litteris decretalibus: opponente se imprimis HINC MARO Remensi, contra cognominem HINC MARUM Laonensem, Remensis nepotem. Qui scripto 55. capitulorum vetera metropolitica jura defendenda suscepit, quibus apud metropolitanos & concilia provincialia ejusmodi judicia transigenda, antiquo usu, & vigore canonum erat cautum.

§. XXIII.

Pallium, quod non uniusmodi Quorum insigne est pallium semper fuit, olim etiam ab imperatoribus concessum, non insigne tantum est dignitatis, sed etiam jurisdictionis metropolitice a pontifice concedi solitum.

Quoniam de pallio in jure canonico singularis titulus habetur, etiam de eo aliquid dicendum est visum: quod electus etiam confirmatus & consecratus archiepiscopus ante acceptum pallium ea, quæ sunt muneris episcopalis, exercere non debeat, licet alios jurisdictionis actus possit obire, exceptis illis, qui archiepiscopo sunt proprii, uti visitare provinciam, concilium provinciale congregare &c. Describi solet a canonistis pallium singulare ornamentum desumptum ex corpore D. P. E. TRI, & a summo pontifice archiepiscopis datum, designans plenitudinem pastoralis & archi-

F s

chi.

C. 3. *bas tit.*

chiepiscopalis officii, quo archiepiscopus certis solum diebus, & intra ecclesiam uti potest.

T. V.
conc. p.
321.

Lib. VII.
ep. 112.

Lib. IV.
c. 80.

Facile patet longe aliam esse rationem hujus pallii, quam veteris illius *imperialis*, ab imperatoribus præcipuis episcopis iis præsertim in sedibus, ubi residere solebant, datum, ut eo in divinis officiis pro majori ornatu uterentur. Romani pontifices illud primum suis vicariis concefferunt, ut scribit VIGILIUS papa ad AUXONIUM Arelatensem: *Agenti vices nostras pallii non desit ornatus*. Non voluit tamen illud prius mittere, quam imperatorem certiore fecisset, & obtinisset consensum. PELAGIUS I. pallium similiter misit dum eum vicarium suum pariter constituit: *Ut*, ad eum scribit, *in tanti loci fastigio constitutus, præclaro quoque habitu decoreris*. Vel hinc atque ex GREGORIO M. constat, insignem & augustam tunc adhuc fuisse vestem *habitus exterioris clariorem cultum, indumenti munificentiam*. Colligitur tamen ex JOANNE DIACONO in vita S. GREGORII non amplius integram ad tegendum corpus fuisse vestem: *Pallium ejus, inquit, bysso candente contextum, nullis acubus perforatum sic ipsum circa scapulas devolutum fuisse, non autem confixum, sicut vetustissimis musivis vel picturis ostenditur*. Nec etiam lanea fascia tunc fuerit, qualis hodie est in modum circuli contexta, quæ super humeros imponitur: ex quo circulo impendit pectori fascia similis, & alia ex adverso inter humeros demittitur; utraque habens crucem rubeam, præter eas, quæ in ipso circulo extant super humeros. MARTENIUS in librum sacrament. S. GREGORII excudi fecit antiquissimas imagines S. GREG.

GREGORII & S. REMIGII pallio ornatas, cui cruces haud inerant; secus ac sunt pallia Græcorum a crucium multitudine πολυ-
 ῥάδια dicta. Alias vocant ὤμοφορία superhumeralia, de quibus extat canon concilii VIII. *Ut designati ad superhumeralia gestanda, certis illa temporibus statisque locis ea gestent, ne huiusmodi cultus per fastum & superbiam abutantur, aut quovis tempore divini officii, & quavis ecclesiastica functione deferant. Eos etiam, qui monachi fuerint, & ad episcopatus honorem sunt profecti, aut religiosam vestem suam, habitumque monasticum servant, statuimus. Quodsi episcopus præter designata tempora humerale ὤμοφοριον tulerit, aut monasticam vestem abjecerit, vel corrigatur vel deponatur.* Monachi apud Græcos ac etiam episcopi pallia gestabant, quæ *μανδύας* vocabant, sed utique distincta a superhumerali ejusmodi seu pallio. Can. 14.

Quoad id vero ut certis tantummodo ac præcipuis festis induatur, a Romanis pontificibus factus episcoporum Ravennatensium fuit coercitus, qui illo communiter sunt usi, forte quod illud ab imperatore acceperint, quemadmodum legitur VALENTINIANUS apud BARONIUM ad an. 432. illis honorem pallii & omnis pontificalis decoris contulisse. Si tamen genuinum est illud instrumentum,

§. XXIV.

Ecclesiæ regimen universæ per orbem inter episcopos est divisum, qui sunt successores apostolorum suis-
 que Episcoporum eximia in ecclesia potestas.

que in diœcesibus eorum potestatis participes, præter curam & communionem potestatis ecclesiasticæ.

Semper hæc potestas legitima episcoporum in ecclesia est agnita, donec eam Protestantes non tamen omnes conculcarunt; nam in regnis septentrionibus Suecia & Dania pariter ac in unitate fratrum Bohemorum, & in Anglia præsertim episcopalis dignitas est conservata. Et C. H. P F A F F I U S in singulari dissertatione de successionis episcopalis apud Protestantes pretio ejusdemque in ecclesias Protestantes reducibilitate, alios etiam laudat testes ingenuos, imprimis confessionem Augustanam ejusque auctorem M E L A N C H T H O N E M, ac ipsum L U T H E R U M, aliosque tam ex Calvinistis, quam Lutheranis Remonstrantibus, qui in sua apologia episcopaturire dudum sunt visi. Non pauci consilium suppeditarunt reducendæ dignitatis: quæ de necessitate vel convenientia illic etiam agit P F A F F I U S secundum principia protestantica, quæ nervos legitimæ potestatis ecclesiasticæ non ordinis tantum, sed etiam jurisdictionis sacre succidunt, ac soli episcopales Angli nobiscum veras illius origines ex institutione C H R I S T I & successionem apostolicam tuentur contra Presbyteranos seu Puritanos, qui discrimen episcopos inter & presbyteros juris tantum humani esse contendunt.

Quod omnes negant catholici etiam qui ordinem ipsum episcoporum & presbyterorum unum faciunt, a jurisdictione distinguentes, hancque jure etiam divino solis episcopis attribuentes, quatenus apostolis in regimine ecclesiæ

clesiæ plena succedunt auctoritate; non quidem omnino apostolica, nulli loco adstricta, sed certis limitibus suarum diœcesium singulis pastoribus juxta S. CYPRIANUM portione gregis adscripta, quam regat unusquisque & gubernet. Quomodo apostolus TITUM Cretæ reliquit, & TIMOTHEUM Ephesi instituit. Et TERTULLIANUS, *Ordo episcoporum*, inquit, *ad originem recenset, in JOANNE M stabit auctorem.* *Advers. Marcion.* De quo CLEMENS ALEXAND. memorix prodidit, in libro, *quis dives salvetur?* *Lib. IV. c. 5.* quod, cum ex insula Patmo Ephesum rediisset, ad finitimas quoque provincias se contulerit, ut episcopos constitueret, & homines sibi a divino Spiritu indicatos in clerum quemdam seu sortem Domini seponeret. Atque testatur S. HIERONYMUS *in catalogo script. eccl. in JOANNE*, eum novissimum omnium scripsisse evangelium, rogatum ab Asiæ episcopis: quos jam PAULUS a Mileto mittens Ephesum vocat majores natu ecclesiæ, episcopos nimirum & presbyteros, qui erant ab Epheso, & a reliquis proximis civitatibus, *Lib. III. c. 14.* ut testatur S. IRENÆUS: qui alibi de ecclesia Romana dicit, quod fundantes, & instru- *Lib. III. c. 3.* tes beati apostoli ecclesiam LINO episcopatum administrandæ ecclesiæ tradiderunt, at- *Lib. I. c. 28.* que ad hanc successionem provocat, sicut & alii plerique doctores imprimis EUSEBIUS: qui id sibi constitutum habuit, ut præcipuarum sedium episcopaliū successiones in sua historia recenseat, & passim mentionem injicit episcoporum apostolicorum. Teste THEODORETŌ: *Eisdem olim vocabant presbyteros & episcopos: eos autem qui nunc vocantur in 1. Tim. tur episcopi, apostolos nominabant.* *Comment. in 1. Tim. Et alibi: III. 1.*

Ita

*Comment.
in Pbil.*

I. 1.

Vid.

Bingb.

orig. eccl.

L. II. c. 2.

Ita Philippenſium apoſtolus erat EPAPHRODITUS. Ita Cretenſium TITUS, & Aſianorum TIMOTHEUS apoſtoli. Frequenter autem ſucceſſores apoſtolorum vocantur, ac ſeipſos, ſine invidia, ſic nominant, etiam pleno in conſeſſu & conciliis: principes etiam & quidem principes ſacerdotum rectores, præpoſitos, antiſtites προεſτάτας, προέδρους, ἐφ'όρους, patres patrum: unde ſunt, qui putant nomen papæ coaluiſſe ex prima utriusque vocis ſyllaba: quod olim commune fuit episcopis quemadmodum & titulus ſanctiſſimi, ac vicarii CHRISTI. Quæ ac alia ejusmodi dignitatem poteſtatemque episcopalem maximam designant in eccleſia.

De poteſtate ipſa jam non ſemel memini & deinceps memorandum erit in toto hoc decurſu tractatuque de principiis theologiæ canonicæ, quia conficit ac complectitur univerſam eccleſiaſticam poteſtatem, qua ſuam eccleſiam inſtruxit CHRISTUS. Quotquot, inquit S. IGNATIUS, DEI & JESU Chriſti ſunt, hi ſunt cum episcopo. Et alibi: Cum episcopo ſubjecti eſtis ut JESU Chriſto, videmini mihi non ſecundum homines, ſed ſecundum JESUM Chriſtum vivere. Rationem autem reddit ſecundum CHRISTI ſententiam atque miſſionem quam ab ipſo acceperunt. Quemcunque, ait, mittit pater familias ad gubernandam familiam ſuam, hunc ita accipere debemus, ut illum ipſum, qui mittit. Maniſeſtum igitur eſt, quod episcopum reſpicere oporteat, ut ipſum Dominum. Et ad Magnesianos: Itaque hortor, ut hoc ſit veſtrum ſtudium in DEI concordia omnia agere episcopo præſidente DEI loco. Hinc ad Smyrnæos ſcribens, omnino nihil fieri ſine episcopo vult. Et idipſum S. POLY.

*Epist. ad
Philad.*

n. 3.

*Ad Tral-
lan. n. 2.*

*Epist. ad
Ephes. n. 3.*

n. 6.

n. 8.

POLYCARPUM hortatur : *Nihil sine tua voluntate fiat , crebrius conventus fiant , nominatim omnes inquire.* Et ad Smyrnæos : *Ubi comparuerit episcopus , ibi & multitudo sit , quemadmodum ubi fuerit J E S U S Christus , ibi catholica est ecclesia.*

Ita coadunatur ecclesia ac regitur unanimi episcoporum sententia in communione potestatis legitimæ ut alibi ex instituto docui , & jam dudum S. C Y P R I A N U S librum de unitate ecclesiæ hoc in argumento insignem dedit. *Unitatem , inquit inter alia , firmiter tenere & vindicare debemus , maxime episcopi , qui in ecclesia præsidemus , ut episcopatum quoque ipsum unum atque indivisum probemus.* Unde quidem constat , vinculum hujus unitatis esse episcoporum præsidium , & communem auctoritatem , quam qui violant ecclesiam dissipant , & divinam violant institutionem. *Cum sit Epist. 55.* idem , ait S. Martyr , a C H R I S T O una ecclesia per totum mundum in multa membra divisa , item episcopatus unus episcoporum multorum concordi numerositate diffusus , ille post D E I traditionem post connexam & ubique conjunctam catholicæ ecclesiæ unitatem , humanam conetur ecclesiam facere. *Contra tales Can. 56.* severissimi sunt apostolici canones : *Si quis clericus episcopum contumelia affecerit injuste , deponatur , ait enim scriptura , principi populi tui non maledices.* *Si quis presbyter Can. 32.* contemnens episcopum suum seorsum collegerit , & altare aliud erexerit , nihil habens quo reprehendat episcopum in causa pietatis & justitiæ , deponatur quasi principatus amator existens. *Est enim tyrannus ; & ceteri clerici , quicumque tali consentiunt deponantur , laici vero segregentur.* *Hæc autem post unam & secundam.*

secundam & tertiam episcopi obsecrationem fieri conveniat. Nimirum est hoc suave C H R I S T I jugum ac dominium, non tyrannicum quo reges gentium dominantur, sed sicut dicit apostolus & T I M O T H E U M instruit: *Argue, obsecra, increpa in omni patientia.*

2. Tim.
IV. 2.

An. 341.
can. 22.

Caus. 9.
q. 1.
Sess. VI.
c. 5.

Quisque etiam episcopus finibus suis se continere debet. Episcopus, statuit synodus Antiochena, *in aliam civitatem, quæ ei subiecta non est, non ascendat, nec ad regionem, quæ ad eum non pertinet.* Apud GRATIANUM plures antiqui canones in eandem rem proferruntur, estque a concilio Tridentino eadem res gravissimè interminata. In concilio Sardicensi iste canon ab O S I O propositus, a patribus est constitutus: *Ut episcopi de sua provincia, in qua sunt episcopi, non transeant, nisi forte a fratribus sint invitati, ne videamur januam claudere charitatis. Quodsi in aliqua provincia aliquis episcopus contra fratrem suum episcopum litem habuerit, ne unus a duobus ex alia provincia advocet episcopum cognitorem.* In sua autem cujusque diœceli plena est episcopis auctoritas: *Ut attendentes sibi, sunt conc. Trid. ex S. P A U L O verba: & universo gregi, in quo Spiritus sanctus posuit eos regere ecclesiam DEI, quam acquisivit sanguine suo, vigilent, in omnibus laborent, & ministerium suum impleant.* Ad omnia sese extendit hæc vigilantia cura, quatenus salutem animarum & ecclesiæ gubernationem spectat, quoad observantiam salutarem omnium legum, fidei, morum, & disciplinæ ac universæ vitæ christianæ directionem, lites & controversias transigendas, judicia formanda, res ecclesiæ tuendas, ac conservandas, tam spirituales, quam temporales.

Sess. VI.
c. 1. de
reformat.

§. XXV.

§. XXV.

Corona & senatus clericorum ad-
fuit semper in gubernanda ecclesia
episcopo: quod nunc *capitulum* vo-
catur clericorum cathedralium, &
fede vacante jurisdictionem episco-
palem exercet.

Cum sena-
tu clerico-
rum seu
capitulo.

S. I G N A T I U S vocat spiritualemente corona. n. 13.
nam presbyterii ecclesie Magnesien. Simi-
liter vocantur in constitutionibus apostolicis
consiliarii episcopi & ecclesie corona. Ratio
etiam redditur ex sacro confessorum: Sit so- Lib. II.
lium episcopi in medio positum & ex utroque c. 57.
ejus latere sedeant. Hinc throni secundi no-
men venit, presbyteris istis a primis ecclesie
temporibus tributum. Solemne enim fuit il-
lis cum episcopo sedere, & in concilio Car-
thaginensi IV. statutum est: *Ut episcopus quo-* C. 34.
libet loco sedens stare presbyterium non patia-
tur. Et mox: *ut episcopus in ecclesia in confessorum* C. 35.
presbyterorum sublimior sedeat. Hinc vocat
S. C Y P R I A N U S, cleri sacrum venerandum-
que confessorum. Qui plurimis in locis testatur,
quanti hunc confessorum fecerit; atque etiam
C O R N E L I U S ad S. C Y P R I A N U M:
Omni actu, inquit, ad me perlato placuit con-
trahi presbyterium, adfuerunt etiam episcopi
quinque, qui & hodie presentes fuerunt, ut
firmato consilio, quid circa personam eorum Ep. 46.
observari debeat, consensu omnium statueretur.
Pariter S. C Y P R I A N U S de clero Romano
nobis testis est, epistolis ad ipsum datis, & ab
eo vicissim receptis. Nec aliter S. CLEMENS
Rom. nisi nomine ecclesie suae ad Corinthios
duxit

II. 2.

II. 6.

II. 2.

*Tit. de his
quæ fiunt
a praelatis
sine cons.
cap. 4.*

Can. 6.

duxit scribendum. Constat ex præcipuis antiquis causis & negotiis, ea nonnisi communi presbyterorum ac cleri consilio transacta fuisse, quem senatum ecclesiæ ORIGENES, HIERONYMUS & alii vocant. Ita etiam vocat senatum apostolicum S. IGNATIUS, qui passim prodit, quanta huic presbyterio auctoritas fuerit, qualis obedientia præstari debuerit: qui SCOTIONEM laudat Magnesianis, quod subditus sit episcopo, *ut gratia DEI, & presbyterio ut legi JESU Christi;* & postea loquitur de episcopo *presidente DEI loco, & presbyteris loco senatus apostolici.* Similiter hortatur Trallianos, *presbyterio subditos esse, ut apostolis JESU Christi.* Et paulo post: *Reverèantur presbyteros ut confessum DEI, & ut conjunctionem apostolorum.* In epistolis ad Ephesios, Smyrnæos, & POLYCARPUM paria sæpius repetit, & munia præstantiamque hujus presbyterii extollit, quod in omnibus rebus & consultationibus sacris episcopo aderat. Visa est successu temporum hæc communio potestatis alicubi remitti, atque diversa etiam munia in canonicis cathedralibus desiderari, sed dignitatem tamen suam sustinent. Et in jure canonico refertur ex ALEXANDRO III. *Novit tuæ discretionis prudentia, qualiter tu & fratres tui unum corpus sitis, ita quod tu caput, & illi membra esse probantur.* Unde non decet te, *omissis membris aliorum consilio in ecclesiæ tuæ negotiis uti, cum id non sit dubium & honestati tuæ, & sanctorum patrum institutionibus contraire.* Et apud GRATIANUM refertur ex conc. Carthag. IV. *Ut episcopus nullius causam audiat absque præsentia suorum clericorum: alioquin irrita erit sententia episcopi, nisi clericorum præsen-*

presentia confirmetur. In concilio Lateranensi III. statutum est, ut in cunctis ecclesiis, universim ac semper, quidquid a majori & saniori parte capituli fuerit constitutum, prævaleat, suumque consequatur effectum, omni appellatione remota, nisi a paucioribus & inferioribus aliquid rationabiliter fuerit objectum & ostensum. Et si alicubi extet consuetudo contraria, ea nec valeat, nec obliget, licet iuramento firmata sit. Quod refertur c. cum in cunctis I. Tit. *de his, quæ fiunt a majori parte capituli.* Alia autem sunt, in quibus consilium petere debet, alia quæ non sine consensu capituli facere potest novo jure determinata singulari Tit. *de his, quæ fiunt a prælatis sine consensu capituli.* An. 1179.

Amplissimam hodie exercet capitulum jurisdictionem sede vacante, secus ac olim fuit, ubi, *ut vicinior episcopus ecclesiæ ipsius curam districtissime gerat*, statuitur canone II. concilii Valent. *Secundum Regiensis consilii statuta*, & usum ecclesiæ sæculorum non paucorum: quamvis hodierna praxis propius mori primitivæ ecclesiæ conveniat præsertim Romanæ, ut testatur clerus Romanus ad S. CYPRIANUM scribens: *Qui videmur præpositi esse vice pastoris, & custodire gregem.* Viget hoc nunc in omnibus, quæ jurisdictionem ordinariam episcopalem ex jure communi concernunt, *ne tamen sede vacante aliquid innovetur*, prout titulo singulari in jure canonico cavetur.

§. XXVI.

Frequens olim erat chorepiscoporum ministerium officiumque in vi- Chorepiscopi.

cis ac pagis loco ac vice episcoporum ; ut distinguantur ab episcopis vacantibus, aut quales solent hodie pontifices *in partibus* instituere.

Ep. 142.

Can. 10.

Ministerium istud ordinarium erat in majoribus dioccesibus, qualis e. g. fuit Cæsareensis, quæ tempore S. BASILII test. S. GREGORIO NAZ. 50. chorepiscopos numerabat, atque ex S. BASILIO constat, magnum eorum numerum fuisse, qui sub eo dioccesin regebant. De quibus etiam tota est illius epistola 54. ut eos in ordinem redigeret, ac ad officium revocaret, quod de clericis a se institutis ac ordinatis non amplius fideliter ad episcopum referrent, & limites subordinatæ potestatis suæ excederent. Quam in rem est etiam canon conc. Antioch. an. 341. *Hi, qui sunt in vicis vel pagis, qui dicuntur chorepiscopi, etiamsi episcopi ordinationem, manuumque impositionem acceperint, visum est ut suum modum sciant, & sibi subiectas ecclesias administrent, earumque cura & sollicitudine gerenda contenti sint: constituent autem lectores, hypodiaconos & exorcistas, & eorum promotionem sufficere existiment; nec presbyterum nec diaconum ordinare audeant, absque urbis episcopo, cui subicitur ipse & regio. Si quis autem ea, quæ definita sunt, transgredi audeat, ipse quoque deponatur ab eo honore, quem habet. Fiat autem chorepiscopus ab episcopo civitatis, cui subicitur.* Inde multi concludunt, quod ab uno tantum episcopo suo ordinationem acceperint, eos episcopali caractere insignitos non fuisse saltem ordinarie. Alii secus existimant, ducti

desidiam , aut sacularem pervagationem vel propter infirmitatem modum suum chorepiscopis transcendere consenserit. Ubi etiam prospectum est , ne aliquid post obitum episcopi ministerio , specialiter episcopis debito , attentarent. Agebant id reges , ut ex FLODOARDO observavit P E T R U S de M A R C A , ut videlicet episcopo quolibet defuncto per chorepiscopum solis pontificibus debitum ministerium perageretur , ut res & facultates ecclesiæ secularium usibus impenderentur.

*De conc.
Sac. 3^o
imp. L.II.
c. 15.*

Quæ videntur episcopali characteri chorepiscoporum favere , secus ac P E T . de M A R C A existimat , ac probare contendit vel inde potissimum , quod chorepiscopatus ministerium sit & officium , nimirum ut ex EBBONIS Remensis opusculo , *de ministris ecclesiæ* , refert , omnem sacerdotalem totius regionis sibi commissæ conversationem corrigere atque dirigere &c. Admittit tamen accidisse , ut chorepiscopatus conferretur alicui episcopo vacanti , qui jam episcopalem consecrationem acceperat. De his statuit conc. Antioch. *Si quis episcopus vacans in ecclesiam vacantem proficiat , sedemque pervadat , absque integro perfectoque concilio , hic abjiciatur.* Videri queat S. GREGORIUS NAZIANZ. fuisse ejusmodi episcopus vacans *σχολαζων* , ut laudatum vocat conc. Antioch. Qui a S. BASILIO episcopus Sasimorum factus , sedem illam non tenuit a patre socius & coadjutor ecclesiæ Nazianzenæ postea factus ; licet contestetur se ecclesiam illam , ad quam canonica electione promotus haud fuerit , tantum ad dies vitæ sui parentis recturum. Unde postea ecclesiæ Cypolitanae præfectus , nec eam retinuit. Suppetuntque alia ejusmodi exempla sedibus suis detur-

Can. 16.

deturbatorum, aut eas nunquam obtinentium episcoporum: quales hodie episcopi in partibus constituuntur a pontifice, qui quam semel assumpsit provinciam providendi ecclesiis orientis prosequitur, soletque titulos ecclesiarum in partibus infidelium suis officialibus & episcoporum suffraganeis conferre.

§. XXVII.

A chorepiscopis antiquis distinguuntur hodierni suffraganei episcoporum in amplis diœcesibus vicarii in episcopalibus, quemadmodum alii vicarii in spiritualibus, & officiales in contentiosis ordinarii iudices.

Ac vicarii
episcopo-
rum.

Suffraganei hodierni respondent potius veteribus Περιόδευταις, quos concilium Laodicenum institui vult, ne passim in pagis episcopi instituantur, ita autem habet: *Quod non oportet in vicis & pagis episcopos constitui, sed periodeutas, hoc est circumcursatores: eos autem, qui prius constituti sunt, nihil agere sine mente episcopi, qui est in civitate.* Ratio redditur in concilio Sardicensi: *Licentia vero danda non est ordinandi episcopum aut in vico aliquo, aut in modica civitate, cui sufficit unus presbyter: quia non est necesse ibi episcopum fieri, ne vilescat nomen episcopi & auctoritas. Non debent illi ex alia provincia invitati facere episcopum, nisi aut in his civitatibus, quæ episcopos habuerunt; aut si qua talis aut tam populosa est civitas, quæ mereatur habere episcopum.* In concilio generali Africæ Carthaginensi renovatur canon.

Can. 62.

Can. 6.

An. 397.
can. 42.

ne hoc ipsum fiat sine episcopi consensu : *EPIGONIUS episcopus dixit ; Multis in concilio hoc statutum est a cœtu sacerdotali , ut plebes , quæ in diœcesibus ab episcopis retinentur , quæ episcopum nunquam habuerunt , non nisi cum voluntate ejus episcopi , a quo tenentur , proprios accipiant rectores , id est episcopos.*

Hodie , ubi amplissimi sunt episcopatus præfertim in Germania nostra habent episcopi suos in pontificalibus vicarios generales seu episcopos suffraganeos : quomodo alias ac olim sunt dicti omnes episcopi , qui in aliqua provincia metropolitana cuidam fuberant. In spiritualibus vero & quæ jurisdictionem spectant , habent vicarios proprie sic dictos generales , qui nonnunquam generale mandatum habent ad totam episcopi jurisdictionem , a vicariis foraneis distincti , quos episcopi habentes amplam diœcesin in certa aliqua ejus parte constituunt. Alias qui hoc munus gerit vocatur *officialis* , estque solummodo vicarius episcopalis in contentiosis , ac judex ordinarius , ut perinde ac ipsum episcopi tribunal habeatur ejus vicarii , quod nondum distinguit INNOCENTIUS IV. in duas partes vicarii in spiritualibus & contentiosis , seu officialis. Memorantur tamen jam sæculo XII. officiales episcoporum a PETRO BLESSENSI , Atque eos etiam spectant , quæ singulari titulo in jure canonico de officio judicis ordinarii habentur distincto ab officio & potestate judicis delegati ; licet proprie loquendo etiam vicariis episcoporum sit delegata jurisdictio , sed in universum : cum id alias fiat ad causas singulares , & judex delegatus ordinarie subdelegare non possit , nisi sit a pontifice Romano delegatus. Qua de re canonistæ consuli possunt

C. Romana I. de
offic. vic.
in 6. ep.
25.
Lib. I. De
cretal. tit.
31.

sunt ad titulum specialem, de officio & potestate judicis delegati.

§. XXVIII.

Sunt & aliæ dignitates & munia Et aliæ dignitates.
tam cathedralis ecclesiæ, quam ruralium quoad integram diocesin, vel illius partem ad causas ecclesiasticas agendas, cleri disciplinam & institutionem.

Ad ordinem unitatemque in clero conservandam, aucto clericorum numero, quidam reliquis præfectus erat. Id quod initio ordinationis potissimum tempore determinabatur. Sic S. LEO papa ad DORUM episcopum Beneventanum perscribit, ac jubet *omnes presbyteros in eo ordine permanere, quem unicuique ordinationis sue tempus adscripsit.* Hi successu temporis archipresbyteri sunt dicti. Similiter archidiaconus, & ubi multiplicatus fuit numerus inferiorum clericorum Primicerius, qui ut plurimum subdiaconus fuit. In concilio Carthaginensi IV. jam singularis etiam cura, qua episcopus onera sua cum eis partiebatur, eis fuit commissa, ut *archiepiscopus gubernationem viduarum, pupillorum & peregrinorum non per seipsum, sed per archipresbyterum, aut per archidiaconum agat.* Vid. Theod. mass. de benef. P. II. L. I. c. 48. Can. 17.

Ad archidiaconum hoc munus potissimum pertinere videri poterat, qui inde ab antiquissimis temporibus bonorum ecclesiæ administrationem habebat, ad exemplum ecclesiæ Hierosolymitanæ ab apostolis institutis septem diaconis. Quo in majoribus ecclesiis aucto numero, sem-

G 5

per

per aliquem præcipuum habebant, qui κατ' ἐξοχήν diaconus aut archidiaconus est dictus: ut vel exemplum S. LAURENTII suppetit, apud quem iudex magnum se thesaurum inventurum sperabat, utpote penes quem rei ecclesiasticæ administratio esset. Id quod magnam ipsis auctoritatem conciliavit, episcopis in eos rerum quarumvis exteriorum curam exonerantibus. Unde etiam supra presbyteros sese efferebant, & sub se ipsos archipresbyteros habebant: utpote qui in exterioribus ab his etiam archidiaconis dependebant, antequam præsertim bonorum ecclesiæ divisio & proprietas esset inducta. In jure etiam canonico prior est titulus de archidiacono quam de archipresbytero, & c. 1. de archipresbytero hoc ipsum innuitur. Cum is altera post episcopum haberetur persona, jurisdictionem ecclesiasticam omnem exercens, antequam episcopi munus vicariorum generalium & officialium instituerent. Cum archipresbyteri interiora tantum gubernarent, minora autem primicerii, sic divisis officiis præsertim in absentia episcopi; Quia, ut inquit S. MARTINUS P. *in absentia Pontificis archidiaconus & archipresbyter & primicerius locum presentant Pontificis.* Idque alias etiam egerunt; sed hoc munus habent hodie restrictum ab illis vicariis, quos memoravi; cum prius archidiaconus in omnibus esset vicarius episcopi: „ Ut archidiaconus post episcopum „ sciat, se vicarium esse ejus in omnibus & „ omnem curam in clero tam in urbe posito- „ rum, quam eorum, qui per parœcias habita- „ re noscuntur, ad se pertinere; sive de eo- „ rum conversatione, sive honore, & restau- „ ratione ecclesiarum, sive doctrina ecclesiasti- „ corum vel cæterarum rerum studio & delin- „ quen-

*Epist. ad
Theod.*

*C. ut ar-
chid. i.
b. t.*

quentium rationem coram D E O redditurus „
est. Et ut de tertio in tertium annum , si epi- „
scopus non potest , parœciam universam cir- „
cumeat , & cuncta , quæ emendatione indi- „
gent , ad vicem sui episcopi corrigat & e- „
mendet. „ Hoc jam est præcipuum munus
archidiaconi ; sed etiam subordinatum vicaria-
tibus generalibus episcoporum. Nec penes ipsos
est rei ecclesiæ cathedralis cura , sed penes præ-
positos , quæ est præcipua dignitas ecclesiæ ca-
thedralis , cui decani accedunt in sacris pol-
lentes & capitulo cathedrali præsidentes.

Cum archidiaconatus totam diœcesin spectet,
archipresbyterorum autem esset duplex genus
archipresbyteri, illi præsertim, qui per diœcesin
in capitulis ruralibus sunt constituti, quo tem-
pore præsertim magis adhuc viguit auctoritas
archidiaconorum, expresse illis subesse sunt iussi
secundum responsum INNOCENTII III.
*Quod archidiaconus secundum statuta B. I S I-
D O R I imperat subdiaconis & levitis : parœ-*
ciarum sollicitudo & earum ordinatio ad ipsum
pertinet, & audire debet iurgia singulorum. Ar-
chipresbyteri autem , qui a plebibus decani nun-
cupantur ejus se noverint jurisdictioni subjace-
re. Id etiam statuitur in capitulis V A L T E R I,
ut archidiaconi sollicite inquirent in doctrinam
& mores presbyterorum cardinalium seu cura-
torum. Quoad archipresbyteros & decanos
hodie prius illud nomen urbi episcopali est re-
servatum ; qui vero capitulis ruralibus præ-
sunt , decani vocantur , atque in conciliis e-
tiam *pastores pastorum* vocantur , seu *de-*
cani christianitatis , qui statis temporibus
curatos sibi commissos ad capitulum vocant,
& ab illis ceu superiores agnosci debent. Sed

Cap. ad
bac. 7.
b. t.

T. VIII.
conc. p.
637.

restrig

restricta eorum etiam est potestas, si ad ea considerentur, quæ HINC MARUS in suis capitularibus de eorum officio præscribit in visitatione & ordinatione suarum parochiarum.

§. XXIX.

Parochi.

Fuerunt a primis temporibus ecclesiæ presbyteris ac etiam diaconis regendæ commissæ tam in majoribus urbibus quam pagis & ruri; quamvis non tam cito, nec tam frequentes ac hodie fuerint parochiæ rurales.

Adeo celerius in urbibus, quam in pagis ac ruri religio christiana est propagata, ut paganorum nomen superstitioni idololatricæ inditum, usque ad hodiernum diem maneat. Quare mirum non est, ecclesias rurales primum non adeo fuisse frequentes, ac multo plures episcopos ecclesiarum rectores, quam presbyteros: cum plerumque una ecclesia diœcesin integram constituerit, præsertim temporibus ecclesiæ pressæ, ubi facile episcopus indultus fuit singularibus locis minoribus etiam oppidis & vicis; licet postea canonibus cautum fuerit, ut jam observavimus, ne in parvis oppidis episcopi ordinarentur.

At hoc non obstante constat, ecclesias primis illis temporibus non solum a presbyteris sed etiam diaconis esse gubernatas. S. CYPRIANUS epistolam 67. inscribit FELICI presbytero, & LÆLIO diacono, ac populis curæ eorum commissis. Estque antiquissimus canon

canon Illiberitanus: *Si quis diaconus regens* Can. 77.
plebem, sine episcopo vel presbytero aliquos ba-
pizaverit, episcopus eos per benedictionem per-
ficere debet. Ex S. HIERONYMI dia-
 logo contra Luciferianos discimus, id jam tunc
 consuetum fuisse, ut episcopus hujus rei cau-
 sa diœcesin discurreret. SYNESIUS ad
 episcopale culmen evectus, ad presbyteros scri-
 bens: *Vos ipsi, inquit, supplices pro me ad* Epist. XX
DEUM manus tendite; atque & urbana
multitudini, & quacunque in agris, aut in
paganis ecclesiis degit, meo nomine preces pub-
lice privatimque universis indicite. Alibi lu- Synes. Ca-
 get in Ampelide, quæ erat pars suæ diœce- stast.
 feos, ecclesias esse succensas. Sed hoc recen-
 tius videri queat. De DIONYSIO ALEX.
 refertur apud EUSEBIUM, eum convoca- Lib. VII.
 tis presbyteris ac doctoribus per singulos vi- c. 24.
 eos concionantibus tres continuos dies opi-
 nionem NEPOTIS Chiliastæ, quæ quasdam
 ipsorum ecclesias infecisse visa sit, examina-
 se. S. ATHANASII locum ex apologia
 II. jam laudavi, de Mareote agro Alexandri-
 no, memorantis ibi nec episcopum nec chor-
 episcopum præfuisse, sed singulos tamen pa-
 gos suos presbyteros habuisse. S. DIONY-
 SIUS apud EUSEBIUM memorat parti- Lib. VII.
 culares conventus sacros tanquam in suburba- c. 11.
 nis remotioribus. Quod lucem accipit ex CAS-
 SIANO, qui de PANÆPHYSO in provin-
 cia Augustamnica prima refert, quod plures
 urbes & vicos sub se habuerit. EUSEBIUS SIL- Lib. VIII.
 VANUM martyrem ecclesiarum circa gazam e- c. 13.
 piscopum laudat. De Majuma gazæ conjuncta,
 peculiarem tamen diœcesin constituyente SOZO-
 MENUS memorat: *Vicinorum agrorum limites* Lib. V.
quibus ecclesia ad utrumque episcopatum perti- c. 3.
net.

Dial. I.

c. 4.

Epist. 113.

Her. 66.

Can. 13.

Can. 17.

Can. 2.

nentes distinguuntur. Facile idem de aliis locis Palestinæ populosa & culta regione conjici potest. Talem ecclesiam S. HIERONYMUS rexit teste SULPITIO SEVERO: quæ parochia est episcopi, qui Hierosolymam tenet. Ipseque S. HIERONYMUS contra VIGILANTIUM citat presbyteros, qui parochias suas vicinia istius dicunt esse maculatas. Inde CYRUM peragrantes THEODORETUM testem illius episcopum habemus, se octingentarum ecclesiarum pastorem curam fortitum esse, tot enim CYRUM habere parœcias. De Mesopotamiæ pago Diodoride in Carchari laudat S. EPIPHANIUS TRYPHONEM loci istius presbyterum. Huc referendus est canon Neocæsariensis de vicinis presbyteris. Sed adhuc luculentior est Chalcedonenſis univèrsalis concilii, ad regimen totius ecclesiæ spectans: ut firmi sint ecclesiæ & determinati diocesium fines: *Quæ sunt in unaquaque provincia rurales vicinasque parochias firmas & inconcussas manere apud eos, qui illas tenent episcopos, & maxime si triginta annorum tempore eas sine vi tenentes administraverint. Sin autem intra triginta annos fuit aliqua vel fuerit de iis controversia, licere iis, qui injuriam sibi fieri dicunt, de iis litem movere apud synodum provinciae.*

Intenti fuerunt semper episcopi pro rei christianæ incremento, atque necessarium omnino fuit, ecclesia undique se diffundente, ut undique etiam ecclesiæ ac parochiæ instaurarentur. Quam in rem saluberrima est concilii Vasensis sanctio: *Hoc etiam pro edificatione omnium ecclesiarum, & pro utilitate totius populi nobis placuit, ut non solum in civitatibus, sed etiam in omnibus parochiis verbum faciendi daremus presby-*

presbyteris potestatem. Refert hoc singulare
 S. EPIPHANIUS de Alexandria: *Quot-* Har. 69.
quot Alexandria catholica communionis eccle-
sia sunt uni archiepiscopo subiecta, suus cuique
præpositus est presbyter, qui ecclesiastica munera
illis administrat, qui circa ecclesias illas habitant,
eorumque conventicula vici, sive laura ab
Alexandrinis vulgo nominantur. Non omni-
 no dici potest, hunc usum singularem fuisse
 ecclesiæ Alexandrinæ, ut VALESIUS & In Sozom.
 alii existimant, cum ex S. BASILIO con- L. I. c. 15.
 stet, præter ecclesias in urbe Cæsarea, quarum Hom. in
 cura communis erat cum episcopo, se habuisse ps. 114.
 singularem, cui adstrictus erat. Atque in urbe
 Roma ultra quadraginta fuerunt tituli seu pa-
 rochiæ. Vel inde autem, dum VALESIUS
 contrarium colligere voluit ex epistola IN-
 NOCENTII ad DECENTIUM, de
 fermento quod dominico die per titulos mitte-
 batur, colligitur presbyteros per ecclesias con-
 ventus suos apud plebem sibi commissam egisse:
Quarum presbyteri, sunt illius epistolæ verba, Innoc. ad
quia die isto propter plebem sibi concessam nobis- Decent.
cum convenire non possunt, ideo fermentum a c. 5.
nobis confectum per acolythos accipiunt, ut se
a communione nostra maxime illo die non judi-
cent separatos. Idem de Novella JUSTI-
 NIANI dici potest de ecclesiis urbis Cpoli-
 tanæ, quæ habebant suos peculiare conventus,
 licet presbyteri indivulsi cum matrice eccle-
 sia fuerint. Non enim, ut Novellæ illius ver-
 ba habent, Nov. III.
sufficient tantis ecclesiis pauci c. 1.
consistentes: quoniam quidem non proprios
clericos, neque una quidem harum trium ha-
bent Basilicarum, sed communes sunt, & san-
ctissima majores ecclesiæ & earum: & omnes
circumcinctes secundum quemdam ordinem &
cir-

Orat. 32.

circum, ministeria in eis celebrant. S. GREGORIUS NAZ. etiam hujus rei de diversis ecclesiis urbis Constantinopolitanæ mentionem facit secundum diversos titulos, ac titulares presbyteros. Id tamen videtur colligi ex homiliis S. CHRYSOSTOMI, præsertim quas Antiochiæ habuit, ad principem ecclesiam omnem populum concurrisse. Sed notanda est illius homilia XVIII. in acta apostolorum, ubi fideles hortatur, quibus facultates suppetunt, ut in minimis villis & castris ecclesias fieri cûrent, ibidemque pastorem quemdam nutriant, diaconum & alios ex ordine clericorum ministros, precum assiduitate stimulanis, quæ pro patronis & fundatoribus hujuscemodi in sacris jugiter fiant.

T.V.conc.
p. 1556.

T.V.conc.
p. 809.

Sed id fieri debebat cum bona episcopi venia. Quam in rem decretum HORMISDÆ papæ tribuitur, ne sine hac licentia altare in ecclesia consecrata erigatur. Quod etiam a PELAGIO P. constitutum est quoad baptisterium, circa oratorium, in fragmento epistolæ ad ELEUTHERIUM episcopum extructum ad recondendas tantum reliquias S. CANTIANÆ M. *Oratorium absque missis publicis solemniter consecrabis; ita tamen ut in eodem loco nec futuris temporibus baptisterium construatur, nec presbyterum constituas cardinalem: sed quotiens missas ibi forte maluerit a dilectione tua noverit postulandum, quatenus nihil tale a quolibet alio sacerdote ullatenus præsumatur.* Quam in rem est etiam Aurelianensis concilii decretum: *Ut in oratoriis Domini prædiorum minime contra votum episcopi, ad quem territorii ipsius privilegium noscitur pertinere, peregrinos clericos intromittant; nisi forsitan quos proba-*
tes

Au. 541.
Can. 7.

tos *ibidem* districtio pontificis observare præceperit. Medio ævo non raro ob hujusmodi privata oratoria præsertim nobilium, difficultates sunt motæ, & abusus irrepere cœperunt, tam circa clericorum ordinationem, quam oratoriorum provisionem. Quam in rem habetur responsum NICOLAI I. ad consulta ADONIS Viennensis, ubi dicit presbyteros ordinari pro ecclesiis urbium & villarum, non pro domibus laicorum, contrarium abusum tollendum fore, quando conventus clericorum esset instituendus. Severius cautum, & omnino observatum olim fuit, ut quisque pro certa institueretur ecclesia, nec facile licuit aliorum præsertim alienam in diœcesin migrare. Quam ob rem gravis est ANGELRAMNI Metensis querela ad STEPHANUM pontificem contra ENDRADUM, qui ad aliam parochiam ordinatus in diœcesin Moguntinam concessit.

Epist. 3. ad Adon.

T. XIII. Bibl. PP. p. 112.

§. XXX.

Religiosi DEO dicati, magis obstringuntur ecclesiæ, quando sunt hierarchico ordini adscripti, curæ animarum regiminique ecclesiæ præfecti, debita tamen erga episcopos subjectione sine speciali exemptione.

Religiosi
clerici.

Quando de statibus DEO dicatis ex instituto egimus, jam ostensum a nobis est, inde a prima monasticæ vitæ institutione rei sacræ haud raro fuisse adscitos monachos, ac operam dedisse. Quod cum primum præter primarium institutum fieret, successu temporum id tamen

H

acci-

accidit in canonicis regularibus, mendicantibus, & aliis ordinibus religiosis; majorque jam est numerus clericorum religiosorum quam sæcularium, quorum maxima pars functiones ecclesiasticas in orbe christiano obit, maximis privilegiis præsertim summorum pontificum instructi.

Abbates, antequam etiam omnes sacris initiarentur, ad sacra comitia conciliorum ultro admissi perhibentur, quod de S. BENEDICTO & BONIFACIO II. ad conc. Romanum an. 581. accito ANTONIUS SCIPIO monachus Cassin. ex veteri codice bibliothecæ Vaticanæ eruit. Constatque jam antea in concilio Cpolitano an. 448. sub FLAVIANO viginti tres archimandritas judicio contra EUTYCHEN calculum addidisse cum 30. episcopis. Quin etiam abbatissæ notantur ab auctore chronici Saxonici concilio Becasfeldendi in provincia Cantio etiam ante presbyteros subscripsisse. Quod non magis singulare est, quam quod a BEDA refertur de insula Huya: habere solebat ipsa insula rectorem semper abbatem presbyterum, cujus juri & omnis provincia & ipsi etiam episcopi ordine inusitato debeant esse subjecti juxta exemplum primi doctoris illius (COLUMBÆ) qui non episcopus sed presbyter extitit & monachus. Res ipsa loquitur, de exteriori quadam directione hoc esse intelligendum. Quomodo etiam ultro non raro leguntur episcopi, in suis diœcesibus indulgisse abbatibus gubernationem; hodièque plerique abbates pontificalibus utuntur ornamentis, omnes autem de jure communi jurisdictionem exercent in suos saltem sibi subditos religiosos. Cujus forte antiquissimum exemplum sit monasterii Lirinenfis, cujus

Ad an.
694.

Beda hist.
Lib. III.
c. 4.

ius abbati S. HONORATO S. LEONTIUS episcopus Forojulienſis non ſolum monachorum ſed etiam laicorum illius inſulæ plenam fecit poteſtatem, tantum ut illis chriſma quotanſis mitteret, & ordinationem clericorum ſibi reſervaret, quos ex laicis abbas deſtinaret, & ex monachis ad hoc aptos judicaret. STEPHANUS II. abbati FULDRADO S. DIONYSII privilegium indulſit, ut proprium haberet episcopum ab abbate & monachis electum, ut monaſterio illi ac reliquis ab ipſo fundatis præeſſet quoad ſacras functiones; cum alias omnia illa monaſteria ſub protectione eſſent ſedis apoſtolicæ.

*T. IV.
conc. p.
1024.*

*Tom. IV.
act. ord. S.
Bened. p.
305.*

Nefcio, an hæc de ſingulari intelligi debeant exemptione. Cujusmodi primum a Romano pontifice obtinuiffe videtur monaſterium Fuldenſe a prima ſua per S. BONIFACIUM fundamine, ita ad eum ſcribente ZACHARIA: *Et ideo omnem cujuſlibet eccleſiæ ſacerdotem in præſato monaſterio ditionem quamlibet habere, hac auctoritate, præter ſedem apoſtolicam, prohibemus: ita, ut niſi ab abbate monaſterii fuerit invitatus, nec miſſarum ſolemnitatem ibidem quiſpiam præſumat omni modo celebrare.* Interceſſerant abbati S. STURMIO graves cum S. LULLO archiepiſcopo controverſiæ, quæ plerumque ſolebant eſſe cauſæ hujusmodi exemptionum; ſed non infrequenter majorum ſimultatum occaſiones etiam circa hujusmodi indulta, etſi ab ipſis prædeceſſoribus episcopis conceſſa. Cujus antiquiſſimum exemplum in Lirinienſi monaſterio habetur, cujuſ modo privilegia a S. LEONTIO S. HONORATO conceſſa vidimus: quæ paulo poſt THEODORUS episcopopus labefactare eſt conſiſus a FAUSTO

*T. VI.
conc. p.
1528.*

H 2

abba.

An. 455.

*T. IV.
conc. p.
1641.*

An. 1025.

*Sess. V. de
reform. c.
2. Sess. VI.
c. 3. Sess.*

abbate & monachis repulsus : cujus causa coactum est concilium Arelatense, atque in eo ita res composita est, ut monachi Lirinenfes a nullo alio episcopo præter THEODORUM ejusque successores militiæ clericali aut ecclesiasticis ordinibus adscribi possent : ut ab eo solo monasterium chrisma requirat, confirmationis etiam sacramentum monachi suscipiant, aut ab eo, cui permiserit sacrum illud signaculum eis conferre : ut nulli peregrini clerici absque ejus arbitrio ad communionem vel ad sacrum ministerium admittantur. Laici porro monachi ad solam abbatis directionem regimenque pertineant, nec eorum quemquam episcopus ad clerum ordinesque ecclesiasticos, nisi abbate id postulante, promoveat. Ineunte sequenti sæculo in Africa non absimilis controversia in concilio Carthaginensi est agitata, quod PETRUS abbas monachos sui monasterii non a vicino episcopo curasset ordinari, quod a prima sua fundatione immediate ecclesiæ Carthaginensi esset subditum, licet fuisset in provincia Bizantina : atque illic etiam provocatum est ad id, quod THEODORUM inter Forojulensem & FAUSTUM Lirinensem fuit transactum, præter alia exempla ab abbate PETRO, ea in causa, allata. Diu postea talis lis ob collatos ordines monachis Cluniacensibus BURCHARDO Viennensi a GAULENIO Matisconensi est mota, provocante S. ODILONE ad exemptionem apostolicam : cui patres canonem Chalcedonensem objecerunt, ubi quartus & octavus versatur in hoc argumento, atque etiam a concilio Tridentino multa in hanc rem sunt statuta. Quibus accessit bulla GREGORII XV. *Inscrutabilis*, quam deinceps in hujusmodi

di causis subsequeutes pontifices URBANUS VII. c. 7. 8.
 VIII. INNOCENTIUS X. ALEXAN- XXIII.
 DER VII. CLEMENS X. & XI. sacræ c. 15.
 que cardinalium congregationes de regulari- XXIV.
 bus secuti sunt. c. 4.

§. XXXI.

XXV.

c. 3.

Superiores ac prælati regulares Et prælati
 plenam in suos religiosos habent ju- regulares.
 risdictionem; tenentur tamen abba-
 tes in rebus magni momenti consi-
 lium aut consensum petere, in cau-
 sis præsertim jure expressis.

Olim congregationes quæcunque monasticæ
 plenissime parebant ac suberant suis abbatibus.
 Postquam autem ordines singulares sub certis
 regulis veluti in unam communitatem coierunt,
 regimen ad unum superiorem generalem rediit,
 qui per regiones subordinatos provinciales ha-
 bent, in singulis autem conventibus suos supe-
 riores immediatos. Quod institutum etiam se-
 cuti sunt congregationes non paucæ monasticæ,
 quantum ipsis commodum visum fuit; ut sint
 hodie paucæ abbatix omnino independentes &

αὐτοκέφαλοι, prout olim pleræque fuerunt.
 S. BENEDICTUS in sua regula plenam
 abbati in subditos tribuit auctoritatem ac re-
 gimen animarum, de quibus rationem DEO
 sit redditurus. *Sciatque*, ait, *quia qui suscipit*
animas regendas, præparet se ad rationem red-
dendam. Et quantum sub cura sua fratrum se
habere scierit numerum, agnoscat pro certo,
quia in die judicii ipsarum omnium animarum
est redditurus Domino rationem. Hinc ceu

Reg. c. 2.

H 3

supra

suprema capita & pastores auctoritatem habent in dirigendis coercendis & puniendis subditis suæ curæ commissis, pœnis corporalibus & spiritualibus: quales in regulis suis legislatores statuunt, imprimis S. BENEDICTUS etiam excommunicationem, de qua singulare caput habet in sua regula; sed alia esse judicatur, quam ecclesiastica censura; quam tamen etiam infligere possunt abbates & prælati regulares.

c. 3.

Clementin. Ne in agro de statu monachorum.

C. ut ii. de etate & qualitat. ordin.

Quamvis autem S. BENEDICTUS omnia constituat in arbitrio abbatis, cujus regula in occidentis forma fuit instituti monastici; vult tamen etiam in consilium adhiberi fratres, ita quidem, ut, *quoties aliqua præcipua agenda sunt in monasterio, convocet abbas omnem congregationem, & dicat ipse unde agat. Et audiens consilium fratrum &c.* unde jura emanarunt capitulorum. Et quando usuenit, atque ab ecclesia etiam statutum est, ad ampliacionem cultus divini quod monachi quilibet ad monitionem abbatis se faciant ad omnes ordines sacros (excusatione cessante legitima) promoveri; eadem etiam Clementina est constitutum, ut nullus de cætero in ejusmodi ecclesiis (cathedralibus vel collegiatis, secularibus vel regularibus) vocem in capitulo habeat, etiamsi hoc sibi ab aliis libere concedatur, nisi saltem in subdiaconatus ordine fuerit constitutus. Unde est discrimen fratrum laicorum seu conversorum, & clericorum seu capitularium sive actuales jam sint sive non. Et licet S. BENEDICTUS concedat, ut post expensa fratrum consilia, quod utilis judicaverit, faciat abbas; tamen in casibus jure vel constitutionibus ordinum ac congregationum expressis consensus etiam requiritur ad validitatem actus,

majore

majoris saltem partis capituli. ASCANIUS TAMBURINUS, qui ingens opus scripsit de jure abbatum, ex communi canonistarum sententia docet: licet abbas aliusque superior in casibus, in quibus tantum debet requirere consilium, non teneatur consilium datum sequi, tamen actus esset nihilominus nullus, si a capitulo aut congregatione debite convocata, consilium non expetiisset. In quibus autem non tantum consilium sed etiam consensum exquirere debeat abbas idem TAMBURINUS ex JO. TRITHEMIO recenset: v. g. *Res q. 2. n. 3.* monasterii immobiles, agros, prata, & alia hujusmodi vendere. Secundo dicit, quod non potest recipere ad professionem monachum sine consensu conventus. Tertio quod non potest monasterium gravare pignoribus, & aliis cautionibus magnam summam recipiens pecuniarum super bona monasterii absque evidenti necessitate & fratrum suorum consensu. Quarto quod non licet abbati dimittere monachum ad aliud monasterium ejusdem ordinis, sine praedicto consensu. Quinto non potest aliqua statuta ipsis imponere, quae se ultra regulam extendant, nisi consentiant monachi. Sexto non potest aliquem ad confraternitatem spiritualem monasterii accipere, nisi concurrant monachi subditi. Septimo non potest prabendarios perpetuos recipere ad monasterium, sine voluntate conventus. Et ita quidem in plerisque regulariis congregationibus obtinet; alicubi tamen magis monarchicum juxta primævam institutionem, alicubi magis aristocraticum est regimen: observatque laudatus TAMBURINUS, quia non omnes, qui regunt, esse possunt AUGUSTINI aut BENEDICTI, nec subditi POSSIDII, factum esse,

T. III.

disp. 1. q.

8. n. 1.

q. 2. n. 3.

q. 2. & 3.

ut religiones, loco monarchiæ absolutæ, cum ea simul aristocratiam amplexatæ sint. Quod relatis variorum ordinum constitutionibus ostendit.

C A P U T III.

Quales esse, & quomodo eligi ac constitui debeant sacrorum præsides.

§. XXXII.

Necessaria ecclesiæ præsum dotes.

Sacrorum præsules clerici necessariis dotibus instructi, ac vitæ honestate & sanctitate prælucere debent fidelibus, quos instituendos ad pietatem christianam, conducendosque ad finem vitæ æternæ susceperunt.

*Tit. II.
7. 8.*

Ita **TITUM** suum instituit apostolus: *In omnibus teipsum præbe exemplum bonorum operum in doctrina, in integritate, in gravitate, verbum sanum, irreprehensibile: ut is qui ex adverso est, vereatur, nihil habens malum dicere de nobis.* Ad **TIMOTHEUM** autem scribit eum, qui ecclesiæ præest debere & testimonium habere bonum ab iis, qui foris sunt, ut non in opprobrium incidat, & in laqueum diaboli. Quod nostris iterum temporibus eo magis est necessarium, quia circumsepti undique sumus hæreticis, qui foris sunt, qui in vitam & mores clericorum intendunt; atque cavillantur etiam hunc titulum, *de vita & honestate clericorum.* *Crederes,* inquit

BOEH.

BOEHMERUS, compilatorem multa con-
 gessisse de qualitatibus clericorum virtutibus-
 que, circa quas admodum sollicitus est PAU-
 LUS in epistola ad TIMOTHEUM. II. ad b.s.
 Sed hæc quidem tanta sunt forsan, quod a mo-
 ribus sæculi, quo vixit compilator, essent alie-
 na, suspicionemque hæreseos præberent. De
 coma, de barba, de potu, de armis & nego-
 tiationibus clerico interdictis, aliisque parvi
 momenti rebus, ad decorum clericorum per-
 tinentibus, tantum sollicitus est. Quasi non
 etiam D. PAULUS TIMOTHEUM
 & TITUM ad bonum in exteriori habitu in-
 stituerit exemplum, & quæ circa modestiam
 temperantiam, contra avaritiam, negotiatio-
 nes sæculares &c. statuuntur, eadem sint, quæ
 apostolus præscribit, ac vult episcopum irre-
 prehensibilem esse, unius uxoris virum, so-
 brium, prudentem, ornatum, pudicum, ho-
 spitem, doctorem, non vinolentum, non per-
 cussorem, non cupidum &c. Quæ sane re-
 spondent iis, quæ hoc & mox sequentibus ti-
 tulis constituuntur ad vitam & honestatem
 clericorum pertinentia, quæ subditis fidelibus
 exemplum præire debent præpositi. Namque
 juxta concilium Tridentinum: Nihil est, quod
 alios magis ad pietatem & DEI cultum as-
 fidue instruat, quam eorum vita & exem-
 plum, qui se divino ministerio dedicarunt:
 cum enim a rebus sæculi in altiore sublati
 locum conspiciantur; in eos tanquam in spe-
 culum reliqui oculos conjiciunt, ex iisque su-
 munt, quod imitentur. Quapropter si decet
 omnino clericos in sortem Domini vocatos, vi-
 tam moresque suos omnes componere, ut habitu,
 gestu, incessu, sermone, aliisque omnibus re-
 bus nil, nisi grave, moderatum, ac religio-

1. Tim.

III. 2.

Sess.

XXII.

c. 1. de

reform.

*Lib. III.
Decretal.
tit. 1.*

*Cap. 9.
b. t.*

*In c. duo
sunt 7.
caus. 12.
q. 1.
Epist. 82.
ad Vercell.*

plenum praeferant. Quare sacrosancta synodus omnia renovat copiose & salubriter alias a summis pontificibus, & a sacris conciliis de clericorum vita, honestate, cultu doctrinaque retinenda, ac simul de luxu, ac quibuscumque comestationibus, choreis, aleis, lusi-
bus, ac quibuscumque criminibus, nec non saecularibus negotiis fugiendis. Cujusmodi sunt hoc titulo, majorem partem ex INNOCENTIO III. desumpta praesertim in concilio Lateranensi communibus votis sancita.

Illud etiam singulariter notandum, quod ex GREGORIO VII. affertur, posse episcopum statuere in ecclesia certum numerum clericorum secundum ipsius facultates, qui vivant in communi, & contradictores ad hoc compellere. Quae est pulcherrima illa primitivae ecclesiae forma, qua apostoli eorumque discipuli vivebant in communi unanimes in oratione, & nullus eorum proprium possidebat, ut habetur *Act. IV.* Referturque ex S. HIERONYMO: *Quod victu & vestitu contenti, nullam inter se proprietatem tenentes habuerint omnia communia.* Quod institutum quoad clerum suis in ecclesiis S. EUSEBIUS Vercellensis, ut ex S. AMBROSIO discimus, & S. AUGUSTINUS alique revocarunt. Iterumque postea renovavit CHR. ODEGANGUS Metensium episcopus: unde in plerasque ecclesias dimanavit, ac canonicorum institutum in ecclesiis cathedralibus & collegiatis sic enatum est, divisum postea in saecularium & regularium canonicorum ordines, quoad distinctionem monasticam & clericalem vitae, ut hodieque obtinent, haec in cathedralibus & collegiatis ecclesiis, illa in singulari ordine canonicorum regularium. Non quod hi
solum

solum vitæ regularis sanctitatem sequi debeant, sed quod sit discrimen ordinis, unius ejusdemque cononicæ seu regularis observantiæ. *Ultrius nota*, inquit auctor chronici Oldenburg. *Apud Meibom.* quod idem significet canonicus & regularis, *rev. germ.* & est inculcatio verbi, vel negatio dicendo: *T. II. p. 166.* Canonicus regularis, quod idem est, ac si diceretur regularis. Et dicendo canonicus regularis est implicatio contradictionis vel oppositum in adjecta: idem est enim ac si diceretur, regularis secularis, quæ duo inter se pugnant. Quia secularis in quantum talis, magis est irregularis, quam regularis. Sed per usum loquendi & inolitam consuetudinem talis locutio roboratur. Omnes ergo æqualiter canonice tenentur vivere, qui sacris adscripti, cæteris ad hoc præpositi sunt. *Qui*, inquit concilium *Sess. Trid.* ministerium suscipiunt, quæ sua sint partes agnoscant, ac se non ad propria commoda, *XXV. c. 1.* non ad divitias, aut luxum, sed labores & sollicitudines pro DEI gloria vocatos intelligant. Eademque synodus *Sess. XIV.* in proæmio vult per episcopos sæpius monendos clericos in quocunque ordine fuerint, ut conversatiohe, sermone & scientia commisso sibi populo præeant, memores illius: *Sancti estote, quia & ego sanctus sum &c.*

§. XXXIII.

Hinc cura semper fuit ecclesiæ, Quas ecclesia requirit & attendit, ut nonnisi aptos & habiles admove-
ret muneribus ecclesiasticis, removeret autem non ineptos tantum, sed & eos, qui dedecori esse possent sacro ministerio.

Quo-

*Lib. I. De-
cretal. tit.*

II. 12.

tit. 13.

An. 1177.

*Sess.
XXIV.*

c. 12.

Quoniam functionibus ecclesiasticis status clericales sacrique ordines sunt innexi, in jure canonico de ordinationum ordinandorumque circumstantiis & qualitatibus pluribus titulis agitur, tempora & ætates etiam distinguuntur. Hinc tituli de temporibus, & qualitate ordinandorum de scrutinio in ordine faciendo. De ætate, & qualitate & ordine præficiendorum. Quia qui præficiendi sunt regimini ecclesiæ, ac curæ animarum, ea ætate, scientia & probitate debent esse instructi, ut rite suo munere defungi & præesse queant. Hinc etiam pro gravitate & amplitudine muneris sacri major aut minor ætas semper fuit requisita. Atque jure novo in concilio Lateranensi sub ALEXANDRO III. decernitur, *ut nullus in episcopum eligatur, nisi qui jam trigessimum ætatis annum exegerit . . . Inferiora etiam ministeria, utputa decanatum, archidiaconatum, & alia quæ curam animarum habent annexam, nullus omnino suscipiat, sed nec parochialis ecclesiæ regimen, nisi qui jam vigesimum quintum annum ætatis attigerit, & scientia & moribus commendandus existat.* Decretum istud renovavit concilium Tridentinum, *ut nemo deinceps ad dignitates quasunque, quibus animarum cura subest, promoveatur, nisi qui saltem 25. suæ ætatis annum attigerit.* Itidem statuit, *ut in omnibus ecclesiis cathedralibus omnes canonicatus ac portiones habeant annexum ordinem presbyterii, diaconatus vel subdiaconatus.* Contigit enim hæc sequiori ævo dividi, & beneficia nonnunquam conferri illis, qui ordinibus, ad functiones beneficiorum obeundas necessariis, nondum essent initiati: qui proventibus & honoribus prærogativisque temporalibus contenti, ordi-
nes

nes fuscipere negligebant, functiones quæ ordinem requirebant, aliis committentes. Ad eum abusum tollendum mox primum est capitulum h. t. ex concilio Pictaviensi: ut abbates, *An. 1078.* decani & præpositi, qui presbyteri non sunt, presbyteri fiant, qui archidiaconatus tenent diaconi, qui vero archipresbyteratus, presbyteri fiant, aut amittant honorem. Quod si aliqua iusta causa prohibente presbyteri aut diaconi esse non potuerint, prælationes amittant. Res ea antiqua ecclesiæ disciplina fuit inaudita, & ecclesiæ summe calamitosa: unde accidit in ecclesiis potioribus & cathedralibus, ubi clerus debebat in regimine ecclesiæ episcopo opera & consilio assistere, ut ad hoc ineptus esset; maxime ad curam animarum, quæ est ars artium, circa eos præsertim, qui in dignitatibus constituti, non laicos tantum unius parochiæ in villis & agris, sed integrum clerum diocesanum regendum haberent. Qua de causa sacra synodus Trid. hortatur, *ut in provinciis, ubi id Seff. commode fieri potest, dignitates omnes & sal. XXIX. tem dimidia pars canonicatum in cathedralibus ecclesiis vel collegiatis insignibus, conferantur tantum magistris vel doctoribus aut etiam licentiatis in theologia vel jure canonico. c. 2.* Atque requirit omnino, ut quicumque posthac ad ecclesias cathedrales erit assumendus, scientia ejusmodi polleat, ut muneri sibi injungendi necessitati possit satisfacere. Cap. IV. idem hoc tit. cavetur, episcopo- que Roma in Galliam sic rescribitur ab ALEXANDRO III. *Arctius inbibemus, ne personas, quæ in ecclesiis tui episcopatus ad curam animarum fuerint ordinanda, in ipsæ instituas, nec aliqua occasione vel etiam lit- tera-*

terarum nostrarum obtentæ institui patiari, quæ scientia moribus & ætate concilii non congruant institutis. His saluberrimis statutis redundant antiqui canones & scripta veterum patrum; imprimis legi hic meretur S. CHRYSOSTOMUS lib. III. & IV. de sacerdotio, & ep. 13. S. GREGORIUS SENI.

Cap. I. D.
49.

Atque GREGORIUS M. relatus a GRATIANO huc interpretatur ea, quæ secundum normam veteris testamenti requiruntur qualitates etiam exteriores corporis, ut ad ipsos animi defectus referat: *Cæcus quippe est, qui supernæ contemplationis lumen ignorat: qui præsentis vitæ tenebris pressus, dum venturam lucem nequaquam diligendo conspicit, quo gressus operis dirigat nescit. Hinc etiam prophetante ANNA dicitur: Pedes Sancto- rum suorum servabit, & impii in tenebris conticescent. Claudius vero est, qui quidem quo pergere debeat aspicit, sed per infirmitatem mentis vitæ viam perfectæ non valet tenere. Sunt & aliæ inde antiquis temporibus ecclesiæ hujusmodi, quas vocare solent irregularitates, ex defectibus ac vitiis etiam naturalibus, natalibus &c. de quibus singulares extant in jure canonico tituli, de filiis presbyterorum, de servis non ordinandis, de obligatis ad ratiocinia non ordinandis, de corpore vitiatis non ordinandis, de bigamis non ordinandis, solentque de illis theologi agere in tractatu de sacramento ordinis, sacræque ecclesiæ functioni in administratione sacramentorum potius dedecori sunt, quam impedimento in regimine ecclesiæ.*

§. XXXIV.

§. XXXIV.

Ut rite eligerentur ac digni constituerentur ecclesiæ præfules præcipuum semper fuit studium & negotium, præclusa vi ac fraudibus per certas electionis formas, aut legitimam collationem.

In electionibus legitimis.

Quando, quantum sit onus pastorale, agnatum fatis est, nec honoris & commodi alicujus titillabat existimatio, vis non raro inferenda fuit: quod S. CHRYSOSTOMUS homilia secunda in acta apostolorum eloquenter edisserit. Qui ipse exemplo esse potest ac proponitur unacum aliis a S. ISIDORO PÉLUSIOTA. Si quis, habet canon apostolicus, episcopus non suscepit officium episcopi. 21. & curam populi sibi commissi, hic communionem privetur quoadusque consentiat obedientiam commodans. Similiter autem & presbyter & diaconus. Si vero perrexerit nec receptus fuerit non pro sua sententia, sed pro malitia populi; ipse quidem maneat, clerici vero civitatis communionem priventur, eo quod eruditores inobedientis populi non fuerunt. Discimus hinc non ex arbitrio populi omnino dependisse electionem; utpote quæ plerumque in synodo a provincialibus episcopis facta fuit metropolitano præside. Episcopus, juxta concilium Antiochenum antiquissimum, præter synodum & præsentiam metropolitani nullatenus ordinetur. Hoc autem modis omnibus coram posito, melius quidem est, ut omnes simul adsint ejusdem provincie sacerdotes, quos metropolitanus episcopus

Lib. V.

episc. 21.

c. 37.

An. 341.

can. 19.

Scopus convocare debet, & si quidem omnes occurrerint, optime. Quodsi difficile fuerit, saltem plures adesse omnino convenit, aut certe scriptis ejusdem sententiae comprobari; & ita sub plurimorum vel presentia, vel decreto ordinatio celebretur. Quodsi secus contra definita facta fuerit, nullas ordinationis vires habeat. Si vero juxta definitam regulam fiat, & nonnulli pro contentione propria contradicant, obtineat sententia plurimorum. In concilio Laodiceno statutum est: Turbis non esse permittendum eorum, qui sunt in sacerdotio constituendi, electionem facere. Ibidemque qua cautione circumspectio- neque res tam ardua agi debuerit, praescribitur: Ut episcopi metropolitanorum, & eorum qui sunt circumcirca episcoporum judicio, in ecclesiastico magistratu constituentur, diu examinati & in ratione fidei & in recta rationis dispensatione. Discimus ex S. ATHANASIO jam tunc etiam fraudes & pravas cupiditates intervenisse Arianorum praesertim factionibus: „ Nec (inquit) ultra juxta apo- „ stoli praecceptum, quaerebatur, num quis in- „ reprehensibilis esset. Sed more impiissimi „ JEROBOAMI, qui plus auri penderet, „ is nominabatur episcopus. Nihil curabant „ impii, si vel ethnicus ille esset, aurum modo „ daret. Pulsi itaque sunt, qui episcopi ab „ ALEXANDRO ordinati fuerant, mona- „ chi & ascetae. Illi autem callidi sane calum- „ niarum artifices, apostolicam constitutionem „ quantum licuit, violarunt, ecclesiasque con- „ taminavere. „ In tali discrimine etiam at- „ que etiam obtestatur Neocaesarienses S. BASIL- „ IUS: „ Obsecro vos per patres, per re- „ ctam fidem, per hunc beatum, erigatis ani- „ mum

Can. 13.

Can. 12.

S. Athan.
apol. ad
ad Con-
stant. imp.
n. 28.

Epist. 28.

mum, proprium sibi quisque id quod agitur du-
 centes; & rerum in utramque partem exitus,
 participes se imprimis fore existimantes: ita
 ut rerum communium curam, ut plerique
 solent, in proximum non rejiciatis, ac post-
 ea unoquoque in animo suo res negligente,
 omnes sibi ipsi per incuriam proprium malum
 imprudentes accersant. Hæc universim ad
 Neocæsarienses S. BASILIUS, quia non
 erant nullæ in electionibus etiam populi par-
 tes, qui acclamatione vota sua promebant ple-
 rumque, sed arbitrium erat relictum episcopis.
 Sic apud OPTATUM Milev. legimus cla- *Lib. VI.*
 masse populum: *Exaudi, DEUS, civem contra*
nostrum volumus. Et NUNDINARIUS dia- *Parmen.*
conus dixit: Vos seniores clamabatis: Exaudi
DEUS, civem nostrum volumus. Episco-
 pum nimirum affectabat populus ut civem, &
 clerus ut ex suo collegio nancisceretur episco-
 pum. Adhibebatur autem non turbæ sed sal-
 tem matricis ecclesiæ arbitrium. Ut discimus
 ex binis canonibus Suffetulani & Septimuni- *T.I. conc.*
 censis concilii a BALUZIO editis, iisdem p. 366.
 conceptis verbis: *Ut ad eligendum episcopum* 367.
sufficiat matricis arbitrium. S. LEO sta-
 tuit: *Nullus invitis & non petentibus or-* *Epist. 12.*
dinetur, ne civitas episcopum non opta-
tum aut contemnat aut oderit. Et sequenti: *Epist. 13.*
Metropolitano hoc licere non permittimus, ut
suo tantum arbitrio, sine cleri & plebis assen-
su, quemquam ordinet sacerdotem, sed eum
DEI ecclesia præficiat quem totius civitatis
consensus elegerit. Non raro ad turbas seditionesque
 ventum est. Qua de re illud me-
 morabile exemplum de populo Burdigalensi,
 qui Senensem propinquum metropolitanum
 cum suffraganeis nequitiam ad electionem ad-

Lib. VII.
sp. 9.

An. 499.
T. IV.
conc. p.
1314

misit in solum SIDONIUM APOLLINAREM compromittens, ut ipse nos certiores facit, estque singulare exemplum *compromissi*. Inter clerum etiam fraudes, secretæ conjurationes & ambitus intercesserunt. Id quod occasionem dedit in concilio Romano statutis circa electionem pontificis. Quæ inter illud est memorandum, quod pontifex de sui successoris electione decrevit: „ Si, quod „ absit, transitus papæ inopinatus evenerit, „ ut de sui electione successoris non possit ante „ decernere, siquidem in unum totius incli- „ naverit ecclesiastici ordinis electio, conse- „ cretur electus episcopus. Si autem studia „ cœperint esse diversa eorum de quibus cer- „ tamen emerferit, vincat sententia plurimo- „ rum. „ Ubi vides duo genera alia electio- „ num hodie jure communi usitatarum, per *quasi* „ *inspirationem* aut *vota majora*.

An. 502.
n. 123.

An. 535.
can. 2.

Paulo post in concilio Romano indultum, ut cum consensu regis Italiæ fieret electio; JUSTINIANUS autem imperator, licet leges circa hanc electionem fecerit, eam tamen integram esse voluit. Et contra usurpationes ejusmodi principum ac candidatorum ambitum gravia extant conciliorum decreta ad veterem formam; tale est Claromontani concilii: *Episcopatum desiderans electione clericorum vel civium, consensu etiam metropolitani ejusdem provincie pontifex ordinetur. Non patrocinia potentum adhibeat, non calliditate subdola ad conscribendum decretum alios hortetur premiis, alios timore compellat. Quod si quis fecerit ecclesie, cui præesse cupit, communionem privetur.* Videtur hinc colligi solius metropolitani sine episcopis suffraganeis, cum cleri vel civium votis, factam esse electionem. Idem elucescit ex concilio Aurelianensi,

An. 538.
can. 3.

ut

ut tamen electio metropolitani coram provinciæ episcopis cum consensu metropolitani, alterius cleri item ac populi civitatis fiat. In sequenti concilio etiam consensus principis additur. *An. 549.* Mox autem subditur, juxta antiquos canones *can. 10.* populo invito non esse obtrudendum episcopum. *can. 11.* Et postea in concilio Parisiensi expresse *An. 557.* cavetur, ne per principem talis vis inferatur. *can. 8.* In formulis tamen M A R C U L P H I tres consequenter habentur circa hanc rem; primum litteræ principis, queis episcopos certiores facit *L. I. c. 5.* de morte episcopi & constituendo successore cum episcoporum & magnatum suorum consilio. Secundo loco litteræ pariter principis fiuntur, queis episcopis cum metropolitano ordinandum novum episcopum committit. Tercio libellus describitur civium civitatis episcopalis, quo regem rogant, ut episcopum det, cujus perspecta habeat merita. L U D O V I C U S Præs tamen veterem morem & libertatem ecclesiæ restituit. Ad quam tuendam F L O R U S insignem librum de electione episcoporum scripsit; qui habetur inter opera A G O B A R D I. Ubi principum ausum gravis delicti arcessit, cum tamen ipsa electio summi pontificis tunc jam diu fieret cum tali principis annutu. Accidit tamen tunc temporis, ut electio A D R I A N I II. fieret inconsultis tunc Romæ legatis L U D O V I C I P I I, ne in consuetudinem res abiret, ut habetur in vita hujus pontificis; colligiturque imperatori probatam esse illam causam, qui litteris pontifici eam electionem est gratulatus.

*Ed. Paris.
an. 1666.
p. 254.*

Hodie, licet a cardinalibus fiat ista electio, & pontifex a nullo principum dependeat, non tamen penitus inconsultis præcipuis catholicis regibus fit. Forma autem, quomodo a car-

An. 1059.

Can. 1.

Conc. La-
ter. IV.
c. 24.

dinalibus electio sit facienda, primum in concilio Romano est præscripta: *Salvo debito honore & reverentia dilecti filii nostri HENRICI, qui in præsentiarum rex habetur, & futurus imperator DEO concedente speratur.* Vindicatur autem jus illud ecclesiæ juxta veterem formam. In concilio Lateran. III. sub ALEXANDRO III. distinctius ratio electionis istius præscribitur: *Ut si a paucioribus quam a duabus partibus aliquis fuerit electus ad apostolicum officium, nisi major concordia intercesserit, nullatenus assumatur.* Addunt nihilominus patres: *Ex hoc tamen nullum canonicis constitutionibus & aliis ecclesiasticis præjudicium generetur, in quibus majoris & sanioris partis debet sententia prævalere.* Quæ est hodie communis electionis forma, præter duas alias *per inspirationem*, quando uno omnium consensu aliquis eligitur, vel *per compromissum* quando collegium aliquod in unum vel plures fide dignos potestatem ita confert, ut in eum quem illi elegerint, cogantur consentire. Qui tres modi in concilio Lateranensi IV. sunt ratihabiti & in jus commune abierunt, cæteris repudiatis: „ Quia propter electionum formas diversas, quas quidam invenire conantur, „ & multa impedimenta proveniunt, & magna pericula imminent ecclesiis viduatis, „ statuimus, ut cum electio fuerit celebranda præsentibus omnibus qui debent & volunt & possunt commode interesse, assumantur tres de collegio fide digni, qui secre- „ & singulatim vota cunctorum diligenter exquirant, & in scriptis redacta mox publicent in communi, nullo prorsus appellat- „ nis obstaculo interjecto, ut is collatione a l- „ hibi-

hibita eligatur, in quem omnes vel major „
 vel sanior pars capituli, consentit: vel sal- „
 tem eligendi potestas aliquibus viris idoneis „
 committatur, qui vice omnium ecclesiæ vi- „
 duatæ provideant de pastore. Aliter electio „
 non valeat, nisi forte communiter esset ab „
 omnibus quasi per inspirationem divinam „
 absque vitio celebrata. Qui vero contra præ- „
 dictas formas eligere attentaverint, eligendi „
 ea vice potestate priventur. „

Ubi electioni locus non est, conferri di-
 cuntur dignitates & munera ecclesiastica a le-
 gitimis superioribus, utputa ab episcopo in
 sua diœcesi, aut a Romano pontifice, vel a
 capitulo secundum varia jura & consuetudi-
 nes, ut inferius de beneficiis agendo pluribus
 explicabimus, de *collatione* beneficiorum.

§. XXXV.

Postulatio est supplex capituli a- Vel postu-
 lationibus
 prælato-
 rum.
 pud superiorem petitio de certa qua-
 dam persona ad dignitatem ecclesia-
 sticam admittenda, quæ alias pro-
 pter defectum canonicum eligi non
 potest.

Sic qui nondum habet 30. annos ætatis,
 non potest eligi episcopus, sed postulari, item
 qui alia quadam tenetur irregularitate. Quæ
 est differentia electionem inter & postulatio-
 nem: quod electio sit personæ habilis ad di-
 gnitatem; postulatio vero personæ aliquo im-
 pedimento laborantis, & propterea dispensa-
 tione opus habentis; & hinc antequam di-
 pensatio acquiratur, nullum jus acquirit, nec

in postulationem consentire potest, nisi sub conditione dispensationis obtinendæ. Quæ quoad episcopatus a summo pontifice, quoad alias dignitates a legitimo superiore petitur. Ad hoc autem, ut postulatio a summo pontifice admittatur, ordinarie solet requiri, ut si cum electione concurrat postulatio, nimirum si alii eligant, alii postulent, duæ tertiæ postulantium stent pro postulato, alias rejecto postulato electio etiam a minore parte capituli (dummodo illa superet unam tertiam) confirmabitur. Si vero postulatio cum electione non concurrat, prævalebit pars major capituli: veluti si omnes quidem postulent, sed diversas personas. Quodsi tertia illorum pars consentiat in electionem determinatæ personæ eligibilis, postulantibus unanimiter consentiant necesse est. Censerentur autem unanimiter concordare, si in magno numero votorum unum & alterum tantum deficeret, & tunc adhuc gratiæ non justitiæ est deferre postulationi: *Cum etiam*, ut ait INNOCENTIVS-III. *in tali casu, quando aliquis ab aliis unanimiter postulatur ad admittendam postulationem eorum, non tam ex justitia quam ex gratia moveatur.* Et ita tunc pontifex non admisit postulationem Cardinalis S. P R A X E D I S pro ecclesia Ravennensi, majoribus utilitatibus universæ ecclesiæ in ecclesia Romana profuturi. Idemque pontifex postulationem ecclesiæ Senonensis non admisit pro episcopo Altisiodorensi, quod non paruisset interdicto; indulgit tamen, ut per postulationem idoneam seu electionem canonicam de persona congrua sibi consulerent. Cum alias non admissa postulatione ac indebite facta, capitulares pro tunc privilegio electionis privari possint; sitque

Cap. bona
b. t.

Cap. I.
b. t.

fitque postulatio ipso jure nulla, si defectus personæ postulatae sit indispensabilis e. g. si sit hæresi, notorio crimine, excommunicatione illigata.

Defectus dispensabiles varii sunt, frequentior autem ex vinculo alterius ecclesiæ. Quod intelligendum non est de sociis ordinum monasticorum vel religiosorum, quando sibi ex alio monasterio, vel etiam ordine laxioris regulæ ad strictiorem abbatem aut præpositum petunt, nisi antea jam dignitati aut ecclesiæ esset addictus: quomodo in episcopis frequenter contingit, qui ecclesiæ suæ præsident, non quas in partibus habent. Qui hodie solent indultum eligibilitatis a pontifice petere, &, si tanta videantur personarum merita, impetrare; unde raro postulationi locus est, quæ est, in voto exprimenda, alias rejicitur etsi unanimia concurrant juxta *c. 6. b. t.* „Etsi unanimiter vota vestra con-
current, ad Sutriensem episcopum in eccle-
siæ vestræ archiepiscopum eligendum, cum
suæ alligatus ecclesiæ liberum non habeat
sine nostra permissione volatum, electionem
de ipso factam, tanquam contra canones,
minus licite attentatam de fratrum nostro-
rum consilio duximus irritandam, cum eligi
nullo jure potuerit, sed potius postulari.
Et in concilio Lugdunensi: „Cautum est,
(referturque *c. 1. b. t. in 6.*) ne sub aliqua
ex his formis, quas perniciofa curiositas ad-
invenit: eligo postulando, & postulo eli-
gendo: aut eligo postulandum, aut postulo
eligendum: cum nec vera electio, nec vera
postulatio resultet ex ipsis, quin sibi potius
adversentur invicem, ad faciendas electiones,
vel postulationes de cætero procedatur: si
secus actum fuerit, eo ipso irritum decer-

An. 1245.

„ nentes. Sub ea etiam forma, eligo & postu-
 „ lo, prout potest melius de jure valere (cum
 „ incertitudinem contineat) quemquam postu-
 „ lari vel eligi prohibemus; statuentes quod
 „ contra factum fuerit, viribus omnino carere,
 „ nisi quando probabiliter dubitatur, utrum
 „ quis sit eligendus, vel potius postulandus. „

§. XXXVI.

Cura de
 successore
 dando se-
 de vacan-
 te.

Sed cum vacaverit, quantocius,
 præsul legitime est constituendus,
 non antea quasi per successionem &
 testamentum determinandus.

Can. 8.

Antiqua ecclesia pariter ac nova id semper
 fieri voluit, ut quamprimum ecclesia viduata
 iterum accipiat pastorem. Olim cum per epi-
 scopum vicinum, *intercessorem* dictum, eccle-
 sia regeretur, videri queat longum spatium,
 unius anni, esse indultum, non quod tamdiu
 vacare ecclesia debuerat, sed cautum ne diutius
 ecclesia suo pastore esset orbata. Ita in conci-
 lio V. Carthaginensi est constitutum, *ut nulli*
intercessori licitum sit cathedram, cui inter-
cessor datus est, quibuslibet populorum studiis
vel seditionibus retinere, sed dare operam, ut
intra annum eidem episcopum provideat.
Quod si neglexerit, anno exento, interventor
alius tribuatur. Potuit aliquid indulgeri,
 quod pastor haud deesset, qui gregem jam
 pascere assuetus, ovibus rite provideret. Sed
 tamen hic etiam fraudibus ambitioni & cupi-
 ditatibus occurrendum fuit.

Distinct.
 50. post-
 quam II.

Jam constitutum est trimestre in jure cano-
 nico GRATIANI, cujusmodi alterum tri-
 mestre a concilio Lateranensi est adjunctum,
 atque

atque in jus commune abiit. Hincque in de-
 nominationibus regiis juxta concordata Gal-
 lorum sex. menses sunt indulti, idemque spa-
 tium quoad annatas attenditur, seu fructus se-
 dis vacantis. Quæ non postrema fuit causa, sal-
 tem sequiori ævo, ut electiones accelerentur.

*ex Greg. 6.
 ep. 35. dist.
 100. c. 1.
 Ne pro de-
 fectu 41.
 de elect.*

Nunquam tamen indultum fuit, ut ante-
 quam vacaret sedes, vivente pastore, alius
 constitueretur, nisi singularibus de causis ac
 casibus extraordinariis. S. AUGUSTINUS
 dolet, quod ita constitutus sit episcopus, igno-
 rans a concilio Nicæno id vetitum fuisse: quod
 etiam INNOCENTIUS I. sed generalius
 innuit, a patribus esse prohibitum, ne episco-
 pus in alterius locum adhuc viventis substi-
 tuatur. In Nicænis canonibus, quales hodie
 pro genuinis agnoscuntur, canon VIII. uni-
 cum vult esse in singulis ecclesiis episcopum,
 quamvis contrarium in Meletianis toleret. Ca-
 none IV. concilii XII. Toletani in hac causa
 provocatur ad tit. nonum concilii Nicæni. In
 concilio Antiocheno expresse habetur: *Epi-
 scopo non licere pro se alterum successorem sibi
 constituere, licet ad exitum vitæ perveniat.
 Quodsi tale aliquid factum fuerit, irritum
 esse hujusmodi constitutum. Servetur au-
 tem jus ecclesiasticum, id continens, oportere
 non aliter fieri, nisi cum synodo & judi-
 cio episcoporum, qui post obitum quiescentis
 potestatem habent, eum qui dignus extiterit,
 promovere.* Debuit tamen iste abusus inva-
 luisse sæculo V. ut colligi datur ex concilio Ro-
 mano occasione IRENÆI, quem NUNDI-
 NARIUS episcopus testamento suo in Tarra-
 conensi ecclesia successorem designavit, atque
 ex relatione episcoporum Hispaniæ ad pa-
 pam facta contra episcopos, qui credunt, ita

Ep. 110.

*Sozom. L.
 II. c. 26.*

*Epi- An. 341.
 can. 23.*

An. 465.

Can. 5.

Can. 5.

habent verba concilii, *sicut res caducas atque mortales, ita sacerdotium, velut legali aut testamentario jure, posse dimitti. Nam plerique sacerdotes in mortis confinio constituti, in locum suum feruntur alios designatis nominibus subrogare: ut scilicet non legitima expectetur electio, sed defuncti gratificatio pro populi habeatur assensu.* In concilio Lugdunensi idem decretum fuit iteratum:

An. 517.

can. 5.

Id quoque etiam quod antiquissima vel celeberrima observatione decretum est, nihilominus iteramus, ut nullus in locum viventis ad ambiendum sacerdotii gradum audeat aspirare. Quodsi qualibet impia vel temeraria voluntate praesumpserit, simul & ipse qui fuerit ordinatus, & bi fratres, quos ordinationi ejus interfuisse constiterit, perpetua excommunicationis sententia feriantur. S. GREGORIUS Turonensis refert casum & petitionem ad se factam, confirmandæ ejusmodi electionis, & quidem nepotis BURGUNDIONIS episcopi viginti quinque tantum annorum ætatis, necdum clerici. „ Qui (sunt verba S. GREGORII) veniens rogat, ut accedens „ usque Nannetas episcopum eum in locum „ avunculi sui, qui adhuc superstes erat, ton- „ suratum consecrare deberem. Quod ego ab- „ nui, quia canonibus non convenire cognovi. „ Refert tamen, quale consilium dederit, ut post mortem saltem possit episcopatum obtinere sacros suscipiendõ ordines.

Hist. L.

VI. c. 15.

*L. V. bist.
c. 43.*

*Ep. I. ad
Bonif.*

Alias ubi necessitas & difficultas fuit electionis, tale remedium nonnunquam postulavit. Id indulgit ZACHARIAS papa S. BONIFACIO, ut proximus morti coram omnibus posset sibi successorem designare. Noluit tamen aliter, eo vivente, successorem fieri, quod

quod esset contra regulas ecclesiasticas; licet antea GREGORIUS III. jam concessisset certum quemdam presbyterum suum successorem destinare.

§. XXXVII.

Translationes de una in alteram sedem ac ecclesiam, non vanis de causis, suspectæ semper fuerunt, nec nisi urgentibus de causis jure novo a solo pontifice concedi solitæ.

De translationibus de una in alteram sedem.

Canone apostolico statuitur, episcopo non

Can. 14.

licere alienam parochiam, propria relicta, pervadere, licet cogatur a plurimis: nisi forte quædam eum rationabilis causa compellat, tanquam qui possit ibidem constitutis plus lucri conferre, & in causa religionis aliquid profecto prospicere, & hoc non a semetipso pertentet, sed multorum episcoporum judicio, & maxima supplicatione perficiat. Sequenti canone idem de presbytero, diacono, aut quolibet de numero clericorum statuitur. In concilio Ni-

cæno idem duobus consequentibus canonibus

Can. 15.

statuitur, pariter ac in canone Antiocheno,

c. 22.

causa mox canone primo & secundo ad idem statuendum adhibetur. OSIUS episcopus

dixit: Non minus mala consuetudo, quam per-

nicioſa corruptela funditus eradicanda est; concil.

ne cui liceat episcopo de civitate sua ad aliam

transire civitatem. Manifesta enim est causa qua id facere tentant; cum nullus in hac re inventus sit episcopus, qui de majore civitate ad minorem transiret. Unde apparet avaritiæ

ardo-

ardore eos inflammari, & ambitioni servire, & ut dominationem agant. Si omnibus placet, hujusmodi pernicies savius & austerius vindicetur, ut nec laicam communionem habeat qui talis est. Responderunt universi: Placet. Et mox: OSIUS episcopus dixit: Etiam si talis aliquis extiterit temerarius, ut fortassis excusationem afferens, asseveret quod populi litteras acceperit, cum manifestum sit, potuisse paucos premio & mercede corrumpi, eos qui sinceram fidem non habent, ut clamarent ad ecclesiam & ipsum petere viderentur episcopum. Omnino has fraudes damnandas esse arbitror, ita ut nec laicam in fine communionem talis accipiat. Si vobis omnibus placet, statuite. Synodus respondit: Placet. Severa hæc sane sunt quæ quemque concutiant contra Arianorum tunc temporis usurpationes, quorum inter sycophantias, vincula, cædes, plagas, conspirationes supposititiis epistolis structas, vulnera, virginum denudationes, exilia, ecclesiarum desolationes, incendia, S. ATHANASIUS connumerat ob translationes a minoribus civitatibus ad majores. SOCRATES plures notat epistolas S. COELESTINI P. ad JOANNEM ANTIUCH. S. CYRILLUM ALEXAND. RUFUM Thessalonicensem, in favorem hujusmodi translationum, haud dubie supposititias, cum ignorare haud potuerit tam decreta conciliorum, quam etiam antecessorum suorum JULII, DAMASI, SIRICII in idem conspirantium. S. LEO eodem exarsit zelo & eandem quam concilium Sardicense notavit ambitionis privatae utilitatis causam. Concilium Carthaginense IV. idcirco radicem mali tollere fategit, & quid boni inde provenire forte possit sententiae

*Apol. cont.
Arian. n.
49.
Lib. VII.
c. 40.*

Epist. 6.

tiæ synodi relinquens, atque decernens: Ut episcopus de loco ignobili ad nobilem per ambitionem non transeat, nec quisquam inferioris ordinis clericus. Sane si id utilitas ecclesiæ fiendum poposcerit, decreto pro eo clericorum & laicorum episcopis porrecto per sententiam synodi transferatur. Can. 27.

Jure decretalium circa episcopatus soli Romano pontifici hoc integrum est dispensare juxta *cap. 4. b. t.* „Sicut legitimi matrimo- „nii vinculum, quod est inter virum & uxo- „rem, homo dissolvere nequit, Domino di- „cente in evangelio: *Quod DEUS conjunxit* „*homo non separet*: sic & spirituale fœdus „conjugii, quod est inter episcopum & eccle- „siam, quod in electione initiatum, ra- „tum in confirmatione, & in consecratione „intelligitur consummatum, sine illius aucto- „ritate solvi non potest, qui successor est P E- „T R I, & vicarius J E S U C H R I S T I.

§. XXXVIII.

Renunciationes & resignationes, DeRenun-
præsertim in favorem tertii, pariter ciationi-
nonnisi urgentibus justisque de cau- bus.
sis, cum consensu legitimi superio-
ris fieri possunt ac debent.

Renunciatio seu resignatio est spontanea be-
neficii dimissio, unde alterius promotioni lo-
cus fit, atque prælati promoti ad novam di-
gnitatem priora beneficia & ecclesias dimitte-
re debent; ut primum vidimus, ordineque
post tractationem de translatione, de renun-
ciatione agitur: qui enim de usu pallii inter-
feri.

feritur in jure canonico titulus, suo loco a nobis jam est expensus.

Renunciatio autem alia est tacita, alia expressa. Tacita fit facto aliquo resignationem significante, vel ex dispositione juris importante: ut si clericus matrimonium contrahat, aut beneficiatus alterum beneficium cum alio incompatibile suscipiat.

An. 1059.
in decreto
Nic. II.

Ipse character sacri ordinis clericos saltem in majoribus constitutos insolubili vinculo ecclesiæ sacroque ministerio constringit, unde tales apostatæ ordinis in synodo Romana vocantur: *De his autem clericis, qui consue- ram projiciunt, & a clericatu recedunt, quos apostatas Julianistas jure vocitamus, statuimus ut nisi ad professionem clericatus redierint, omni christiana communione priuentur.*

Seff.
XXXIII.
c. 4.

Non solum canones veteres ecclesiastici, sed etiam leges Justinianæ contra tales censuram stringunt. Et concilium Tridentinum errorem Novatorum characterem sacri ordinis negantium damnavit: *Quoniam vero in sacramento ordinis, sicut & in baptismo & confirmatione character imprimitur, qui nec deleri nec auferri potest, merito sancta synodus damnat eorum sententiam, qui asserunt, novi testamenti sacerdotes temporariam tantummodo potestatem habere, & semel rite ordinatos iterum laicos effici posse, si verbi DEI ministerium non exercent.* Estque singularis etiam canon ac anathema in eundem errorem. De illis vero, qui incompatible beneficium cum altero suscipiunt, superiore §. diximus.

Ib. can. 4.

Agitur nunc de titulo singulari in jure canonico *de resignationibus.* Ea autem legitima definitur esse resignatio, quæ fit verbis expressis coram legitimo superiore eam acceptante.

te. Statuitur verò statim a capite, non dari *Cap. I. b t.*
 licentiam cedendi episcopo, qui propter sen-
 ectutem etiam id facere vult, si necessarius vel
 utilis sit ecclesiæ suæ. Post alia autem ex I N-
 NOCENTII III. rescripto ad episcopum
 Calaritanum, sex causæ ponuntur, ex quibus
 episcopi possunt petere, & papa consuevit
 concedere cedendi licentiam, quæ memoriæ
 causa his versibus comprehenduntur:

*Debilis, ignarus, male conscius, irregularis,
 Quem mala plebs odit, dans scandala; cedere
 possit.*

Alias contingit, ut infirmitatibus pressi aut
 grandævi prælati coadjutores sibi associant, in
 quos aut partem aut totum suum transferent
 munus. Cujus rei quædam etiam in antiqui-
 tate ecclesiastica habentur exempla. Disci-
 mus ex TRITHEMIO medio ævo id ad- *In chro-
 modum commune fuisse, quin tamen coadju- nic. T. I.
 tores hujusmodi ordinationem acciperent, aut p. 112.*
 insignia episcopalia portarent. Quod fieri so-
 let hodie, ut qui renunciant resignantque,
 certas saltem sibi pensiones ad dies vitæ re-
 fervent.

Quod fit non raro in favorem tertii, præfer-
 tim in minoribus beneficiis non electivis: quæ
 ipsa tamen nonnisi coram summo pontifice fie-
 ri potest; nisi per modum commendationis po-
 tius, quam rigorosæ obligationis certa aliqua
 persona nominetur: quo casu jure haud pro-
 hibetur episcopus personæ commendatæ, si
 ad beneficium idonea fuerit, illud conferre:
 quod facilius & frequentius fit in dignitatibus
 & præbendis non habentibus annexam curam
 animarum.

§. XXXIX.

§ XXXIX.

De sup-
plenda ne-
gligentia
in colla-
tionibus.

Sicuti in electionibus, ita etiam in collationibus beneficiorum, quando tempore a jure præscripto non sunt jus illud ad superiorem devolvitur ad supplendam prælatorum & patronorum negligentiam.

Post titulos *de electione*, *translatione* & *renunciatione* subjungitur immediate *de supplenda negligentia prælatorum*: quod licet in pluribus aliis causis locum habeat, agitur tamen hic in jure canonico de supplenda negligentia prælatorum inferiorum in collatione beneficiorum: si tempus a concilio Lateran. præfixum prætereatur, sex nimirum mensium a die innotescantis vacationis; quo termino elapso ab inferiore prælato v. g. abbate, præposito, cui jus conferendi ex privilegio vel præscriptione competit, ad episcopum, ab episcopo ad capitulum, a capitulo ad archiepiscopum, ab hoc denique ad summum pontificem devolutio fiet: ita ut, si is, ad quem spectat beneficii collatio, lapso tempore Lateran. concilii conferat, non valeat collatio, nisi de misericordia toleretur, ut habetur *cap. 4. § 5. b. t.* Ita rescripta habent summorum pontificum, referunturque hoc titulo in decretalibus GREGORII IX. Ac primum quoad devolutionem habetur decretalis CLEMENTIS III.

Cap. 2.
h. t.

„ Sicut nobis tua fraternitas intimavit, monachi quidam & canonici regulares, ecclesias, quæ ad præsentationem eorum pertinent, in tuo episcopatu habentes propriis usibus deputare nituntur: nec volunt ad eas,

„ cum

cum vacaverint , vocare personas : quin po-
 tius occasione concessionis quorundam epi-
 scoporum , vicarios in eis pro sua instituunt
 & destituunt voluntate , admissos ita pensio-
 nibus onerantes , quod nec ecclesiis possunt
 in paupertate nimia deservire , nec episco-
 po in episcopalibus respondere , neque ho-
 spitalitatem (sicut convenit) transeuntibus
 impertiri. Nolentes autem , ut status ec-
 clesiæ debitus & antiquus , per insolentiam
 alicujus subvertatur , mandamus , quatenus
 (nisi a jurisdictione tua exemptæ sint ecclesiæ
 supra dictæ) prædictos excessus studeas ra-
 tionabiliter emendare. Et nisi prædictæ per-
 sonæ intra tempus Lateranensis concilii con-
 stitutum , ad vacantes ecclesias tibi personas
 idoneas præsentaverint , ex tunc tibi liceat
 (appellatione remota) eisdem ordinare re-
 ctiores , qui eis præesse noverint & prodesse ;
 ita tamen , quod ex hoc nullum patronis præ-
 judicium in posterum generetur. , Unde pa-
 tet , rem hanc patronos quovis concernere ;
 laicis etiam minus tempus quatuor tantum men-
 sium jure conceditur. A C L E M E N T E V. *Cap. quia*
 statuitur in conc. Viennensi circa monasteria *regulares*
 exempta , ac permittitur diœcesanis apostolica *Clement.*
 auctoritate negligentiam super hoc implere , si *L. I. tit. 5.*
 beneficio intra tempus constitutum non provi-
 deant. Quoad pontificem ipsum , si archiepisco-
 pus negligens in hoc fuerit , refertur I N N O-
 C E N T I I I. decretum : *Ne igitur jus no-* *Decretal.*
strum negligere videamur , qui alios in sua ju- *cap. 3. b. t.*
stitia conservemus : mandamus , quatenus si vo-
bis constiterit archidiaconatum Richemundie
vacasse per annum (tempore semestri , quo vel
ad archiepiscopum , vel ad capitulum donatio
pertinebat non a vacatione , sed a notitia com-

K

puta-

*De elect.
c. 41.*

putato) cum pro eo, quod Eboracensis archiepiscopus alium superiorem non habet, ex tunc fuerat ad nos devoluta, utique super eo silentium imponatis. Digna alibi hujus rei redditur ratio: Ne pro defectu pastoris gregem dominicum lupus rapax invadat, aut in facultatibus suis ecclesia viduata grave dispendium patiatur.

*Cap. 2. de
translat.
episc.*

Currit etiam jus illud ex sententia canonistarum, si indignus ad beneficium promoveatur: cum censeat INNOCENTIUS III. *Juxta communem modum loquendi illam dici ecclesiam viduatam, quæ licet episcopum habeat, inutilem tamen perhibetur habere.* Quod idem valet de aliis dignitatibus & beneficiis præsertim curam animarum habentibus. Quæ in re episcopo imprimis incumbit cura in sua diœcesi sive plenum jus collationis, quod ad ipsum proprie spectat, quoad omnia beneficia obtineat; sive alii patroni gaudeant privilegio præsentandi, quod supremæ inspectioni episcopali circa curam animarum nihil derogat, imo supponit illam.



SECT. II.



SECTION II.

DE REBUS , ET BONIS EC- CLESIASTICIS.

CAPUT I.

*De rebus sacris ad forum ecclesiasti-
cum pertinentibus.*

§. LX.

✱ ✱ ✱
✱ ✱ ✱ **O**fficii divini sacræque liturgiæ ✱ ✱ ✱
✱ ✱ ✱ constitutio legitima nimirum ✱ ✱ ✱
potestas ordinandi sacra publica, pri-
maria juris sacri seu canonici est
pars , partim divini, partim eccle-
siastici.

Officium
divinum
ac litur-
gia.

Institutiones J o. LANCELOTTI fe-
cuti, postquam de personis sacris egimus , or-
dine de rebus ecclesiasticis illarumque tracta-
tione & administratione videndum est. Sum-
ma , juxta eundem , rerum ecclesiasticarum *Lancell.*
divisio in duos articulos deducitur : nam aut *institut.*
spirituales sunt , aut temporales. Spirituales *Lib. II.*
sunt , quæ spiritui deserviunt , atque animæ *tit. I.*
causa sunt institutæ : uti sacramenta ecclesiæ ,
altaria , & his similia. Temporales sunt , quæ
non tam spiritus , quam corporis gratia pro
ecclesiasticis ministeriis , sacrorumque usu sunt

comparatæ: uti sunt prædia, domus, & fructus decimales. Addunt alii tertium quoddam genus rerum mixtarum, quarum natura tum a civili tum ab ecclesiastica atque liturgica legislatione dependet. Sed cavendum, ne distinctio illa similitates, usurpationes, & confusionem rebus sacris inferat, præsertim si ad ea sumatur, quæ facerrima sunt in religione christiana, sacramenta nimirum, quale est matrimonium: quod solum ac sepulturam J. S. CHILTERUS Lutheranus in institutionibus juris canonici inter res mixtas recenset; inter Gallos autem potissimum, quibus Belgæ accedunt, hac & superiore ætate magna contentione est disputatum. Nos principia theologiæ canonicæ dantes ordine de his nunc tractabimus, quatenus res sacrae sunt & spirituales divini officii pars, imprimis matrimonium, novi testamenti sacramentum. Sed quoniam universas theologiæ partes octo distinximus, quæ subsequuntur duæ de sacramentis aliisque rebus liturgicis, proprium locum habent, ut hic brevissime attingi saltem debeant res hujusmodi, primaria juris sacri ac canonici pars liturgia seu officium ac ministerium sacrum publicum christianæ religionis, atque adeo juris divini, quoad substantiam in prima decalogi tabula adumbratum, a CHRISTO renovatum, ab apostolis formatum; ut tamen, quatenus per canones ecclesiasticos ritibus & cæremoniis variis secundum varias temporum & locorum circumstantias determinatur, juris ecclesiastici sit atque objectum præcipuum institutionis canonicæ, & legitimæ potestatis ecclesiasticæ seu hierarchiæ, quæ auctoritate pollêt sacra, ordinandi officium divinum seu liturgiam in publicis precibus & conventibus, aliisque exercitiis religionis & pietatis.

Sem-

Semper in ecclesia sacram liturgiam ac officium divinum publicum obtinuisse acta nobis apostolorum produnt. Ubi etiam jam horæ quædam notantur orationis, quæ deinceps ab ecclesia sunt accuratius constitutæ, & canonicæ vocantur: *Propheta dicente*, ut habetur in decretalibus GREGORII IX. *Septies in die laudem dixi tibi: qui septenarius numerus a nobis impletur, si matutini, prima, tertia, sexta, nona, vespera, & completorii tempore nostræ servitutis officia persolvamus: nam de nocturnis vigiliis idem ipse propheta ait: Media nocte surgebam &c. Ergo his temporibus laudes creatori nostro super judicia sua justitiæ referamus. Statuitur ibidem: Ut presbyter mane matutinali officio expleto pensum servitutis suæ, videlicet primam &c. persolvat: ita tamen ut horis competentibus juxta possibilitatē, aut a se aut a scholaribus publice compleantur.* In concilio autem Lateranensi sub INNOCENTIO III. sub pœna suspensionis districtè præcipitur in virtute obedientiæ, ut divinum officium, nocturnum pariter & diurnum, quia negligebant quidam non solum clerici minores sed & prælati, quantum eis DEUS dederit, & studiosè celebrent pariter & devote. Varii autem abusus notantur pariter in concilio Vienne[n]si sub CLEMENTE V. & referuntur in *Clement. C. 1.* minores ibi dicuntur respectu prælatorum, etiam in majoribus ordinibus constituti. *b. t.*

Constitutionibus aliis apostolicis eadem obligatio stringitur recitandi horas canonicas, ita ut omittens non tantum graviter peccet, sed etiam ad restitutionem fructuum pauperibus vel fabricæ beneficiorum faciendæ teneatur.

K 3

Quod

Añ. XIII.

2.

Cap. 1. E.

III. tit.

41. de celebrat.

missarum &c.

C. 9. b. t.

Clemen-
tin. C.1.
b. t.

Cap. pres-
byt. 2. dist.
93. & ex-
tra de ce-
lebrat.
miss. 1.

Quod etiam de beneficiis curatis est intelligendum, ut clare expressit LEO X. in concilio Later. in sua bulla, quæ incipit: *Super-na dispositionis*. 5. §. 38. Et PIUS V. in alia bulla, quæ incipit: *Ex proximo* &c. Estque ea obligatio omnium, qui in sacris sunt constituti quoad recitationem privatam. Publice autem in ecclesiis cathedralibus & collegiatis hora & loco competenti persolvuntur, & constituunt partem præcipuam divini officii ac liturgiæ. Cujus palmaris pars est sacrificium missæ, obligatione incumbente, saltem diebus dominicis & festivis illud audiendi omnibus fidelibus, celebrandi autem parochis, & reliquas partes officii divini peragendi tam publice, quam privatim. Qua in re pro instituto personarum ecclesiasticarum variæ sunt obligationes, secundum ritus ab ecclesia præscriptos, qui *rubricis* determinantur in psalteriis lectionariis, antiphonariis & sacramentariis. Rubricarum nomine inde veniente, quod paucis verbis ac litteris rubris ordo precum & officii divini constitueretur. Alia autem legibus & canonibus ecclesiasticis constituuntur, tum generalibus totius ecclesiæ, cum particularibus a legislatoribus ecclesiasticis ordinariis, quibus obstringuntur fideles, & ad ecclesiam pertinet sacra ordinare, quoad omnia exercitia religionis & pietatis, statis locis & temporibus, imprimis diebus festis, tam quoad actus religiosos præceptos, quam cessationem ab iis rebus, quæ sacras functiones impedire possunt, servilia opera, negotiationes. Quo etiam jejunia pertinent seu abstinencia a cibo & potu quoad qualitatem & quantitatem.

§. XLI.

Sacramentorum dispensatio unice ^{Sacramen-} ad ecclesiam spectat, quæ vel ad ingressum ecclesiæ, vel ad progressum in ecclesia, vel ad egressum ab ecclesia, vel ad totius ecclesiæ profectum & subsidium pertinent.

Sic nos existimet homo ut ministros CHRISTI & dispensatores mysteriorum DEI. 1. Cor. IV. 1. ad singulos pertinent, alia singularem involvunt statum, matrimonii vel ordinis sacri, qui ipse est ministrorum CHRISTI & dispensatorum mysteriorum. Alibi ex instituto docui amplissimam ecclesiæ esse concessam potestatem circa sacramenta; idque patebit ex tota tractatione theologiæ sacramentalis, quæ ordine sequetur post istæ principia theologiæ canonicæ. Nunc pauca sunt delibanda, quæ circa sacramenta pertinent ad exteriorem formam ecclesiæ, atque sparsim in jure canonico suos habent titulos, quos aliorum exempla secuti in ordinem redeimus. Ac quidem, quæ hactenus diximus de hierarchia, huc pertinent, quoad sacramentum ordinis: quod sicut & matrimonium ad totius ecclesiæ profectum & subsidium principaliter pertinet, ut observat LANCELLOTUS, licet ad singulos non spectent hæc duo sacramenta, sicut alia, quorum *quædam*, ut idem ait, *ad ingressum ecclesiæ sunt* Lancell. *comparata, ut baptismus: quædam ad progressum in ecclesia, ut confirmatio, pœnitentia, 2. §. 3. eucharistia: quædam ad egressum ab ecclesia, lb. §. 6. ut postrema unctio.* Notatque, ideo ecclesiæ sacramenta nuncupari, tum quod per ea san-

Id. §. 8.

*Lib. III.
tit. 42.*

*1. Cor.
XII. 13.
Ephef. IV.
4. Eccl.
Conc. Araus.
c. 25.
Tolet.
XII. c. 5.
Clement.
c. præsentib.
b. 2.*

ctificata, & cœlesti sponso matrimonii fœdere conjuncta sit; tum quod illorum dispensatio ejus credita sit ministerio. Nec valent sacramenta nisi secundum intentionem ecclesiæ ministrata, licet spiritualis potestas sine fide exerceri possit, & extra ecclesiam ab hæreticis & schismaticis sacramenta valide ministrentur, imo baptismus etiam ab infideli, qui est janua ad reliqua sacramenta & in ecclesiam: unde ad jurisdictionem ecclesiasticam pertinere incipiunt baptizati.

Hoc respectu hic agitur de baptismo, estque singularis titulus in jure canonico, quoad finem hunc externum, qui ad hanc juris ecclesiastici partem pertinet, consistens in acquisitione juris civitatis in ecclesia christiana, & adunctione baptizati ad reliquum corpus, juxta sacram scripturam, & canones ecclesiasticos; quare etiam vocatur *character christianitatis*, quo suscepto quis ecclesiæ subest, & ad leges ejus observandas obstringitur. Et solemniter etiam in ecclesia a ministris ecclesiæ administrari debet, prohibetque CLEMENS V. in concilio Vienens. *ne quis de cætero baptizare audeat extra ecclesiam, ubi ad hoc fontes sunt specialiter deputati. In aulis vero vel cameris, vel aliis privatis domibus baptizare non licet, nisi talis necessitas emerferit, ut ad ecclesiam nequeat absque periculo haberi accessus; aut nisi sint liberi regum ac principum, quibus valet in hoc casu deferri. Qui autem secus præsumserint, aut suam in hoc casu præsentiam exhibuerint, taliter per episcopum castigentur, ut alii attemptare similia non præsumant.*

Sacramentum confirmationis per episcopum administratur, eucharistia autem per reliquos etiam

etiam sacerdotes, sed consecratio nonnisi in sacrificio missæ cæremoniis ab ecclesia præscriptis facienda est; licet pro infirmis in ecclesia asservetur, commodo tempore illis a sacerdotibus ministranda. Quæ aliaque apud GRACIANUM *dist. 2. de consecratione* habentur: cum nonnunquam vetus praxis variarit, & temporibus persecutionum privata communio fidelibus indulta fuerit. Unde nonnulli protestantes in errorem de potestate fidelibus communi circa administrationem eucharistiæ inciderunt. Eucharistiæ communio est etiam signum professionis ac subjectionis illi ecclesiæ, in qua quis communicat. Atque ab ea indigni veteri præsertim disciplina pœnitentiæ arcebantur, constituitque præcipuam partem juris ecclesiastici in coercendis puniendisque peccatis: cum jam pœnitentia privata sit in usu, eaque singulorum peccatorum semel in anno fieri præcepta in concilio Lateran. pariter ac communio tempore paschali. Quoad confessionem pariter id obtinet, fuitque olim extremum Quadragesimæ tempus. Extrema unctio in periculosis morbis sumenda est, oleo ab episcopo singulariter consecrato, singulis annis renovando & religiose servando, unacum cæteris sacris rebus. Quæ de re singularis est titulus de custodia eucharistiæ, chrismatis & aliorum sacramentorum, rebusque ad eorum administrationem pertinentibus.

*Cap. omni-
utriusque
21. De pœ-
nitent. &
remissione.*

*Lib. 3.
& 44.*

§. LXII.

In matrimonio spectantur tum sponsalia de futuro, cum ipsum vinculum ac conjugium cum variis impedimentis.

K ;

pedi-

Nomina-
tim matri-
monium,
ejusque
impedi-
menta.

pedimentis etiam dirimentibus, circa quæ constituenda versatur legitima ecclesiastica potestas.

Seff.
XXIV.
c. 1.

Sponsalia communiter sumuntur *de futuro*, cum etiam *de presenti* accipi queant, pro ipso contractu matrimoniali, per verba præsentis temporis inito: ut *accipio te in meam uxorem*. Quibus verbis implicite mutua cohabitatio, amor conjugalis, & traditio corporum spondetur, ac idcirco sponsalia appellantur. Quoniam vero ecclesiæ constanti praxi matrimonium iniri consuevit in facie ecclesiæ, posteaquam jam antea mutua promissio facta est (præsertim post concilium Tridentinum, quod matrimonium ipsum nonnisi coram paroco & testibus incundum decrevit, ita ut trina denunciatio promissionis factæ prius facienda sit) omnimoda est inter sponsalia & matrimonium distinctio; ita ut illa *de futuro* tantum intelligantur, hoc autem sit ipsa legitima viri & mulieris conjunctio in individuam vitæ societatem, quomodo definiri solet matrimonium.

Quoniam vero res maximi momenti est hæc vitæ societas, fundamentum humanæ socialitatis, cura legum hic maxime invigilare debet, quæ ad ecclesiam pertinet, postquam in christiana republica matrimonium ad dignitatem sacramenti est elevatum. Quare in jure canonico integer liber quartus decretalium GREGORII IX. in hoc argumento versatur, de sponsalibus & matrimonio ejusque impedimentis, divortio &c. Et circa singula istæ forum ecclesiasticum pulsatur, ac jurisdictionem amplissimam exercet.

Cau-

Causas autem multiplicat ipsa distinctio inter matrimonium, de præsentis & de futuro, quæ dicuntur sponsalia, seu reciproca promissio viri & foeminae de contrahendo invicem matrimonio. Quæ utique promissio obligationem facit præsertim si juramentum intercesserit, ut etiam episcopi censurarum ecclesiasticarum se- *Lib. IV.* veritate ad servandam sponsaliorum fidem de- *tit. I. c. 10.* beant uti. Et qui sponsalia pure sine omni conditione inierunt, modis omnibus inducendi sunt, ut præstitam fidem servant, nisi sibi mutuo remittant; quod jure canonico indulgetur, *c. 2. b. t.* etiamsi juramento firmata fuerit ista promissio, quia juramentum ipsam naturam contractus non immutat. Additurque: *Si autem se ad invicem admittere noluerint: ne forte deterius inde contingat, ut talem scilicet ducat, quam odio habet, videtur; quod ad instar eorum, qui societatem interpositione fidei contrahunt, & postea eandem sibi remittunt, hoc possit in patientia tolerari.* Quod non eo intelligendum est, ac si nulla gravis sit justitiæ obligatio standi promissis, præsertim jurejurando firmatis: sed quod hic monitione potius quam coactione indulgentissima mater ecclesia agendum velit. Quare infra quæstione injecta: *c. 17. b. t.* *Qua censura mulier compelli debeat, quæ jurisjurandi religione neglecta nubere renuit, cui se nupturam interposito juramento firmavit, respondet: Quod cum libera debent esse matrimonia, monenda est potius, quam cogenda, cum coactiones difficiles soleant exitus frequenter habere.*

Agitur postea de desponsatione impuberum, *Lib. IV.* nimirum antequam foeminae annum ætatis duo- *decretal.* deci-

*Greg. IX.**tit. 2.**C. 11. b. t.*

decimum, masculi annum decimum quartum compleverunt, quæ legalis dicitur pubertas: solet autem nonnunquam contingere, ut parentes infantibus suis sponfos aut sponfas deligant, de quorum sponsaliorum effectu varii expendantur casus, nec non de valore ac dissolutione eorum statuitur, quæ quoniam rariora sunt, nihil opus est istis immorari. Veluti etiam quæ de clandestina desponsatione consequenter titulo tertio tractantur: quæ quatenus ad matrimonium ratum referuntur, concilium Tridentinum omnino invalida ejusmodi matrimonia decrevit, si aliter, quam præsentem parochum vel alio sacerdote de ipsius parochi, seu ordinarii licentia, & duobus vel tribus testibus ineuntur. Vocari tamen etiam solent sponsalia clandestina, quæ sine testibus fiunt, aut consensu parentum; quæ quamvis suapte natura valeant, improbata tamen sunt, & a parentibus iusta de causa rescindenda. Sequitur titulus IV. *de sponsa duorum*: quod est impedimentum impediens tantum, si sint sponsalia de futuro. Quæ sollicite discernuntur hoc titulo. Deinceps autem de conditionibus appositis in desponsatione vel in aliis contractibus agitur, ac de impedimentis dirimentibus variis, tum suapte natura, cum legibus: qualia complura tam impediunt matrimonium contrahendum, quam dirimentia etiam contractum inde ab antiquissimis temporibus statuit ecclesia, & jus hoc constanter assertum habuit, ut colligere licet ex S. BASILII ad DIOSCORUM epistola, qua matrimonium vidui sororem mortuæ suæ uxoris ducentis improbens, ad veterem legem ac traditionem provocat: *Quod, inquit, in ejusmodi rebus maximi momenti est morem, qui apud nos est, obji-*

objicere possumus, quod is legis vim habeat; propterea quod sanctiones istæ a sanctis viris nobis sunt traditæ. Et SIRICIUS P. contra nuptias monachorum abjecto sanctitatis proposito ad publicas leges, & ecclesiastica jura provocat, quæ hujusmodi nuptias condemnent

Ad Himerium Tarracon. c. 6.

Videtur illic leges publicas, & ecclesiastica jura distinguere; cum non potuerit tunc temporis non utraque in censum venire, pro ut semper fuit matrimonium inter celeberrimos societatis humanæ contractus, etiam antequam a CHRISTO in dignitatem sacramenti est assumptus, aut sub tali sanctitate initus. Adhuc D. THOMAS hoc distinxit, licet suo tempore plenum jus exercuerit in matrimonium ecclesia: „In quantum igitur ordinatur ad bonum naturæ, quod est perpetuitas speciei, dirigitur in finem a natura inclinante in hunc finem, & sic dicitur esse naturæ officium: in quantum vero ordinatur ad bonum politicum, subjacet ordinationi legis civilis, in quantum igitur ad bonum ecclesiæ ordinatur, oportet quod subjaceat regimini ecclesiastico. „

Lib. IV. cont. gent. c. 78.

Id considerantes pii principes ecclesiæ totum hoc concesserunt, ut negare non possunt, qui nostro hoc ævo jus principum circa matrimonia revocare conantur non solum Protestantes, sed etiam quadantenus catholici; non quidem ecclesiæ suum dementes, sed principi æquum statuentes, quod olim exercuerint etiam post divisionem imperii imperatores christiani, quorum variæ leges etiamnum extent in corpore juris, circa ætatem, qualitatem, cæteraque ad matrimonium spectantia, quæ haud grava

*Juris eccl.
P. II. tit.
13. c. 1.*

gravate ipsa ecclesia acceperit : cum etiam jure naturæ quædam possint requiri , sine quibus matrimonium vel illicite vel invalide in-
eat, aut bonum politicum alia necessaria & convenientia flagitet. *Consequens est*, ait VAN ESPEN, *posse per civilem legem seu magistratum statui quædam impedimenta, quæ sunt necessaria aut convenientia, ut matrimonium hunc finem assequatur.* Quod ex D. THOMÆ epiphonemate nititur comprobare subnexo, ubi supra citato loco de hac re egit : *Ideo ex qualibet dictarum legum natura, humana & divina potest persona effici ad matrimonium illegitima.*

Quod certe eatenus valet, quatenus ecclesia omnia ista revera in consideratione habuit, varia statuendo impedimenta, spectata non solum dignitate sacramenti, sed etiam bono naturæ, & communitatis. Nec diffitetur VAN ESPEN jam a pluribus sæculis ecclesiam, & quidem privative, & cum exclusione principum sæcularium, impedimenta dirimentia ordinasse, eaque pro temporum & locorum circumstantiis nonnunquam extendisse, vel limitasse, aut etiam relaxasse : ac per consequens negari non posse, quin ecclesia hac potestate a primis sæculis pacifice usa sit. Idem confitetur GERBASIUS, qui tractatum de potestate ecclesiæ & principum super impedimentis matrimonii edidit. Cujus prima parte vindicat ecclesiæ potestatem ponendi impedimenta, quam non a principibus acceperit, sed a CHRISTO, quæ a primis sæculis usque ad hæc tempora usa sit ; sed idem jus etiam principi vindicat (quamvis fateatur & exemplis demonstrat, penes ecclesiam esse, leges civiles corrigere, si forsan quidquam contra jus divinum

ac

ac naturale in illas irrepperit) atque ex pietate & voluntate principum jam penes solam ecclesiam esse exercitium ponendi impedimenta. LAUNOJUS nec hoc ecclesiæ indulgit, regiam in matrimonium potestatem jurgiter exercitam, singulari opere astruens & contra GALESIUM Rubensium episcopum tuitus, quem adversarium nactus est, ac post mortem J. LEULLERIIUM theologum Parisiensem.

§. XLIII.

Quando de validitate matrimonii De quibus
christiani occurrit quæstio & causa, ad eccle-
ad ecclesiam pertinet judicium, aut siam per-
dispensatio circa impedimenta cano- tinet judi-
nica. cium.

Contingit non raro, ut desponsatis vel conjugatis aliquod impedimentum canonicum objiciatur, atque contra eos ad impediendum matrimonium contrahendum, vel contractum dissolvendum agatur. Ipsa sacramenti ratio demonstrat, ad ecclesiam pertinere istud judicium; unde in concilio Trident. anathema dicitur, *si quis dixerit, causas matrimoniales*

non spectare ad judices ecclesiasticos. Et si *XXIV.*
etiam causa principalis foret sæcularis e. g. de can. 12.

hæreditate filii, qui negatur esse legitimus ob invalidum matrimonium, coram judice ecclesiastico prius de validitate matrimonii decidendum est, unde altera causa dependet & judicatur. Nec potest hæc causa ab alio judice, utpote sacramentum concernens, agi aut decerni, multo minime propria conjugum attentatione solvi. Sic ALE-

XAN.

Ca. 35. q.
6. c. 10.

L. V. de-
cret. tit.
31. c. 12.

Lib. IV.
tit. 14. c.
ex litteris.

XANDER II. rescripsit ad GUILIEL-
MUM de M^OMSTROLIO, prætendentem
consanguinitatis occasionem, ad abjiciendam
uxorem: *Unde apostolica auctoritate interd-
cendo mandamus tibi, ut hanc quam nunc ba-
bes uxorem, nullatenus præsumas dimittere,
vel aliam ducere, donec episcoporum religioso-
rum concilium causam istam examinaverit.*
Ataque ita hæ causæ episcopali solum audientia
& iudicio erant transactæ, contra usurpationes
quasque, eis vindicato hoc jure, dum etiam
abbates illud attentarent: sic cap. *accidentibus*
de excessibus cavetur: „Accidentibus ad
„ nos de diversis mundi partibus episcoporum
„ querelis, intelleximus graves & grandes
„ quorundam abbatum excessus, qui suis fi-
„ nibus non contenti, manus ad ea, quæ sunt
„ episcopalis dignitatis, extendunt, de cau-
„ sis matrimonialibus cognoscendo &c. unde
„ contingat, quod vilescit episcopalis aucto-
„ ritas apud multos. Volentes igitur in his
„ & episcoporum dignitati, & abbatum pro-
„ videre salutem præsentem decreto firmiter pro-
„ hibemus, ne quis abbatum ad talia se præsu-
„ mat extendere, si proprium voluerit pericu-
„ lum evitare, nisi forsan quisquam eorum spe-
„ ciali concessione, vel alia legitima causa super
„ hujusmodi valeat se tueri. „ Tale privi-
legium fuisse abbati Cassinensi vel ex ALE-
XANDRO III. discimus, ubi inter alia sic
rescribit: „Inquisita vero diligentius veri-
„ tate, si per testes circumspectos omni ex-
„ ceptione majores inveneris, quod primus
„ vir superstitem quarto gradu consanguinita-
„ tis attingit, non differas divortii sententiam
„ promulgare. Æque enim, ut canones di-
„ cunt, abstinendum est a consanguineis uxo-
„ ris

ris ut propriis. Cæterum tuam prudentiam volumus non latere, quod non sunt causæ matrimonii tractandæ per quoslibet, sed per judices discretos, qui potestatem habeant judicandi, & statuta canonum non ignorent.

Sic summa religione & circumspectione ecclesia semper in hujusmodi causis agendum sibi judicavit; nec facile aliquid relaxavit, quamvis eodem jure, quo constituendi impedimenta potestate pollet, etiam dispensare possit, secus tenenti anathema dicit concilium Tridentinum: *Si quis dixerit, non posse ecclesiam in nonnullis illorum dispensare, aut constituere, ut plures impediant, & dirimant.* Distinguendum autem est hic inter impedimenta & etiam inter varias causarum circumstantias. Quare concilium laudatum decernit: „Si quis intra gra-

„dus prohibitos scienter matrimonium contra-
 here præsumserit, separetur, & spe di-
 „*Seff*
 „*XXIV.*
 „*c. 18.*
 „spensationis consequendæ careat: idque
 in eo multo magis locum habeat, qui non
 tantum matrimonium contrahere, sed et-
 „tiam consummare ausus fuerit, quodsi igno-
 „rante id fecerit, siquidem solemnitates re-
 „quisitas in contrahendo matrimonio neglex-
 „rit, eisdem subiciatur poenis: non enim di-
 „gnus est, qui ecclesiæ benignitatem facile ex-
 „periat, cujus salubria præcepta temere
 contempsit. Si vero solemnitatibus adhibitis
 „impedimentum aliquod postea subesse cogno-
 „scatur, cujus ille probabilem ignorantiam
 habuit, tunc facilius cum eo & gratis dispen-
 „sari poterit: in contrahendis matrimoniis
 vel nulla omnino detur dispensatio vel raro:
 „idque ex causâ, & gratis concedatur. In
 „secundo gradu nunquam dispensetur, nisi in-
 „ter magnos principes, & ob publicam causam.

L

Cona-

*Apud van
Espen P.
II. tit. 14.
c. 2.*

Conata est hic synodus veterem inducere disciplinam, quoad non prævias ad contrahendum, sed duntaxat posteriores male contracti matrimonii toleratrices dispensationes, ut observat CHRISTIANUS LUPUS, vultque prævias dispensationes initiasse ALEXANDRUM III., INNOCENTIUM III. ac ejus successores viam ampliassse. Eidem si credimus sæculo decimo nulla etiam regia vel augusta, licet in sexto duntaxat aut septimo sanguinis vel affinitatis gradu, vel ignoranter contracta, longe minus contrahenda matrimonia dispensabantur, sed cuncta dirimebantur juxta rigorem sacrorum canonum. Ejusmodique dispensationes adeo tunc ignorabat ecclesia, ut FRANCUS quidam Roma redux similem sibi datam asseverans a GREGORIO III. pontifice, ac ejus vigore prætendens inire matrimonium, gravissime scandalizarit, & ab apostolo Germaniæ S. BONIFACIO, credere id recusante, consultus ZACHARIAS P. responderit: *Abfit, ut prædecessor noster hoc ita credatur præcepisse. Nec enim ab hac apostolica sede illa diriguntur, quæ contraria esse patrum sive canonum institutis reperiuntur.* Notabilia sunt, quæ laudatus LUPUS subjungit, de prima ut putat, dispensatione in quarto consanguinitatis gradu cum OTHONE-I. & filia PHILIPPI ob gravissimam causam pacis publicæ: *Hinc tandem, inquit, ad totius imperialis cleri & populi preces dispensavit laudatus pontifex, ea tamen lege, ut duo amplissima monasteria OTTO fundaret, onneque imperium largis eleemosynis & ferventibus orationibus istud ecclesiasticæ disciplina vulnus compensaret. Ita babes apud ARNOLDUM*
- *abba-*

abbatem Lubicensem in chronico Sclavorum. OTTO de S. BLASIO addit, quod Cluniacensis & Cisterciensis ordinis abbates eandem compensationem per varia suorum monachorum pia opera complere promiserint, istudque canonis vulnus acceperint in suas conscientias, & quod spondere OTTO debuerit singularum omnium ecclesiarum defensionem ac resurrectionem belli sacri.

Hinc nemo jam mirabitur, quod ejusmodi dispensatio solis pontificibus reservetur: qui tamen sive in dataria sive in pœnitentiaria non nisi in forma *commissoria* eas concedunt, sic nuncupata, eoquod dispensandi auctoritas alteri committatur auctoritate apostolica sub certis conditionibus imprimis, inquirendo, utrum preces veritate nitantur, & omnia rite sint exposita, circa legitimas dispensationis causas: quæ solent hodie fere esse in consanguinitatis & affinitatis gradibus: ac prima est angustia loci; quæ tamen in proximiori gradu secundo & tertio non admittitur, nisi juncta sit dotis incompetencia, ac insufficientia, si extra dictum locum persona nubere cogetur, nec cum ea virum, cui juxta status sui conditionem nubere possit, invenire possit. Quæ ipsa alias solet esse altera causa petendæ dispensationis & obtinendæ, dos minus competens juxta status conditionem, cum qua virum sibi non consanguineum vel affinem paris conditionis ut nubere possit, invenire nequeat. Tertia causa est: quod oratrix vigesimum quartum annum & ultra suæ ætatis agens, hætenus virum paris conditionis, cui nubere possit, non invenit. Quoad terras ubi hæretici degunt, hæc etiam admittitur causa, ne hæreticis conjungi debeant catholici. Etiam datur dispen-

Ratio in forma pauperum: si nimirum præter libellum addatur parochi vel alterius fide digni testimonium, quod oratores pauperes & miserabiles existant, & ex labore & industria sua tantum vivant. Notandum, quoad forum conscientiae in pœnitentiaria solere expediri dispensationes. Quomodo autem rite peti & suo loco obtineri possint, passim theologi & canonistæ edisserunt.

§. XLIV.

Pro diversitate impedimentorum.

Variis ex causis oriuntur aut constituuntur matrimonii impedimenta, sive dirimentia sive impediencia, indispensabilia vel dispensabilia legitima ecclesiastica potestate.

*Lib. IV.
cont. gentes c. 78.*

*C. puberes
3. de despons. impub.*

*Lib. IV.
tit. 8.*

Legis naturalis, divinæ & ecclesiasticæ hic habenda est ratio. Ideo, inquit D. THOMAS, ex qualibet dictarum legum naturæ humanæ & divinæ potest persona effici ad matrimonium illegitima. Naturale impedimentum est ætas impubes. Quapropter licet jus canonicum certos annos constituerit, vult tamen eum puberem haberi, qui ex habitu corporis pubertatem ostendit, & generare jam potest. Secus, qui ætatem habent, sed impotentia generandi laborant, inepti naturaliter sunt ad matrimonium; de quibus agitur toto titulo: De frigidis & maleficiatis & impotentia coeundi. Hæc sola causa naturalis est, vinculum matrimonii dissolvens. Unde de conjugio leproforum statuuntur quidem sponsalia de futuro nulla, non vinculum matrimonii jam contracti. Et ecclesia correxit indulgentiam

nam de novo matrimonio ob diuturnum aut contagiosum morbum, vel absentiam conjugis.

Quoniam ad matrimonium requiritur certa promissio, consensus in certam personam & libertas: hinc quando legitimæ conditiones ap-*b. l. tit. 5.* positæ non complentur, vel inepta est perso-*6. 7. 9. 1.* na ex voto vel delicto, vel conditione fervili, *c. 24.* vel voluntatis abest arbitrium, veluti in amente, aut ob violentiam, nullum est vinculum.

Singularis est ratio personarum cognationis five naturalis five legalis ac spiritualis vinculo sibi sociatarum, ac fundatur potissimum reverentia quadam: aut ut S. AUGUSTINUS observat: *Quod DEUS voluerit ampliare charitatem inter homines multiplicando vincula ejuscemodi societatis.* Ecclesia non solum conservavit gradus in veteri lege prohibitos, sed etiam auxit. Ac diu usque ad gradum septimum inclusive sese extendit impedimentum, quod concilium Lateranense ad quartum revocavit tam consanguinitatis quam affinitatis. Affinitatem etiam restrinxit ad unum conjugum & cognatos alterius. Concilium Tridentinum ad secundum gradum revocavit cognationem ex fornicatione. Et de cognatione spirituali statuit, ut unus tantum si-*Levit. XVIII. 6. XXII. 21. Cap. non debet. 8. de consang. Sess. XXIV. c. 2.* ve vir, five mulier, juxta sacrorum canonum instituta vel ad summum unus & una baptizatum de baptismo suscipiant; inter hos ac baptizatum ipsum & illius patrem & matrem, nec non inter baptizantem & baptizatum, baptizatique patrem ac matrem tantum. Quoad computationem jus canonicum singulos gradus singulis generationibus attribuit.

Impedimenta impediencia duo tantum sunt ecclesiastici instituti, temporis clausi, & ecclesiæ interdicti.

De quibus singulis agemus suo loco de sacramento matrimonii, quo referuntur; hic ea tantum prosecuti, quæ præcise pertinent ad legitimam ecclesiasticam potestatem in constituendis & dispensandis impedimentis, agendisque coram suo tribunali matrimonialibus causis, utpote spiritualibus ob facerrimam sacramenti rationem. Unde sanctissimum est matrimonii vinculum, recteque ecclesia vel maxime fuit occupata & intenta, ut suis legibus & canonibus dignitati ejus consuleret; nec quisquam in eo vel illegitimus judex vel multo minus privatæ personæ ipsæ, nec etiam inferiores judices, excepto pontifice aut episcopis aliquid audeat tentare; semper autem vel maxime sanctitati matrimonii ab omnibus consulatur præsertim a parochis, ne quid legis sacris adversum fiat, aut etiam sine urgentibus justisque causis dispensandum petatur.

§. XLV.

Et indissolubili matrimonii vinculo.

De matrimonii validitate semper coram legitimo iudice agitur; sed rite celebratum præsertim consummatum quoad vinculum dissolvi amplius nequit per divortium, justis ex causis concessum.

*Lib. IV.
decretal.
t. 18.
c. 5. b. t.*

Agitur singulari titulo in jure canonico de his, qui matrimonium accusare possint, vel contra illud testari. Ac imprimis repelluntur, qui dignoscuntur accusationem tantum intentare ob quæstum. Et qui factis publicis in ecclesia de contrahendo matrimonio denunciationibus siluit, postea non permittitur illud accusa-

cusare, nisi legitime impeditum, aut primum in notitiam impedimenti se venisse, nec ad accusandum ex malitia se procedere jurejurando contestatus fuerit. Qua de causa denuntiationes jam olim in ecclesia fuerunt usitatae, & a concilio Lateranensi ordinatae, a concilio autem Tridentino determinatae ad tres dies festos, nullis præterea declaratis matrimoniis clandestinis, atque jussis coram parrocho & tribus aut quatuor testibus celebrari.

c. 6. b. t.

Cap. 3.
cum inbi-
bit. de
cland. de-
spons.
Sess.

Ita celebratum ac ratum matrimonium dissolvi adhuc potest primo bimestri per ingressum alterutrius conjugum in religionem ab ecclesia approbatam; consummatum autem indissolubile est quoad sacramentum vinculum. Alia est ratio matrimonii infidelium rationem contractus civilis tantum habentis, unde indissolubilitatem illam ex institutione CHRISTI non habet; uno tamen ad fidem converso, altero in infidelitate manente dissolutio non sequitur, nec separari debent, etiamsi impedimentum dirimens intercesserit, si non jure naturali, sed positivo inductum sit, super quo dispensatur, cum juxta apostolum sanctificetur vir infidelis per mulierem fidelem, & vicissim; Nisi tamen, sunt pontificis verba, post conversionem illa renuat cohabitare cum ipso, aut etiamsi consentiat, non tamen absque contumelia creatoris, velut eum pertrahat ad mortale peccatum: in quo casu restitutionem petenti quamvis de injusta spoliatione constaret, restitutio negaretur: quia secundum apostolum: Frater aut soror non est hujusmodi subiectus servituti. Quod si conversum ad fidem & illa conversa sequatur, antequam propter causas prædictas legitimam ille ducat uxorem, eam recipere compelletur. Alias ergo ob prædictas causas solvitur conjugium, & con-

b. l. cap.
8. de di-
vortiis.

versus contrahere potest, ut prius habetur constitutum.

*De divor-
tiis c. 7.*

*Cap. 5. de
convers.
conjugat.
c. 8. eod. t.
caus. 27.
q. 2. c. 23.*

*Matth.
XIX. 9.*

Hoc proprie dicitur divortium, in antiqua lege Judæis ob duritiam cordis concessum, in nova autem sublatum; ut tantum detur improprie dictum divortium, seu separatio conjugum quoad thorum & cohabitationem, durante interim matrimonii vinculo; ut si de consensu conjugis vir ad episcopatum assumatur, quod in antiqua ecclesia frequens fuit, aut ad religionem transeat ac continentiam viveat. Ubi tamen pars altera similem professionem facere debet, saltem domi suæ, si nulla incontinentiæ suspicio sit. Apud GRATIANUM præterea cavetur, ne sine episcopi conscientia fiat.

Quod multo magis locum habet in aliis divortii seu separationis causis, quæ sententia judicis ecclesiastici fieri debet, ac potest imprimis ob adulterium juxta evangelium, nisi & altera pars ejusdem criminis rea sit, aut culpam condonet. Aliæ legitimæ causæ separationis quoad thorum & cohabitationem censentur: dum sine periculo vitæ aut salutis cohabitare mutuo nequeunt conjuges, hæresis, incitatio ad peccatum, sævities, aut morbus contagiosus; ut tamen liberum sit iterum mutuo cohabitare; & semper præcavendum sit periculum incontinentiæ. Alia hodie est Protestantium jurisprudentia quoad divortium etiam quoad vinculum ob adulterium & alias causas.

§. XLXVI.

*Ecclesiæ
ac alia lo-
ca sacra.*

Ecclesiarum seu ædium ad cultum religionis spectantium maxime parochianarum præcipua episcopo incum-

cumbit cura, ut ædificentur, confecerentur, & reparentur, ubi id opus fuerit, ab illis, quibus id oneris incumbit.

Orare quidem omnibus in locis licet, officium autem publicum facere & sacrificium missæ celebrare nonnisi in loco sacro, ac tabula saltem consecrata. In qua seu altari, ut vocant, portatili in magnis peregrinationibus & apud exercitum idem omni in loco fieri conceditur; sed in oratoriis privatis missam celebrare aut etiam baptizare sine episcopi licentia non licet.

De consec. dist. 1. c. 1. 12. 1b. can. concedimus 30. 1b. can. unicuique 33. cleri-

Quin nec ædificare licet ejusmodi loca sacra sine episcopi consensu, ut a concilio Chalcedonensi decretum est, referturque a G R A T I A N O his verbis: *Placuit igitur, neminem aut ædificare, aut construere monasteria, aut oratorii domum sine conscientia ipsius civitatis episcopi.* Oratoriorum antiquissimus est usus in honorem martyrum, inde martyria dicta, ubi etiam sacrificium missæ fuit celebratum; sed cum successu temporum in privatis locis ac in privatum usum hujusmodi oratoria ac sacella ædificari consueverint, cavendum fuit, ne in præjudicium publicorum conventuum ecclesiarum parochianarum id cederet, aut etiam quæstus causa fieret: quare prohibiti sunt episcopi, consecrare ejusmodi ut apud G R A T I A N U M vocantur, basilicas, quas P A N O R M I T A N U S vocat templum non consecratum. Alii aptius ecclesiam principalem seu regiam suo nomine dicunt, ad quam nimirum princeps divini officii causa ventitare consuevit. Sicuti cathedralis vocatur, quæ est sedes

cor. 44. Can. 4. Caus. 18. q. 2. can. 10. De consec. dist. 1. can. 10. In rub. tit. de consec. eccl. cum gl. in c. 1. de relig. dom.

episcopalis, ubi omnibus diœcesanis sacramenta ministrari possunt, & parochialis, ad quam pertinet singularis populus, unius aut plurium vicinorum locorum.

*Cap. 3. de
eccl. adif.
vel repar.
Sess.
XXI. c. 4.*

c. 6. b. t.

*Sess. XXI.
de reform.
c. 7.*

Nova ecclesia parochialis erigi nequit, nisi una erigatur parochia; ut si locorum incolæ ita multiplicentur, ut una ecclesia contineri amplius non possint; aut si pagus ac villa ab ecclesia parochiali adeo distet, ut tempore hyemali non possint parochiani eam sine magna difficultate adire, nec valeant congrue ecclesiasticis officiis interesse. Quod ad episcopum pertinet curare, ac simul etiam de redditibus prospicere sacerdotibus, qui, verba sunt concilii Tridentini, *de novo erunt ecclesiis noviter erectis præficiendi . . . ex fructibus ad ecclesiam matricem quomodocunque pertinentibus: Et si necesse fuerit, compellere possit populum ea subministrare, quæ sufficiant ad vitam dictorum sacerdotum sustentandam, quacunque reservatione generali, vel speciali vel affectione superdictis ecclesiis non obstantibus.* Quod si videat episcopus, quod diœcesani sui in variis locis indigeant oratoriis, iique valde sint pauperes, poterit pro construendis talibus oratoriis etiam alienare res ecclesiæ, non obstante juramento, quod præstitit de rebus ecclesiæ non alienandis; imo etiam tenetur populo indigenti super ecclesiarum institutione providere. Contrariis ex rationibus possunt juxta concilium ecclesiæ inutiles effectæ supprimi, & aliis uniri.

Ecclesia autem sine consensu episcopi saltem tacito extrui non debet, & ab eo est consecranda, cæremoniis ab ecclesia præscriptis. Quæ inde ab antiquissimis temporibus solemnis fuit consecratio, nunquam iteranda, nisi pro-

profanata fuerit per exercitium profanæ religionis, aut effusione sanguinis vel seminis humani criminosa. Quo casu reconcilianda est, non noviter consecranda, nec ante reconciliationem divina officia præsertim missarum solemnia celebrare licet. Idem de contiguis cœmeteriis dicendum, quæ polluta ecclesia similiter reconcilianda sunt, ac pariter pro loco sacro computantur, ut nihil profanarum causarum agi illic liceat, aut commercii multo minus in ecclesia domo DEI & orationis juxta CHRISTI Domini effatum.

*De consec.
eccl. cap. 3.*

Ib. cap. fin.

*Cap. 1. §.
de eccl.
Matth.*

Quoad reparationem ecclesiarum non una ubique est ratio & consuetudo. Sicubi enim, ut in Germanja nostra ipsæmet ecclesiæ proprios redditus habent ex fundatione, quæ dos ecclesiæ vocatur, aut ex oblationibus, ac piis legatis ad fabricam ecclesiæ, aliasque ipsius necessitates destinatis, huc impendi debent. Alibi plebi & populo parochiano eadem reparandi obligatio incumbit. Alibi partita est, ut alii navem, alii chorum facta tectaque conservare debeant. Debetque ex fructibus & proventibus ecclesiæ ea restauratio aut reparatio fieri. Qui si non sufficiant, tunc omnes patroni & alii, qui fructus aliquos ex dictis ecclesiis percipiunt, aut in illorum defectum parochiani omnibus opportunis remediis, appellatione remota, cogi ad reparationem poterunt.

XXI. 12.

§. XLVII.

Sacrorum locorum religio immunitatem sibi exposcit, ac jus asyli non solum ecclesiasticis, sed etiam profanis

*Eorumque
immunitas.*

nis christianorum principum legibus assertum ac constanter retentum.

*De immunit. eccl.
L. III. decretal. t.
49. c. 15.
c. 2. b. t.
in 6.*

*An. 1174.
c. 4. b. t.*

*An. 1216.
c. 7. b. t.*

c. 1. b. t.

c. 6. b. t.

Vocatur hæc immunitas localis, quæ id primum sibi vindicat, ne actus profani & sæculares, judicia & causæ non solum criminales, in quibus agitur de effusione sanguinis seu de pœna corporali, sed etiam aliæ quæcunque forenses hic agantur: *Quæcunque divinum possunt turbare officium, aut oculos divina majestatis offendere, sint prorsus extranea*, ut habet decretum BONIFACII VIII. Et ALEXANDER III. in concilio generali Lateranensi sub pœna excommunicationis prohibet, ne principes, magistratus, vel alii potestatem habentes, ecclesiis tot onera imponant, easque tam gravibus & crebris exactionibus premant. Quam constitutionem INNOCENTIUS III. itidem in concilio generali Lateranensi illimitate ac indefinite explicat, atque intelligi vult de omnibus, qui ecclesias & ecclesiasticos viros talliis, seu collectis & exactionibus &c. gravare nituntur. Sed de hac re paulo post agemus, nunc de immunitate locali tantum solliciti: quæ debet esse tam sacrosancta, ut nec hospitium sibi vindicare audeant judices ac missi imperiales, qui jurisdictionem civilem exercent. Pertinet huc imprimis jus asyli, quo malefactores confugientes ad ecclesias & alia loca sacra tuti sunt ac protegentur, ut extrahi vel pœna corporali sanguinis affici non possint; sed in aliam pecuniariam vel ecclesiasticam commutentur, si tradatur reus, quamvis sint gravia delicta; nisi specialiter in sacris canonibus excipiantur: veluti publici latrones, depopulatores agrorum, & qui spe immunitatis in ipsa ecclesia vel

vel cæmeterio mutilant, furantur &c. Excep- *Cap. fin.*
 tiones has juris communis confirmavit & ex- *b. t.*
 tendit GREGORIUS XIV. bulla *Cum alias*,
 ad eos omnes, *qui proditorie proximum occi-*
derint, aut assassinii, vel hæresis, aut laesa maje-
statis in personam ipsiusmet principis rei.

Jus hoc asyli alii canonistæ latæ, alii strictæ
 interpretationis esse defendunt, ne scelera ma-
 neant impunita, & homines tanto audacius de-
 linquant, cum magno reipublicæ detrimento.
 Quod non intendit pia mater ecclesia, quæ eos
 haud protegit, qui in ipsis locis sacris, aut de
 immunitate impie præsumentes, delinquant;
 neque pœnam tollit sed mitigat, atque resar-
 cienda vult partibus damna illata. Olim epi-
 scopi solebant pro reïs apud magistratus & prin- *C. reum*
 cipes intercedere, ut in concilio Sardicensi est *9. causa*
 constitutum, OSTIO sic in frequenti concilio *17. q. 4.*
 proponente: *Quia saepe contingit aliquos, qui* *Can. 7. sen*
egent misericordia, ad ecclesiam confugere, qui *8. in col-*
propter peccata vel relegatione vel in insulam lect. Dio-
deportatione damnati, vel quavis alia senten- *nyfii.*
tia addicti sunt: iis non esse negandum auxi-
lium, sed sine cunctatione & dubitatione ve-
niam esse petendam. Quod intelligendum est
 de pœna delictis debita a potestate civili in-
 fligenda, non de ipso asylo, quod ecclesiastici
 juris est, fundatum etiam in veteri testamento;
 sed pro illis tantum, qui præter intentionem
 delictum perpetrarunt: quod ecclesia exten-
 dit ad actus culpa & pœna dignos non immu-
 nes præstandos, sed non atrociter cum effusione
 sanguinis & amissione vitæ puniendos; qua-
 propter asyllum reïs præstat, tutumque semper
 habuit ipsis civilibus legibus assertum, quo ex
 tempore principes christianam sunt professi le-
 gem, licet nullæ vetustiores THEODOSIO
 extent

Orat. 20.

Epist. 58.

Cod. Theodof. L. IX.
tit. XLV.
de iis, qui
ad ecclef.
confu-
gitant lege
IV.
L. c.

extent leges in codice Theodosiano ac Justiniano, ubi integer habetur titulus de his, qui ad ecclesiam, item qui ad statuas confugiunt. Prima autem, quæ habetur THEODOSII lex, declarat, nihil a se constitui, sed consuetudinem tantum ac praxin ecclesiæ firmari; veluti constat ex oratione S. GREGORII NAZ. in laudem S. BASILII, qui viduam, contra vim a præfecto PONTI intentatam ad altare confugientem, protexit. Et PAULINUS idem in vita S. AMBROSII testatur, memoratque JOANNEM præfectum ad tuitionem eorum, qui ad ecclesiam confugerunt. Maxime sacrosanctum fuit altare, quam *ἀσυλον τράπεζαν* vocat SYNESIUS, qui jus hoc etiam contra ANDRONICUM præfectum Ptolemaidis strenue est tuitus. At constat ex ipsis imperatoris legibus non tantum ad altare, sed loca etiam & domos ad ecclesiam pertinentes & conterminas pertinuisse: *Inter templum, quod parietum descripsimus cinctu, & post loca publica & januas primas ecclesiæ, quidquid fuerit interjacens, seu in cellulis, sive in domibus, hortulis, balneis, areis atque porticibus, confugus interioris templi vice tueatur.* Extat etiam in codice Theodosiano titulus de his, qui ad statuas imperatorum confugiunt, quod jus hodieque non principum solum, sed legatorum etiam hospitalia arrogant. Qua de re non ita pridem Romæ ingens fuit controversia, pontificibus sese opponentibus immunitati sceleratorum. Secus ac solent alieni ab ecclesia, & irreligiosi ecclesiæ illiusque capiti imputare.

Successu temporis ad quævis loca pia, monasteria, xenodochia, scholas, cruces, monumenta & sepulchra mortuorum, sacerdotes
SS.

SS. corpus Domini deportantes; non tamen ad oratoria privata, jus asyli est extensum. Sed non raro violatum fuit, exemplo admodum funesto in EUTROPIO, qui ARCADIO persuaferat, ut lege lata omnia hujusmodi privilegia ad ecclesiam spectantia abrogaret; sed divinam vindictam expertus, primus ipse hoc sacro perfugio opus habuit. Quam in rem insignis extat S. CHRYSOSTOMI homilia in EUTROPIUM, in qua usurpationem hanc sacri juris perstringit, cum ad ecclesiam id spectet; atque adeo interveniente leges inter & canones contrarietate his standum sit. Quare hodieque controversia est, an quæ legibus principum statuuntur, ne Judæi, infideles, & hæretici immunitate hac gaudeant, sint firma. In novella etiam JUSTINIANI XVII. exci. c. 7. piuntur crimina ab hac immunitate, quæ jure canonico excepta non sunt: probeque est hic distinguendum jus utriusque fori ecclesiastici & civilis, ut dignoscatur, quid jure suo possideat & faciat ecclesia, nimirum asylum ipsum præstando, quæ est debita immunitas locorum sacrorum; pœnas autem delictis a sæculari potestate irrogandas deprecatur: uti non solum plurima antiqua exempla ostendunt, sed etiam jus novum decretalium GREGORII IX. distinguit, & inviolabile vult esse asylum, pœnam autem deprecandam., Quantumcumque gravia maleficia perpetraverit non est violenter ab ecclesia extrahendus: nec inde damnari debet, ad mortem vel ad pœnam, sed rectores ecclesiarum sibi obtinere debent membra & vitam. Super hoc tamen quod inique fecit, est alias legitime puniendus., Atque optan-

Lib. III.

t. 49. c. 6.

optandum quam maxime esset, ut saltem in ejusmodi casibus pœnis medicinalibus ecclesiasticæ pœnitentiæ publicæ locus esset hodieque ut olim, ne ecclesia videretur immunitati scelerum patrocinari.

§. XLVIII.

Res aliæ
facræ dies
festi & je-
juniorum.

Non minus aliarum sacrarum rerum, quam locorum cura & reverentia est habenda, ad cultum & officium divinum spectantium, ut debite & remota superstitione celebretur.

*Dist. 95.
presbyteri.*

*Decretal.
Lib. III.
tit. 44. c. 1.*

Ib. cap. 2.

Sunt res sacræ, quas nec tangi quidem licet a laicis, aut ab aliis quam sacerdotibus ac ministris sacramentorum, velut sacrosancta eucharistia, oleum catechumenorum, infirmorum, sacrum chrisma. Quod singulis annis consecratum ab episcopo obtinere debent parochi, vetus autem decenter comburere in lampadibus ecclesiæ aut cum stupis, novum vero sub fidei custodia conservare clavibus adhibitis. „ Ne possit ad illa temeraria manus „ extendi ad aliqua horribilia, vel nefaria excenda. Si vero is, ad quem spectat custodia, ea incaute reliquerit, tribus mensibus ab officio suspendatur: & si per ejus incuriam aliquid nefandum inde contigerit, „ graviori subjaceat ultioni. „ Ut statutum est in concilio Lateran. ab INNOCENTIO III. referturque c. 1. *de custodia eucharistie, chrismatis & aliorum sacramentorum.* Et mox additur: „ Relinqui nolimus incorrèctum, „ quod quidam clerici ecclesias sic exponunt „ sup-

suppellecilibus propriis & etiam alienis, ut
 potius domus laicæ, quam DEI basilicæ vi-
 deantur: non considerantes, quod Domi-
 nus non sinebat, ut vas transferretur per
 templum. Sunt & alii, qui non solum ec-
 clesias dimittunt incultas, verum etiam va-
 sa ministerii, & vestimenta ministrorum, ac
 pallas altaris, nec non ipsa corporalia tam
 immunda relinquunt, quod interdum ali-
 quibus sint horrore. Quia vero zelus nos co-
 medit domus DEI: firmiter prohibemus,
 ne huiusmodi suppellecilia in ecclesiis ad-
 mittantur, nisi propter hostiles incursus, aut
 incendia repentina, seu alias necessitates ur-
 gentes, ad eas oporteat haberi refugium,
 sic tamen ut necessitate cessante res in lo-
 ca pristina reportentur. Nimis enim vide-
 tur absurdum in sacris fordes negligere, quæ
 dedecrerent etiam in profanis. Mox sub *Ib. tit. 45.*
 sequitur titulus de reliquiis & veneratione San- *cap. 1.*
 ctorum, ubi postquam ex ALEXANDRI III.
 decreto relatum esset; *etiamsi per defunctum*
miracula plurima fierent; non licere tamen,
ipsum pro sancto venerari absque auctoritate
Romanæ ecclesiæ. Circa reliquias ex INNOCENTIO III. in concilio generali statu-
 tum refertur: *Cum ex eo, quod quidam San-* *An. 1216.*
ctorum reliquias exponunt venales, & eas
passim ostendunt, christiana religioni detra-
ctum sit sapius, ne impofterum detrabatur,
ut antiquæ reliquiæ amodo extra capsam
nullatenus ostendantur, nec exponantur ve-
nales. Inventas autem de novo, nemo pub-
lice venerari præsumat, nisi prius auctorita-
te Romani pontificis fuerint approbata. Præ-
lati vero non permittant eos, qui ad eorum
ecclesias causa venerationis accedunt, variis
 M *figmen-*

Sess.

XXV. de
cret. de in-
vocat. &
vener. SS.

figmentis, aut falsis documentis decipi, sicut in plerisque locis occasione questus fieri consuevit. Hæc in concilio Tridentino explicata sunt & firmata: Ut omnis superstitio in Sanctorum invocatione, reliquiarum veneratione & imaginum sacro usu tollatur; omnis turpis questus eliminetur; omnis denique lascivia vitetur, ita ut procaci venustate non pingantur, nec ornentur: & Sanctorum celebratione ac reliquiarum visitatione homines ad commensationes atque ebrietates non abutantur; quasi festi dies in honorem Sanctorum per luxum ac lasciviam agantur. Hæc, ut facilius observentur, statuit sacra synodus, nemini licere ullo in loco, vel ecclesia, etiam quomodolibet exempta, ullam insolitam ponere imaginem, nisi ab episcopo approbata fuerit; nulla etiam admittenda esse nova miracula, nec novas reliquias recipiendas, nisi eodem recognoscente & approbante episcopo. In Clementinis h. t. longum refertur decretum de celebratione festi Corporis CHRISTI. Et eodem titulo extrav. de festo Conceptionis B. V. immaculatæ. In sexto autem decretalium solemnitas festorum SS. apostolorum & quatuor ecclesiæ doctorum decernitur, ut alia taceam consuetudine introducta. In decretalibus GREGORII IX. subditur titulus de observatione jejuniorum, ubi de vigiliis potissimum agitur, festo nativitatis Dominicæ incidente in feriam sextam, quo, qui nec voto nec regulari observantia sunt ad abstinendum adstricti, carnibus propter festi excellentiam uti possint secundum consuetudinem ecclesiæ generalis. De indulgentia erga eos, qui in tantæ famis inedia, ut magna pars populi propter

C. cum
præcelsa
I. & C.
grave ni-
mis 2.
c. 1. & 2.

c. 3.

pter inediam periret, carnes comedere sunt coacti. Ibidem de aliis relaxationibus jejuniorum Quadragesimæ porro agitur. Quæ dispensatione episcoporum determinari solita explicatione non egent; sicut nec quæ sequenti titulo de purificatione post partum habentur.

§. XLIX.

Sepultura inter res sacras ac jura Sepultura. parochialia computatur, nemini in cœmeterio seu loco consecrato concedenda, nisi qui in fide & communionem ecclesiæ catholicæ in Domino defunctus sit.

S. HIERONYMUS de hac re, exemplis & doctrina tam veteris quam novi testamenti comperta, ita scribit de obitu BLESILLÆ: *Epist. ad De MOTTSE vero, & AARON, quod Paulam.* eis ex veteri more sit planctus exhibitus, non mirandum est, cum & in actis apostolorum, jam evangelio coruscante, STEPHANO fecerint Jerosolyma fratres planctum magnum & utique planctus magnus non in plangentium examinatione, ut tu putas, sed in pompa funeris, & exequiarum frequentia intelligendus est. Eadem exempla utriusque testamenti S. AUGUSTINUS commemorat: *Lib. I. de Antiquorum*, inquit, *justorum funera officio-civit. DEI* *sa pietate curata sunt, & exequia celebrata, c. 13.* & sepultura provisa, ipsique dum viverent de sepeliendis vel etiam transferendis suis corporibus filiis mandaverunt, & TOBIAS sepeliendo mortuos DEUM promeruisse, teste angelo, commendatur. Ipse quoque Dominus

die tertio resurrecturus, religiosa mulieris bonum opus pradicat, pradicandumque commendat, quod unguentum pretiosum super membra ejus effuderit, atque hoc ad eum sepeliendum fecerit. Et laudabiliter commemorantur in evangelio, qui corpus ejus de cruce acceptum diligenter atque honorifice ungendum sepeliendumque curarunt. Sed legendus est integer ejus de cura pro mortuis liber.

*C. XI. de
cæmete-
riis.*

*Ad scapul.
c. 3.*

Can. 34.

Antiquissimus est apud christianos cæmeteriorum usus, a dormitione ac somno proprie dictus, juxta apostolum, ac spem resurrectionis apud christianos. Initio tamen hoc nomen singulare fuisse videtur sepulchris martyrum, atque adeo etiam ecclesiis. Cæmeteria, secundum ONUPHRIUM, erant christianis (quod & nunc sunt) veluti templa & orationum loca, in quibus episcopi synodos congregabant, sacramenta administrabant, verbum DEI concionabantur. Hinc illud scitu dignum, quod cum imperator quispiam persecutionem in christianos instaurare constitisset, ante omnia eos a cæmeteriis arcere solebat, ne in unum conveniendi eis facultas esset. Christiani nimirum persecutionis temporibus ad monumenta martyrum suorum locaque sepulturæ plerumque subterranea ac fornicibus instructa (quæ TERTULLIANUS áreas sepulcrarum vocat, quod nomen alibi etiam non raro occurrit) convenire solebant, & tum publicos cum privatos conventus etiam vigilias celebrabant. Quam in rem duo sunt antiquissimi Illiberitani concilii canones: *Cereos in cæmeteriis per diem placuit non accendi. Et mox: Placuit prohiberi, ne feminae in cæmeterio pervigilent, eo quod sæpe sub obtentu orationis scelera latenter committantur.* Nomen id

id & consuetudo etiam deinceps perseveravit. *Contemplare*, inquit S. CHRYSOSTOMUS, civitates ad martyrum sepulchra concurrentes & populos eorum amore inflammatos. *Hom. in psal. 115.* Et alibi: Martyres beati sunt, quia sua accipiunt: ab eorum sepulchris non discedimus. *In ps. 48.* Illic rex & imperator diadema regum abiecit, atque in sepulchris martyrum permanet. Religio ea usque ad hodiernum diem in sepulchris præsertim principum apostolorum Romæ semper quam maxime conspicua fuit. De qua idem sanctus doctor: Romæ, ait, quæ urbium *Honæ* est regalissima, relictis omnibus ad sepulchra *Quod* piscatoris & tabernaculorum opificis currunt *Christus* & reges, & præfides & duces. Et Constanti- *fit DEUS.* noli reges nostri magnam gratiam putant, non si propter apostolos, sed & si vel extra eorum vestibula, corpora sua sepeliantur, fiantque piscatorum ostiarii reges. De CONSTANTINO id constat, quem alii deinceps imperatores sunt æmulati, fuitque olim prohibitum, ne quispiam in ecclesia sepeliretur eadem religione, imprimis quod CHRISTUS ibi immolaretur. Postea tamen mos invaluit, ut episcopis abbatibus aliisque piis & honestioribus etiam laicis in ipsa ecclesia locus sepulturæ concederetur. Alii autem saltem prope templa in cœmeteriis locis sacratissimis, ac unacum ecclesia dedicatis immunitateque, ut vidimus, gaudentibus, sepeliuntur, ut minus a spiritibus immundis vexentur, animæque consequantur patrocinium sanctorum, quibus ecclesia unacum cœmeterio dicata erat, vivi autem templum intrantes sæpius in suis precibus defunctorum & ibi sepultorum memores reddantur.

C. precipiendum.
15. causa
13. q. 2.
C. nullus.
18. causa
13. q. 2.

C. cum
gravia. 17.
& C. ani-
ma 22. d.

M 3

Jam

q. 2.

**C. 13. de
sepultura.**

**C. 2. b. t.
in 6.**

C. 10. b. t.

Cap. 9. b. t.

**Clemen-
tin. c. 2.
b. t.**

**Cap. 5. §
6. b. t.**

**Cap. eccle-
siam 27.**

Jam nemini mirum videatur, cur INNOCENTIUS III. abolendam consuetudinem & abominandam corruptelam vocet, si decedentibus prius non permittatur effodi sepulturam, quam pro terra, in qua sepeliendi sunt, certum pretium ecclesiæ perfolvatur. Statuitque, ut episcopi clericis inhibeant, ne quidquam exigant hac de causa. Constituta nihilominus portio canonica ecclesiæ parochiali seu parrocho solvenda fuit, quarta pars funeralium & obventionum, quæ funeris causa in loco sepulturæ præstantur, & accipiuntur. Quæ quarta pars, quando sepultura eligitur, apud regulares privilegiatos sumenda & præstanda est non solum de expensis funeralium, sed etiam de omnibus legatis piis, quæ defunctus in ultima sua dispositione pro anima sua reliquit, aut universim medietas vel tertia aut quarta pars. Hinc CLEMENS III. statuit: *Ut secundum rationabilem consuetudinem regionis illa justitia circa medietatem vel tertiam vel quartam partem portionis canonica pro locorum diversitatibus attentatur.* Portio istæ canonica ex debito sustentationis eorum, a quibus fideles sacramenta & alia divina accipiunt, est præstanda. *Ne parochiales ecclesiæ & curati, qui ministrare habent ecclesiastica sacramenta, debitis & necessariis officiis defraudentur, cum operariis mercedis exhibitio debeat.* Est enim jus sepulturæ parochianum.

Unde, si peregrinus ac viator ad aliam parochiam spectans sepeliatur, nisi amicabiliter conveniatur, exhumari & reddi statuitur. Idem faciendum, si qui in loco sacro sepelirentur, qui hoc privilegio excluduntur, ac indigni sunt Judæi & gentiles, quibus accensetur infan-

fantes christianorum, qui ante baptismum de-
 cefferunt. Hæretici ac omnes illi, qui ipsis *de consec.*
 quoad hæresin præcise favorem, auxilium aut *dist. 1.*
 receptaculum præbent: notorie excommuni- *Cap. 2. de*
 cati, qui, dum erant in vivis, publice exclu- *hæret. in 6.*
 debantur a communione fidelium quoad di-
 vina. Si tamen excommunicatus, ligatus ex- *Cap. 12.*
 communicatione sedi apostolicæ aut episcopo *b. t.*
 specialiter non reservata, a suo paroco in ar-
 ticulo mortis solemniter in forma ecclesiæ con-
 fucta fuerit absolutus, non debent ei cœme-
 terium & alia ecclesiæ suffragia denegari; ita
 tamen, ut, si excommunicationem incurrit
 ob gravia damna aliis illata v. g. per homi-
 cidium, incendium, violentam manuum inje-
 ctionem in personas ecclesiasticas, violatio-
 nem vel incestum, hæredes & propinqui, ad *c. 14. b. t.*
 quos bona defuncti pervenerunt, pro damno
 satisfaciant; & si id recusent, censura eccle-
 siastica ad satisfaciendum compellantur. Se-
 pultura item ecclesiastica privantur manifesti
 usurarii, ac omnes in notorio peccato mor-
 tali decedentes, uti sunt in ipso actu furti, *C. fures.*
 adulterii &c. interemti, aut seipsos interimen- *31. causa*
 tes ex iracundia vel desperatione, sui & ra- *13. q. 2.*
 tionis compotes, nec ante mortem ex inflicto *C. placuit.*
 vulnere pœnitentes. Excipiuntur puellæ, quæ *12. causa*
 fugientes insidiatorem pudicitæ de ponte in *25. q. 5.*
 amnem decedentes submersæ forte sint. *c. 11. b. t.*



CAPUT II.

De bonis ecclesiasticis.

§. L.

Sacris ministris debetur sustentatio.

Omni jure, existimatione, & usu perenni debetur sacris ministris ac pastoribus a subditis populis & ovibus sustentatio, quoad vitæ in victu & vestitu necessitates.

1. Cor.
IX. 7.

Ne quid referam de debito hoc ex jure naturali secundum morem usumque constantem etiam apud gentiles, & barbaras quolibet nationes, satis sit jus illud D. PAULI verbis, & ratione stabilivisse. *Quis, inquit, militat suis stipendiis unquam? Quis plantat vineam, & de fructu ejus non edit? Quis pascit gregem, & de lacte gregis non manducat? An & lex hæc non dicit? Scriptum est in lege MOSI: Non alligabis os bovi trituranti. Numquid de bobus cura est DEO? An propter nos utique hoc dicit? Nam propter nos scripta sunt. Quoniam debet in spe, qui arat, arare, & qui triturat, in spe fructus percipiendi. Si nos vobis spiritalia seminavimus, magnum est, si carnalia vestra metamus? Nescitis, quod, qui in sacrario operantur, quæ de sacrario sunt, edunt? Et qui altari deserviunt, cum altari participant? Ubi simul involutum & explicatum habes divinum veteris testamenti jus inviolabile, etiam in no-*

VO

vo testamento, a CHRISTO similiter constitutum apostolo mox id attestante: Ita & *Ib. v. 14.*
Dominus ordinavit iis, qui evangelium annuntiant, de evangelio vivere. Pertinet huc, quod CHRISTUS apostolis præcipit: *Nolite possidere aurum, neque argentum, neque* *Matth. X.*
pectuniam in zonis vestris, non peram in via, neque duas tunicas, neque calceamenta, neque virgam: dignus enim operarius est cibo. *2.*
 Patet hinc genuina explicatio loci hujus ac sententiæ, quæ eadem adhuc disertior apud LUCAM habetur: *In eadem autem domo manete edentes, & bibentes., quæ apud illos sunt: dignus est enim operarius mercede sua. Nolite transire de domo in domum. Et in quamcunque civitatem intraveritis, & susceperint vos, manducate quæ apponuntur vobis.* Non CHRISTUS apostolos suos rebus hujus vitæ penitus destitutos esse voluit, sed ut necessaria quoad victum a fidelibus, ut debitam laboris mercedem acciperent. Cum & CHRISTUS pecunias non suis tantum, sed & pauperum usibus servaverit: unde JOANNES de JUDA: *Quidam enim putabant, quia loculos habebat* *Jo. XII. 29.*
JUDAS, quod dixisset ei JESUS: Ene ea, quæ opus sunt nobis ad diem festum, aut egenis ut aliquid daret. Vides non solum ad omnia necessaria ac usus pauperum, sed etiam ad furtum infidelis administratoris suppetiisse: *Fur erat, & loculos habens, ea, quæ mittebantur, portabat.* „Ergo (inquit S. AUGUSTINUS) & Dominus loculos habuit; „ *Jo. XII. 6.*
 & a fidelibus oblata conservans & suorum „ *Tract. 62. in Joan-*
 necessitatibus, & aliis indigentibus tribuebat. „ *nem.*
 Tunc primum ecclesiasticæ pecuniæ „
 forma est instituta, ut intelligeremus quod „

*In sexto L.
V. tit. 12.
c. 3.*

» præcipit, non cogitandum esse de crastino,
» non ad hoc fuisse præceptum, ut nihil pecu-
» niæ fervetur a sanctis; sed ne DEO pro-
» pter ista serviatur, & propter inopiæ timo-
» rem justitia deferatur. Sic CHRISTUS
» (ait NICOLAUS III. in decretali *Exiit.*)
» cujus perfecta sunt opera, in suis actibus
» viam perfectionis exegit, quod interdum
» infirmorum imperfectionibus condescendens,
» & viam perfectionis extolleret, & imper-
» fectorum infirmas semitas non damnet. Sic
» infirmorum personam CHRISTUS susce-
» pit in oculis. »

*Luc. VIII.
2. 3.*

Memorantur a LUCIA mulieres, quæ cum
apostolis CHRISTUM sequebantur MAG-
DALENE, JOANNA, SUSANNA,
& aliæ multæ, ut habet locus, quæ ministra-
bant ei de facultatibus suis. TERTUL-
LIANUS contra MARCIONEM L. IV.
vult, id mysterio factum fuisse, ut ISAÏÆ
XXXII. 9. prophetia impleretur: *Mulieres
opulentiæ surgite, & audite vocem meam, filia
confidentes, percipite auribus eloquium meum.
Consuetudinis Judaicæ fuit, inquit S. HIE-
RONYMUS, nec ducebatur in culpam, more
gentis antiquo, ut mulieres de substantia sua
victum, atque vestitum præceptoribus ministra-
rent. Hoc quia scandalum facere poterat in
nationibus, PAULUS abjecisse se memorat.
Dicit enim ipse: Numquid non habemus po-
testatem sorores mulieres circumducendi sic-
ut & ceteri apostoli hoc faciunt. Intelligi-
mus ex eodem S. HIERONYMO, licentia
hac abusos fuisse jam olim SIMONEM MA-
GUM, NICOLAUM, MARCIONEM,
APELLEM, MONTANUM, DONA-
TUM, ARIUM, ELPIDIUM, qua
recte.*

*Epist. ad
Ctesiphon-*

recte usi sunt apostoli, & in actibus etiam leguntur, viduas ad ministerium hujusmodi fuisse adhibitās, ubi erant omnia omnibus communia, collatis in unum facultatibus: *Neque Aff. IV. enim quisquam egens erat inter illos. Quotquot 27. enim possessores agrorum, aut domorum erant, vendentes afferebant pretia eorum, quæ vendebant, & ponebant ante pedes apostolorum. Dividebantur enim singulis, prout cuique opus erat.* Refertur apud GRATIANUM ratio, cur omnia ad paratam pecuniam redegerint venditis agris & domibus: *Futuram ec- 12. q. 1. clesiam in gentibus apostoli praevidebant, idcirco c. Futuram praedia in Judea minime sunt adepti, sed ram. pretia tantummodo ad fovendos egentes.*

Ne quis existimet bonorum hujusmodi possessionem cum primitiva praxi pugnare, aut puritati ecclesiasticæ haud convenire, prout nuperrime doctor Hallensis BAUMGARTEN paradoxe in dubium revocavit, an ecclesiae competat proprietas bonorum, quasi alias CHRISTUS formam reipublicae instituisset, quam isti solent ecclesiae negare; sed D. PFAFFIUS hoc paradoxum satis revocavit, licet statuatur solummodo, ecclesiam collegium tantum esse instar aliarum societatum in statu erectarum. Sed de hac re jam suo loco superius vidimus. Nec opus est pluribus ex antiquitate sanctisque patribus & doctoribus rem firmare. Imprimis S. CHRYSOSTOMUS *Hom. 43. MUS* in hac materia frequens & copiosus fuit, *in 2. Co-* ut etiam suis confacerdotibus ruborem injicerintb. *ret;* nec tamen cessandum duxit ab ingerenda inculcandaque hac obligatione fidelibus ob eorum salutem. Legi tamen meretur liber secundus JULIANI POMERANI *de vita Ed. Parif. contemplativa;* ac epistola VERN. BEDÆ ad 1666. p. EGBER. 46.

1. Tim. V.
17.

EGBERTUM, & expendi illa apostoli verba: *Qui bene præsunt presbyteri, duplici honore digni habentur, maxime qui laborant in verbo & doctrina.*

§. LI.

Ac bona largissime in ecclesiam sunt profusa.

Largissime pluribus ex scaturiginibus in ecclesiam inde a primis suis incunabulis redundabant bona, atque cum ipsa crescebant invalescebantque.

Gal. VI. 6.

S. PAULUS non solum in suis epistolis passim ad hoc hortatur, sed etiam munus id in se suscepit, ecclesiisque, quas fundavit, ordinavit faciendas collectas. *Communicet autem*, scribit ad Galatas, *is, qui catechizatur verbo, ei, qui se catechizat, in omnibus bonis. Nolite errare, DEUS non irridetur. Quæ enim seminaverit homo, hæc & metet. Bonum facientes, non deficiamus; tempore enim suo metemus, non deficientes.* Significat autem Corinthis, quæ in ecclesiis Galatiæ in hac re ordinaverit, & apud ipsos fieri vult: *De collectis autem, quæ sunt in sanctos, sicut ordinavi ecclesiis Galatiæ, ita & vos facite. Per unam sabbati unusquisque vestrum apud se seponat, recondens quod ei placuerit: ut non cum venero tunc collectæ fiant.* Philippenses autem ejus gratia laudat: *Scitis autem & vos Philippenses, quod in principio evangelii, quando profectus sum a Macedonia, nulla mihi ecclesia communicavit in ratione dati & accepti, nisi vos soli: Quia & Thessalonicam semel & bis in usum mihi misistis. Non quia quæro datum, sed requiro fructum abundan-*

1. Cor. VI.
3: 2.

Phil. IV.
15, 16, 17.

tem

tem in ratione vestra. Ex actibus etiam apostolorum & passim ex D. PAULI epistolis constat, apostolum in se suscepisse deferendi hujusmodi pias erogationes & collectas, quibus ecclesiæ tunc mutuo sibi succurrebant in necessitatibus: quales tunc erant imprimis ecclesiæ, Hierosolymitanæ, ac reliquæ Judææ ob ingruentem famem: *Discipuli autem, Luc. XI.* narrat de ecclesia Antiochena LUCAS, prout 29. *quis habebat, proposuerunt singuli in ministerium mittere habitantibus in Judæa fratribus: quod & fecerunt mittentes ad seniores per manus BARNABÆ & SAULI.* Laudatissima ea olim fuit ecclesiæ Romanæ munificentia. *Hæc vobis, sunt DIONYSII Corinthi episcopi verba apud EUSEBIUM, con-* Lib. IV.
suetudo est jam inde ab ipso religionis exor- c. 23.
dio, ut fratres omnes vario beneficiorum genere afficiatis & ecclesiis quamplurimis, quæ in singulis urbibus constitutæ sunt, necessaria vitæ subsidia transmittatis. DIONYSIUS ALEX. apud eundem EUSEBIUM, Lib. VII.
quousque terrarum hæc largitas ierit, & quæ c. 5.
provinciæ eam expertæ sint, commemorat: Syriarum quidem provinciæ omnes, cum Arabia, quibus identidem necessaria suppeditatis. Illustrari hinc queat, quod singulare commemorat de ecclesia Romana THEODORUS Lib. II.
lector, eam post multa etiam subsequuta tem- collect.
pora res immobiles haud possedisse; forte quod possessiones obvenientes mox divenderent & in suas portiones distribuerent, quales tunc obtinebant. *Quæ nunc, inquit S. Ep. 66.* CYPRIANUS, *ratio & forma in clero tenetur, ut qui in ecclesia Domini ordinatione clerica promoventur, in nullo ab administratione divina avocentur, nec molestiis*
 &

Ep. 34.

Lib. IV.
c. 34.

Hom. 17.

& negotiis secularibus alligentur, sed in honore sportulantium fratrum tanquam decimas ex fructibus accipientes, ab altari & sacrificiis non recedunt. Alibi non semel vocat has divisiones mensurnas, seu sportulas singulis mensibus fieri solitas: Presbyterii, inquit, honorem designasse nos illis jam sciatis, ut & sportulis iisdem cum presbyteris honorentur, & divisiones mensurnas æquatis quantitatibus partiantur. Sermone seu libro de elemosynis & alibi fidelium etiam lapforum, epistola de lapsis, largitatem stimulat. TERTULLIANUS vero alienus ab ecclesia catholica factus, istud etiam in invidiam passim adducit. Alias vero collaudat, spontaneam hujusmodi stipem, *menstrua die*, ut vocat in apologetico. Hæc, pergit, *quasi deposita pietatis sunt*. Nam inde non epulis, non potaculis, nec ingratis voracitinis dispensantur, sed egenis alendis &c. Idem IUSTINUS M. in apologia II. refert. Et S. IRENÆUS christianorum largitiones non contentas decimis, ut olim in veteri testamento, deprædicat: Propter hoc, inquit, illi quidem decimas suorum habebant consecratas, qui autem perceperunt libertatem, omnia quæ sunt ipsorum ad dominicos decernunt usus, hilariter & libere dantes ea non quæ sunt minora, utpote majorem spem habentes. Eodem modo argumentatur ORIGENES præsertim homilia II. in Numeros. Et in JOSUE, „Lex DEI (inquit) sacerdotibus commissa „est, & Levitis, ut huic soli operam tribuant, „& verbo DEI absque ulla sollicitudine vacent. Sed interim ut vacare possint, laicorum uti ministeriis debent. Si enim laicus quæ necessaria sunt, non præbuerit fa- „cer-

cerdotibus & Levitis occupati illi in talibus „
 ide est, in corporalibus curis, minus DEI „
 legi vacabunt; illis autem non vacantibus, „
 neque operam dantibus legi DEI, tu peri- „
 clitaris: obscurabitur enim lux scientiæ, „
 quæ in illis est, te non subministrante oleum „
 lucernæ, & culpa tua illud eveniet, quod „
 dixit Dominus: *Quia si cæcus cæco ducatur* „
tum præbeat, ambo in foveam cadent. Sed „
 & illud in te complebitur, quod Dominus „
 dixit: *Si enim lux, quæ in te est, tenebræ* „
sint, ipsæ tenebræ quanta sunt. Ut ergo „
 lux scientiæ in sacerdotibus fulgeat, & lu- „
 cerna eorum sit semper accensa, tu imple „
 officium tuum, comple mandatum DEI er- „
 ga obsequia sacerdotum. Quodsi forte su- „
 scepris a te, quæ necessaria, & sic non qua- „
 si avaritiam, sed quasi benedictionem, illi „
 neglexerint eruditioni operam dare, & „
 verbo DEI vacare, & in lege DEI medita- „
 ri die ac nocte, ipsi videbunt quomodo pro „
 animabus vestris reddant Domino rationem. „
 Dolet S. CHRYSOSTOMUS, quod avaritia „
 populorum ecclesiam adigat, terras, do- „
 mos, ac alias res & facultates possidere, cum „
 ex manibus fidelium debuerat percipere. Ea- „
 dem ratio, quæ in ecclesia apostolica hujus- „
 modi immobilia bona non adeo proficua red- „
 debant, deinceps substitit persecutionum tem- „
 poribus, quæ etiam si quæ erant, diripiebant- „
 tur & fisco addicebantur, ab ipso MAXI- „
 MINO iussa sunt ecclesiæ restitui, ut ex EU- „
 SEBIO discimus: *Ut si quæ domus aut loca* „
ad jus christianorum antebac pertinentia, IX. c. 10. „
ad jus fisci devoluta sunt, aut ab aliqua ci- „
uitate occupata, aut certe vendita, aut ali- „
cui dono donata, cuncta ad pristinum jus „

ac

*Lib. X.**c. 5.**Cod. Theod. lib.**XVI. tit.**2. de episc.*

ac dominium christianorum revocentur. Cujusmodi legem CONSTANTINI idem memorat: Quoniam christiani non solum ea loca, in quibus convenire solebant, sed etiam alia possedisse noscuntur, quæ non privatim ad singulos ipsorum, sed ad jus corporis pertinerent, hæc omnia post legem a nobis memoratam absque ulla dubitatione iisdem christianis, hoc est, cuilibet corpori & conventiculo ipsorum restitui jubebis. Ibidem ejusdem CONSTANTINI ad ANULIUM refertur epistola: Ut sive horti, sive ades, seu quodcunque aliud ad jus earundem ecclesiarum pertinuerit, cuncta illis quantocumque restituantur. Quam deinceps aliis legibus cautum voluerint pii imperatores, rebus ecclesiæ, quam ea auxerint, ex ipso principis ærario, martyrum hæreditatibus, bonis clericorum sine hæreditibus & testamento decedentium, redditibus templorum, paganorum, rebus hæreticorum, clericorum ecclesiam relinquentium &c. nihil opus est commemorare; tantum id notare licet, decipi eos, qui largitiones in ecclesias legibus præsertim VALENTIANI I. cohibitas fuisse volunt, dum nonnullorum, divitiis viduarum & pupillorum insidiantium, sordidam avaritiam coercuit.

§. LII.

*Ex oblationibus
fidelium.*

Oblationum a primordiis ecclesiæ varia fuerunt genera tum ad altare inter sacrificandum, tum alias, a vivis & pro defunctis, ad sacrificii ac aliarum rerum piarum usum.

Cano-

Canone tertio & quarto apostolorum discernuntur, quæ oblationes fieri debeant ad altare vel domi offerri: *Si quis episcopus vel presbyter præter Domini de sacrificio ordinationem alia quadam ad altare attulerit, mel vel lac, vel pro vino siceram, vel confecta* (ἐπιτηδεύματα) *vel aves, vel aliqua animalia vel legumina præter ordinationem, deponatur, præterquam nova legumina tempore opportuno. Ne liceat autem aliquid aliud ad altare offerre, quam oleum ad luminare & incensum tempore sanctæ oblationis. Omnis autem alius fructus domum mittatur primitiæ episcopo & presbyteris. Clarum autem est, quod episcopus vel presbyteri diaconis & reliquis distribuunt. Cum primi christiani nocte plerumque convenirent, largior debebat esse ad luminaria proventus, & oblatio pariter ac incensi, atque ad frequentem communionem panis ac vini, nec non ad agapas. Reliqua quæ erant ad sustentationem clericorum & aliarum canonicarum personarum, hospitem, viduarum, orphanorum, ægrotorum, aliorumque pauperum, confessorum, qui in custodiis erant, in metallis &c. tum aliis rebus, cum etiam pecunia conferri potuerunt, pro cujusque facultatibus & pia voluntate: „ Qui copiosiores sunt, (inquit J USTINUS) & volunt, pro arbitrio quisque „ suo, quod visum est, contribuunt; & quod „ ita colligitur, apud præpositum deponitur; „ atque inde opitulatur pupillis & viduis, & „ his qui propter morbum & aliam ob causam egent &c. „ Et TERTULLIANUS jam a nobis laudatus: „ Nam inde (ait) non „ epulis, non potaculis, nec ingratis voratrinis dispensatur; sed egenis alendis, hu-*

N

man.

Apol. 2.

Apologet.
c. 39.

„ mandisque, & pueris, ac puellis, re ac
 „ parentibus destitutis, ætateque domitis se-
 „ nibus, item naufragis, & si qui in me-
 „ tallis, & si qui in insulis, vel in custodiis
 „ dumtaxat ex causa DEI sectæ, alumni con-
 „ fessionis suæ fiunt. „ Ingens tunc fuit tam
 „ piarum causarum copia & amplissima occasio,
 „ quin & divini servitii pars, ideo haud minus
 „ ac in veteri testamento. S. IRENÆUS
 „ non spontaneæ tantum oblationis, sed neces-
 „ sariæ ac præcepti rem facit: „ Verbum (in-
 „ quit) credit populo præceptum faciendarum
 „ oblationum, quamvis non indigeret eis, ut
 „ disceret DEO servire. Sic & ideo nos
 „ quoque offerre vult munus ad altare fre-
 „ quenter, sine intermissione. „ Eandem ap-
 „ plicationem facit EUSEBIUS in commen-
 „ tario in ISAJAM: „ Nam (ait) cum eccle-
 „ sia DEI in urbe Tyriorum perinde, atque
 „ in reliquis gentibus fundata sit, multæ ex
 „ ejus mercibus negotiatione partis Domino
 „ consecrantur, ecclesiæ ejus oblata, quæ cum
 „ pietate a præbentibus offeruntur. „ Ratio-
 „ nem autem ex CHRISTI præcepto desu-
 „ mit, ad sustentationem pastorum, ut qui e-
 „ vangeliū annuntiant, ex evangelio vivant.
 „ S. HIERONYMUS ad priorem causam
 „ respiciens injustitiam maximam in hac piissi-
 „ ma causa fieri consuetam incessit: „ Mul-
 „ tos (inquit) conspiciamus, qui opprimunt
 „ per potentiam, vel furta committunt, ut de
 „ multis parva pauperibus tribuant, & in suis
 „ sceleribus gloriantur, publiceque diaconus
 „ in ecclesia recitet offerentium nomina: tan-
 „ tum offert ille, tantum ille pollicitus est;
 „ placentque sibi ad plausum populi, torquen-
 „ te conscientia. „ Alia causa fuit, cur non-
 „ nun-

Lib. IV.

c. 34.

p. 448.

In Ezech.

c. 18.

nunquam pii etiam & sancti tutius ipsis pauperibus res distribuendas voluerint, quam ecclesię offerendas, veluti de abbate SISOI, ac PEMENE memoratur in vitis PP. Et S. CHRYSOSTOMUS non quidem improbari vult eorum pium studium, qui ecclesię vasa, aut alias res pretiosas offerunt; si tamen se prius quis consulat, potius argentum in pauperes distribuendum consilium dare vult. Simile consilium alios secutus laudat ISIDORUS PELUSIOTA lib. II. ep. 74. Alibi autem invidiam in clericos coarguit, ex veteris testamenti in Leviticos largitionibus a DEO præceptis; cum laici divites magnifice incedentes, ædificia struentes &c. vix ferant clericos honestius vestitos, & domi bene provisos ex fidelium munificentia ac oblationibus, quas avari non raro facere negligebant, etiam quæ ad altare inde ab antiquissimis temporibus fiebant. „Locuples (inquit S. CYPRIANUS) & dives, & dominicum celebrare te credis, quæ corbonam omnino non respicis; quæ in dominicum sine sacrificio venis; quæ partem de sacrificio, quod pauper obtulit, sumis. Siquidem per corbonam intelligit sanctus martyr, quod TERTULLIANUS arcæ genus vocat; & concilium Illiberitanum concham nominat, cavens, „ ut qui baptizantur, ut fieri solebat, nummos in concham, non mittant. „ S. AUGUSTINO gazophylacium dicitur, atque ex eo patet non solum pecuniis, sed aliis rebus etiam vestimentis e. g. constitisse: „ Gazophylacium, (inquit) attendite, & omnes bene habebimus. Valde me delectat, si ipsum fuerit, præsepe nostrum, ut nos simus jumenta,

Lib. V. c. 10. p. 601. 602. app. §. 7. p. 996. Hom. 80. in Matth.

Hom. IX. in epist. ad Philip.

De operibus 63. e. leemos.

Apolog. c. 39. Can. 48.

Serm. 356.

Ep. 267.

Serm. 355.
c. 3.T. VI. p.
581.Epist. ad
Heliſodor.De excessi-
bus pra-
lat. c. 16.An. 442.
c. 4.

„DEI, vos ager DEI. Nemo det byrrum,
 „vel lineam tunicam, nisi in commune; de
 „communi accipiam mihi ipse. „ Discimus
 ex ejus epistola ad SAPIDAM, submis-
 sam sibi ejusmodi ab illa sancta virgine tuni-
 cam, quam ne contristaretur, in suum usum
 accepit, contra ac hic publice contestatur.
 Alias ejusmodi donationes ecclesiae factas, si
 probro aut oneri esse possent, difficulter re-
 cipiebat: unde etiam erant, qui murmura-
 rent, & ecclesiam Hipponensem piis hujusmodi
 legatis destitui ægre ferrent: quamvis sanctas
 non respueret, & fideles etiam ad eas facien-
 das hortaretur tum alibi cum in sermone de
 disciplina christiana. At in libro de opere mo-
 nachorum vituperat monachos, qui desides ex
 oblationibus fidelium vivere volebant. Et S.
 HIERONYMUS oblationum non solum
 non participes, sed & iis faciendis obnoxios
 facit: *Alia*, inquit, *monachorum est causa*,
alia clericorum. Clerici pascunt oves, ego pa-
scor. Illi de altari vivunt, mihi quasi infru-
ctuosæ arbori securis ponitur ad radicem, si
munus ad altare non defero. Nec possum ob-
tendere paupertatem, cum dno, quæ sola super-
erant, ara mittentem laudaverit Dominus.
 GREGORIUS IX. diu postea hic avari-
 tiam episcoporum coercuit: *Quidquid*, ut ha-
 bet ejus decretalis, *etiam eis, dum celebrant*
missarum solemnita intra domorum suorum am-
bitum pia fidelium devotione donatur, ab ipsis
extorquere oblationis nomine contendentes.
 Concilium Vasionense acriter eos perstringit:
Qui oblationes defunctorum fidelium detinent,
& ecclesiis tradere demorantur, ut infideles
sant ab ecclesia abjiciendi: quia usque ad exi-
anitionem fidei pervenire certum est hanc di-
vine

vina pietatis exacerbationem : qua & fideles de corpore recedentes votorum suorum plenitudine & pauperes collatu alimonia & necessaria sustentatione fraudentur. Hi enim tales, quasi egentium necatores habendi sunt. In concilio Carthaginensi IV. similis habetur cen- *Can. 95.*
fura : ubi etiam gazophylacii fit mentio, nimirum ut oblationes dissidentium fratrum neque in gazophylacio recipiantur. Unde recte L u-
DOVIC, THOMASINUS observat, di- *De Benef.*
stinguere duplicis generis oblationes, alias ad al- *P. III. l.*
tare, in sacratio, alias in gazophylacio, atque *I. c. 12.*
multa erudite in hanc rem ex antiquitate accu-
mulat, imprimis de ditissimis oblationibus Ro-
mæ fieri consuetis, unde AMIANUS MAR-
CELLINUS cavillandi occasionem sumsit
 Romanos episcopos, quasi ditentur oblationi-
 bus matronarum, procedantque vehiculis insi-
 dentes, circumspecte vestiti, epulas curantes
 profusas; adeo ut eorum convivia regales su-
 perent mensas. Sed alium S. LEO pròdit no-
 bis usum oblationum Romæ factarum singulis
 hebdomadibus ad misericordiæ opera : *At cu-* *Serm. 19.*
jus, inquit, operis desideratum vobis fructum
dies vos vicinus invitat, accedentibus admo-
nititionibus nostris, ut ad ecclesias regionum
vestrarum sabbato proximo futuro misericordia
munera deferatis. *Laudatus THOMASI-* *c. 12.*
NUS sollicitè disquirat, quomodo successu
 temporis in oblationes numarias certis ac præ-
 cipuis festivitatis adhuc fieri solitas abierint,
 coierintque fere omnia oblationum veterum ge-
 nera. Notare tamen licet ex ARNOBIO JUN. *In Ps. 105.*
 promiscue pro defunctis oblationes partim pe-
 cuniis, partim aliis rebus jam olim fuisse in
 ecclesia factas : *li enim, qui offerunt sive pe-*
cunias sive munera ecclesiis & mortui sunt in

peccatis suis, propterea utique offeruntur, ut nostris precibus reviviscant. Opus etiam fuit laicorum rapacitatem cohibere. Quam in rem THOMASINUS documenta ecclesiastica affert, & est insignis locus apud JONAM Aurelianensem Lib. II. c. 19. de institutione laicorum: Non ad laicorum, inquit, sed ad pontificum ministerium pertinet, qualiter oblationes & decimæ fidelium DEO oblatae dispensentur ordinare. Pontificum sane ministerium est, quantum ex eisdem fidelium oblationibus in fabricas applicetur ecclesiæ; quantum in hospitibus colligendis & pauperibus recreandis, quantumque in presbyterorum, eorumque qui secum militiam CHRISTI gerunt, necessitatibus sublevandis expensetur dispendere.

§. LIII.

Primitiis
ac imprimis
decimis.

Primitiarum, ac imprimis decimarum præstatio ac usus non uniusmodi a prima ecclesiæ ætate fuit in ecclesia jure divino deberi existimatus; a laicis tamen etiam usurpatus.

Cur nascente ecclesia non adeo fixum fuerit hujusmodi fructuum & præstationum jus in ecclesia, mirum nemini videbitur, qui statum illius ecclesiæ attenderit & circumspexerit, ecclesiæ inquam pressæ & nusquam stabilem ac quietam sedem nactæ, & apud ruris incolas, qui agriculturam exercebant, unde potissimum repeterentur hujusmodi fructus, in pagis ferius plantatæ; ut vel paganorum nomen gentilibus inditum documento est. Veteris tamen legem testamenti de decimis & primitiis fructuum

cluum non mere cæremonialem existimarunt, sed moralem perennis obligationis: ut ex Protestantibus etiam non pauci demonstrarunt, contra eos, qui inter alia hoc ecclesiæ jus in dubium revocarunt, & præfertim QUAKERI in Anglia hic debacchati, execratique eos omnes sunt, qui decimas vel accipiunt, vel solvunt. Cum res in scripturis testatissima sit jam ante legem MOYSIS exemplo ABRAHAM I, qui est pater fidelium & eorum omnium personam sustinuisse censetur, quando MELCHISEDECHO, qui christiani sacerdotii personam sustinet, decimas pendit: *Vid. Trai-* unde sunt qui obligationem illam etiam ad jus *te tou-* naturale, & inseparabile æterni sacerdotii *chant l'o-* CHRISTI apanagium revocant, ac naturale *rigine des* veri fidelis debitum esse existimant. *disines.*

Ex præstantia sacerdotii novi testamenti præ veteri argumentum desumunt a minori ad majus ad hanc obligationem jure divino in ecclesia christiana perseverantem; tametsi CHRISTUS & apostoli eam urgere & lege rata instituere pro temporum injuria haud potuerint. Nihilominus S. IRENÆUS CHRISTI *Lib. IV.* consilium & hinc usum & obligationem agnovit: *c. 32.* Sed & inquit, *suis discipulis dans consilium, primitias DEO offerre ex suis creaturis, non quasi indigenti, sed ut ipsi nec infu-* *c. 34.* *fructuosi nec ingrati sint. Et postea: Offerre igitur opertet DEO primitias ejus creatura.* De decimis vero: *Illi quidem, ait, Judei decimas suorum habebant consecratas; qui autem perceperunt libertatem christiani omnia quæ sunt ipsorum ad dominicos usus, bilariter* *c. 18.* *& libere dantes ea, non quæ sunt minora utpote majorem spem habentia. Videtur hic respicere ad primam bonorum in ecclesia com-*

*Hom. XI.
in Nume-
ros.*

munionem, quæ in primitiva ecclesia obtinuit,
& non decimas tantum, sed rerum omnium
ipforumque agrorum ac quarumcunque posses-
sionum integerrimam oblationem ecclesiæ desti-
nabant; ut eo minus gravis accidere debuerit,
magis autem debita haberi, ubi hæc bonorum
communio cessavit, præstatio saltem pro vete-
ris testamenti modulo & lege, quam jam O R I-
G E N E S ad litteram esse sumendam necessa-
rio duxit, & hanc C H R I S T I dispositionem
esse existimavit juxta stabilitum a nobis jam
antea ex S. P A U L O principium, auctoritate
etiam ejusdem O R I G E N I S firmatum :
„ Ita enim, (inquit) & Dominus disposuit, ut
„ qui evangelium annuntiant, de evangelio
„ vivant, & qui altari deserviunt, de altari
„ participent. Et sicut hoc dignum & decens
„ est, sic econtrario & indecens & indignum
„ existimo & impium, ut is qui D E U M co-
„ lit, & ingreditur ecclesiam D E I, qui scit
„ sacerdotes & ministros assistere altari, aut
„ verbo D E I aut ministerio ecclesiæ deservire,
„ ut de fructibus terræ quos dat D E U S, so-
„ lem suum producendo, & pluvias suas mini-
„ strando, non offerat primitias sacerdoti.
„ Non mihi videtur hujusmodi animam habere
„ memoriam D E I; nec cogitare nec credere,
„ quia D E U S dederit fructus, quos cœpit, quos
„ ita recondit, quasi alienos a D E O. Si enim a
„ D E O sibi datos crederet, sciret utique mune-
„ rando sacerdotes honorare D E U M de datis
„ & muneribus suis. Et adhuc ut amplius hæc
„ observanda etiam secundum litteram ipsius
„ D E I vocibus doceantur, addemus ad hæc.
„ Dominus dicit in evangeliis; *Va vobis Scri-
„ ba, & Pharisei hypocrita, qui decimatis
„ mentam*, hoc est, decimam datis mentæ, &
„ cymi-

cymini & anethi, & prateritis, quæ ma-
jora sunt legis. Hypocrita, hæc oportet fieri,
& illa non omitti. Vide ergo diligentius,
 quomodo sermo Domini vult fieri quidem
 omnimode, quæ majora sunt legis, non ta-
 men omitti & hæc, quæ secundum litte-
 ram designantur. Quod si dicas, quia hæc
 ad Pharisæos dicebat non ad discipulos, au-
 di iterum ipsum dicentem ad discipulos :
Nisi abundaverit justitia vestra plus quam
Pharisæorum & Scribarum, non intrabi-
tis in regnum cælorum. Quod ergo vult
 fieri a Pharisæis, multo magis & majore cum
 abundantia vult a discipulis impleri : quod
 autem fieri a discipulis non vult ; nec a Pha-
 risæis imperat faciendum. S. AUGUSTI-
 NUS idem argumentum adhibet : „ Exi-
 me (inquit) aliquam partem reddituum tuo-
 rum. Decimas vis, decimas exime ; quam-
 quam parum sit. Dictum est enim, qui Pha-
 risæi decimas dabant, *jejuno bis in sabba-*
to, decimas de omnium, quæ possideo. Et
 quid ait Dominus : *Nisi abundaverit justitia*
vestra &c. Et ille, super quem debet
 abundare justitia tua, decimas dat : tu au-
 tem nec millesimam das. Quomodo supe-
 rabis eum, cui non æquaris. „ Alibi aliunde
 ex verbis CHRISTI argumentum instruit,
 quæ maxime indicare possunt hanc esse pro-
 priam clericorum portionem : „ *Reddite, inquit,*
quæ sunt cæsaris cæsari, & quæ sunt DEI
DEO. Majores nostri adeo copiis omni-
 bus abundabant, quia DEO decimas da-
 bant, & censum cæsari reddebant. Modo
 autem quia discessit devotio DEI, accessit
 indictio fisci. Noluimus partiri cum DEO
 decimas, modo autem totum tollitur. „ S.

In psalms.

148.

Hom. 48.

inter 59.

N 5.

H I E.

*In cap. 22.
Matth.*

*In c. 3.
Malach.*

*Hom. 4.
in ep. ad
Ephesios.*

HIERONYMUS eandem partitionem facit præstationum, explicationemque illius loci dominici: „*Reddite, quæ sunt cæsaris, cæsari*, id est, nummum, tributum, & pecuniam: & *quæ sunt DEI DEO*, decimas, primitias, & oblationes ac victimas sentiamus. Hoc idem expressit S. BONIFACIUS M. (*Hom. V. apud MARTEN. T. IX. coll. ampl. p. 197.*) „*Decimas* (inquit) ecclesiis reddite, quia Dominus præcepit, dicens: *Reddite quæ sunt cæsaris cæsari*, hoc est, vectigalia & tributa, & *quæ sunt DEI DEO*, id est, decimas & primitias. „*Quod* (laudatus HIERONYMUS alibi arguit) de decimis, primitiis, quæ diximus, quæ olim dabantur a populo sacerdotibus ac Levitis in ecclesiæ quæ populis intelligite, quibus præceptum est non solum decimas dare & primitias, sed & vendere omnia, quæ habent, & dare pauperibus, & sequi Dominum salvatorem. Quod si facere nolumus, saltem Judæorum imitemur exordia, ut pauperibus partem demus ex toto, & sacerdotibus ac Levitis honorem debitum deferamus. „*Quanti autem periculi res sit hic defraudare* mox addit: „*Quod qui non fecerit, DEUM fraudare & supplantare* convincitur, & maledicitur ei in penuria rerum omnium. „*Ex superiore S. AUGUSTINI loco* conicitur, non inane esse hoc terriculamentum, quod S. CHRYSOSTOMUS ex ipsa lege veteri concludit. *Quanto*, inquit, *est hoc plenum probro & dedecore, si quod apud Judæos non habebatur in admiratione, quod apud christianos factum est admirabile?* *Si tunc erat periculum, decimas non relinquere cogita, quantum nunc sit.* Eccle.

Ecclesiæ autem canonibus habetur, agnitam fuisse semper obligationem, nec impune licuisse fraudare ecclesiam his fructibus, aut usurpare: quod in concilio Gangrensi in E U S T A T I O est damnatum ac reprobatum: „Pri-
 micias quoque fructuum & oblationes eorum, quas veterum institutio ecclesiis tribuit; sibi vindicasse, id est propriæ ratiocinatione doctrinæ, tanquam sanctis sibi offerri debere apud se & inter se dispensandas. „ Et postea: „ Si quis oblationes ecclesiæ, extra ecclesiam accipere, vel dare voluerit præter conscientiam episcopi, vel ejus, cui hujusmodi officia commissa sunt; nec cum ejus agere voluerit, consilio, anathema sit. „ Necdum hic aut in anterioribus canonibus etiam apostolicis, ubi de hac re agitur, decimarum, aut eas persolvendi obligationis habetur mentio; qualis deinceps occurrit, estque imprimis celebris concilii Matisconensis constitutio, ubi etiam legum divinarum eam in rem præceptum ingeritur, quemadmodum in jure canonico decretalium: in quo de hac re, quoad recentiorem usum varia habentur decreta, imprimis contra usurpationes laicorum, & de decimis infeudatis, quæ sunt temperamentum aliquod illius usurpationis; cum concilii Lateranensis sanctio de restituendis decimis a laicis usurpatis non potuerit omnem optatum nancisci effectum, sitque hodieque vulgaris distinctio decimarum laicarum, de quarum origine, ac etiam de decimis infeudatis inter alios legi meretur THOMAS I. N U S. De legibus imperatorum nihil est, ut addam, quales jam CONSTANTINUM dedisse volunt, plures autem habentur in capitulis. 359. 428.

In præfat.

Can. 7.

Lib. III. tit. 30.

T. I. capitulum p.

pitu-

tores meos excipiendos requiruntur? At mox addit, nihil his opus esse: Teipsum offer, CHRISTUM indue, honesta & laudabili vita me ale: sic ego excipi lator, sic etiam DEUS, qui maxima quæque beneficia nobis elargitur. Colligi hinc datur, ejusmodi aliquid pendi potuisse, sed nihil extortum fuisse. Quod ex epistola GELASII P. ad episcopos Lusitaniæ constat: „Baptizandis consignandisque sacerdotes pretia nulla præfigant, nec illationibus quibuslibet impositis exagitare cupiant renascentes: quoniam, quod gratis accipimus, gratis dare mandamur. Et ideo nihil a prædictis prorsus exigere moliantur, quo vel paupertate cogente deterriti, vel indignatione revocati, redemptionis suæ causas adire despiciant, certum habentes, quod quæ prohibita deprehenso fuerint admisisse, vel commissa, non potius sua sponte correxerant, periculum, subituri proprii sint honoris. „ In concilio Bracarensi II. simile habetur statutum: „Qui infantes suos ad baptismum offerunt, si quid voluntarie pro suo offerunt voto, suscipiatur ab eis. Si vero per necessitatem paupertatis aliquid non habeant, quod offerant, nullum eis pignus tollatur a clericis. Nam multi pauperes hoc timentes filios a baptismo retrahunt. „ Canon iste perperam a GRATIANO concilio Africano tribuitur, suoque loco restitutus est ab ANTONIO AUGUSTINO. In eodem concilio canon præcessit: „Ut quotiens ab aliquo fidelium ad consecrandas ecclesias episcopi invitantur, non quasi ex debito munus aliquod a fundatore requirat; sed ipse fundator siquidem aliquid ex voto suo obtulerit, non respuatur. „

Epist. 1.

alias IX.

Can. 7.

Caus. 1.

q. 1. c. 8.

De emenda-

dat. Gra-

tiani Lib.

I. dial. 14.

Conc. Bra-

car. II. c. 5.

Et

De Simon.
c. 19. 21.
29.

c. 36. 41.

Quæst.
hebr. in
Gen. 23.

C. 42.

C. 23.

An. 1194.
can. 5.

Et ALEXANDER III. de chrismate similem exactionem damnat nummorum, quos nunc cathedraticum, aliquando præstationem pascalem, interdum episcopalem consuetudinem appellatis. Et INNOCENTIUS III. talem extorsionem damnat pro exequiis mortuorum & benedictionibus nubentium. Jam S. HIERONYMUS hoc carpsit: *Sciant igitur, qui sepulchra venditant, & non coguntur ut accipiant pretium, sed a volentibus quoque extorquent, immutare nomen suum, & perire quid de merito eorum, cum etiam ille reprehendatur, qui invitatus acceperit.* Sermo ipsi est de EPHRON, a quo ABRAHAM sepulchrum emit. Unde etiam exactiones, non laudabiles consuetudines in ecclesia sunt damnatæ, ut medio ævo vocari solebant, de quibus in concilio Lateran. IV. fuit actum sub hoc rubro: *Sacramenta sunt libere conferenda, cogit tamen ordinarius laicos observare laudabiles consuetudines.*

Circa eucharistiam habetur canon Trullanus: *Ut nullus sive episcopus, sive presbyter, sive diaconus, immaculatam præbens communionem ab eo, qui communicat ejus participationis gratia obulos vel quamvis aliam speciem accipiat. Non est enim venalis gratia, nec pro pecuniis spiritus sanctificationem impartimur.* Indultum tamen est recipere, quod in celebratione missæ ad altare fuit oblatum, in concilio Eboracensi: *Ne sacerdos aliquis pro celebratione missarum pretio constituto pactum ineat, sed hoc duntaxat quod offertur in missa recipiat.* Fixa sunt hinc stipendia quædam missarum, quando multiplicari cœpit & a sacerdotibus singulis diebus fieri celebratio missarum; ut tamen hic etiam excessus irre-

pse-

perferint, & plures in una die missæ ab uno celebratæ non raro sacerdote. Quæ quo numero aliquando fuerint, ex concilio Salingestadiensi *Can. 5.* colligere licet, ubi statuitur: *Ut unusquisque presbyter in die non amplius quam tres missas celebrare presumat.* Sed a GRATIANO *De consecrat. dist. I. c. suffic.* decretum refertur ad tempora ALEXANDRI II. quo ad unam in die missam celebrandam restringitur. Qua de re THOMAS SINUS legi meretur pariter ac de oblationibus ad sacramentum poenitentiae & redemptione peccatorum: ubi ex MOLINA notat a fasciculo IX. irrepsisse morem redimendi certa elemosynarum quantitate poenitentias. *De Benef. P. III. L. I. c. 72. Ib. c. 74.*

§. LV.

Securior & copiosior fuit bonorum in ecclesiam profusio spontanea fidelium per pia legata ac testamenta, præ liberalitate ac indulgentia principum. *Liberalitate fidelium, & principum.*

Jam superius varios indigitavimus fontes, quibus ecclesia bonis aucta fuit, imprimis libertati vindicata sub christianis principibus. A CONSTANTINO mox plenissima facta est potestas, suas ecclesiae transcribendi facultates: lex eam in rem hodieque in codice Theodosiano, & Justiniano legitur ejusmodi: *Habeat unusquisque licentiam sanctissimæ catholice (catholico) venerabilique concilio decedens bonorum quod optaverit relinquere.* VALENTINIANUS postea & THEODOSIUS visi sunt licentiam hanc quadantenus restringere, non tamen quoad eccle- *Lib. XVI. tit. 2. de episc. l. 4.*

Ib. L. 28.

ecclesias, sed personas quasdam ecclesiasticas,
 ne in viduarum & diaconissarum hæreditates
 involent, dum fragiles hujusmodi personas ad
 leganda sibi bona quacumque demum arte in-
 ducebant, ut jam innuimus; sed MARCIANUS
 hanc etiam sustulit restrictionem: „ Le-
 „ gem, quæ diaconissis vel viduis nuper est
 „ promulgata, ne quis videlicet clericus, ne-
 „ ve sub ecclesiæ nomine mancipia, supelle-
 „ ctilem, prædam (velut infirmi sexus spolia-
 „ tor) invaderet & remotis adfinibus & pro-
 „ pinquis, ipse sub prætextu catholicæ disci-
 „ plinæ se ageret viventis hæredem, eate-
 „ nus animadvertat esse revocatam, ut de om-
 „ nium chartis, si jam nota est, auferatur,
 „ neque quisquam, aut litigator ea sibi uten-
 „ dum, aut judex noverit exsequendum. „

Epist. 31.

Intellexerat haud dubie princeps ipsam ec-
 clesiam hujusmodi maxime detestari fraudes
 ac inhiationes, nec ideo iustas & pias quas-
 cunque legationes aliis concessas personis
 DEO sacratis negari. „ Scribuntur (inquit S.
 „ AMBROSIIUS) testamenta templorum
 „ ministris, nullus excipitur profanus, nul-
 „ lus ultimæ conditionis, nullus prodigus ve-
 „ recundiæ: soli ex omnibus clerico commu-
 „ ne jus clauditur, a quo solo pro omnibus
 „ votum commune suscipitur, officium com-
 „ mune defertur: nulla legata vel gravium
 „ viduarum, nulla donatio. Et ubi in mo-
 „ ribus culpa non deprehenditur, tamen offi-
 „ cio multa præscribitur. Quod sacerdotibus
 „ vani legaverit christiana vidua, valet: quod
 „ ministris DEI, non valet? Quod ego non,
 „ ut querar, sed ut sciant, quid non querar,
 „ comprehendi. Malo enim nos pecunia mi-
 „ nores esse, quam gratia. Sed referunt, ea
 „ quæ

„ quæ vel donata vel relicta sunt ecclesiæ;
 „ non esse temerata. „ Et S. HIERONY-
 M U S : *Pudet dicere, sacerdotes idolorum, Epist. 2. ad*
mini & auriga & scorta hæreditates ca- *Nepotians.*
piunt, solis clericis ac monachis hac lege pro-
hibetur : & prohibetur non a persecutoribus,
sed a principibus christianis. Nec de lege con-
queror, sed doleo, quia meruimus hanc legem.
 Qua de re legi merentur, quæ POSSIDIUS
 in vita S. AUGUSTINI refert; sæpius di- c. 24.
 xisse eum, securius ac tutius ecclesiam legata a
 defunctis dimissa debere suscipere, quam hæ-
 reditates forte sollicitas & damnosas; ipsaque
 legata magis offerenda esse, quam exigenda.
 Exigit hoc utrimque pietas & suscipientium &
 facientium pia legata: quæ non solum non ex-
 torquebant, sed etiam ob suspicionem cupidita-
 tis abhorrebant quique sanctissimi pastores; pii
 autem fideles uberrime offerebant: *Qui, ut ait*
 S. GREGORIUS NAZ. *totas etiam domos eccle-* *Epist. 80.*
fis addici passi sunt, non etiam defuisse, qui sua-
pte sponte facultates suas omnes obtulerint, ac
pulcherrimum questum fecerint, hoc est, pro-
pter futura vita opes inopiam amplexi sunt.

Pia hæc studia non cohibebant pii principes,
 & suapte etiam indulgebant, legibusque tran-
 scribebant res ecclesiæ, ac integras facultates
 relictas, martyrum e. g. & confessorum, ut
 EUSEBIUS de CONSTANTINO re- *Vita Con-*
 fert; clericorum item sine hæredibus & facto *stant. Lib.*
 testamento defunctorum, ut habet lex THEO- *II. c. 36.*
 DOSII junioris, & VALENTINIANI *Cod.*
 semperque indultum fuit, ut alia ejusmodi *Theod.*
 testamenta ac legata ecclesiæ facta, etiam si *Lib. V. tit.*
 ne requisitis alias solemnitatibus valerent; *3. de bonis*
 pastoribusque ecclesiæ singulare jus concessum *clerico-*
 in res negotiaque testamentaria, illis assisten- *rum l. 1.*

O

di,

di, ac curandi, ut salutis animæ in testamento ratio haberetur, eaque integra essent, quæ iis curatoribus sic in favorem ecclesiæ testamentis facta essent, fraudibus & avaritiæ foribus pulsas. Qua de re adeundus est THOMASINUS *P. III. lib. I. c. 16. & seqq.*

§. LVI.

Collatis etiam dominiis & principatibus. Magna semper fuit ecclesiæ præfulibus, præsertim in præcipuis urbibus cura, ac potestas temporalis; dominia & principatus etiam urbium, & provinciarum adjuncti.

Cum primum dominia & principatus in Romano imperio distribui cœperunt, illis etiam instructa & dotata est ecclesia. Diu proceres & optimates præter patrimonium in fundis & agris nihil fixi possidebant quoad urbes & provincias, quarum temporariam accipiebant ab imperatoribus administrationem, & præfecturam, hoc solum nomine principes, duces autem in exercitu sub imperatoribus; comitum demum honor sub CONSTANTINO certis gradibus ordinum distinctus fuit, ut principi adessent splendore dignitatis, rebusque ex nutu principis in imperio gerendis, gubernandisque. Ac tandem jure Longobardico in feuda distribui cœperunt urbes & provinciæ, ut successu temporis hæreditaria essent.

Quomodocunque autem se haberet sub christianis principibus imperii administratio, ecclesiæ præfules ingenti pollebant auctoritate sub CONSTANTINO statim, ac deinceps
Aria-

Arianismi historia & criminationes in S. ATHANASIUM produnt, quid posse existimati sint ecclesiæ præfules in temporalibus, & antiquius etiam in PAULO SAMOS. habetur exemplum abusus ingentis potestatis; *Fastu & arrogantia supra modum elatus, in-* *Apud Eu-*
gerit dignitates, & ducenarius vocari, quam VII. c. 30.
episcopus mavult; per forum magnifice in-
cedens, stipatusque maxima hominum multi-
tudine, partim præeuntium partim subse-
quentium; adeo ut ex illius fastu & arro-
gantia incredibilis invidia odiumque multo-
rum adversus fidem nostram conflatum sit.
 Non ita pii sub imperatoribus christianis ecclesiæ præfules, quamvis potentia & auctoritate pollerent, ea potius ad ecclesiæ tutamen usi sunt, præsertim hæreticorum coercitionem, vi etiam & armata manu, quando aliter res non successit, veluti de Romanis pontificibus sanctissimis fertur COELESTINO, BONIFACIO, LEONE &c. De S. CYRILLO ALEX. cujus severitas in Judæos invidiam apud præsidem Ægypti, in Novatianos autem apud SOCRATEM historicum *Lib. VII.*
c. 7. 13.
 stomachum movit; ut scribat ex illo tempore episcopum Alexandrinum præter sacri cleri dominatum rerum præterea sæcularium dominatum acquisivisse, idemque de episcopatu Romano dicat, ubi similiter COELESTINUS P. Novatianis ecclesias abstulit. Nec adhuc dum tunc fixus fuit principatus aliqujus urbis aut provinciæ, sicut nec apud præfides & optimates imperii.

Quidquid de donatione CONSTANTINI *Ed. Labb.*
 NI feratur, quæ habetur tomo primo conciliorum, & alibi passim est edita proditaque *p. 1543.*

Ad an.
324. n.
118. 119.

demum post nonnulla sæcula auctore, ut credunt nonnulli eodem, qui falsas Romanorum pontificum decretales compilavit, ipso iudice BARONIO in dedecus ac detrimentum auctoritatis pontificiæ, quam imperatori totam fere in acceptis fert; ut sint, qui homini græculo eam attribuant, qui evehendo Romani episcopi auctoritatem ex favore principis, idem jus novæ Romæ Constantinopoli transcribere voluerit, distributo ita imperio occidentis & orientis. Qui etiam jam Cpolin inter patriarchatus recenset, manifesto errore, ut vel hinc labascat fides hujus donationis: cum, quo tempore a CONSTANTINO pontifici SILVESTRO facta ea dicitur, adhuc nomine episcopi Byzantini latuerit, & Heracleensi metropolitæ paruerit, donec in Cpolitano & Chalcedonensi conciliis auctoritatem esset nactus. Omnino vero consistere nequit, non dicam cum constanti non paucorum deinceps sæculorum usu, sed & cum partitione ipsa, quam CONSTANTINUS vicinus morti fecit imperii inter suos filios, Italia cum Illyrico tributo CONSTANTII, cum in dicta donatione urbem Romam & omnes totius Italiæ & occidentalium regionum provincias, loca & civitates præfato beatissimo pontifici universali papæ concesserit atque reliquerit, & successorum ipsius potestati & ditioni. Qui tituli honoris non minus incogniti tunc fuerunt & insueti, quam illi, quos ipse sibi imperator magno numero tribuit, & coronam capiti SILVESTRI imposuit, cum ipse CONSTANTINUS diademate adhuc sit usus; imperium autem sibi semper vindicavit, & retinuit in occidentem pariter & orientem: quemadmodum & deinceps impera-

peratores, magis adhuc conspicue diviso fere semper regno orientis & occidentis: ubi aut SILVESTER aut ejus successores illud usurpasse nunquam leguntur longa temporum serie, & prius aliarum urbium quarundam Italiæ principatum tenuisse, quam Romæ, forte quis demum ex sæculi sexti & septimi rebus colligat: quando sub Longobardorum regno habentur ditiorum, & feudorum a principibus concessorum quidem exempla; quin tamen adhuc fixa essent, nec sæcularibus etiam principibus hæreditario jure concederentur.

Non satis constat, an ecclesiæ prius præfulibus, quam comitibus & optimatibus regni jus tale obtigerit. Illud dici potest, si jam sub GREGORIO-M. urbium dominium & proprietatem ecclesia Romana nacta esset, veluti ex nonnullis ejus epistolis colligi posse videtur; atque certo constat amplum fuisse hinc inde patrimonium, & terras cum servis & colonis. Sed non id in controversia est, quando de principatibus & urbibus, Roma præsertim principe agitur: quam post imperatores reges Italiæ diu tenuerunt, ac imperatores orientales iterum recuperarunt quidem, sed non sustinuerunt, ac tuiti sunt. Quæ ipsa occasio fuit pontificibus implorandi opem regum Francorum contra insidias & usurpationes Longobardorum, quam in rem extat STEPHANI II. ad PIPINUM epistola de Ravenna & aliis urbibus Romanæ ecclesiæ restituendis juxta donationem a PIPINO factam S. PETRO, quam etiam CAROLUS præsentì ADRIANO P. confirmavit: unde partim redintegratum, partim mirifice ampliatum est PETRI patrimonium ditionibus provinciarum ac urbium, ipsiusque Romæ pietate regum Franco-

*Conc. Gall.
T. II. p. 6.*

rum stirpis Carolinæ , & aliorum deinceps principum , quando in partes abeunte imperio privata dominia & feuda jure proprietario & hæreditario possideri cœperunt pariter a *Dominiis ecclesiasticis* , ac a laicis , seu *publicis* , ut in conciliis jam sub PIPINO ac capitularibus vocantur promiscue. Quo minus invidere possunt sæculares principes hanc potentiam ecclesiasticis , quam si non antea , certe eodem cum ipsis tempore ac jure obtinuerunt non solum episcopi , sed etiam abbates passim in occidente ; nec sine ecclesiæ etiam spiritali proventu , ut rerum ac temporum successus præsertim autem posteriorum horumce demonstrant , ut alibi ostendi , quando ex instituto egi *de legitima ecclesiastica potestate circa spiritualia & temporalia*.

*Vid. Thomassin. P.
III. L. I.
c. 30.*

Epist. 24.

*Lib. I. bist.
p. 124.
127.*

Carm. 16.

Etiam sanctissimi antistites augendas suas ecclesias , & emendas ejusmodi ditiones duxerunt , rectum bonorum usum faciendo in solatium subditorum & levamen pauperum , ac ecclesiæ non ornamentum solum , sed etiam sustentaculum difficillimis temporibus ; rerum temporalium curæ neutiquam sacram posthabentes , tanquam nihil habentes & omnia possidentes , quod de SULPITIO SEVERO olim S. PAULINUS dixit , qui bonis suis ecclesiæ datis eorum usumfructum retinuit ; non attento abusu , qui posset contingere , quemque ipse SULPITIUS redarguit , atque causa fuit , cur alii imprimis laudatus PAULINUS relicta semel a se bona , ac parenti tempore persecutionis ablata , recuperare noluit , etiam pietatis prætextu. Quod & ab aliis olim factum est , sanctius institutum , monasticum præsertim secutis ; quamvis mutato rerum statu aliter faciendum duxerint , nec fraudari quisquam rebus

bus suis possit ac debeat, quocunque in statu degat, ubi institutum ipsum incapaces non facit dominii ac possessionis rerum, saltem in communitate etiam religiosa: ubi sancte custodiuntur, impendunturque, nec luxuriose prodiguntur aut dilapiduntur, ut necessitatibus publicis ingruentibus ac privatis, emolumenta maxima præbeant etiam reipublicæ & principibus.

§. LVII.

Ne rerum temporalium usus & Cum variis immunitatibus. necessitates dignitati & muneri sacro obessent, ipsi christiani principes immunitates varias ordini ac rebus ecclesiæ congruentes ultro & largiter indulserunt.

Quo magis aucta fuit res ecclesiæ in temporalibus, eo plus iisdem implicari necesse fuit. Quare cum successu temporis, ut modo vidimus, ditiones & principatus sunt nacti prælati episcopi & abbates, publicis rebus pro onere præsertim feudorum, ipsi etiam militiæ obnoxii sunt facti, ad id muneris nec nati, nec instituti. Queritur id LUPUS celebris Ferrariensis abbas. Et summus pontifex non solum ea de re abroganda apud CAROLUM regem egit, sed etiam, dum Wormatiæ CAROLUS M. conventum celebraffet cunctus ei populus libellum obtulit, obtestatus, ut episcopos & presbyteros obligatione belli eximeret, ut in suis diocesisbus domi occupati functionibus sacris pro exercitibus & prosperitate belli divinum potius implorarent auxilium,

Ep. 91.

T. I. Capitulum. p. 410.

num, & duo tantum aut tres ab episcopis selecti & instructi exercitui adessent, ad benedictionem reconciliationemque impertiendam; presbyteri autem eandem ob causam ab episcopis selecti destinarentur. Ultro annuit pius princeps, contestatus etiam, quod episcopum unum tantum & alterum, & presbyteros ad celebrationem missarum, curam infirmorum, unctionem ac viaticum sacrum ad exercitum ire permittens, dignitati episcoporum ac ecclesiæ bonis nihil detractum velit; probe gnarus complura regna destructa fuisse unamque regibus, quod ecclesias & sacerdotes bonis spoliarent, bellaque prospero caruisse successu, quæ opera sacerdotum sint gesta. Nihilominus iterum mos ille inolevit, ac episcopi & abbates etiam illustres & sancti ei detulerunt; semper autem pro re ac utilitate publica ex terris ac ditionibus subministrarunt pro rata quisque. Quam in rem insigne est capitulare LUDOVICI PII circa monasteria, quæ nominatim determinantur in tres classes distributa, quorum alia militiam, & dona, alia dona, alia prece stantum debeant. Quæ sane æqua est distributio non solum usitata posterioribus his temporibus, verum etiam antiquis congrua moribus, salva immunitate personali.

Nec hæc obsunt exemptionibus sacri ordinis, quas cumulatim christiani principes ecclesiæ ejusque ministris confirmarunt induferuntque, refertis eam in rem codice utroque Theodosiano & Justiniano, capitularibus item regum Francorum, & aliis legum digestis diversorum christianorum regnorum & principum; tam quoad res quam personas ecclesiasticas, quoad immunitatem, quæ vocatur realis ac mixta, circa quam potissimum olim res fuit,

*Vid. Thomassin. P.
III. L. I.
c. 45.*

*T. II. p.
590.*

fuit, quoad reales & personales obligationes rerum & bonorum temporalium, exactionum & munerum publicorum; ut potius hujusmodi personas, quas vocabant curiales, statui & ordini sacro aliquando non addicendæ decernerentur, quam adscriptæ immunitate sua privandæ. Qualem tamen legem a CONSTANTINO latam successores moderandam duxerunt, ut videre licet in codice Theodosiano *tit. I. de decurionibus*. Atque in hoc maxime ecclesiæ præfules intenti erant, ut salva esset debita sacro ordini immunitas dignitasque, ac intemerata quoad personas circa immunitatem mixtam; si non semper, quoad res ac bona immunitatemque mere realem ecclesiarum, ac bonorum earum, totum quod optabant, poterant obtinere. Habetur eam in rem illustre documentum patrum Ariminensium, ut colligitur ex codice Theodosiano; sed, ut erat CONSTANTIUS, plus *Lib. XVI tit. 2. de episcopis* tunc obtinere non poterant, quam exemptionem ab oneribus extraordinariis.

15.

CAPUT III.

De canonico usu bonorum ecclesiasticorum.

§. LVIII.

Cura & administratio bonorum ecclesiasticorum est penes ecclesiæ antistites, & quidem ante eorum divisionem penes solos episcopos, eisque obnoxios diaconos & æconomos.

Ante divisionem bonorum, penes quos cura eorum fuerit.

O s.

Alia

- Alia olim ac hodie, posteaquam ecclesiis parochialibus proventus sunt constituti, fuit redditus ecclesiasticos administrandi, & inter clericos aliasque canonicas atque ad ecclesiæ curam & clientelam pertinentes personas distribuendi ratio ac usus: quando ex ecclesia matrice seu cathedrali, nondum ita ampliatis diœcesibus, cum ministerio sacro etiam sustentatio & alimenta emanarunt, & ex communi ærario, in quod proventus omnes & collationes omnium particularium ecclesiarum confluebant, singulatim distributio bonorum fuit facta. Me non monente quisque intel- liget, ad episcopum caput ecclesiæ hanc curam dispensandorum curandarumque bonorum ecclesiasticorum pertinuisse, apud quem omnia sunt deposita, ut paulo ante ex S. J U- S T I N O notavi. Et canone apostolico statu- tum est, ut episcopus potestatem habeat re- rum ecclesiæ, ne quid de constitutionibus apo- stolicis dicam, ubi integrum habetur caput 25. quod agit de primitiis & decimis, & quo- modo debeat episcopus ex eis accipere vel aliis distribuere. Eam in rem est etiam ca- non concilii Antiocheni antiquissimi: *Ut ea, quæ sunt ecclesiæ, ecclesiæ servantur cum omni bona conscientia & fide in omnium præ- sidem & judicem DEUM; quæ etiam admini- strari convenit cum iudicio & potestate e- piscopi, cui est omnis populus creditus, & eorum animæ, quæ in ecclesiam conveniunt.*
- C. 34.** Et mox: *Episcopus habeat rerum ecclesiæ po- testatem, ut eas in omnes egentes dispenset cum multa cautione & DEI timore.* Con- tra secus usurpantes Eustatianos gravissimi sunt canones concilii Gangrensis: *Si quis vult fru- ctus ecclesiæ oblatos accipere vel dare extra eccle-*
- Can. 24.**
- Can. 25.**
- Can. 7.**

ecclesiam præter episcopi sententiam, vel ejus, cui cura eorum tradita est, & non cum ejus sententia ea velit agere, sit anathema.
 Et: *Si quis dat vel accipit fructus oblatos* Can. 8.
præter episcopum, vel eum, qui est constitutus ad beneficentiæ dispensationem, & qui dat, & qui accipit, sit anathema.

Quod fulmen eos ferit recentiore nostra ætate, qui principiis protestanticis imbuti, ecclesiam omni jure spoliant, & potestati civili subdiciunt, inter alios etiam PAULUS SARPUS Minorita, reipublicæ Venetæ olim consiliarius, sed apostata, qui bonorum temporalium possessionem jure divino ad ecclesiam pertinere negat; cum id etiam jure naturali teneat, & *Les droits* superius evictum sit, ecclesiam esse statum a *des souverains* politico distinctum, ac toto cœlo diversum, *ainsi de-* cui sint sacrorum præfules legitima divinitus *sendus* concessa potestate imbuti apostolorum successores episcopi, penes quos semper fuit uti aliarum rerum omnium ecclesiasticarum, ita etiam bonorum dominium administratio & plenum jus, etiam sacris canonibus satis assertum: Ita concilium Aurelianense I. *de his, quæ parochiis* An. 511.
in terris, vineis, mancipiis, atque pecuniis can. 15.
quicumque fideles obtulerint, antiquorum statuta servantur, ut omnia in episcopi potestate consistant. Episcopi quam molestum etiam ac grave illis esset hoc onus, excutere tamen saltem quoad ἐπισκοπήν ac supremam inspectionem curationemque non poterant: quamvis maluissent bona nulla pii præfules possidere, & ex oblationibus fidelium vivere, ob invidiam multorum: quod de S. AUGUSTINO testatur POSSIDIUS in ejus vita: *Dum* Cap. 23.
forte, ait, ut assolet, de possessionibus ipsis in-
vidia clericis fieret, alloquebatur plebem D E I,
malle

*De vita
contempl.
L. II. c. 9.*

Cap. 5.

*Photius
Bibl. cod.
59.*

Can. 25.

malle se ex collationibus plebis DEI vivere, quam illarum possessionum curam vel gubernationem pati. Non potuit non distractio ista curarum illis imprimis, qui sua reliquerunt, & DEO se consecrarunt, gravis esse, sed indispensabilis fuit necessitatis ecclesiæ præpositis. Expediit, inquit, JULIANUS POMERANUS, facultates ecclesiæ possideri & amore perfectionis proprias contemni. Non enim propria sunt, sed communes ecclesiæ facultates: & ideo quisquis omnibus, quæ habuit dimissis, aut venditis fit rei suæ contemtor, cum præpositus fuerit factus ecclesiæ, omnium quæ habet ecclesiæ efficitur dispensator. Talis fuit S. CHRYSOSTOMUS, nihilominus accuratissime bonorum ecclesiasticorum rationem ac calculos iniit, utque rite dispensarentur sollicitè egit: Dispensatoris ecclesiastici, inquit de eo PALADIUS in ejus vita, scripta relegens, inutilesque ecclesiæ sumtus deprehendens, amputari hos protinus jubet. Accessit & ad solemnes episcopi sumtus inspiciendos, inveniendosque immodicam profusionem, transferri hanc magnificentiam ad infirmorum solatia præcepit. Et cum superessent pecuniæ, nova quoque infirmorum receptacula construit. Ex quibus quidem intelligi datur, quam iniqua in eum fuerit hostium suorum criminatio: Quod ecclesiæ redditus nemo noverit quo abeant. Quod hereditatem a THECLA relictam per THEODULUM vendiderit. Haud dubie hic etiam abutebantur canone Antiocheno: Si res in proprios usus convertat, & ecclesiæ redditus, vel agrorum fructus non cum presbyterorum vel diaconorum sententia administret, sed suis cognatis vel fratribus vel filiis præbeat facultates, ut per hæc rationes ecclesiæ ledantur, is det syno-

synodo provinciae rationem. Ita nonnunquam accidit, ut episcopi ob hanc administrationem in jus vocarentur, quod accidit ATHANASIO Perrheenſi, qui frustra ad auctoritatem S. C Y. T. IV. RILLI ALEXAND. provocavit, in simili *conc.* 739. causa PETRI episcopi, cujus laudatus sanctus praesul patrociniū suscepit, contestatus, episcopum soli DEO reddituum ecclesiastico-*Epist.* 59. rum rationem reddere obstringi. Similiter ad DOMIBAS Edeſſenus fuit accusatus a nonnullis *num.* dissipatorum ecclesiae bonorum coram concilio Tyrio, cujus fragmenta in concilio Chalcedonenſi leguntur. *Aet. IX.* p. 631.

Promisit IBAS se deinceps per oeconomos ecclesiae redditus administraturum, secundum formam ecclesiae Antiochenae: quod etiam in concilio Chalcedonenſi universaliter est constitutum: *Omnem ecclesiam episcopum Can.* 26. *habentem ex proprio clero oeconomum habere, ut nec sine testibus ecclesiae sit administratio, nec ideo res ejus dissipentur; qui canon refertur c. Quia in quibusdam dist.* 89. Eadem autem oecumenica synodus priore canone jubet: *Ut vidua ecclesiae redditus apud ecclesiam oeconomum saluus custodiatur.* In concilio Aurelianenſi II. haec cura episcopo visitatori, *An.* 533. seu intercessori, qui ex vicinia sede vacante *can.* 16. curare debebat ecclesiam, committitur: *Ut episcopus qui ad sepeliendum episcopum venerit, evocatis presbyteris in unum domum ecclesiae adeat, descriptamque idoneis personis custodiendam sub integra diligentia derelinquat: ut res ecclesiae illorum improbitate non pereant.* Et in concilio Parisienſi V. *Ut de-* *An.* 615. *functo episcopo, non per praeceptum, neque c. 7. per judicem nec per qualemcunque personam, res ecclesiae vel episcopi propria a nullo peni-*

tus

tus contingantur : sed sub archidiacono, vel clero in omnibus defendantur, & defensentur. Fuit hæc antiquissima præsertim in occidentali ecclesia primi diaconorum seu archidiaconi cura & administratio bonorum, ut S. LAURENTIUS vocatur a S. AUGUSTINO, & a PRUDENTIO:

Hymno de S. Laurentio.

*Levita sublimis gradu
Et cateris præstantior
Claustris sacrorum præerat
Cælestis arcanum domus.
Fidis gubernans clavibus.
Votasque dispensans opes.*

Can. 17.

In concilio autem quarto ita statuitur: *Ut episcopus gubernationem viduarum, pupillarum ac peregrinorum non per seipsum, sed per archipresbyterum aut per archidiaconum agat.* Idem erat œconomi munus in oriente, qui ex clero presbyter vel diaconus assumebatur.

§. LIX.

Ufus & distributio bonorum ecclesiasticorum.

Successu temporum rata bonorum ecclesiasticorum distributio in quatuor potissimum partes decretis ecclesiæ occidentalis ac summorum pontificum est facta, primum totius diœcesis, ac deinceps etiam singulorum parochiarum.

Diu etiam postquam communio bonorum primitiva cessavit in ecclesia, nulla certa regula circa distributionem bonorum ecclesiasticorum obtinuit, nisi partitio in duas illas consideretur, quæ semper obtinuit, atque hodie-
na

na potissimum disciplina urgenda est in usus ecclesiæ & pauperum : quo censu potissimum personæ eæ veniebant , quæ aut nullas facultates habebant , aut eas reliquerant , & in pauperes distribuerant. Qua ratione in canonicis apostolicis præcipitur episcopo : *Quod si pauperes sunt , tanquam pauperibus subministret.* Idem de episcopo statuitur tum *Can. 39. c. 40. 41.* quoad se , cum quoad peregrinos. Quoad pauperes alios similiter obtinuit , qui semper præcipua pars dispensationis dominicæ sunt habiti , etiam postquam distributio singillatim in partes certis regulis est determinata , quod THOMASINUS quinto demum sæculo , & *P. III. L. II. c. 13.* quidem in ecclesia Latina tantum constitutum esse vult. Concilium Bracarense tres tantum facit partes , sed quarta subintelligitur , & est indispensabilis omnium eorum reddituum , qui supersunt ecclesiæ , ita autem habet laudatum concilium Baracense I. *Placuit , ut de rebus ecclesiasticis fiant tres æque portiones , id est , una episcopi , alia clericorum , tertia in reparatione vel in luminariis ecclesiæ.* Huc etiam explicari debet concilium Aurelianense antea a nobis laudato canone , quo omnia in potestate episcopi esse decernit. *De his tamen , quæ in altario accesserint tertia fideliter episcopis deferatur.* Mox tamen sub- *Can. 15. Can. 15.* sequitur : *Episcopus pauperibus vel infirmis , qui debilitate faciente non possunt suis manibus laborare , victum & vestitum , in quantum possibilitas habuerit , largiatur.*

Atque ita quatuor emergunt partes , quarum una cedat episcopo , incluso simul hospitalitatis officio , secunda clericis ecclesiæ deservientibus , tertia reparandis ecclesiis , & quidquid in luminariis , ornatu &c. ad eas pertinebat , quar-

ta

*Epist. 3.
C. de redi-
tibus eccl.
12. q. 2.
Ep. 1. ad
episc. Lu-
cania.*

*Lib. VII.
c. 290.*

*Serm. L.
de diver-
sis.*

ta pauperibus cedebat. Hanc distributionem facit & præcipit SIMPLICIUS P. relatus a GRATIANO : ubi plura in hanc rem accumulatur ; SIMPLICII autem prædecessoris sui decretum innovavit GELASIUS P. his verbis : *Quatuor autem tam de redditu , quam de oblatione fidelium prout cujuslibet ecclesie facultas admittit , sicut dudum rationaliter est decretum , convenit fieri portiones. Quarum sit una pontificis , altera clericorum , pauperum tertia , quarta fabricis applicanda.* Eadem partitio reperitur in capitularibus regum Francorum , quando jam parochiæ distinctos redditus habere cœperunt , & etiam parochis ea est præscripta distributio , quæ prius episcopis facienda erat , quando reddituum integræ diœcesis dispensationem habebant. Quando in communitate vivebant cum suo clero suapte intelligitur , partitionem hanc locum haud habuisse , sed omnia penes episcopum fuisse , etiam propria alias bona , nec de illis licuisse testari : quod maxime intelligitur ex S. AUGUSTINI instituto , qui nihil quidquam proprium suis clericis reliquit : *Quia ,* inquit , *placuit illis DEO propitio socialis hæc vita quisquis cum hypocrisi vixerit , quisquis inventus fuerit habens proprium , non illi permitto , ut faciat testamentum ; sed delebo eum de tabula clericorum. Interpellet contra me mille concilia , naviget contra me quo voluerit : sit certe ubi potuerit , adjuvabit me DEUS , ut ubi ego episcopus sum , illic clericus esse non possit.* Fecit hoc ad instar primitivæ ecclesiæ , & vindictæ , quam PETRUS de ANANIA & SAPHIRA tulit.

§. LX.

§. LX.

Ampliat in dies diœcesibus, & fundatis ecclesiis etiam peculiaribus, reditusque proprios adeptis, divisio bonorum ecclesiasticorum invaluit, & præbendæ peculiares, quæ vocantur *beneficia*.

Divisio.
eorum, &
erectio be-
neficio-
rum.

Etiam prioribus sæculis ampliores erant diœceses, sed rariores; nec de singularibus proveniunt ecclesiarum ruralium occurrit mentio, quod forte in quotidianis oblationibus non fixis reditibus constiterint. Satis mature tamen ecclesiæ propriis fundis instrui cœperunt. S. CHRYSOSTOMUS ad id hortabatur impense opulentos patronos, habenturque in novellis Justinianeis eam in rem leges etiam quoad oratoria privata & ecclesias: *Si quis edificans ecclesiam, aut etiam aliter expendens in ea ministrantibus alimenta voluerit aliquos clericos constituere.* Et alibi: *Si quis oratorii domum fabricaverit, & voluerit in ea clericos ordinare, aut ipse aut ejus hæredes: si expensas ipsis clericis ministrant, & dignos denominant, denominatos ordinari.* Ita paulatim beneficia ingruebant, de quibus postea seorsim agemus.

Nov. 57.

Nov. 123.

c. 18.

Nunc de præbendis aliqua prælibabimus; quæ vox pariter ac *beneficii* nomen a militia profana in sacram ministrorum ecclesiæ irrepfit. Ducibus, inquit CASSIODORUS, ac præpositis sufficientem transmisimus pecuniæ quantitatem, ut eorum præbendæ, quæ non potuerunt conveyi, ibi debuissent sine alicujus dispendio comparari. S. GREGO-

Variar. l.

3. ep. 42.

P

RIUS

Lib. IX.
ep. 29.

Hist. gen-
tis Angl.
L. IV. c.
27.

An. 506.
c. 7.

Epist. 5.

RIUS ejus vocis quædam initia habet: *Præbendi sunt clericis per singulos solidi centum.* Sed nihil tunc adhuc fixi erat, atque etiam ex Ven. BEDA discimus S. GREGORIUM peroptasse formam apostolicam, proprietatem excludentem: *Quomodo, inquit, & prius beatus pater AUGUSTINUS in Cantia fecisse noscitur scribente ei reverendissimo papa GREGORIO, quod & supra posuimus.* Sed quia tua fraternitas, inquit, monasterii regulis erudita seorsum fieri non debet a clericis suis in ecclesia Anglorum, quæ nuper auctore DEO, ad fidem perducta est, banc debet conversationem instituere, quæ in initio nascentis ecclesiæ fuit patribus nostris, in quibus nullus eorum ex his, quæ possidebant, aliquod suum esse dicebat; sed erant eis omnia communia. Et ita primum accidit, ut clerici casellas vel manicipiola ecclesiæ, ut habet concilium Agathense, quasi commendata haberent, nec alienare præsumerent. Nec currebat hic præscriptio, cui præcautum est in eodem concilio Agathensi can. 12. & can. 1. in concilio Aurelianensi I. *Si episcopus humanitatis intuitu, vineolas vel terrulas clericis vel monachis præstiterit excolendas, vel pro tempore tenendas; etiamsi longa transisse annorum spacia probentur, nullum ecclesiæ præjudicium patiatur; nec seculari lege præscriptio, quæ ecclesiæ aliquid impediat, opponatur.* In subsequen-
tibus conciliis Aurelianensibus pariter ac Epaonensi de eadem re occurrunt decreta, & quidem in quarto, canone 59. iterum contra præscriptionem excipitur: Et SYMMACHUS P. rescribens CÆSARIO Arelaten-
si ejusmodi concessiones fundorum non facile vult fieri: *Nisi forsitan aut clericis bonorum meritis, aut mo-
naste-*

*nasteriis religionis intuitu, aut certe peregrinis
 necessitas largiri suaserit. Sic tamen ut hac ipsa
 non perpetuo, sed temporaliter, donec vixerint
 perfruantur. In concilio Romano IV. sub eo-
 dem SYMMACHO ita habetur c. 4. Sed nec
 in usufructuario jure aliquibus dare liceat, nec
 data retinere, præter clericos & captivos, at-
 que peregrinos. Licet vero concilium Aurelia-
 nense III. ejusmodi beneficium non nisi ra- Can. 17.
 tionalibus causis revocandum statuatur, vult ta-
 men, ut in potestate sit advenientis episcopi, C. 35.
 utrum audire, aut rejicere decessoris sui de-
 beat voluntatem. In conciliis Toletanis prio- Can. 4.
 ribus de eadem re occurrunt statuta. Ac pri-
 mum in secundo præcipitur, si quis clerico
 agellos &c. vel incolas donaverit sustentandæ
 vitæ causa, posse eum possidere ad obitum
 usque, illo vero decedente jus ad ecclesiam
 redire. Notat FR. G O R I *in floreno aureo an-* p. 135.
tiquo illustrato hujus constitutionis vestigia jam
 dum quædam in canonibus superiorum conci-
 liorum deprehendi; harumque partem ali-
 quam clericis suis assignasse episcopos, ad quos
 dispensatio & administratio spectabat. Quo-
 rum incuria cum bona illa minus recte admi-
 nistrentur, fundatores quamdiu superstites e-
 rant, id efficere potuerunt, ut rectores idonei
 præficerentur, & episcopis ordinandi offerren-
 tur, unde tamen jus patronatus elicere non
 liceat.*

Ne quid dicam de collationibus ejusmodi
 laicis datis, ut tamen eodem modo ecclesiæ
 obnoxia manerent bona, suspicaturque T H O.
 M A S I N U S, hanc originem esse nonnulla- De Benef.
 rum ex decimis infeudatis. In capitula non P. III. L.
 solum canonicorum, sed etiam claustra mona- II. c. 22.
 chorum paulatim invasit ejusmodi partitio præ-

bendarum; in illis vero permanfit, fed ex his extirpari debuit, proprietatem olens.

§. LXI.

Penfiones. Rara occurrunt penfionum ex bonis ecclefiafticis exempla in antiqua ecclefia, fponte oblata, ac conciliorum & Romanorum pontificum auctoritate decreta & conceffa.

Jam fuperius diximus de abdicationibus refignationibusque dignitatum ac munerum ecclefiafticorum non folum, quando quis ob fenum, morbum diuturnum, aut aliam infirmitatem ineptiamque ad obeundas fuas functiones, verum etiam propter obftinatos e. g. infenfus, ac abalienatos populi animos, tollendum fchifma, aut religionis facrique otii caufa fponte ceflit, aut etiam cedere coactus eft & deponitus; fed vix occurrit exemplum, ejusmodi abdicationis aliquid reddituum ecclefiafticorum peculiare indultum fuiſſe, niſi forte muneris adhuc quidpiam in ecclefia obirent, ac communibus diſtributionibus fruerentur. Dum tamen in concilio Chalcedonenſi MAXIMUS ANTIOCH. DOMNO penſionem ſponte offerret, gratanter id acceperunt patres. Petiit autem MAXIMUS a concilio certos ſtatui ſumtus: *Reſidentibus univerſis*, ut habent acta, *ante cancellos ſancti altaris*, MAXIMUS reverendiſſimus epifcopus Antiochie dixit: *Deprecor magnificentiſſimos & glorioſiſſimos judices, & ſanctam hanc univerſalem ſynodum, ut humanitatem exercere in DOMNUM, qui fuit Antiochie epifcopus, digne.*

T. IV.
conc. p.
681. 682.

dignemini, & statuere ei certos sumtus de ecclesia, quæ sub me est. Hoc indulserunt legati summi pontificis: Siquidem memoratus reverendissimus episcopus MAXIMUS suo arbitrio voluerit esse consultum, ut sumtus ei de sua ecclesia, miserationis intuitu prout æstimaverit, largiatur; ut contentus elemosynis, quiescat imposterum. . . . ANATOLIUS reverendissimus episcopus Cpolititanus dixit: Laudo & ego condolentiam beatissimi episcopi Antiochiæ MAXIMI, in quibus spontanea voluntate ipse tales precatorias obtulit, ut sumtus præstaret DOMNO, qui fuit episcopus ecclesiæ sanctæ, quæ sub eo, præter hoc prædicto nihil requirente. JUVENALIS episcopus Hierosolymitanus dixit: Amplector & ego consilium sancti episcopi Antiochiæ MAXIMI. Universa sancta synodus vociferata est: Laudabiles merito sunt benevolentia archiepiscopi. Omnes cogitatum ejus laudamus. Hic decet ejus existimationem humanus cogitatus pontificis. Magnificentissimi judices dixerunt: Amplectente sancta synodo arbitrium MAXIMI viri religiosi episcopi Antiochenfium, quod de DOMNO probavit, & nos eisdem consentimus, ejus arbitrio derelinquentes, quæ sunt de DOMNI bonorificentia. Ingens sane fuit hæc indulgentia erga sede sua dejectum episcopum; sed pia erga virum sanctissime in eremo educatum, & alias bene meritum; quæ tamen etiam paulo post adhibita est erga duos etiam pariter dejectos vel potius non agnitos episcopos Ephesinos, decretumque ab ecclesia esse pascendos: Habeant dignitatem episcopi, & ex redditibus memorata ecclesiæ nutrimenti gratia & consolationis annis singulis solidos aureos ducentos accipiant. Et alteri Perrhenorum

Aff. 11.

& 12.

Añ. 24.

cum alio de episcopatu contendenti, *ut dignitatem episcopatus habeat*, & pascatur, sicut MAXIMUS episcopus Antiochenorum, *secundum facultatem Perrbenorum sanctissimæ ecclesiæ disposuerit*. Vides ad nihil aliud spectasse pensiones has, quam ad necessariam vitæ sustentationem, qui haberi potest legitimus titulus paupertatis. Quomodo etiam referente JOANNE diacono S. GREGORIUS M. *expulsos episcopos aliis episcopis interim pro sustentatione ac stipendiis præsentis vitæ jungebat*. Idem eodem teste indulgebat voluntarie justis de causis renunciantibus, eosque postmodum de redditibus relictae ecclesiæ sufficienter nutriendos esse censebat. Ejusmodi exempla quædam ex sancto pontifice collegit THOMASINUS, suntque probe notanda pariter ac nonnulla alia in jure canonico relata: veluti duobus consequenter decretis altero LUCII III. altero CLEMENTIS III. *De clerico ægrotante: rectoribus nimirum ecclesiarum, ut habent LUCII verba, usque adeo infectis, quod altari servire non possunt, nec sine magna scandalo eorum, qui sani sunt, ecclesias ingredi: Hoc volumus te tenere*, decernit, quod eis dandus est coadjutor, qui curam habeat animarum: Et de facultatibus ecclesiæ ad sustentationem suam congruam recipiat pensionem.

Vita S.
Greg. L.
III. c. 16.

Ib. L. IV.
c. 32.

Cap. 3.
l. t.

Cap. 4.

C. 21. de
præbendis
& digni-
tatibus.

Et CLEMENTIS III. in simili causa: *Dicimus, quod pro scandalo & abominatione populi ab administrationis debet officio removeri, ita quod juxta facultates ecclesiæ sibi necessaria, quamdiu vixerit ministrentur*. Simile exemplum alibi habetur conforme Chalcedonensibus, conceditque INNOCENTIUS III. *Non quidem ex passionem partium, sed ex jussione judicum provisionem hujusmodi exhibere*.

§. LXII.

§. LXII.

Varia, postquam divisio bonorum ecclesiasticorum facta est, nihilominus obligationes manserunt, & exactiones episcoporum & eorum officialium variis ex titulis & prætextibus.

Exactio-
nes & di-
tributio-
nes post
factam bo-
norum di-
visionem.

Divisio bonorum ecclesiasticorum cum non potuerit non fieri auctoritate episcoporum, quin ii sibi consulerint, ratam suam sibi servando & figendo, dubitandum non est. Nihilominus quædam in quibusdam pensibus & obligationibus mansit facies veteris disciplinæ, aut certe sub illius prætextu identidem inductæ sunt exactiones, quibus persæpe canonum auctoritas intercedere debuit, ne excederent. Nihil dicam de distributionibus, quibus solum initio constitit sub ordinatione & moderamine episcopi dispensatio bonorum in usum clericorum: cujus usus necessario iterum induci debuit, postquam medio ævo revocari cœpit, & in plerisque ecclesiis cathedralibus institui vita communis. Ac postea etiam ubi institutum illud ubique pene exoleret, consuevit in ecclesiis cathedralibus & collegialibus distributionum quotidianarum usum quemdam servari: nimirum ut a concilio Tridentino saluberrime providetur. *Tertiam partem fructuum, & Sess. quorumcunque proventuum separari debere; & XXI. c. 3. in distributiones quotidianas converti, quæ inter dignitates obtinentes, & ceteros divinis interessentes proportionaliter ab episcopo dividantur.* Idem concilium episcopis integram *Sess. facit potestatem earundem faciendarum distri-* XXIV.
P 4. butio- 6. 12.

Sess. VII.
c. 8.

butionum, ita ut *absentium portio fabricæ ecclesiæ quatenus indigeat, aut alteri pio loco arbitrio ordinarii applicetur*. Alias etiam idem concilium episcopis curam injungit, prospiciendi ecclesiis, atque idcirco singulis annis omnes ecclesias suæ diœceseos etiam exemptas visitare vult, *ut quæ reparatione indigent reparentur*.

An. 813.

Decretal.
Lib. I. tit.
31.

Semper id muneris fuit episcoporum obeundi diœceses per se aut suos vicarios & officiales, varia item præstandi pro suo officio, quorum gratia exactiones nonnunquam sunt factæ, quas sistere aut moderari non raro opus fuit. Eam in rem tum aliorum conciliorum cum imprimis Cabilonenfis II. varii sunt canones. In oriente synodus œcumenica VII. in occidente vero Lateranenses III. & IV. varia circa hoc statuunt. Ab HONORIO III. omnia recensentur ejusmodi, referturque c. conquerente 16. de officio judicis ordinarii, quid præstari debeat, & exigere possit episcopus: „Habeas canonicam obedientiam, „subjectionem & reverentiam, institutionem „& destitutionem, correctionem & reformationem, ac censuram ecclesiasticam, jurisdictionem quoque causarum omnium ad forum ecclesiasticum de jure spectantium, poenitentias & sacramentorum omnium, quæ ab episcopo sunt recipienda, collationem, „synodum & synodatici seu cathedratici nomine duos solidos, quartam decimationum „& mortuorum, visitationem quoque annuam: ita quod ad eas visitandas accesseris non amplius procurationis nomine requiras ab eis, nisi quantum (pensatis facultatibus earundem) moderate poterunt exhibere, ne plus cæteris capellis ejusdem diœ- „cesis

„celis in procurationibus onerentur., Et infra: „Tu autem his juribus in præfatis ecclesiis contentus existens non amplius ab eis exigas præter moderatum auxilium, quod juxta formam Lateran. concilii, si manifesta & rationabilis causa extiterit; cum charitate postulandum, sicut ab aliis ecclesiis ejusdem diœcesis pro necessitate temporis sustinemus: „

Amplissimus hic foret excurrendi circa varia campus & materia, quæ copiose a canonistis disquiruntur, canonibusque ecclesiasticis, consuetudinibus & moribus variis ecclesiarum fixa sunt & determinata, quibus standum est, intercurrente etiam præscriptione, ut in jure canonico singulari titulo habetur. *Id. Lib. II. que præ oculis semper habendum, divisionem decretal. bonorum esse factam, & suum cuique esse attributum, quod quiete quisque teneat, nec jam episcopis, & superioribus etiam præfatis jus fasque esse bona beneficialia invadere; nisi quatenus conceditur jure, quod vocatur deportuum ac annatarum sede ac beneficio vacante ad tempus, & pro rata, unde deportus nomen derivari solet.* *Vid. Thom. P. III. L. II. c. 38.*

§. LXIII.

Interest omnino ac opus est, ut legitime etiam quomodocunque acquisitorum ecclesiasticorum bonorum rectus fiat usus & administratio in usus pios.

Fideles ideo tam largiter semper in ecclesiam contulerunt bona sua & facultates, quod

P §

secu.

Epist. 5.

securi essent, optime illa esse collocata. Insignis eam in rem est S. C Y P R I A N I epistola ad clerum suum, quibus in absentia sua id muneri incumberebat, ut rite dispensarent bona in manus clericorum ideo consignata, ut plurimum opera singulorum necessitatibus possent succurrere, quales tunc maximæ erant persecutionis tempore. Noluit sanctus martyr deesse officio, quod incumbit episcopo: patetque inter præcipuas ecclesiæ curas hanc esse ecclesiæ supremis præsulibus commissam. Eam

Can. 24.

obligationem concilium Antiochenum graviter inculcat: „ Quæ sunt ecclesiæ sub omni sollicitudine, & conscientia bona, & fide, quæ in D E U M est, qui cuncta considerat iudicatque, servantur: quæ etiam dispensanda sunt iudicio & potestate pontificis, cui commissus est populus, & animæ, quæ in ecclesia congregantur. Manifesta vero sint, quæ pertinere videntur ad ecclesiam, cum notitia presbyterorum & diaconorum, qui circa ipsum sunt, ita ut agnoscant nec ignorent, quæ sunt ecclesiæ propria, nec eos aliquid lateat; ut si contigerit episcopum migrare de sæculo, certis existentibus rebus, quæ sunt ecclesiæ, nec ipsæ collapsæ pereant, nec quæ propria probantur episcopi, sub occasione rerum pervadantur ecclesiæ. Justum namque & acceptum est coram D E O & hominibus, ut sua episcopus quibus voluerit derelinquat, & quæ ecclesiæ sunt, eisdem conservetur ecclesiæ, ut nec ecclesia aliquod patiatur incommodum, nec episcopus sub occasione proscribatur ecclesiæ, & in causas incidant, quæ ad eum pertinent, & ipse post obitum maledictionibus gravetur. „ Hæc indivulsa volui exscribere, ut sub uno veluti

veluti conspectu habeantur, quæ circa dispen-
 sationem bonorum ecclesiasticorum partim jam
 edisseruimus, partim mox articulatus enoda-
 bimus. Quorsum cum etiam sequens spectet
 canon, eum similiter exscribam, multum enim
 iuvat ex legibus & canonibus sacris id simul
 comprehendisse & perspexisse, quod facien-
 dum incumbit. Ita autem habet: „Episco- „ *Can. 25.*
 bus ecclesiasticarum rerum habet potestatem, „
 ad dispensandum erga omnes qui indigent, „
 cum summa reverentia & timore DEI. Par- „
 ticipet autem & ipse, quibus indiget, si ta- „
 men indiget, tam in suis quam in fratrum, „
 qui ab eo suscipiuntur, necessariis usibus pro- „
 futuris, ita ut in nullo qualibet occasione „
 fraudentur: juxta sanctum apostolum sic „
 dicentem: *Habentes victum & tegumen- „*
tum, his contenti sumus. Quodsi contentus „ *I. Tim.*
 istis minime fuerit, convertat autem res ec- „ *VI.*
 clesiæ in suos usus domesticos; & ejus com- „
 modo vel agrorum fructus, non cum presby- „
 terorum conscientia, diaconorumque per- „
 tractet, sed horum potestatem domesticis „
 suis, aut propinquis, aut fratribus, filiis „
 que committat, ut per hujusmodi personas „
 occulte cæteræ lædantur ecclesiæ, synodo „
 provinciæ poenas iste persolvat. Si autem & „
 aliter accusetur episcopus, aut presbyteri „
 qui cum ipso sunt, quod ea, quæ pertinent „
 ad ecclesiam vel ex agris, vel ex alia quali- „
 bet ecclesiastica facultate sibimet usurpent, „
 ita ut ex hoc affligantur quidem pauperes; „
 criminationi vero & blasphemiiis tam sermo „
 prædicationis, quam hi, qui dispensant tali- „
 ter, exponantur, & hos oportet corrigi, „
 sancta synodo id quod condecet approbante. „
 Gravia sunt quæ S. HILARIUS hanc in
 rem

p. 88. 89.

rem in illud psalmi LII. *Qui devorant plebem meam sicut escam panis*, commentatur: „Sunt, „ (inquit) comedentes populum D E I ut cibum panis, *quibus*, ut idem beatus apostolus ait, *Deus venter est*, qui ministerium deputant ad negotiationem, collationibus se plebis & muneribus ditando: dum convivium sub obtentu religionis sumtuosa sectantur, dum apothecas suas inutili religionum obsequio distendunt; (cum consuetudo ab apostolis necessariæ hujus collationis ad diurnam tantum sæculo renuntiantium aut per inopiam indigentium, alimoniam fuerit instituta) de quibus scriptum est *comedentes domos viduarum, & oratione longa orantes*. Hi ergo, ut cibum panis D E I populum comedunt, & Dominum non invocaverunt. *Stulti enim in corde suo dixerunt: Non est DEUS*. Non invocant ergo quem negant,

c. 15.

Lectu dignissima sunt, quæ copiose S. A M B R O S I U S in hoc argumento *lib. II. de officiis* tractat, occasione arrepta malorum tunc ingruentium ob investationem barbarorum innumeros christianos in captivitatem abducendum, quibus aliisque necessitatibus etiam sacra altaris vasa & quidquid ecclesiæ est auri & argenti impendenda sint, ut ipse se fecisse testatur. Legitur etiam in vita S. A U G U S T I N I, cujus hac in re studia jam memoravi a P O S S I D I O scripta, quam rationem S. A M B R O S I U S tenuerit, & sollicitus fuerit in pios ejusmodi usus bona & facultates congregandi, sed studio integerrimo, ab omni cupiditate & utilitate propria alieno; lucro præsertim non satis honesto. Exemplum præprimis illustre circa M A R C E L L U M quemdam episcopum dedit, qui sorori viduæ
ea

c. 26. 27.
28.

c. 24.

ea conditione fundum quemdam ac terram concessit, ut moriens ecclesiae relinqueret. Sed dum LETUS frater contra donationem *Vid. ep. 49.* istam exciperet, contendere noluit S. AMBROSIIUS, remque, ut potuit, composuit, licet ecclesia defraudari videretur. Notabiles autem sunt, quas in eam rem reddit rationes ad praesens argumentum. Perinde fit est, siue bona ecclesiae rite dispensentur, siue relinquantur, ne cupiditati locus esse videatur.

Quam in rem insignis fuit industria S. CHRYSOSTOMI erga clerum suum, ut cupiditatem hanc malorum omnium fontem in eis extingueret, & ad frugalem vitam, moderatumque bonorum ac rerum huius vitae usum adduceret, ut de eo PALLADIUS in dialogo de ejus vita testatur, ac etiam SOZOMENUS. Insigne autem cumprimis ipse *Lib. VIII. c. 9.* exemplum dedit, dum in exilio degens summam argenti sibi subministratam non suis sed operariorum in vinea Domini, ad convertendos Phoeniciae populos, usibus dicaret. Legenda etiam est nona illius in epistolam ad *Epist. 51.* Philippeneses homilia, ut eorum dictis occurreret, qui in pravam bonorum ecclesiasticorum usum invehebantur, & clerum traducebant. Testis is etiam nobis est, quam praestabilem usum ecclesia Antiochena ditissima faceret. Quam ob rem imprimis S. FLAVIANUM dilaudat, & non alium ob finem *Hom. 21. in ep. 1. ad Cor.* facultates illius ecclesiae in agris, domibus, curribus, mulis &c. extollit, recensetque numerum pauperum ultra tria millia, praeter ca- *Hom. 56. 66. 85. in Matth. 23.* ptivos, infirmos in hospitalariis, peregrinos *alibi.* ac ministros altaris.

Qua in re ardor etiam & studium S. BASILII enituit, legique debent, quae refert *Epist. 94.* ad

ad ELIAM Cappadocem de ecclesiæ domibus & hospitalibus omni commoditate instructis etiam medicis, portitoribus, conductoribus & artificibus ad operas & manufacturas ad quævis necessaria subministranda pro infirmis & peregrinis. Idem in monasteriis satagit circa hospitalitatem, non splendide tamen sed frugaliter instruendam. Quam in rem legendæ sunt regulæ ejus majores, vigesima præsertim & proxime sequentes. Doleat autem zelum & studium in ea re tepuisse suo tempore præ antiqua ecclesiæ pietate: *Hæc enim, inquit, erat olim ecclesiæ gloria, ut ab orbis termino ad terminum brevibus tesseriis, veluti viatico, instructi fratres, ex unaquaque ecclesia patres & fratres omnes invenirent.*

Epist. 191.

Sed identidem fuerunt, qui studia inflammarent, & priscam pietatem sectarentur, veluti jam alibi complura eorum laudavi exempla, qui res & vasa sacra ecclesiæ indigentium necessitatibus impenderent: quibus nunc opportunum quam maxime ex SOCRATE minus notum ACACII Amidensis nomen addam, & misericordiæ opus erga captivorum Persarum ingentem numerum: *ACACIUS, sunt SOCRATIS verba, eam rem haudquaquam negligendam putavit. Convocatis igitur clericis, qui sub ipso erant: DEUS, inquit, noster nec lancibus indiget, nec poculis. Nam neque comedit, neque bibit; quippe qui nulla re opus habeat. Cum igitur multa vasa partim aurea, partim argentea possideat ecclesia ea, benevolentia & liberalitate eorum, qui in ipsam adscripti sunt, consentaneum est, ut illorum pretio captivos a militibus redimamus, eisque cibos subministre-*

*Lib. VII.
c. 21.*

*nistremus. Cum hæc aliaque ejusmodi illis
 disseruisset, vasa quidem sacra conflare jussit;
 deinde pro singulis captivis pretio militibus
 persoluto, aliquamdiu eos aluit, tandemque
 viatico instructos ad regem Persarum remisit.
 Idem fecit S. CÆSARIUS Arelatensis in
 obsidione Arelatensi erga Gottomos, ut in ejus
 vita refertur, ut constet nullum genus homi- *Lib. I. n.*
 num etiam barbarorum ab hoc pietatis opere *17.*
 excludendos esse, bonaque ecclesiæ præsto
 esse debere, atque sacerrimum semper habuif-
 se usum apud pios administratos: *Scientes*, ut
 JULIANI POMERANI verbis utar, *ni-* *De vita*
hil aliud esse res ecclesiæ, nisi vota fidelium, contempl.
pretia peccatorum & patrimonia pauperum, L. II. c. 9.
non ea vindicaverunt in usus suos, ut pro-
proprias, sed ut commendatas pauperibus divi-
serunt. Quod in concilio Carthaginensi IV.
definitum est; Ut episcopus rebus ecclesiæ tan- *Can. 31.*
quam commendatis, non tanquam propriis
utatur. Et patres concilii Aurelianensis I. Id *Can. 6.*
esse justissimum, definierunt, de bonis eccle-
siæ, ut in reparationibus ecclesiarum, alimo-
niis sacerdotum, & pauperum vel redemptio-
nibus captivorum, quidquid DEUS in fru-
ctibus dare dignatus fuerit, expendatur, &
clerici in adjutorium ecclesiastici operis con-
stringantur. Quod si aliquis sacerdotum ad
hanc curam minus sollicitus & devotus ex-
titerit, publice a comprovincialibus episcopis
confundatur. Quod si nec sub tali confusio-
ne correxerit, donec emendet errorem, com-
*munionem fratrum habeatur indignus.**

§. LXIV.

Et admini-
stratio,
non domi-
nium.

Administratores fideles esse debent, quibus cura & dispensatio bonorum ecclesiasticorum est concessa, non dominium, sacrosque redditus sibi non necessarios, tenentur in pios expendere usus.

Cap. Frat-
ternita-
tem. De
Donatio-
nibus.

Quæstio hæc inter recentiores theologos agitur, an sint domini bonorum ecclesiasticorum clerici, quod in jure canonico expresse determinatur: *Episcopus, & quilibet prælatus rerum ecclesiasticarum procurator est, non dominus.*

Sed quæstio est, quo jure an ex præcepto ecclesiæ, quæ mandat hos redditus in pios usus fideliter expendi, id teneantur; an ex justitia, utpote bonorum ecclesiasticorum non domini, sed simpliciter œconomi & administratores: quod potior saniorque theologorum pars asserit, communi omnium temporum persuasioni & usui fidelium quorumque ecclesiæ ministrorum conformiter, secundum primigeniam naturam horumce bonorum: *Siquidem, ut habetur in concilio Mediolanensi I. sub CAROLO BORROMÆO, ubi primum ecclesiæ bona esse cæperunt, eam naturam & conditionem consecuta sunt, ut in alium quam sacrum & pium usum eorum fructus converti nefas esset.* Concilium Tridentinum ad canones apostolorum, trigessimum septimum nimirum, & septuagesimum quintum juxta DIONYSII collectionem provocat: ac primum de episcopis agens: *Omnino eis interdicat synodus, ne ex redditibus ecclesiæ con-*
san-

*Acta eccl.
Mediol.
p. 39.*

*Sess.
XXV. c. i.*

Sanguineos familiaresque suos augere studeant. Cam & apostolorum canones prohibeant, ne res ecclesiasticas, quæ DEI sunt, consanguineis donent; sed si pauperes sint, iis ut pauperibus distribuant. Et paulo post: Quæ vero de episcopis dicta sunt, eadem non solum in quibuscumque beneficia ecclesiastica tam secularia quam regularia obtinentibus pro gradus sui conditione observari, sed & ad sanctæ Romanæ ecclesiæ cardinales pertinere decernit.

Quoad pontificem ipsum expressa est sententia D. THOMÆ: *Quamvis res ecclesiæ* 2.2.q.100. *sint papæ, ut principalis dispensatoris, non* a.1. ad 7. *tamen sunt ejus ut Domini & possessoris. PETRUS Aliacensis ex illis apostoli verbis, Sic nos existimet homo, ut ministros CHRISTI & dispensatores mysteriorum DEI concludit: „Cum sit minister & dispensator bonorum communis in quo requiritur bona fides, non habet collatam sibi potestatem super bonis ipsis, nisi ad necessitatem vel communem ecclesiæ utilitatem. Unde ulterius concluditur, quod si papa pro libito distrahat bona ecclesiæ, & non dispenset bona fide, de jure non tenet: & non solum tenetur ad pœnitentiam de peccato, quasi propter abusum rei, sed infideliter agit, & ad restitutionem tenetur. Si aliunde haberet, cum sit defraudator rei alienæ. Secus si esset Dominus, quia in re sua quilibet est ultimus moderator & arbiter. „ Pontificibus Romanis ulterius cura ea incumbit, ut invigilent, ne quid uspiam aliter dispensetur de ecclesiastico patrimonio: Ne victus pauperum pereat, verba sunt S. LEONIS, ne quod ex Epist. ad oblatione fidelium jam DE O factum est sacrificium,*

Q

cium,

Lib. II.
c. 55.

cium, prada raptorum fiat. Jam superius commemoravi ingens ecclesiæ Romanæ studium undique terrarum succurrendi necessitatibus indigentium ex sua penâ, auctoque patrimonio PETRI per varias regiones in orbe christiano. Qua de re insigne est, quod de GREGORIO M. refert in ejus vita JOANNES DIACONUS: *Qualiter sane GREGORIUS*, ipsius verba sunt, *per procuratores ecclesiasticorum patrimoniorum, velut Argus quidam luminosissimus per totius mundi amplitudinem, suæ pastoralis sollicitudinis oculos circumtulit, non abs re forsitan duxerim perstringendum.* Ait enim in epistola ANTHEMIO subdiacono, *discedenti tibi mandavimus, & postmodum præceptis discurrentibus injunxisse me memini, ut curam pauperum gereres: & quos illic egere cognosceres, scriptis recurrentibus indicares, & vix de paucis hæc facere curasti.* Passim in ejus epistolis hæc occurrunt, cum jam antea in concilio Romano IV. sub SYMMACHO id gravissime sit constitutum, atque ejus rei ratio allata circa omnia ea, *quæ vel pro salute vel requie animarum suarum unusquisque venerabili ecclesiæ pauperum causa contulerit.* Secus quod fiat, *iniquum & sacrilegii instar habetur.*

Lib. III.
de sacerdotio
c. 16.

Eadem omnium semper fuit antiquorum persuasio. Nihil, scribit S. AMBROSIIUS ad VALENTINIANUM ep. 31. *ecclesia sibi, nisi fidem possidet, hos redditus præbet, hos fructus: possessio ecclesiæ sumtus est egenorum.* Hæc una ratio fuit non cupiditatis sed charitatis, ut pii præfules aggregandis ecclesiæ bonis studerent, iisque administrandis dispensandisque incumberent sedulo. Magna igitur, inquit S. CHRYSOSTOMUS, *provisio* opus

opus est, ut ecclesiæ facultates neque redundent, neque rursus desint. Sed quæ ecclesiæ erogantur continuo indigentibus sunt disper-

tienda. JULIANUS POMERANUS PAULINUM, HILARIUM & alios collaudat, qui suis bonis relictis ecclesiæ præfecti bonorum omnium dispensatores sunt facti:

Non, inquit, ut possessores, sed ut procuratores facultates ecclesiæ possidebant. Idem S.

ISIDORUS PELUSIOTA agit, & dolet exempla piorum antistitum deficere, qui

fatis norant, quid sibi muneris & obligationis sit erga indigentes: *Quorum, inquit S. A.*

GUSTINUS epist. ad BONIFACIUM, *procuracionem quodammodo gerimus, non proprietatem nobis usurpatione damnabili vindicamus.* Infinita ejusmodi afferri possent testi-

monia, & totidem exempla, quot unquam fuerunt, qui rectum bonorum ecclesiasticorum

fecerunt usum.

Lib. II. c. 9. de vita contempl. Lib. V. ep. 21.

§. LXV.

Usus bonorum ecclesiæ, quos sibi vendicant ac usurpant personæ ecclesiasticæ, moderatus esse debet & frugalis, non luxuriosus, aut in res illicitas expensus.

Usus moderatus bonorum, non luxuriosus.

Quin personæ canonicæ, qui portione gaudent bonorum ecclesiasticorum, atque ecclesiæ deserviunt, quatenus suis necessitatibus opus est, sibi sumere possint, nemo in dubium vocat. *Quis militat ex suis stipendiis unquam? Quis plantat vineam & de fructu ejus non edit? Quis pascit gregem, & de lacte gregis non edit? ... Nescitis quoniam, qui in*

Q 2

sacer.

Hom. 21.
in ep. I. ad
Corinth.

sacerdotio operantur, quæ de sacrario sunt, edunt. „ Non dixit PAULUS, (inquit S. CHRYSOSTOMUS) quis militat, & non est dives? Sed *quis militat suis stipendiis unquam?* Neque dixit, qui plantat vineam, & aurum non colligit, aut fructum integrum non vindemiat? Sed *ex fructu ejus non comedit?* Neque dixit, qui pascit gregem, & de agnis non exercet mercaturam? Sed *de lacte ejus non comedit?* Non ex agnis, sed ex lacte. Oportet enim habere & fortitudinem militis, & agricolæ diligentiam, & curam pastoris, & post hæc omnia nihil amplius quærere, quam necessaria. „ *Apostolus PAULUS,*

In c. 2.
Michaa,

sunt verba S. HIERONYMI, qui altari, inquit, serviunt, de altari participant & vivunt. Permittitur tibi, o sacerdos, ut vivas de altari, non ut luxuries. Vehementer tum eo loco, tum alibi invehitur in abusum hic gliscentem, jam suo tempore, & deinceps amplius etiam invalescentem, ut non raro commodorum vitæ potius, quam muneris ecclesiastici ratio in suscipiendō statu ecclesiastico habeatur, teneaturque. Quod malum ut tolleretur, peroptavit concilium Tridentinum, ab illis ordiendo, quibus potissimum res ecclesiæ debentur, episcopis inquam. Optandum est, sunt verba laudati concilii, *ut ii, qui episcopale ministerium suscipiunt, quæ sua sunt partes agnoscant; ac se non ad propria commoda, non ad divitias aut luxum, sed ad labores & sollicitudines pro DEI gloria vocatos esse intelligant. Nec enim dubitandum est, & fideles reliquos ad religionem innocentiamque inflammandos, si præpositos suos viderint non ea,*
quæ

Sess.
XXV.
c. 1.

*quæ mundi sunt, sed animarum salutem, ac celestem patriam cogitantes. Hæc cum ad restituendam ecclesiasticam disciplinam præcipua esse sancta synodus animadvertat, admonet episcopos omnes, ut secum ea sæpe meditantes, factis etiam ipsis, ac vitæ actionibus, quod est veluti perpetuum quoddam prædicandi genus, se muneri suo conformes ostendant: imprimis vero ita mores suos omnes componant, ut reliqui ab eis frugalitatis, modestiæ, continentiæ, ac quæ nos tantopere commendat DEO, sancta humilitatis exempla petere possint. Quapropter exemplo patrum nostrorum in concilio Carthaginensi non solum jubet, ut episcopi modesta suppellectili, & mensa, & frugali victu contenti sint: verum etiam in reliquo vitæ genere, ac tota ejus domo caveant, ne quid appareat, quod a sancto hoc instituto sit alienum: quodque non simplicitatem, DEI ze- lum, ac vanitatum contemptum præferat. Ita vero habet canon Carthaginensis concilii C. Episco-
IV. quam indigitat, referturque a G R A-
TIANO: Ut episcopus vilem suppellectilem, dist.
pus 41.
& mensam ac victum pauperem habeat, & dignitatis suæ auctoritatem fide & vitæ me-
ritis querat. Quanto id magis convenit aliis
minori in gradu dignitatis constitutis perso-
nis ecclesiasticis, minusve officium præstan-
tibus, ac stipendium merentibus?*

Nec contra temperantiæ tantum virtutem & moderationem peccari hic contigit sed etiam contra justitiæ leges, ut ad restitutionem te-
neantur ex suis bonis, si quæ sunt, aut par-
cendo sumtibus etiam honestis & ordinariis,
juxta theologos graves, qui bona ecclesiastica
prodigunt. Vult autem sacerdotem S. A M-

*Lib. II. de
offic. c. 21.*

BROSIUS *nec bonorum operum sumtibus immoderatum esse : Impensas misericordiae convenientes frequentare , quantum oporteat largiri peregrinis , non superflua , sed competentia ; non redundantia , sed congrua humanitati , ne sumtu pauperum alienam sibi querat gratiam.* Varia illic attingit e. g. ædificia , vultque non superfluas ædificationes aggredi , non prætermittere necessarias. Addit tamen , maxime sacerdoti hoc convenire , ornare DEI templum decore congruo , ut etiam hoc cultu aula Domini resplendeat. Fuit hæc , ut superius vidimus ex quatuor partibus una bonorum ecclesiasticorum , sicuti etiam pauperum. Sed hæc potior est ; nec arithmetica hic valet distributio , cura semper potissimum indigentium est habenda , præsertim in articulo necessitatis. *Dicendum*, inquit D. THOMAS , *quod non omnia bona ecclesiarum sunt pauperibus distribuenda , nisi forte in articulo necessitatis.* Additque : *In tali necessitate peccaret clericus , si vellet de rebus ecclesiasticis vivere , dummodo haberet patrimonialia bona , de quibus vivere posset.*

*2.2.q.185.
a. 7.*

*P. III. L.
III. c. 42.*

Patet hinc , quid dicendum de usibus non solum superfluis , sed illicitis etiam. Inter quos canonibus ecclesiasticis lusus præsertim sunt interdicti , illecebræ item voluptatum & pomparum sæculi , in venationibus , comædiis , armis , pugnis , tabernis , popinis , commessationibus , choreis &c. de quibus videri potest THOMASINUS ubi agit de nefario & perverso usu rerum ecclesie proventuumque sacrorum.

§. LXVI.

Excepta necessitatis summæ ac pietatis, causa ecclesiæ bona alienare ac dilapidare nefas est, pariter ac ea alienis & rapacibus invadere manibus & diripere.

Quoniam bona vel redditus ecclesiæ semel attributi pro dicatis DEO semper habiti sunt, cultui ejus tantummodo impendi, nec in ullum alium usum converti debuerunt, nisi extraordinarius necessitatis charitatisque casus id exigat: e. g. captivorum redimendorum, vel pauperum famis tempore juvandorum, quando etiam vasa sacra confregisse pietatis fuit, ut jam exempla dedi, interque alia est S. AMBROSII, qui idcirco ab Arianis in crimen vocatus se defendit. *Nonne melius, ait, Lib. II. doconflat sacerdos pro alimonia pauperum, si alia subsidia desint, quam ut sacrilegus contamine- offic. c.28. & asportet hostis? Nonne dicturus est Dominus: cur passus es tot inopes fame mori? Certe habebas aurum, unde ministrasses alimoniam? Cur tot captivi deducti in commercium, nec redempti ab hoste occisi sunt? Melius fuerat, ut vasa viventium servares, quam metallorum. His non potest responsum adferri. Quid enim dices? Timui, ne templo DEI ornatus deesset! respondebit: Aurum sacramenta non querunt & neque auro placent, quæ auro non emuntur. Ornatus sacramentorum redemptio captivorum est. Et vere illa sunt vasa pretiosa, quæ redimunt animas a morte. Simili in necessitate, injuria S. CYRILLUS HIEROSOL. ab ACACIO fuit impetitus,*

Q 4

quod

*Lib. IV.
c. 25.*

quod thesauros ecclesiæ & vestes sacras pretiosissimas divendidisset: Cum, inquit S O Z O M E N U S, Hierosolymorum regionem famemes occupasset, egentium multitudo necessariis alimentis destituta ad episcopum oculos coniecit, cum autem pecunia deessent, quibus subveniri posset egentibus, CTRILLUS thesauros ecclesiæ & sacra vela divendit.

*Lib. I. de
persecut.
Vandal.*

VICTOR Vitenlis tale pietatis opus in episcopo Carthaginensi D E O G R A T I A S dilaudat. „ Illo (inquit) episcopo constituto „ factum est peccatis urgentibus, ut urbem „ illam quondam nobilissimam atque famosam „ decimo quinto regni sui anno G E I S E R I C U S caperet Romam. Et simul exinde „ regum multorum divitias cum populis captivavit. Quocum multitudo captivitatis Africanorum attingeret littus dividendibus Vandalis & Mauris ingentem populi quantitatem, ut moris est barbaris, mariti ab uxoribus, liberi a parentibus separabantur. Statim fategit vir D E O plenus & clarus universa vasa ministerii aurea vel argentea distrahere, & libertatem de servitute barbarica liberare, & ut conjugalia fœdera manerent, & pignora genitoribus redderentur. „

c. 32.

Constitutum autem erat, ut venditio sine subscriptione clericorum aut licentia primatis ac episcoporum comprovincialium fieri omnino non posset. Irrita erit, decernit concilium Carthaginense IV. *donatio episcoporum, vel venditio, vel commutatio rei ecclesiastica absque conniventia & subscriptione clericorum.* Et conc. Carthaginense V. *Placuit, ut rem ecclesiæ nemo vendat. Quodsi aliqua necessitas cogit, hanc insinuandam esse primatui provincia ipsius, ut cum statuto numero*

c. 4.

vero episcoporum, utrum faciendum sit arbitretur. Et concilium Agathense: *Quodsi* Can. 7
necessitas certa compulerit, ut pro ecclesia necessitate aut utilitate, vel in usufructu vel in directa venditione aliquid distrabatur, apud duos tresve comprovinciales vel vicinos episcopos causa, qua necesse sit vendi, priusquam comprobetur.

Alias in usum profanum vertere res semel ecclesiæ consecratas imprimis piaculum erat: Can. 13
Vas ac instrumentum, habet canon apostolicus, ex auro vel argento vel linteis, DEO consecratum, nemo amplius in usum suum convertat: iniquum enim est. Si quis autem deprehensus fuerit, segregatione multetur. Irritam ejusmodi distractionem sede vacante a presbyteris factam jam concilium Ancyranum ineunte sæculo quarto rescindendam esse voluit: *De his, quæ pertinent ad ecclesiam, quacunque, cum non esset episcopus, presbyteri vendiderunt, placuit rescisso contractu ad jura ecclesiastica revocari.* In judicio autem erit episcopi, si pretium debeat recipi, nec ne: quia plerumque rerum distractionum redditus ampliore summam pro pretio dato reddiderit. Concilio Valentiniano, vergente eodem sæculo quarto, tribuitur decretum, irritam declarans alienationem bonorum ecclesiæ, sine consensu scripto dato sacerdotum, quibus eorum bonorum custodia sit. Patet ex accusatione contra S. GREGORIUM NISSENSENSEM in præsentia causa, quod thesaurarii fuerint ecclesiæ, qui rationem reddere & calumniam retundere parati fuerint, ut S. BASILIUS ad DEMOSTHENEM vicarium præfecti prætorii in Ponto & Cappadocia perscribit, qui ea in

Q 5

cau-

Epist. 225

*Vita Chry-
sost. c. 13.*

*Lib. II.
epist. 127.*

Epist. 17.

*T. IV.
conc. p.
1295.*

causa concilium Arianorum Ancyrae in Galatia congregaverat. Gravior & assertior fuit causa ANTONINI Ephesiorum episcopi a S. CHRYSOSTOMO dijudicata, teste PALLADIO, cujus accusationis priora capita erant de rebus ecclesiae distractis, & in profanum usum impie deductis. Et S. ISIDORUS PELUSIOTA non contentus fuit, quod S. CYRILLUS ALEXANDR. minatus tantum fuerit, non reipsa excommunicaverit presbyterum MARTINIANUM, qui ab EUSEBIO constitutus oeconomus Pelusio bona ecclesiae dilapidavit, & Simoniam exercuit. S. LEO gravem dedit epistolam ad episcopos Siciliae, ne quid bonorum ecclesiae alienare audeant, etiam in utilitatem suarum ecclesiarum sine totius cleri consensu. CAESARIUS Arelatensis SYMMACHUM P. commonuit, quod in Galliis sub variis praetextibus bona ecclesiae alienarent, unde quotidie diminuerentur fundi ad opem pauperibus ferendam destinati. Petit igitur, ut alienationes hujusmodi auctoritate sedis apostolicae prohiberentur, nisi forte pietatis causa monasteriis traderentur. Quod graviter fecit SYMMACHUS epistola ad CAESARIUM data, ubi inter alia hoc primum occurrit decretum: *Possessiones igitur, quas unusquisque ecclesiae proprio dedit ac reliquit arbitrio, alienari quibuslibet titulis atque contractibus, vel sub quocunque argumento non patimur: nisi forsitan aut clericis bonorum meritis, aut monasteriis religionis intuitu, aut certe peregrinis necessitas largiri suaserit: sic tamen, ut hac ipsa non perpetuo sed temporaliter donec vixerint perfruantur.* Necesse fuit in concilio Chalcedonenſi hujus rei causa circa res monaste-

naſteriorum ac ipſa monaſteria decerni, ne amplius in ſæculares uſus degenerent: *Quæ ſemel voluntati epiſcopi conſecrata ſunt monaſteria, perpetuo manere monaſteria, & res quæ ad ea pertinent ſervari, eaque non amplius fieri ſæcularia habitacula. Eos autem qui hoc fieri permittunt, canonum pœnis ſubjici.* Can. 24.

GRATIANS refert canones plures concilii Agathenſis, quorum nono permittitur reſcindi venditiones factas ſine licentia. Idem in concilio Epaonenſi ſtatuitur. Ex concilio Agathenſi paulo ante citavi partem canonis circa præſens argumentum. Præter canonem autem vigefimum ſecundum, ubi de eadem re agitur tanquam nota & antiquis canonibus prohibita, quo facilius tamen cupiditas aut improbitas reprimantur, vendere aut donare rem eccleſiæ non ſolum prohibetur, ſed etiam qui contra fecerint reſciſſa venditione de facultatibus ſi quas habent proprias, indemnem eccleſiam reddere & communione privari decernuntur; ejusdem vigoris paulo poſt ſequitur alius notabilis canon: *Si quis de clericis documenta, quibus eccleſiæ poſſeſſio firmatur, aut ſupprimere aut negare, adverſariis fortasſe tradere damnabili & punienda obſtinatione præſuſerit, quidquid per abſentiam documentorum damni eccleſiæ illatum eſt, de propriis facultatibus reddat, & communione privetur.* An. 517.
can. 7.

Hi etiam qui in damno eccleſiæ instrumenta eccleſiæ, impie ſollicitatis traditoribus, ſuſceperint, pari ſententia feriantur. Conc. Agath. C. 26.

Speſtat hic canon uſurpationes & ſollicitationes bonorum eccleſiæ ſatis tunc frequentes, contra quas eodem fere tempore concilium Romanum ſub SYMMACHO decreta edidit, & ceu ſacrilegium damnavit: *Ergo ingens ſacrilegium eſt,* An. 504.
T. IV.

conc. p.
1373.

est, ut quaecunque vel pro remedio peccatorum vel salute vel requie animarum suarum unusquisque venerabili ecclesiae contulerit, aut certe reliquerit, ab his quibus maxime servari convenit, id est christianis & DEUM timentibus hominibus, & super omnia a principibus, & primis regionum in aliud transferri vel converti. Propterea qui aliter, quam scriptum est, pradia ecclesiis tradita petierit vel acceperit, vel injuste defenderit, aut retinuerit, nisi cito correxerit, anathemate feriatur. Et paulo post: Similiter & hi, qui res ecclesiae jussu vel largitione principum vel quorundam potentum, aut quadam invasione, aut tyrannica potestate retinuerint, & filiis vel heredibus suis quasi hereditarias reliquerint, nisi cito res DEI, admoniti a principe reddiderint, perpetuo anathemate feriantur. Procul hoc erat a pietate USTINIANI, qui pluribus legibus alienationem bonorum ecclesiasticorum prohibuit; quomodo vero recte & utiliter impendi debeant, variis etiam in contractibus modum praescribit. In occidente praesertim opus fuit hujusmodi alienationes usurpationesque bonorum ecclesiae identidem restringere: quam in rem plures sunt canones concilii Aurelianensis III. & IV. octo priores; concilii autem Parisiensis decem. Laudaturque constantia INJURIOSI Turonensis a GREGORIO Turonensi lib. IV. de gestis Francorum c. 2. qui ceteris episcopis cedentibus importunitati CLOTARII solus restitit, & pervicit tandem. Creditusque est CAROL. MARTELLUS damnatus ob usurpationem bonorum ecclesiasticorum; ut refertur in capitul. regum Francorum. Sed non idcirco cessavit usur.

Nov. 7.
46. 120.

T. H. p.
302.

usurpatio, fuerunt tum monitiones cum terrores canonum necessarii; stimulatque invidia & cupiditas involandi in possessiones sacras ac patrimonium CHRISTI.

§. LXVII.

Bona ecclesiæ propria vel approprianda, commercio humano variisque contractibus subiecta sunt, falvis suis privilegiis, secundum canones & leges ecclesiasticas, quæ etiam civiles non raro determinant ac corrigunt.

Aut aliis modis in commercio & contractibus lædantur.

S. RAYMUNDUS in compilatione decretalium, quæ sub nomine GREGORII IX. prodierunt, & præcipuam juris canonici partem conficiunt, post titulum *de rebus ecclesiæ alienandis vel non*, subjicit titulos plures consequenter de variis contractibus, qui possunt accidere etiam circa bona ecclesiæ, quæ aut jam ceu propria possidet, aut hujusmodi contractibus accipere potest.

Lib. III
tit. 13.

Ac primo occurrit titulus *de precariis*, quæ a *precario* in hoc distinguuntur, quod secundum illas ad certum tempus aut dies vitæ conceditur usus bonorum immobilium, sub reservatione exiguæ recognitionis non proportionatæ ad usumfructum exinde percipiendum. Jubentur autem precariæ singulis quinquenniis renovari, cum precarium ad nutum concedentis sit revocabile; concediturque successori precariam per prædecessorem irrationabiliter factam revocari. Similiter statuitur

tit. 14. c. 1.

tit. 16. c. 1.

ex

ex deposito facto apud clericum non teneri ecclesiam: nisi in utilitatem ecclesiæ sit versum.

tit. 18. c. 2.

c. 4.

tit. 19. c. 1.

§. 2.

c. 3. 4.

c. 5. 7.

c. 6.

c. 9.

tit. XX.

c. 2. tit.

24. c. 5.

Conceditur personis ecclesiasticis locare proventus decimarum his, cum quibus fit conditio ecclesiæ melior, non obstante contrario statuto; ut tamen hujusmodi locatio ad feudum vel alienationem non videatur extendi. Cavetur autem, ne emphiteuta ecclesiæ meliorationes suas, nisi certis præscriptis conditionibus, vendat. Et si contra fecerit, vel canonem per biennium non solverit, nisi celeri satisfactione sibi consulere studuerit, iuste decernitur posse expelli.

Si voluerit princeps rem immobilem sanctis locis præstare & accipere ab eis aliam immobilem, eoque modo de communi voluntate per mutationem contrahere: id conceditur, si causa rationabilis id exposcat, & res, quam præstiterit, major fuerit vel æqualis. Quod est juxta Novell. 7. JUSTINIANI. Commutationes autem rerum ecclesiasticarum ab antecessore inconsulte factæ, a successore emandari jubentur; caveturque ne mancipia ecclesiastica, nisi ad libertatem commutentur. Præbendæ etiam commutari prohibentur; beneficiaque perdunt, qui ea propria auctoritate permutant; ac episcopi est causam inspicere necessariam, personas de uno loco ad alium transferendi. Ecclesiarum parochialium & possessionum earum permittitur ad invicem permutatio, suppleto pro minus valentibus pretio; spirituale vero cum temporali permutare neutiquam.

Aliquando non obstante juramento de non alienando seu noviter infeudando, potest episcopus antiquum feudum ad ecclesiam reverteri novo vasallo concedere. Nisi iustissima

fima de causa non licet oppignorare res ecclesiarum. Qua in re indulgentius est jus canonicum quam civile, quod talem oppignorationem tantum indulget in causa redemptionis captivorum. Quodsi rector ecclesiarum pro sua necessitate rem ecclesiarum pignori obligavit, cogitur hæres ecclesiarum restituere. *tit. XXL c. 1. Nov. 7. c. 8. tit. XXL c. 3.*

Clerici fidejussionibus se immiscere prohibentur. Religiosis autem severe interdicitur fidejubere absque majoris partis capituli & abbatis licentia. Et si clericus fidejubeat pro alio clerico, hic ad satisfaciendum fidejussori pro solutione præstita compellatur sub privatione beneficii & officii, præsertim si compensationem sub juramento promiserit. *tit. XXII. c. 1. 4. tit. 23. c. 1.*

Obstringitur prælatusolvere debita sui antecessoris pro ecclesiarum necessitate contracta. Suspenditur autem ab administratione spiritualium & temporalium, & ecclesia non tenetur, si prælatus se obligat pro alienis debitis. Jure civili, qui solvendo non sunt, pœnis subjiciuntur; at jure canonico id circa clericos non licet. *c. 2. c. 3.*

Donatio, quam facit prælatus in damnum ecclesiarum & inconsulto capitulo, non valet: quoad hoc autem attendi debet quantitas rei donatæ, & loci consuetudo. Episcopus viris religiosus ecclesiam donans censetur etiam fructus illius donasse; sed donatio quinquagesimæ vel centesimæ cum gravi ecclesiarum suæ damno potest legitime revocari: nec etiam potest ultra quinquagesimam vel centesimam conferre, etiam cessante læsione ecclesiarum sine auctoritate superioris. Monasterium, domus, hospitale licite & valide se submittit ac donat alteri monasterio, domui religiosæ, hospitali. *tit. 24. c. 2. 3. c. 7. c. 8.*

spitali vel ecclesiæ, etiam si ipſus monasterii res ac jura actu ſint litigioſa, & fratres talis monasterii, quod ſe alteri ſubmittit, excommunicati, & ob perjurium infames ſint; dummodo per eam ſubmiſſionem ac donationem non præjudicetur juribus epiſcopi vel tertii.

Hæc potiſſimum ſunt, quæ titulis illis decretalium decernuntur, circa res & bona eccleſiæ, extenduntque ſe ad monaſteria & hoſpitalia, prout etiam apud JUSTINIANUM habetur. Qui etiam alia proſequitur huc pertinentia quoad alienanda, debita ſolvenda, permutanda, in emphiteuſim mittenda, locanda, hypothecanda &c. quæ dijudicanda ſunt & determinanda juxta has aliasque leges & conſuetudines eccleſiaſticas; quæ haud raro determinant & emendant leges civiles. E. g. qua culpa teneatur commodatarius, depositarius &c. circa juſtum venditionis pretium, ac fraudes in menſuris & ponderibus, eccleſiaſticam fraudatoribus conſtituendo poenam, & actionem permittendo venditori ſi deceptus ſit ultra dimidium pretii: cum jure civili licitum ſit ementibus & vendentibus ſe invicem circumſcribere uſque ad dimidium juſti pretii. Cavet autem jus canonicum, ne eccleſia in actibus ſuis fraudes adhibeat, nec permittit clericis emere vilius & vendere carius &c. Limitatur etiam jure canonico jus civile circa rem propter nuptias donatam venditam, ſi vir habeat alia bona, unde uxor ſibi conſulere poſſit, & emptor ſpacio 30. annorum rem poſſideat, quin uxor eum inquietare valeat, maxime ſi pretium fuit converſum in communem uſum viri & uxoris. Hæc ſpeciminis loco ſunto.

§. LXVIII.

Nov. 7.

Nov. 46.
120.

tit. XV.

tit. XVI.

c. 2.

tit. XVII.

c. 1. 2.

c. 3.

Leg. 22. §.

3. locat. l.

2. in fin.

c. de reſcind.

venil.

tit.

XXIV.

c. 5.

C. 3. canonum

14. q. 4.

§. LXVIII.

Quamvis clericis, minoribus præfertim, consultum ac necessarium etiam fuerit non raro victum sibi quærere, artificio ac negotiolo, quæstuosæ tamen nundinationes & operosæ negotiationes semper eis sunt interdictæ.

De negotiati-
onibus cleri-
corum.

S. AUGUSTINUS non solum dilaudat, sed etiam alios ad imitationem extimulat eorum, qui orientis more & PAULI apostoli auctoritate manibus suis se transigunt. Confitetur nimirum apostolus, se ne cui gravis esset, manibus suis victum sibi præstitisse. Quod exemplum multi sancti pastores ecclesiæ sunt imitati, etiam episcopi; quod de S. SPURDIONE refert SOCRATES, cujus in concilio Nicæno celebre fuit nomen. Qui, teste laudato SOCRATE, cum episcopatus munere fungeretur, propter singularem animi modestiam oves etiam pavit. SOZOMENUS de ZENONE episcopo Majumæ idem refert, se propriis oculis usurpasse, quod ditissimæ licet præfectus ecclesiæ, & jam centenarius nunquam laborem manuum intermisisset.

De mori-
bus eccles.
L.I. c. 33.

Lib. c. 8.

Ab imperatoribus christianis clerici immunitatem acceperunt a tributo ac vectigali negotiationibus indicto. Quod grave alias erat, ac induxit nonnullos mercatores, ut ecclesiæ cuiquam adscriberentur, quo frui possent hæc immunitate. Sed HONORIUS huic fraudulentia occurrens quæstuosas mercaturas excepit. Jam S. CYPRIANUS doluit, episcopos plurimos derelicta cathedra, plebè de-

Cod. Theo-
dos. Lib.
XIII. tit.
1. de lu-
strat. col.

R

ferta,

strat. col.

lat. l. 16.
Lib. de la-
pſis.

Can. 18.

An. 397.

Can. 51.
52. 53.

De Benef.
P. III. L.
III. c. 8.

De opere
monach.
c. 29.

ferta, per alienas provincias oberrantes, negotiationis quæstuosæ nundinas aucupari. Quam in rem salubrem constitutionem concilium Illiberitanum edidit: *Episcopi presbyteri & diaconi de locis suis negotiandi causa non discedant; nec circumeuntes provincias quæstuosas nundinas sectentur. Sane ad victum sibi conquirendum, aut filium aut libertum, aut mercenarium, aut amicum, aut quemlibet mittant: & si voluerint negotiari intra provinciam negotientur.* Concilium Carthaginense statuit: *Ut episcopi & presbyteri, & diaconi non sint conductores, neque procuratores, neque ullo turpi vel inboneſto negotio victum quærant: quia respicere debeant scriptum esse: Nemo militans DEO implicat se negotiis ſecularibus.* Quibus duobus ex canonibus dilucidari debent tres canones concilii Carthaginensis IV.; quos tamen sunt, qui diversorum conciliorum statuta in unum collecta esse putent; quibus etiam id præcipi videtur, ut clerici labore manuum vivant. Sunt autem hi consequentes sese canones: *Clericus quantumlibet verbo DEI eruditus, artificulo victum quærat: Clericus victum & vestitum sibi artificulo vel agricultura absque officii sui detrimento quærat: Omnes clerici, qui ad operandum validiores sunt, & artificiola & litteras discant.* Putat THOMAS SINCUS de inferioribus clericis hoc intelligi tantum debere; cum S. AUGUSTINUS in sua congregatione clericos hoc onere dispenset, etiam monachos sacris addictos: Idque muneris sacri rationes exposcere vult, ac asserit, hanc esse consuetudinem ecclesiarum, *ut nos, verba ipsius sunt, ad illa opera, ad quæ vos hortamur, vacare non ſint.*

nant. Nihilominus in concilio Turon. produ-
 citur hic exemplum apostoli: *Cum jubea-* *Can. 10.*
mur victum aut vestitum artificiolò quærere,
Et manibus propriis laborare. Sunt etiam
 obvia istis temporibus talia exempla, & non-
 nunquam necessitas hujusmodi artificiolò ad vi-
 tam transigendam esse potuit, qualis indul-
 sit, ut & mendicare indulgeatur in concilio, *T. IV.*
 quod a S. PATRICIO habitum dicitur: *Ita conc. p.*
tamen, ut, si quis permissionem acceperit Et 1878.
collectum sit pretium, non plus exigit, quam
necessitas poscit. In synodo œcumenica VII.
 ad laborem revocantur, qui sufficientem su- *Can. 15.*
 stentationem non habent in clero: *Ad vita*
vero hujus necessitatem studia sunt diversa;
ex his vero, qui voluerit, acquirat corporis
opportuna. Ait enim apostolus, ad ea, quæ
 mihi opus erant, Et his, qui mecum sunt,
 ministraverunt manus istæ. Aliter decori or-
 dinis sacri prospexit recentior disciplina, ne
 quis sacro ordini adscriberetur, cui de suffi-
 cienti sustentatione non sit prospectum.

Semper autem ex ipsa sacri ministerii ra-
 tione cautum fuit, ne clerici se negotiis sæ-
 cularibus immisceant, ac quæstuosas nundi- *Lib. I. de*
 nationes sectarentur. „Non te (inquit S. „ *offic. c. 36.*
 AMBROSIO) implices negotiis sæcu- „
 laribus, quoniam DEO militas. Etenim si „
 is, qui imperatori militat, a susceptionibus „
 litium, actu negotiorum forensium, vendi- „
 tione mercium prohibetur humanis legibus; „
 quanto magis qui fidei exercet militiam, ab „
 omni usu negotiationis abstinere debet, „
 agelli sui contentus fructibus, si habet; si „
 non habet, stipendiorum suorum fructu? „
 Passim prohibitionem hanc stringunt, & est *Decretal.*
 titulus singularis in jure canonico: *Ne cleri-* *Lib. III.*
ci. tit. 50.

*ci vel monachi secularibus negotiis se intin-
sceant. Qua de re pluribus postea differemus.*

§. LXIX.

**Peculium
clerico-
rum.**

Non idem omnium semper fuit
studium perfectionis, nec eadem di-
sciplina, ac persuasio doctorum ve-
terum & recentiorum de peculio
clericorum, ac bonis ecclesiæ fruen-
di, etiam dum suppetunt propria.

*Vid. Tho-
masin. de
Benef. P.
III. Lib.
III. c. 2.
§ 3.*

*De vita
contempl.
Lib. II.
c. 9.*

Frequens fuit in antiqua ecclesia, ut epi-
scopi ac alii clerici perfectionis amantiore
patrimonio renunciarent, cum sacro ordini ad-
scriberentur. Fecerant id exemplo apostolo-
rum, qui suis relictis omnibus audire merue-
runt, dignus est operarius mercede sua: ut-
que qui in evangelio laborant, de evangelio
vivant: quam apostolus ordinationem Domi-
ni esse dicit, & ipse etiam pronuntiat, qui
altari ministrant, de altari etiam participare.
Quod recentiores theologi eo interpretantur,
ut licitum putent, illis etiam quibus propriæ
suppetunt facultates, tamen de bonis eccle-
siæ vivere. Quos acriter incescit JULIA-
NUS POMERANUS: „ Qui (inquit) ec-
„ clesiæ serviunt & labori suo velut debita
„ reddi oportere credentes, ea quibus opus
„ non habent, aut accipiunt libenter aut
„ exigunt; nimis carnaliter sapiunt, si pu-
„ tant, quod ecclesiæ fideliter serviētes sti-
„ pendia terrena percipiant. „ Agit de ea
re illic copiose, & undique perfectionis
normam inculcat, quæ maxime in apostolo
enituit: non enim contentus sua reliquisse,
postea

postea nec de altari aut oblationibus fidelium vivere voluit, sed labore manuum. Quod nos, inquit laudatus JULIANUS, qui & pro- 16. c. 14.
 pria nolumus, amore possidendi, non vivendi necessitate relinquere & accipere insuper volumus, non unde vivamus, sed unde censum nostrum incrementis damnabilibus augeamus? In concilio Carthaginensi statutum est, ut epi- An. 397.
 scopi, presbyteri, diaconi, vel quicumque clerici, c. 45.
 qui nihil habentes ordinantur, & tempore episcopatus vel clericatus sui agros vel quacunque prædia nomine suo comparant, tanquam rerum dominicarum invasionis crimine teneantur obnoxii, nisi ecclesiæ eadem ipsa contulerint. Si autem ipsis propriæ aliquid liberalitate alicujus vel successionem cognationis obvenerit, faciant inde quod eorum proposito congruit. Quod si a suo proposito retrorsum exorbitaverint, honore ecclesiastico indigni, tanquam reprobi judicentur. Qui canon favere videtur relatæ theologorum opinioni.

Distinguuntur autem post erecta beneficia, quæ jura stolæ vocari hodie solent, ac ea omnia complectuntur, quæ clerici præter communia ecclesiæ bona beneficialia, ex functionibus ecclesiasticis, exequiis, missis, concionibus, quotidianis distributionibus accipiunt, quorum dominium acquirunt, ut pro libitu de illis possint disponere juxta S. ANTONINUM P. II. c. 1.
 & theologos passim. Pauciores sunt, qui cle- §. fin.
 ricis similem liberam dispositionem relinquunt, non solum circa fructus & redditus beneficiorum, verum etiam circa bona, ut vocant parimonialia, quæ de expensis quotidianis statui suo rationabiliter competentibus par- 1. q. 2. c.
 centes superant, & augentur. GRATIA clericos c.
 NUS in suo decreto veteri puritati insistit. pastor &c.
R 3 Et si quis.

*Lib. III.
tit. 25.*

Et in decretalibus GREGORII IX. qui habetur titulus de peculio clericorum, non distinguit propria & ecclesiastica bona clericorum, nec in decursu occurrit nomen peculii; sed id fere unum agitur, ut si quæ post ordinationem ex rebus ecclesiæ vel occasione ecclesiæ clericis obvenerunt, vel clerici acquisiverunt, ad ecclesiam, tanquam res ad ecclesias pertinentes revertantur. Referuntur autem illic

Can. 36.

omnia ad recentiore disciplinam, postquam, facta beneficiorum erectione, bona ecclesiæ in certas portiones sunt divisa, a communi massa bonorum ecclesiæ separata. Canon tamen concilii Agathensis secundum veterem adhuc disciplinam clericos omnes participes facit stipendiorum laboribus debitorum. Ita autem habet: *Clerici omnes, qui ecclesiæ fideliter vigilanterque deserviunt, stipendia laboribus debita secundum servitii sui meritum vel ordinationem canonum a sacerdotibus consequuntur.* Quod theologi in relata sententia pro se sumunt, cum clerici omnes absque distinctione aut exceptione notentur. Capitularia CAROLI M. his non respondent, ad

*Capit. 76.
77. 78.*

canonicam auctoritatem provocantes: „ Volu-
„ mus atque præcipimus, sicut synodali atque
„ canonica auctoritate a pastoribus sanctæ ec-
„ clesiæ sæpe admoniti sumus, ut canonici cle-
„ rici, qui in civitatibus vel monasteriis de-
„ gunt, qui beneficia habent, unde victum &
„ vestimentum habere possunt; ut his juxta
„ apostolum contenti sint, & stipendia fra-
„ trum, unde pauperiores, & hi qui assidue
„ in prædictis locis Domino famulantes ex-
„ cubant, atque ibi assiduam divinam
„ explentes officium vitam sustinent, ne-
„ quaquam assumant, aut in suis usibus con-
ver-

vertant. Scimus enim, quia absque periculo, atque dispendio animarum suarum, hoc nullatenus facere possunt. Si quis hæc statuta contempserit, utrisque careat, id est & beneficio & præbenda, atque si gradibus fruitur ecclesiasticis, his privetur; quod habet ecclesia cum omnibus nihil habentibus commune: nec aliquid inde eis, qui sibi de suo sufficiunt, convenit erogare. Quando nihil aliud sit, habentibus dare, quam perdere. Nec illi, qui sua possidentes dari sibi aliquid volunt sine grandi peccato suo, unde pauper victurus erat, accipiunt. Res mox clarior evadet.

§. LXX.

Fuit olim in testamentis clerico-^{Testamen-}
rum probe distinctum inter bona^{ta.}
ecclesiæ nomine acquisita, & propria, necdum facta bonorum ecclesiasticorum divisione.

Potest hinc illis, quæ mox diximus, non parum aspergi lucis, si æquum jus attendatur bonorum in vita, & in morte, & confusio bonorum tollatur, quam divisio eorum erectis beneficiis afferre solet. Canon apostolicus circa res episcopi, penes quem fuit moles bonorum ecclesiasticorum, hoc sollicitè distinguit, quod modo fieri tam primum non est. *Sint autem manifesta*, ita ha-^{Can. 40.}
bet, *res propria episcopi (si tamen & habet proprias) & manifesta dominica, ut potestatem habeat de propriis moriens episcopus sicut voluerit, & quibus voluerit derelinquere; nec sub occasione ecclesiasticarum rerum*

An. 341.
can. 24.

quæ episcopi esse probantur, interdicant & fortassis enim aut uxorem habet aut filios, aut propinquos, aut servos. Et justum est hoc apud DEUM & homines, ut nec ecclesia detrimentum patiatur, ignoratione rerum pontificis; nec episcopus vel ejus propinqui sub obtentu ecclesiæ proscribantur, & in causas incidant qui ad eum pertinent, morsque ejus injuriis malæ famæ subjaceat. Canon iste, ut alii etiam, in concilio Antiocheno firmatus est: Manifesta vero sint, quæ pertinere videntur ad ecclesiam cum notitia presbyterorum & diaconorum qui circa ipsam sunt, ita ut cognoscant, nec ignorent, quæ sunt ecclesiæ propria, nec eos aliquid lateat. Ut si contingeret episcopum migrare de sæculo, certis existentibus rebus, quæ sunt ecclesiæ, nec ipsæ collapsæ depereant, nec quæ propria probantur episcopi sub occasione rerum pervadantur ecclesiæ. Justum namque & acceptum est coram DEO & hominibus, ut sua episcopus, quibus voluerit, derelinquat, & quæ ecclesiæ sunt eidem conserventur ecclesiæ: ut nec ecclesia aliquid patiatur incommodum, nec episcopus sub occasione proscribatur ecclesiæ; neque in causas incidant, qui ad eum pertinent, & ipse post obitum maledictionibus ingravetur. Legibus imperatoris tum bona martyrum & confessorum sine hæredibus mortuorum, quæ alias fiscus repetere poterat, cum bona clericorum, sine hæredibus & facto testamento defunctorum, ecclesiæ cesserunt: „ Si quis episcopus, aut „ presbyter, aut diaconus, aut diaconissa, aut „ subdiaconus vel cujuslibet alterius loci clericus, aut monachus, aut mulier, quæ solitariae vitæ dedita est, nullo condito testa- „ men-

Cod. Theod. Lib.
V. t. 3. de
bonis cleric.
l. 1.
Cod. Just.

mento decesserit, nec ei parentes utriusque „ *L. I. t. 3.*
 sexus, vel liberi, vel si qui agnationis co- „ *de epis. l.*
 gnationisque jure jungantur, vel uxor ex- „ 20.
 titerit, bona quæ ad eum pervenerint fa- „
 crosanctæ ecclesiæ vel monasterio, cui fue- „
 rat destinatus, omnifariam socientur; ex- „
 ceptis iis facultatibus, quas forte censibus „
 adscripti, vel juri patronatus subjecti, vel „
 curiali conditioni obnoxii, clerici vel mo- „
 nachi cujuscunque sexus relinquant. „ Con-
 cilium Agathense duos in hoc argumento ha-
 bet canones, quorum prior imprimis facit
 ad illustrationem superioris legis, ac ipse ab
 ea lucem accipit: *Episcopus, qui filios, aut Conc. A.*
nepotes non habens, aliam quam ecclesiam gath. C.
relinquit heredem, si quid de ecclesia, non 23.
in ecclesiæ causa aut necessitate præsumsit,
quod distraxit, aut donavit, irritum ha-
beatur. Qui vero filios habet, de bonis quæ
relinquit ab hæredibus ejus indemnitatibus
ecclesiæ consulatur. Notandum est, quod ca-
non iste aliter a GRATIANO referatur, in-
terjecta nempe particula negativa: Alium Causs. 12.
quam ecclesiam non relinquat heredem. Et q. 2. c. 34.
conspirat canon concilii Hispalensis I. Compe- Can. 1.
rimus in canone (consulentes vetera statuta),
ut episcopus, qui res proprias, excepto filiis &
nepotibus alteri & non ecclesiæ suæ dimisexit,
quidquid de ecclesiæ rebus aut donavit; aut
vendidit, aut quoquo modo ab ecclesiæ trans-
tulit, irritum haberetur. Et concilium Epao-
nense: Si episcopus condito testamento aliquid Can. 17.
de ecclesiastici juris proprietate legaverit, aliter
non valebit nisi in tantum de juris proprii fa-
cultate suppleverit. Jam hinc colligi potest,
cur disciplina circa testamenta successu tempo-
rum immutata est, ne res ecclesiæ distraheren-

R 5

tur,

An. 393.
tit. 32. c. 8.

tur, & ad alienas manus pervenirent: cum difficillimum esset post mortem episcopi, penes quem dum vixerat erat cura bonorum ecclesiæ, sua vindicare, quod ut fieret sanxit dudum concilium Hipponense juxta FERRANDI collectionem: *Ut episcopi quidquid nomine suo comparaverint cogantur ecclesiæ refundere: quidquid autem eis donatur, cui voluerint, conferant.* Hinc conciliatur canon Agathensis concilii ante laudatus, cum consequente altero, qui ita habet: *Ut de rebus episcopi propriis vel acquisitis, vel quidquid episcopus de suo proprio habet, heredibus suis, si voluerit, derelinquat. Quidquid vero de provisione ecclesiæ suæ fuerit, sive de agris, sive de frugibus, sive de oblationibus, omnia in jure ecclesiæ reservare censuimus.* Quoad canonem laudatum Hipponensem, ex collatione canonum ecclesiæ Africanæ, explicatio redditur, & magis adhuc disciplina vetus illustratur postea, ubi constituitur: *Ut si quis episcopus heredes extraneos a consanguinitate sua vel hereticos etiam consanguineos aut paganos ecclesiæ prætulero saltem post mortem anathema ei dicatur, atque ejus nomen inter DEI sacerdotes nullo modo recitetur. Nec excusari possit, si intestatus decesserit, quia utique debuit, factus episcopus, rei suæ ordinationem congruam suæ professioni nequaquam differre.* Adhuc supersunt nobis testamenta sanctissimorum episcoporum. GREGORIUS NAZ. in favorem quidem ecclesiæ Nazianzenæ, ut a parentibus destinatum erat, sua testamento relinquit, sed reddit causam, cur neptibus, malæ nimirum vitæ, nil relinquat. S. CYRILLUS ALEX. facto testamento successori multa legavit causa addita, ut cognatis faveat. DACHERIUS nobis PERPE-

T. II.
concil.
1065.
tit. 32.
tit. 81.

Epist. 239.

T. IV.
conc. p.
406.

PETUI Turonensis testamentum protulit in pias quidem maximam partem causas, prout ipsi libuit. Similiter CÆSARII Arelatensis, & REMIGII Remensis supersunt testamenta, in quibus de facultatibus aliunde quam ab ecclesia quæsitis plena libertate disponunt. Et ita deinceps cautum est a pontificibus, referunturque decreta conciliorum & Romanorum pontificum in jure canonico, atque distinctio *Lib. III. tit. 26. de testamen-* fit bonorum ante ordinationem & postea acqui- *tis.* sitorum; item ratio redditur, quæ eadem ex *C. 9. b. t.* allatis a me antiquitatis monumentis patet: *et* *Cum ab ecclesiis suis multa beneficia percep-* *erint, bona tamen per eas acquisita in alios* *transfere præsumunt.* Et ex S. GREGO- *et* *RIO c. i. h. t. Quidquid ipsum habuisse pa-* *tuerit, a qualibet persona detineri nullatenus* *ep. 53.* *patiaris, nisi hoc solum, quod eum ante episco-* *patus ordinem proprium habuisse constiterit.* *Quidquid vero cognoveris, eum in episcopatus* *ordine acquisivisse, in ejusdem ecclesiæ dominio* *conseruetur.*

§. LXXI.

Indecorum quidem est spoliū no- *Spolia,* *annatæ.* men relictorum a clericis bonorum, quod ab iniquis usurpatoribus vindicatum, unacum annatis seu fructibus ecclesiæ vacantis, cessit legitimis ecclesiæ prælatis, imprimis Romanis pontificibus.

Quoniam, ut superius dictum est, penes clerum fuerunt ecclesiæ viduatæ res & proventus, contigit non raro eas invadi, ut ex *mox*

Can. 22.

mox laudato canone concilii Antiocheni colligere licet, atque in concilio Chalcedonensi contra hanc usurpationem decretum est editum: *Non licere clericis post obitum sui episcopi res ad eum pertinentes diripere, sicut antiquis quoque est canonibus constitutum, quodsi hoc facere tentaverint, graduum suorum periculo subjacebunt.* Cautum est pluribus conciliorum canonibus, ne episcopi visitatores, qui ex vicinia ad vacantem sedem ejus curam habituri accesserant, ecclesiarum illarum bona invadant. In concilio Aurelianensi II. duo in hanc rem sunt canones quintus & sextus, necesse autem fuit eosdem renovare in concilio V. *Nec quidquam de rebus ecclesiarum, præter humanitatem auferre præsumat.* Quæ nimirum erat rata pro sua, quam gerebat cura, cujus etiam pars erat penes œconomum, & archidiaconum. Reges etiam tuitioni ecclesiæ incumbentes satagebant incolumitati rerum ecclesiasticarum, ut prohiberentur prædæ, distributiones rite fierent, & proventus fundique successori integri servarentur.

Baluz. capitul. T.
II. p. 270.

Quæ cura etiam ad comites est delata, & advocatos defensoresque ecclesiarum; qui tamen non raro hostes & insidiatores præcipui sunt facti. Quare invigilandum fuit ecclesiæ prælatis, imprimis summis pontificibus ad propellendos ejusmodi usurpatores, qui, quidquid hic erat juris, ad se potius revocabant.

In sexto
l. 1. tit.
16. c. 9.
Cl. ment.
l. 5. tit. 6.
6. l.

Et sic jus spoliij invaluit, de quo extat constitutio BONIFACII VIII. indulgeturque episcopis, & abbatibus, aliisque prælatis, quibus illud jus privilegio vel consuetudine jam præscriptum erat. Atque ex CLEMENTIS V. decretali constat, eundem morem circa

circa fructus beneficiorum vacantium obtinuisset, unde annatarum si non origo, usus saltem & jus invaluit, quatenus præcise ex titulo fructuum beneficii vacantis repetuntur. Apud JUSTINIANUM enim alius ejusmodi elargitionum titulus profertur. Nov. 123. Nihil hic dicam, quam ingentes sæculo decimo quinto imprimis res hæc motus in ecclesia excitaverit, & summis pontificibus extorquere hoc jus contenderint alii præfules & principes illi ipsi, quorum antecessores id Romanis principibus integrum præstarent præsertim durante schismate Avenionensi, quo pontifices veluti sua sede extorres, eo egebant subsidio, ut postea sede restituti cessare debuisse fuerit visum. Ea de re actum est in conciliis Pisano, Constantiensi & Basileensi, nusquam tamen penitus explosum fuit illud jus, & deinceps variis variorum regnorum cum Romanis pontificibus transactionibus & concordatis nationis Gallicæ & Germanicæ imprimis, partim est firmatum, partim restrictum ad eum modum, quo hodieque obtinet; atque notandus est vulgaris error, & persuasio, quæ hæreticis cavillandi occasionem præbet, quasi pallia sua archiepiscopi ingenti eo pretio emere debeant, quo fructus primi anni redimunt ac annatas persolvunt. De quarum origine jam superius quædam prælibavimus.

CAP. IV.

CAPUT IV.

De beneficiis.

§. LXXII.

Beneficio-
rum varia
genera.

Bonorum ecclesiasticorum personis ecclesiasticis concessorum ob munus & officium sacrum divisione facta, inde *beneficiorum* nomen est ortum, ac varia genera.

Glossar.
b. v.

Beneficium nihil aliud est, quam officium ecclesiasticum cum certis fundis ac redditibus concessum. „Beneficium (inquit D U C A N-
„ G I U S) scriptoribus mediæ ætatis dicitur
„ prædium fiscale, quod a rege vel principe,
„ vel alio quolibet ad vitam viro nobili uten-
„ dum conceditur. Ita autem appellatum est,
„ quod is ex mero dantis beneficio ac libe-
„ ralitate illud possideat. Observat autem,
„ idem esse beneficiario jure possidere, ac per
„ usumfructum. „ Quorum ea erat conditio,
„ ut qui ea impetrabant, (verba sunt ejus-
„ dem D U C A N G I I) aut quibus confere-
„ bantur, se in vassaticos commendarent, &
„ servitium militare facerent iis, qui ea con-
„ ferebant. Hinc beneficiarii honores præ-
„ dia in beneficium seu feudum concessa. Ea
„ si nobilibus darentur a rege vel principe,
„ regalia appellata sunt. „ Translatum ergo
„ nomen illud est ad militiam sacram, quando
„ successu temporum prædia ecclesiæ clericis ad
„ usum dari cœperunt ab episcopis, penes quos
pri-

primum suprema est dispensandorum bonorum ecclesiasticorum potestas, ut in præcedentibus diximus, explicavimusque, quomodo paulatim ecclesiæ bona divisa sint, & singularibus personis, ecclesiisque addicta. Cujus rei initia ex SYMMACHI epistola (referaturque apud GRATIANUM *caus.* 19. q. 1. *can.* 61.) jam indicavimus, & in concilio Aurelianensi I. habetur: *Si episcopus humanitatis intuitu vineolas, vel terrulas clericis & monachis præstiterit excolendas vel pro tempore tenendas, etiam longa transire annorum spatia comprobentur, nullum ecclesia præjudicium patiatur, nec singulari lege præscriptio, qua ecclesiæ aliquid impediatur, apponatur.* Apud SYMMACHUM habetur ratio conferendarum hujusmodi possessionum, clericis bonorum meritorum, aut monasteriis religionis intuitu, aut certe peregrinis, si necessitas largiri suaferit: sic tamen, ut hæc ipsa non perpetuo, sed temporaliter perfruantur. Patet hinc, sicuti eadem fuit causa conferendorum beneficiorum profanorum, & ecclesiasticorum; ita eundem fuisse decursum, ut primum parcius certis personis benemeritis darentur ad certum tempus ac dies vitæ, deinceps etiam ad hæredes & successores transferrentur, ipsisque attribuerentur ecclesiis, martyriis, capellis, oratoriis, cœmeteriis, xenodochiis, monasteriis, item officiis, quia juxta BONIFACIUM VIII. *Beneficium datur propter officium.*

*Cap. fin.
de rescriptis in 6.*

Et ita moderna beneficiorum forma emer-
sit, ut non jam personis, sed officio ac titulo annecterentur, ut qui officium ac titulum haberet; etiam jus haberet fructus percipiendi ex bonis officio ac titulo annexis. Et ita
titu-

titulus & officium unacum proventibus inde
 provenientibus beneficium habetur. Quod ca-
 nonistæ recentiores definire solent : „ Jus per-
 „ petuum percipiendorum fructuum quorum-
 „ cunque ex bonis ecclesiasticis seu DEO di-
 „ catis propter officium spirituale auctorita-
 „ te ecclesiæ constitutum., Theologi autem :
 „ Jus perpetuum ministrandi in ecclesia , au-
 „ ctoritate episcopi constitutum , habens jus
 „ percipiendi fructus annexum. „ Quivis in-
 telligit utramque definitionem ad idem redi-
 re , & officium cum mercede ac proventibus
 complecti , eo solum discrimine quod cano-
 nistæ principaliter proventus , theologi au-
 tem officium seu ministerium sacrum expri-
 mant. Cum , juxta concilium Trident. *bene-
 ficia ad divinum cultum , atque ecclesiastica
 munia obeunda sint constituta , ne qua in par-
 te minuatur divinus cultus , sed ei debitum
 omnibus in rebus obsequium præstetur.* Et
 juxta INNOCENTIIUM III. „ Cum in
 „ ecclesia DEI & officia beneficiis & bene-
 „ ficia sint officiis deputata , & oneri honor
 „ annexus , & onus honori , ecclesiasticis de-
 „ bent gaudere stipendiis , qui ecclesiasticis of-
 „ ficiis sunt adscripti ; ne contra legis veteris
 „ inhibitionem os bovi trituranti claudatur ,
 „ aut contra verbum apostoli aliquis suis coga-
 „ tur stipendiis militare , si qui altari deservit ,
 „ non detur vivere de altari. „ Et ad archi-
 episcopum Mediolanensem scribens hoc pa-
 storali officii sui debitum agnoscit : „ Ut ea ,
 „ (ait) sollicitudine utilitatibus ecclesiarum
 „ intendere debeamus , quod ipsis ecclesiis or-
 „ do debitus conservetur , & clerici earum
 „ ministerio deputati , sicut ab eis stipendia
 „ militiæ clericalis accipiunt , ita eis obsequia
 „ militiæ clericalis impendant. „

Hinc

*Sess. XXI.
 de reform.
 c. 3.*

*Lib. II. ep.
 225. ad
 episc. Pa-
 duanum.*

*Lib. I. ep.
 22.*

Hinc varia emergunt beneficiorum genera pro ministerii sacri ac officii diversitate; celebrior autem est distinctio in curata, vel simplicia. Illa vel curam animarum solum spectat, vel exterius etiam forum, & sic officium summum pastorum antistitumque ecclesiæ complectitur, episcoporum, & qui eorum nomine jurisdictionem sacram administrant officiales, archipresbyteri, archidiaconi &c. Quæ curam habent animarum quoad forum internum seu directionem conscientiæ, proprie ac usitate nunc vocari solent beneficia curata, distinguunturque a simplicibus, quia hæc alias functiones sacras psallendi, missas legendi &c. tantum habent; licet alias e. g. in ecclesiis cathedralibus & collegiatis in clero emineant beneficiati ejusmodi.

§. LXXIII.

Rata semper fuit ecclesiæ lex & disciplina, ut clerici ad munus sacrum certæ ecclesiæ ac beneficio addicti ordinarentur, unde nec decedere pro lubitu, nec sine legitima causa & judicio dejici possent.

Vetitum erat semper in ecclesia, ne episcopus alterius diœcesis clericum usurparet, etiam ad altiorem clericatus ordinem evectum. Jam concilium Nicænum canonem in hanc rem edit. *Nulli episcopo liceat, sancit concilium Sardicense, alterius episcopi civitatis hominem ecclesiasticum, & in suis parochiis ordinare clericum.* Et postea: *Quicumque ex alia parochia voluerit alienum ministrum sine con-*

Ordinatio
facta ad
certas ec-
clesias &
beneficia.

Can. 16.
Can. 18.

Can. 19.

- sensu episcopi ipsius, & sine voluntate ordinare, non sit rata ordinatio.* Qui canones mox in concilio Carthaginensi I. sunt firmati, & deinceps in variis conciliis, ac summorum etiam pontificum decretis. *Alienum clericum* statuit S. L E O, invito episcopo ipsius nemo suscipiat, & nemo sollicitet, nisi forte ex placito charitatis id inter dantem accipientemque conveniat. Usurpationem legi isti contrariam gravem injuriam reputat. Constat vero, quantas ea jam olim turbas excitaverit in ORIGENE, a THEOCTISTO & ALEXANDRO Cæsareæ & Hierosolymorum episcopis presbytero ordinato, teste S. HIERONYMO. Debuerat in ea ecclesia ordinari, Alexandrina nimirum, cui addictus erat. Nec exire aut morari poterant ordinati ad certam ecclesiam in aliena ecclesia, Nisi causas, ut habet concilium III. Carthaginense, eorum justas episcopus loci, vel presbyteri locorum præviderint. S. L E O. partem illam ecclesiasticæ disciplinæ omnino in integrum revocandam voluit: Qua olim a sanctis patribus & a nobis saepe decretum est, ut nec in presbyteratus gradu, nec in diaconatus ordine, nec in subsequenti ordine clericorum ab ecclesia ad ecclesiam cuiquam transire sit liberum.
- Poterat autem id cum bona episcopi alterius loci venia, ut vidimus. In concilio Toletano II. dum eadem innuitur disciplina, justa hinc depromitur causa quoad ejusdem diœcesis ecclesias: Si priorum canonum sententia hunc recte tenet ordinem, ut episcopus ab alio episcopo, si indigentiam habuerit, clericum ad ordinandum petat & accipiat: cur qui in diœcesi sua habet eos, quos pro D E I officio & suo juvamine dignos repererit, ad suam principalem*
- Epist. 84.**
c. 9.
- De script.**
eccl. in O-
rigene.
- Can. 37.**
- Epist. 86.**

Can. II.

lem ecclesiam non perducatur & habeat. Agitur illic de parochianis, presbyteris & diaconis in principalem ecclesiam transferendis.

Affigi solebant sicuti certo muneri & ordini, ita etiam loco & ecclesiæ, nec erant aut tolerabantur clerici nisi ita ordinati. Concilium Melphense vocat novum sui temporis clericorum Acephalorum genus, qui nimirum certæ ecclesiæ addicti non erant. Et concilium Lateranense III. episcopum obstringit, si aliquem sine certo titulo, de quo necessaria vitæ percipiat, in diaconum vel presbyterum ordinaverit, ut tamdiu necessaria ei subministret, donec in aliqua ei ecclesia convenientia stipendia militiæ clericalis assignet: nisi forte talis, qui ordinatur extiterit, qui de sua vel paterna hæreditate subsidium vitæ possit habere. Primum hic occurrit titulus *patrimonii* in antiqua ecclesia inauditus, ubi nullus nisi ad certum munus & ad certam ecclesiam fuit ordinatus. Quam praxin saluberrime revocare studuit concilium Tridentinum: *Cum nullus debeat ordinari, qui iudicio sui episcopi non sit utilis aut necessarius suis ecclesiis, sancta synodus vestigiis sexti canonis concilii Chalcedonensis inhærendo, statuit, ut nullus imposterum ordinetur, qui illi ecclesiæ, aut pro loco, pro cuius necessitate aut utilitate assumitur, non adscribatur, ubi suis fungatur muneribus, nec incertis vagetur sedibus.* An. 1089.
Can. 9.

Suis autem sedibus & ecclesiis per ordinationem affixi, nec pro lubitu cedere, nec sine legitima causa & iudicio expelli poterant etiam ab episcopo, concilio Sardicensi ita statuente: *Si episcopus quis forte iracundus, quod esse non debet, cito & aspere com-*

An. 1125.
c. 9.

moveatur adversus presbyterum sive diaconum suum, & exterminare eum ab ecclesia voluerit; providendum est, ne innocens damnetur aut perdat communionem. Multo minus aliis id facere liceat sine iudicio episcopi. Concilium Londinense: Nullus abbas, nullus omnino clericus vel laicus, quemquam per episcopum ordinatum, absque proprii episcopi iudicio presumat ejicere. Jam tunc jus patronatus inoleverat, & patroni etiam laici nonnunquam arrogaverant, quod nec ipse episcopus poterat, sine legitimo causæ examine & iudicio; a quo, qui se injuste damnatum putavit, potuit apud superius tribunal conqueri, ut sine culpa non pellere-tur beneficio vel officio, nisi legitima ratione alio transferendum duxisset episcopus, ad altius vel exilius munus pro personæ qualitate.

§. LXXIV.

Quorum
collatio ad
episcopos
spectat.

Quemadmodum ordinatio cleri suæ diœcesis, ita etiam collatio officiorum & beneficiorum ad episcopum semper pertinuit, varia disciplina in id maxime invigilando, ut de idoneis ac dignis ministris ecclesiæ provideatur.

Collatio nihil aliud est, quam assignatio seu cessio muneris sacri ac beneficii vacantis, facta ab eo, qui potestate hac pollet: quæ cum sit ecclesiastica, ab ecclesiæ antistite fieri debet, factaque olim constanter est ab episcopo, simul cum ordinatione ad certum munus ecclesiasticum sacro ordine ad munus istud obeun-

obeundum idoneo. Cum enim beneficia primæva sua origine sint ordines sacri, & ordinibus istis cohærentia officia, nihil magis curæ & sollicitudini pastoralis incumbit quam aptos sacro ministerio adoptare.

Quoniam vero fidelibus populis præficiuntur, æquum olim judicarunt pii præfules, quemadmodum in electionibus ita etiam in collationibus, *ut plebe præsentē*, verba sunt S. *Epist. 51.* CYPRIANI, *vel detegantur malorum crimina, vel bonorum merita prædicentur, & sit ordinatio iusta & legitima quæ omnium suffragio & iudicio fuerit examinata.* Formam hanc ex apostolorum praxi deducit non solum quoad episcopos sed etiam presbyteros & diaconos. Et POSSIDIUS de S. AUGUSTINO narrat: *In ordinandis sacerdotibus & clericis consensum majorem christianorum & consuetudinem ecclesiæ sequendam esse arbitrabatur.* Constitutum fuit in concilio IV. Carthaginensi unanimiter auctore haud dubie S. AUGUSTINO: *Ut episcopus sine concilio clericorum suorum clericos non ordinet, ita ut civium conniventiam & testimonium querat.* Consuetudo hæc etiam novo jure decretalium inculcatur, & ab ALEXANDRO III. ita patriarchæ Hierosolymitano est rescriptum: *Novit tuæ discretionis prudentia, qualiter tu, & fratres tui membra esse comprobentur. Unde non decet omissis sine consensu collegiis uti.* Hodieque in ecclesiis cathedralibus moris istius habentur vestigia, quatenus, pro amplitudine diœceseos & variis juribus & consuetudinibus licet. Nec unquam hactenus a suprema saltem inspectione, & determinatione, quæ propriè collatio dicitur, episcopi in suis

S 3

sunt

sunt diœcesibus exclusi, aut excludi possunt; licet hic uti in bonis ecclesiasticis, ita etiam in beneficiorum collationibus. divisio sit facta, sintque alia collativa alia electiva in minoribus nonnunquam beneficiis æque ac majoribus, ut jam diximus, quando de electione egimus, quod personale est visum, quoad ministros sacros ecclesiæ; hic autem idem recolendum est, quoad id quod reale est in beneficiis tam quoad officium sacrum, quam quoad bona & proventus illi annexos: unde communiter a Canonistis provisio beneficiorum seu collatio inter emolumenta episcopalia & fructus episcopales reputatur; cum, præsertim quoad beneficia curata, grave sit onus, atque vel hinc auctoritatem circumspectionemque summam episcopi requirat: ut in concilio Cabilonensi II. saluberrime est provisum, ac ratio hæc tangitur: *Inventum est, quod multi arbitrii sui temeritate, & quod est gravius, ducti cupiditate, presbyteris quibuscumque absque consensu episcoporum ecclesias dant, vel auferunt. Unde oportet, ut canonica regula servata, nullus absque consensu episcopi presbytero ecclesiam det. Quam si juste adeptus fuerit, hanc non nisi gravi culpa sua & coram episcopo canonica severitate amittat.*

Can. 42.

Sess. XIV.
c. 18.

Concilium Tridentinum, ne quid gratiæ aut favori hic detur, concursum ad parochialia & pastoralia munia institui voluit; fuerunt tamen, qui locum dare concursum hunc candidatorum ambitioni existimarunt. Quod tunc fit, quando beneficium non propter officium sed proventus quæritur: & in gratiam etiam concedi pronum est, non spectando dignitatem & aptitudinem; quod grave nimis & absurdum INNOCENTIUS III. pronuntiavit, & sem-

C. graviter de præbendis.

semper bonis omnibus detestabile, atque ab ecclesia execratione, pœnisque gravissimis plectendum est visum, ut suo loco dicemus, ubi de criminibus agemus ad jus forumque ecclesiasticum pertinentibus: quæ inter nihil magis exteriorẽ formam ac regimen ecclesiasticum corrumpit & deturpat, quam quæstus & lucri inhiatio tam in conferente, quam accipiente beneficia ecclesiastica.

§. LXXV.

Variis provisionibus expectativis reservationibus &c. collationes beneficiorum per ecclesiam fecit Romana sedes, restricta ea licentia per concilium Tridentinum, & determinata in Germania & alibi per concordata.

De expectativis reservationibus &c.

Nulla ejusmodi in antiquitate ecclesiastica occurrunt exempla; & si necessitas utilitasque ecclesiarum poposcit, de providendis ecclesiæ ministris curare, zelo & pietate id factum: cujusmodi exempla imprimis non pauca in S. GREGORIO M. laudantur, qui non solum ad vacantes parochias, sed & episcopales sedes idoneis pastoribus committendas vigilantiam suam conferebat, ex gremio etiam ecclesiæ suæ, quæ seminarium fuerat, uti fidei in occidente præsertim disseminandæ, ita etiam ad jam constitutas ecclesiæ bonis ornandas pastoribus. Aliunde etiam id juris erat communis, ut negligentia in vacantibus sedibus & beneficiis providendis a superiore re- *C. nulla 2.* farciretur. Sed ulterius explicata est potestas *de conc.*

*prab. ex
conc. La-
ter. III. c.
licet 3. de
suppl. negl.
pralat.
C. nulla
de conc.
prab.*

non tantum erga vacantes, verum etiam per-
expectativas & reservationes beneficiorum
necdum vacantium, quamvis in concilio Late-
ranensi III. ejusmodi provisiones essent vetitæ.

*Lib. XVI.
epist. 177.*

Dabat autem pontifex expectativam seu
affecurationem dignitatis ecclesiasticæ vel be-
neficii clerico, quando vacaturum esset: re-
servationes similiter sunt factæ eodem modo,
electione vel collatione ordinaria fieri prohi-
bita, quando vacatio futura esset; ut certis
personis reservaretur, quibus forte de bene-
ficio non erat provisum, aut non satis ad su-
stentationem, & pro dignitate: „Cum ne-
„ cessitatibus pauperum clericorum (ut I N-
„ NOCENTIUS III. causam exprimit) qui
„ nullum sunt ecclesiasticorum beneficiorum
„ consecuti, sedes apostolica duxerit sucur-
„ rendum. „ Necessitas ea ingruit præsertim
tempore schismatis Avenionensis, & mirum in
modum auctus est numerus expectativarum
& reservationum *in forma pauperum* & alias,
ut R A I N A L D U S refert, & constat ex hi-
storia motibusque illorum temporum: dum
quisque pontificum suos clientes favore pro-
sequi & amplificare studuit. Nec penitus si-
sti potuerunt conatibus conciliorum Pisani,
Constantiensis & Basileensis, usque ad conci-
lium Tridentinum, ubi universim expectati-
væ & gratiæ quæcunque *ad vacatura benefi-
cia* sunt sublata. Mandata, ita decernunt
patres, *de providendo* & gratias, *quæ exspe-
ctativæ dicuntur*, nemini amplius etiam col-
legiis, universitatibus, senatibus, & aliis
singularibus personis etiam sub nomine indul-
ti, aut ad certam summam, vel alio quovis
colore concedi hætenus concessis cuiquam uti
licere. Sed nec reservationes mentales, nec
alia

*Ad an.
1311.*

*Sess.
XXIV.
cap. 19.*

aliæ quæcunque gratiæ ad vacatura, nec indulta ad alienas ecclesias, vel monasteria alieni, etiam ex sancta Romana ecclesiæ cardinalibus concedantur, & hætenus concessa abrogata esse censeantur. Et quamvis in Gallia concilium Tridentinum non quoad omnes reformationis articulos fuerit receptum, ultro tamen decretum hoc acceptum est, & grantanter; licet in concordatis titulus esset *de mandatis apostolicis*: aliis in salvo manentibus, quæ jure decretalium, vel extravagantium vel regularum cancellariæ, vel etiam concordatorum circa provisionem beneficiorum & dignitatum ecclesiasticarum competunt apostolicæ sedi: cujusmodi concordatum cum gente Germanica fuit initum, ut electiones essent integræ, cathedralium, collegialium & abbatialium ecclesiarum, reservatis tamen beneficiis *in curia* vacantibus, quæ possiderent addicti alias curiæ Romanæ, cardinales & pontificii ministri, quocunque in loco degerent, dignitatibus item primariis cujusque ecclesiæ cathedralis & collegialis; alia beneficia inter pontificem & ordinarios æqualis partibus dividerentur. Nominant ordinarii mensibus Februario, Aprili, Junio, Augusto, Octobri, Decembri, sex reliquis papa ut si intra trium mensium spatium non providisset, jus nominandi ad ordinarium rediret. At datur etiam pontifici adhuc jus præventionis, quæ locum habet in beneficiis revera vacantibus, si pontifex prævenit ordinarium collatorem, provisio in forma *dignum*, quando ordinario examen committitur, dignusne sit beneficio, jus devolutionis ac facultas legatorum pontificiorum. Resignationes etiam in favorem huc revocari possunt.

quando ob Simoniam & alias causas delapsi sua dignitate & beneficio post factam resignationem, iterum indultu pontificio mox iterum illud accipiunt.

§. LXXVI.

Jus patronatus.

Jus nominandi vel præsentandi ad beneficium personam idoneam, quod *patronatus* dicitur, non solum ecclesiasticis, sed etiam laicis ecclesiarum fundatoribus competere solet.

*Hom. 18.
in acta
apost.*

Jam supra laudavi S. CHRYSOSTOMUM hortantem & exstimulantem fideles, ut in agris ac villis ecclesias erigant, clerum instituunt ad ministerium sacrum: quod certatim esse factum in oriente primum, historia nos eorum temporum edocet; ac simul etiam patet, haud gravate ecclesiam indulsisse, ut, quos peterent illic clerici constituerentur, ut ex BARONIO non unum tantum suppetit documentum. Exemplo præibant ecclesiastici pariter in occidente, ubi illustrior primum ac frequentior fuit patronatus ecclesiasticus. Habetur in concilio Arausicano eam in rem constitutio de episcopo in alienæ civitatis territorio, ecclesiam ædificare disponente, vel pro fundi sui negotio, aut ecclesiastica utilitate &c. In concilio Aurelianiensi IV. statuitur indiscriminatim: *Si quis in agro suo aut habet, aut postulat habere diocesim primum, & terras ei deputet sufficientes, & clericos qui ibidem sua officia impleant, ut sacratis locis reverentia condigna tribuatur.* Videtur innui, clericorum depu-

*Ad an.
455. n. 21.
460. n.
24.*

Can. 10.

*An. 541.
c. 33.*

putationem etiam fundatoribus illic tribui : & ex præcedentibus canonibus colligitur , hunc canonem de laicis potius quam ecclesiasticis patronis sumi debere. Sed a G R A T I A N O refertur sub nomine G E L A S I I P. decretum , quo nihil fundatori juris vindicatur , nisi processionis aditus , quod quid sit , non satis constat. Nec ex G R E G O R I O M. colligi potest , cum sæpe de ejusmodi patronis laicis tractet , penes eos fuisse arbitrium clericos nominandi ; sed episcopi arbitrio rem relinquit. Quod forte sic est intelligendum , quomodo in laudato concilio Aurelianensi & constanti ecclesiæ disciplina habetur : *Ut in Can. 7. oratoriis Domini prædiorum minime contra votum episcopi , ad quem territorii ipsius privilegium noscitur pertinere , peregrinos clericos intromittant , nisi forsitan quos probatos ibidem districtio pontificis observare præceperit.*

Forsitan ipsa negligentia episcoporum , & periculum ecclesiarum , magis magisque patronis laicis canones & disciplinam ecclesiæ favorabilem reddidit. Colligi id datur ex concilio Toletano IX. ubi luculenter patronatus laicus statuitur : *Quia ergo fieri cognoscitur , Can. 2. ut ecclesiæ parochiales vel sacra monasteria , ita quorundam episcoporum vel insolentia vel incuria horrendam decidunt in ruinam , ut gravior ex hoc oriatur ædificantibus mæror , ideo compassione decernimus , ut quamdiu earundem fundatores ecclesiarum in hac vita superstites extiterunt , pro eisdem locis curam permittantur habere sollicitam , & sollicitudinem ferre præcipuam , atque rectores idoneos in iisdem basilicis iidem ipsi offerant episcopis ordinandos. Quodsi tales forsitan non inveniantur , ab eis tunc , quos episcopus*

scopus loci probaverit DEO placito, sacris cultibus instituat, cum eorum conniventia servituros: quod si spretis eisdem fundatoribus rectores ibidem præsumerit episcopus ordinare, & ordinationem suam irritam noverit esse, & ad verecundiam sui alios in eorum loco, quos iidem ipsi fundatores condignos elegerint, ordinari. Egregie hæc favent patronis & fundatoribus ecclesiarum, sed ultra eorum personas privilegium non extendunt, ut deinceps fuit factum, & constans tenet disciplina, jusque decretalium tam quoad personalem quam realem patronatum rei ipsæ affixum, singulari titulo *de jure patronatus*. Concilium Tridentinum sollicitè de hac re agit, ne quo alio quam foundationis aut donationis, vel præscriptionis temporis immemoralis titulo a laicis jus hoc prætendatur, aut usurpetur ad ecclesiastica beneficia in servitutem redigenda: Ut igitur, caveant patres, debita in omnibus ratio observetur, decernit sancta synodus, ut titulus juris patronatus sit ex fundatione vel dotatione, qui ex authentico documento & aliis jure requisitis ostendatur; sive etiam ex multiplicatis præsentationibus per antiquissimum temporis cursum, qui hominum memoriam excedat, aliasque secundum juris dispositionem. In iis vero personis seu communitatibus vel universitatibus, in quibus id jus plerumque ex usurpatione potius quæsitum præsumi solet, plenior & exactior probatio ad docendum titulum requiratur: nec immemorabilis temporis probatio aliter eis suffragetur, quam si præter reliqua ad eam necessaria præsentationis etiam continuata, non minori saltem, quam quinquaginta annorum spacio, quæ omnes effe-

ctum

Sess.
XXV.
c. 9.

Hum sortita sunt , authenticis scripturis probentur.

§. LXXVII.

Distinguenda sunt legitima regum ac principum jura, ab usurpationibus circa ministros ecclesiæ constitutendos & beneficia ecclesiastica, pro eorum in ecclesiam munificentia.

Jura principum circa beneficia.

Non hic agimus de cura & vigilantia principum, quam urgentibus præsertim causis & difficultatibus impenderunt pro auctoritate sua & potentia, justo identidem zelo, ad tumultus & factiones in eligendis constituendisque ecclesiæ ministris & pastoribus arcendos; nec etiam dubitari potest de jure principum & optimatum, majori utique quam promiscuæ plebis ac fidelium populorum, quorum erant olim partes in electionibus & institutionibus ministerii ecclesiastici ad principes successu temporis majore ex parte devolutis ob frequentes turbas; quas tamen haud raro auxerunt potius pro tyrannide & potentia, & jus a se alienum usurparunt.

Cujus rei, ut alia exempla taceam, unum principis & apostolicæ sedis Romanæ commemorasse sufficiat, a quo tempore Arian principes ecclesiam infestarunt, & occupato per vim Italiæ regno, jus sibi in constituendo summo pontifice usurparunt. Initium sumsit perniciēs ista ab ODOACRE principe barbaro, qui in concilio Romano IV. sub SYMMACHO P. præfecti sui voce edixit, ne post obitum Romani pontificis successor sine regis consensu eligeretur, sacra synodo repudiante iniquam legem. Quam tamen regni & impietatis

*Lib. VIII.**cap. 15. —*

tis successores instaurare sunt conati, ut colligitur ex epistola **ATHALARICI** regis ad Romanum senatum super electione **FELICIS** III. quam refert **CASSIODORUS**. **IUSTINIANUS** autem imperator vindicata recuperataque Italia, jus illud Arianorum tyrannorum, Gottorumque barbarorum sibi asserere non dubitavit, & ad successores transmittere, paucis exceptis, hæresibus **NESTORII**, **EUTYCHIS**, Iconoclastarum cum primis inVectos, ingenti summa pecuniarum indicta, atque per exarchas Ravennatenses, continuo incubantes, exacta, quasi beneficio principum ecclesiam suam tenerent pontifices. Reges Francorum stirpis Corolingicæ in libertatem quidem vindicarunt ecclesiam Romanam, sed postea sub **OTTONIBUS**, **FRIDERICIS** imprimis & **HENRICIS** antiquæ insectationes & vexæ in universum occidentem sunt inVectæ, & summæ quæque dignitates ac beneficia venalia exposita, sub beneficiorum regalium prætextu, dominiorum scilicet & prædiorum ecclesiæ a principibus in beneficium concessorum.

Beneficiorum etiam fructus sede vacante usurpabant, & ingentes pecuniarum summas emungebant, repetebantque, & constituendorum ecclesiæ præfulum providendique beneficiis vacantibus jus sibi vindicabant; non tantummodo per simplicem denominationem præsentationemque, quæ utpote aliis etiam fundatoribus & dotatoribus ecclesiarum competens negari summis principibus ac regibus haud poterat; sed ultra progressi sacra profanaque miscebant, & collationem ipsam usurpabant, venumque exponebant sacrum ministerium: fortiter sese opponentibus impri-

imprimis summis pontificibus, & tandem evincantibus, ut ad justos limites juris patronatus, denominationes nimirum & præsentationes ad beneficia & dignitates apud summas etiam sæculi potestates, res redierint. Et ubi maxime laceffita sunt jura sacra in imperio nimirum Romano Germanico, libere etiam electiones secundum formam ecclesiæ primitivæ integræ remanent. Quod inferiora autem beneficia attinet, solummodo precibus locus est, quas *primas* seu *primarias precum* vocant, ad primam vacaturam pro diversis regnorum consuetudinibus; nisi quando singularibus de causis ac gratia, *indulta*, ut appellantur, conceduntur, ad conferenda beneficia, & decerpendam etiam nonnunquam quandam portionem fructuum in magnis ecclesiæ necessitatibus, & officiis singularibus ecclesiæ præstitis. Notabile autem est LUDOVICI VII. e Palæstina reducis exemplum. Cui, ut refert VAL-
 SINGHAMUS, cum quidam clericus pa-
 pale privilegium attulisset, quod in omni eccle.
 sia regni sui primam vacaturam haberet, cum
 fructibus medio tempore provenientibus; ille
 confestim combussit litteras, dicens se malle
 tales comburere litteras, quam animam suam
 in inferno torqueri. Difficulus cupiditates,
 usurpationes & aliæ labes hic caventur, ubi po-
 tentiæ terror & majestatis splendor intercedit.

Script.
Aug. p.
 2388.

§. LXXVIII.

Ejusdem naturæ est *institutio* in Institutio
 beneficium, ac collatio, atque eo- ac investi-
 dem modo ad ecclesiæ præfules per- turæ.
 rinet, hinc tanto molimine ecclesia
 jus

jus investiturarum ex manibus laicorum extorsit.

Tres institutionis species assignant canonistæ: quarum prima est institutionis corporalis per immisionem; altera institutionis auctorizabilis, id est, approbationis ad curam animarum; tertia media inter corporalem & auctorizabilem, quam vocant collativam, quæ est proprie institutio, atque ipsa beneficii collatio, seu tituli canonica concessio, sine qua ipsum beneficium haberi non posse pronuntiat prima regula juris in texto.

Patet hinc posse competere nonnisi ordinariis beneficiorum collatoribus, episcopis. Ita HONORIUS III. respondit: *Te nobis proponente didicimus, quod quidam prælati ecclesiarum tue jurisdictionis, in ecclesiis sibi commissis sine conscientia tua clericos de alienis episcopatibus instituere non verentur. Attendentes igitur id eis nulla ratione licere, cum sit honestati contrarium, & a sanctorum patrum institutionibus alienum &c.* Vides, nec prælatis quidem ecclesiasticis aliis quam episcopis instituendi jus competere ordinarie.

Ubi tamen exceptio datur & in concilio Lateranensi III. notata est circa equites templi vel S. JOANNIS HIEROS. ut in ecclesiis suis, quæ ad eos jure pleno non pertinent, instituendos presbyteros episcopis præsentent. Habuerunt ergo institutionis jus in ecclesiis, quæ ad eos pleno jure pertinent; quod similiter de abbatibus dicendum, qui jurisdictione quasi episcopali gaudent in ecclesiis, quæ tanto tempore, verba sunt COELESTINI III. probantur ab abbatibus possessæ ecclesia pleno

*De officio
archidiacon.
c. 4.*

Cap. 9.

Cap. auditis de præscriptione.

pleno jure, ut videantur in eis episcopale jus præscripsisse. Idemque tenent canonistæ de aliis dignitatibus ecclesiasticis præpositis, decanis, capitulis, si jurisdictione quasi episcopali gaudeant juxta capitula *cum venissent* de institutionibus; *Ad aures* de excessibus prælatorum; *Referente* de præbendis. Ubi archidiaconis id muneris tribuitur, sed delegatione episcopi; ut constet, id juris esse omnino episcopalis, quoad institutionem proprie sic dictam, etiam post erectionem beneficiorum, obtinentibus juribus feudalibus, quoad investituram, quæ respondet institutioni beneficiorum: ut sicuti ad Dominum directum spectat investire vassallum, & in possessionem mittere; ita quoque ad beneficiorum collatorem spectat, beneficiarium in possessionem mittere, quod est complementum traditionis rei jam indultæ, atque adeo ad collatorem proprie sic dictum spectat, nec juri patronatus competit aut præsentationi denominationique etiam regiæ.

Hinc investitura tot canonibus est proscrip-
pta, & clericis interdictum, ne a manu laica beneficium accipiant; laicis autem ne dent: *Nullus laicus det*, decernit concilium *An. 1096.*
Turonense, vel adimat presbyterum ecclesia can. 67.
sine consensu præsulis. Nullus laicus consuetudines habeat episcopales, vel justitiam, quæ pertinet ad curam animarum. Et in concilio Nemausensi ejusdem anni sub depositionis præ-
na clerico vel monacho interdicatur ecclesiasticum munus de manu laici suscipere. *Quia, ut ratio additur, non intravit per ostium, sed ascendit aliunde, sicut fur & latro.* Quod in aliis eorum temporum conciliis passim est cautum pariter ac decretis summorum pontifi-
cum,

T

cum,

Epist. 28.

cum, ob usurpationem hanc a laicis patronis fundatoribus & dotatoribus, qui jure feudali tunc obtinente id sibi sumebant. Testis hujus rei est ALEXANDER III. in Anglia, etiam inolevisse hanc pravam consuetudinem, ut ad episcopos Angliæ perscribit:

„ Emergit quædam prava consuetudo, & in
 „ illis partibus inolevit, scilicet quod laici
 „ ecclesias & ecclesiastica beneficia soleant
 „ passim, quibus vellent, conferre, & aucto-
 „ ritate sua clericos investire. Unde quoniam
 „ sanctorum patrum institutionibus id cogno-
 „ scitur adeo contradicere, ut danti & acci-
 „ pienti de manu laica sit anathema &c. „

Ubi vides conferre dici laicos beneficia, & sua auctoritate *investire*, quod institutioni respondet. Et ejus rei causa in Germania præfertim exarsit ingens illud incendium sub HEINRICIS IV. & V. cum illi ob feuda imperiabilia investituram per annulum & baculum arrogarent, & ob *regalia* fructus ecclesiarum vacantium ad se raperent, tanquam directi domini, beneficiariis solum gaudentibus dominio utili, quod transeat ad dominum usufructuario moriente, quamdiu vacaret beneficium. Quæ fuit causa discidii BONIFACIUM VIII. inter & PHILIPPUM PULCHRUM, collationem beneficiorum usurpantem, quam spirituales contendit BONIFACIUS, & secus sentientes pro hæreticis habuit. CLEMENS quidem V. postea aliquid indulxit, ejusque successores. Sed ipsi Galliæ reges religioni duxerunt tandem suos facere hos sacros proventus, atque a longo tempore, teste FLEURIO, non utuntur amplius fructibus regaliæ, sacre capellæ a S. LUDOVICO & postea a CAROLO V. olim

*Institut.
 au droit
 ecclesiast.
 T.I. chap.
 18.*

olim addictis ; in cujus compensationem LUDOVICUS XIII. abbatiam S. NICASII Remensis prædictæ capellæ addixit , detractis illis fructibus , publico emissio libello , illos dandi novo episcopo , quod fideliter præstatur.

Quoad investituras res tandem etiam composita est , licet longe pertinacior in Germania fuerit ea controversia , quæ diu imperium a sacerdotio discidit. GREGORIUS VII. investituras omnes a laicis factas vetuit damnavitque pariter , ac ejus successores VICTOR III. & URBANUS II. Contendebant imperatores , id jus sibi competere ob feuda imperii a prælatis ecclesiasticis possessa ; hinc non solum electionibus se miscebant , atque homagium ratione regalium & feudorum requirebant ; sed etiam investituram per annulum & baculum priusquam consecrarentur præstabant. Eo autem res est redacta , ut electio imperatore regibusque præsentibus consentientibusque fiat ; in Germania ratione regalium episcopus per sceptrum , antequam consecraretur , impetrare deberet , in cæteris regnis nondum elapsis sex post consecrationem mensibus ; officia autem & servitia feudalia , quæ hactenus præstare consueverint , imposterum quoque illis fore præstanda.

Horum nimirum intuitu secundum jura feudalia omnia ista requirebantur , ac sacra profanis miscebantur ; jamque pontifex PASCHALIS II. concilium inierat , & cum HENRICO V. qui patris animum & obstinationem induerat , pactus erat , ut dimissis pontifici investituris , imperatori fas esset supremæ dignitatis jura ac feuda imperii principatus & comitatus episcopis adimere ; sed conditionem hanc duram

acceptare detrectabant episcopi, bonorum suorum vindices, quæ hætenus quiete possederant.

§. LXXIX.

De residentia.

Ordo ac ministerium sacrum quemque clericorum, ac pastores imprimis suæ ecclesiæ alligat ad residentiam; ut, nisi iustis probatisque per ecclesiæ decreta de causis, abesse diutius saltem non possint.

Can. 16.

Qui discedunt ab ecclesia, habet concilium Nicænum, presbyteri vel diaconi aut quicumque in canone (ecclesiastico scilicet) prorsus existunt, hi nequaquam debent in aliam ecclesiam recipi, sed omnem necessitatem convenit illis imponi, ut ad suas parochias revertantur. In concilio Ephesino I. id imprimis NESTORIO exprobratur, quod peregrinos clericos sibi adsciverit contra canones ecclesiasticos: Opera utitur clericorum quorundam ab externis paraciis & diocesisbus adscitorum, quibus tamen secundum ecclesiasticos canones in alieno episcopatu vel ecclesia degere non licet, sed iis solum locis & civitatibus, idque quiete, quibus ordinati sunt. Dudum ante in concilio Laodiceno constitutum erat, non oportere sacerdotem vel clericum sine iussione sui pontificis iter ingredi. Constans id praxis obtinebat, ut litteris formatis, quas vocabant, ac commendatitiis essent instructi, si vel ad tempus alibi divertebant: Clerici, statuit concilium Turonense I. non absque sacerdotum suorum commendatione, ad alias provincias seu ci-

P. I. c. 30.

Can. 42.

Can. 12.

ta-

uitates ambulare disponant. Passim in aliis conciliis idem constitutum reperitur. Rationem insignem reddit A G A P I T U S P. *Qui perma-* Epist. 2.
nendo in ecclesiis, in quibus militant, &
ministeria sui poterunt assiduitate in D E I
salvatoris nostri amore fervescere, & quæ in
pervagatione reprehensibilia sunt vitare.

Spectat hoc eos imprimis, qui pastoralis defunguntur officio, præsertim episcopi, quos a suo grege abstrahi; rerum terrenarum causa, omnino sacrum vetat munus, & jam S. C Y P R I A N U S plurimos secus agentes notavit episcopos: Quos, inquit, & ornamento esse oportet cæteris & exemplo, divina Lib. de la-
 procuratione contenta, procuratores rerum ps.
 secularium fieri, derelicta cathedra, plebe deserta, per alienas provincias oberrantes, negotiationis questuosa nundinas aucupari. Pronum id maxime fuit postquam ecclesia libertate fuit donata, & principes in eam fuerunt aggregati. Quam in rem plures canones a concilio Sardicensi sunt editi, & jam antea Can. 11.
 in concilio Antiocheno statutum est, ut episcopi, qui ad imperatorum aulam se conferunt, licentiam & litteras metropolitani & reliquorum provinciæ episcoporum habeant. Nec quidem licebat principali cathedra relicta, in alia ecclesia diocesis degere, ut in concilio Cathaginensi V. statutum est: Ut nemini sit Can. 5.
 facultas, relicta principali cathedra, ad aliquam ecclesiam in diocesi constitutam se conferre, vel in re propria, diutius, quam oportet, constitutum, eorum vel frequentiam propria cathedra negligere. Causa iterum additur, alienarum rerum a pastoralis cura, etiam propriarum perfunctio.

Cap. qua-
lit.

Nov. VI.
c. 2.

Sess. VI.
c. 1.

Sess.
XXIII.
c. 1. de
reform.

In decretalibus seu jure canonico singula-
ris habetur titulus *de clericis non residenti-*
bus, & eousque severitatis proceditur, ut e-
tiam depositionis sententia in archiepiscopum
hanc legem excedentem statuatur INNOCEN-
TII III. decreto: „Nolentes igitur
„ quod diutius ecclesia pastoralis maneat con-
„ solatione destituta, mandamus, quatenus
„ personam vobis idoneam in archiepiscopum
„ eligatis. „ Antea jam JUSTINIANUS
eandem severitatem a patriarchis erga metro-
politas, ab his erga episcopos exercendam
vult: „Si vero maneat per omnia inobe-
„ diens, expellatur a sacro episcoporum cho-
„ ro & alium introducat (patriarcha); si non
„ metropolita, sed aliorum episcoporum ali-
„ quis sit, qui erraverit, hæc omnia a metro-
„ polita fiant. „ In concilio Tridentino idem
a summo pontifice, monito a metropolitano
vel seniore provinciæ episcopo, faciendum
decernitur, ut ecclesiis de pastoribus utiliori-
bus providere possit, sicut in Domino nove-
rit salubriter expedire. Declaratur autem qua-
lis sit hæc obligatio: „Cum præcepto divino
„ mandatum sit omnibus, quibus animarum
„ cura commissa est, oves suas agnoscere,
„ pro his sacrificium offerre, verbique divini
„ prædicatione, sacramentorum administratio-
„ ne, ac bonorum omnium operum exemplo
„ pascere, pauperum aliarumque miserabi-
„ lium personarum curam paternam gerere,
„ & in cætera munia pastoralia incumbere;
„ quæ omnia nequaquam ab iis præstari & im-
„ pleri possunt, qui gregi suo non invigilant,
„ neque assistunt, sed mercenariorum more de-
„ serunt: sacrosancta synodus eos admonet &
„ hortatur, ut divinatorum præceptorum memo-
„ res,

res, factique forma gregis in iudicio & veritate pascant & regant. „ Pertinet hoc ad omnes, qui curam animarum impendunt; vultque synodus parochos & alios curam animarum habentes, non solum ad residentiam privatione fructuum, sed etiam beneficiorum constringi; canonicos autem, plus quam tres menses absentes in anno, medietate fructuum primo anno, altero autem omnibus fructibus privari. Episcopis similiter non indulget ultra duos aut tres menses abesse sine urgente causa charitatis, necessitatis, obedientiæ, aut manifestæ utilitatis ecclesiæ vel status: quibus in casibus licentiam scripto a papa, metropolitano, aut antiquiore suffraganeo haberi vult.

Sess. XXIV. de reform. c. 12.

Eo redeunt legitimæ causæ a residentia excusantes: *Ne videamur*, ut ait synodus Sardicenis, *januam claudere charitatis*. Quæ postea etiam præcipuas causas justæ excusationis affert iussionem principum, urgentes calamitates pauperum, viduarum & pupillorum, eorum item, qui ad misericordiam ecclesiæ confugiunt, qui injuriam patiuntur, aut qui peccantes in exilio vel insulis damnantur, aut certe quamcunque sententiam excipiunt. Frequens tunc impendenda erat hæc miseris opitulatio, ac causarum etiam ecclesiasticarum in aulis principum conciliisque necessitas, annua semel saltem in concilium provinciale congregatio. Unde mihi consuetudo alicubi præsertim in Hispania pullulasse videtur, quotannis accedendi ecclesiam metropolitanam ac Romanam, tum pietatis sacræque peregrinationis causa, cum etiam, ut episcopi ecclesiarum suarum causas agerent apud Romanum tribunal, & ad limina apostolorum vota sua redderent, similiter ac Hierosolymis & in Palæstina tempore belli sacri: *Conc. La-*

*ter. 1225.
c. ult. c.
relatum 4.
Et quæst.
12. cleric.
non refid.*

qua occasione fructibus beneficiorum frui licuit etiam longe tempore absentibus. Idem illis indultum, qui utilitatis ecclesiæ universalis causa penes pontificem essent, aut legationibus defungerentur, vel officiis publicis penes reges & principes in palatio episcopos retinentes. Item qui litteris sacrationibus operam dabant, aut eas in universitatibus docebant. Et si quæ aliæ occurrunt causæ juxta regulas a concilio Tridentino saluberrime præscriptas, dijudicandas in casibus singularibus a legitimis superioribus ecclesiasticis.

§. LXXX.

De pluralitate beneficiorum.

Plura habere beneficia, nisi urgens necessitas aut magna utilitas ecclesiæ dispensationem indulgeat, piaculum ingens est, & destructio ecclesiastici vigoris.

Necessaria certæ ecclesiæ alligatio ac residentia ex jure divino, ut modo vidimus, pluralitatem beneficiorum suapte proscribit. Beneficium datur ob officium: quod cum tremendum sit, cura animarum, & munus pastorale, angelicis etiam humeris formidandum, pius quisque & suæ salutis studiosus, potius illud omnino non suscipiendum duxit, quam ut cumulatam illud onus & multiplex sibi inferendum ducat, idque ambitione & cupiditate, non zelo animarum, quomodo D. PAULUS bonum opus dixit esse episcopatum. » Si quis episcopatum desiderat, (ait eum in » locum D. CHRYSOSTOMUS) non » culpò, non improbo, opus quippe regimi- » nis

*1. Tim.
III. 1.
Hom. X.
in ep. 1. ad
Tim.*

nis est ; si quis hunc idcirco appetit ,
 non principatus , aut dominationis fastu ,
 verum cura regiminis & charitatis affectu :
 non improbo , inquit , bonum quippe desi-
 derat opus ; si quis ita desiderat , desideret .
 Et S. A U G U S T I N U S : „ In actione non
 amandus est honor in hac vita , sive po-
 tentia , quoniam omnia vana sub sole ; sed
 ipsum opus , quod per eundem honorem
 vel potentiam fit , si recte atque utiliter fit ,
 ut valeat ad eam salutem subditorum , quæ
 secundum D E U M est , propter quod ait
 apostolus : *Qui episcopatum desiderat , bo-
 num opus desiderat ;* exponere voluit , quid
 fit episcopatus , quia nomen est operis non
 honoris . Quodsi igitur propter honorem
 & ambitum quærat , & plus quærat ,
 quam ut opus & ministerium impleri va-
 leat , & beneficium seu proventus non of-
 ficiū quærat , quid hoc sit , quivis in-
 telligit .

*Serm. 62.
 de verb.
 Dom.*

Quodsi ambitio , & cupiditas non sistat ,
 & se satiet uno beneficio , sed plura ambi-
 at & inhiat , pessimum est & inauditum in
 antiquitate exemplum . Cum enim tunc bene-
 ficium ab officio non distingueretur , atque
 proventus meris constarent distributionibus ,
 ne quidem titillare animum potuit ista cupidi-
 tas , ut postea post beneficiorum erectionem .
 Quare mirum non est , nullos in hanc rem ve-
 teres extare canones , Chalcedonensem si ex-
 cipias , qui agit saltem de clericis non in suprema
 ecclesiæ dignitate constitutis , & , ne in duabus
 ecclesiis conscribantur , prohibet : „ Non licet
 clericum conscribi duabus simul ecclesiis , &
 in qua ab initio inordinatus est , & ad quam
 confugit , quasi ad potiorem ob inanis glo-

Can. 10.

„ rixæ cupiditatem. Hoc autem facientes re-
 „ vocari debere ad suam ecclesiam, in qua
 „ primitus ordinati sunt, & ibi tantummodo
 „ ministrare. Si vero jam quis translatus est ex
 „ alia in aliam ecclesiam, prioris ecclesiæ vel
 „ martyriorum quæ sub ea sunt, aut ptocho-
 „ dochiorum, aut xenodochiorum rebus in nul-
 „ lo communicet. Eos autem qui ausi fuerint
 „ post definitionem magnæ synodi quidquam
 „ ex his perpetrare, decrevit sancta synodus
 „ a proprio gradu excedere.,, In synodo VII.
 „ œcumenica similis occurrit canon: „ Clericus
 „ ab instanti tempore non connumeretur in
 „ duabus ecclesiis. Negotiationis enim est
 „ hoc & turpis commodi proprium, & ab eccle-
 „ siastica consuetudine penitus alienum. Unus-
 „ quisque secundum apostolicam vocem, in
 „ quo vocatus est, in hoc debet manere, &
 „ in una locari ecclesia. Quæ enim per turpe
 „ lucrum in ecclesiasticis rebus perficiuntur
 „ aliena consistunt a D E O.,, Canon hic de
 „ duabus ecclesiis in una etiam urbe agit, cum
 „ Chalcedonenſis de ecclesiis diversis in locis
 „ etiam diversis agat, ut in eum canonem BAL-
 „ SAMON observat. Et H I N C M A R U S eo
 „ canone utitur in quadam causa pluralitatis epi-
 „ scopatum Turonensis nimirum & Nanneten-
 „ sis, quas duas fedes A S T A R D U S posse-
 „ derat, quem sugillat H I N C M A R U S, at-
 „ que alios etiam sui ævi præfules, qui contra
 „ hunc canonem pluribus insiderent ecclesiis in
 „ Galliis. „ Nos autem (inter alia scribit) mo-
 „ derni & Gallicani episcopi novos canones
 „ facere conamur, ut liceat nobis, quod gra-
 „ vius est, quam carnali commercio, spiri-
 „ tali adulterio, aut duas uxores, id est,
 „ duas sedes simul habere, aut uxorem simul
 „ &

Can. 15.

T. II. p.
749.

& concubinam tenere, vel vivente licet in-
 firma uxore, id est, ecclesia nostra, per-
 secutionibus qualibet rebus ac possessioni-
 bus imminuta ad alterius copulam trans-
 migrare. Prætexuerat nimirum A S T A R-
 D U S paupertatem & desolationem ecclesia-
 rum suarum, atque ad id etiam S. G R E G O-
 R I I M. abutebatur auctoritate, qui in ejus-
 modi casu ab uniendis ecclesiis non erat alie-
 nus; sed propinquis & cohærentibus, ut o-
 stenderat H I N C M A R U S: ut succurrere-
 tur consulereturque potius ecclesiæ utilitati-
 bus in rite perfungendo, quam ut aliquid
 deperiret: id quod damnatur in pluritate be-
 neficiorum, ab eo tempore grassante, unde
 divisio bonorum & ordinatio beneficiorum
 ingruerat.

Huic malo mox occurrerunt canones ec-
 clesiastici. In concilio Epaonenſi eam in rem
 habetur canon, quando necdum plena bene-
 ficiorum constitutio fuit facta; ne si quis ad
 alterius ecclesiæ regimen assumptus sit, de prio-
 ri aliquid usurpet: *Quisquis clericus aliquid* Can. 14.
*de munificentia ecclesiæ, cui servierat, ade-
 ptus ad summum sacerdotium alterius civi-
 tatis est, aut fuerit ordinatus, quod dono
 accepit vel acceperit reddat: quod usu vel
 proprietate secundum instrumenti seriem pro-
 batur emisse, possideat.* Non hic de plurali-
 tate beneficiorum res est, sed cavetur, de
 prioris beneficii proventibus ne decerptio fiat
 & usurpatio, quæ detrimentum ecclesiæ in
 temporalibus tantum infert, non in spiritua-
 libus, quemadmodum pluralitas beneficiorum
 officium pastorale impedit. Alias enim non-
 nunquam accidit etiam in antiqua ecclesia, &
 sanctissimi præfules aliquando onus in se su-
 scepe-

Epist. 292.

sceperunt plurimum ecclesiarum. Tale exemplum nobis S. BASILIUS refert & laudat impense in EUPHRONIO, nonnisi ægre & magna populorum contentione ac ecclesiæ utilitate, suscipiente duarum ecclesiarum curam, auctoritate ac dispensatione synodi provincialis: „ Per eos (sunt verba S. BASILII) „ quibus rerum ecclesiasticarum concredita est „ dispensatio prout tempora exigebant, ne- „ cessario pro illius ecclesiæ, quo transfere- „ batur, utilitate non mediocri. „

*Ad 31.
Octob.*

Contigit etiam nonnunquam simul cum episcopali abbatiale munus geri, sed eadem utilitatis ratione habita, sine dispendio curæ pastoralis in sanctis & religiosis personis, non oblerum temporale. Et tamen S. WOLFGANGUS id sibi haud ferendum duxit onus. Egregia illius eam in rem referuntur apud SURIUM verba, consilium ineuntis abdican- di sese munere abbatis, quod episcopi in Ratisbonensi ecclesia antea solebant gerere in celebri S. EMMERANI monasterio: „ Vos „ scire debetis, WOLFGANGUM nun- „ quam in humeros suos accepturum sarcinam, „ quam ferre non possit, nempe ut episco- „ pus pariter & abbas dici velit. Sicut enim, „ teste beato GREGORIO, indecorum est, „ ut in corpore humano alterum membrum „ alterius fungatur officio; ita noxium & tur- „ pissimum est, si singula rerum ministeria per- „ sonis totidem non fuerint distributa. „

Hoc semper perpendit ecclesia, & detestata est pluralitatem corporum seu beneficiorum sub uno capite. Hinc tot conciliorum canones & decreta contra eam usurpationem, a quo tempore frequentari cœpit, ut præ multitudine delinquentium non potuerit emendari, ut do-
let

let ALEXANDER III. referturque in decre- *Can. 12.*
 retalibus, ac plura in eam rem afferuntur de- *Et seqq.*
 creta, suntque imprimis severæ inhibitiones *Clericis*
 conciliorum Claromontani præfente URBANO *non resid.*
 IL III. & IV. Lateranensium sub ALEXANDRO III. & INNOCENTIO III. *c. 3.*
 Quorum præsertim saluberrimis statutis decre- *De præ-*
 tales GREGORII IX. refertæ sunt, pari- *bendis Et*
 ter ac sextus decretalium BONIFACII VIII. *dign. c. 15.*
 & aliorum, quibus constat corpus juris cano- *18. 28. 30.*
 nici; præter GRATIANI decretum, in
 quo pariter decreta conciliorum & summorum
 pontificum afferuntur *dist. 70.* In decretalibus
 autem plerumque *tit. de præbendis* in rem no-
 stram contra pluralitatem beneficiorum haben-
 tur gravissima decreta. Quibus identidem
 conciliorum decreta accesserunt imprimis con-
 ciliū Tridentini non uno in loco, ac sessione, *Sess. VII.*
 primum innovando constitutiones INNOCENTII III. & GREGORII IX. & alia *c. 2.*
 deinceps caute eam in rem determinando; *Ib. c. 3.*
 deinde univèrsaliter omnem pluralitatem bene- *Et seqq.*
 ficiorum proscribendo: *Sess. XIV.*
Ut in posterum unum c. 17.
tantum beneficium ecclesiasticum singulis con-
feratur. Quod quidem si ad vitam ejus cui
confertur, honeste sustentandam non sufficiat,
licet nihilominus aliud simplex sufficiens, dam-
modo utrumque personalem residentiam non
requirat, eidem conferri. In concilio Late-
ranensi sub INNOCENTIO III. papæ præbend.
dispensatio committitur in favorem personarum
sublimium & litteratarum, possuntque occur-
tere legitimæ causæ & circumstantiæ: Sine qui-
bus circumstantiis, inquit D. THOMAS, Quodl. 9.
licitum non est, quantumvis dispensatio inter-
venit, eo quod dispensatio humana non aufert
ligamen juris naturalis, sed solum ligamen ju-

vis positivi, quod per hominem statuitur, & per hominem dispensari potest.

§. LXXXI.

De unione
beneficio-
rum.

Unio ecclesiarum, ac beneficiorum legitime, iustis ex causis, necessitate utilitateque ecclesiæ flagitante, facta, identidem est & auctoritate etiam concilii Tridentini constabilita.

S. GREGORIUS M. necessarias ejusmodi unionis faciendæ depromit causas : „ Et „ temporis qualitas, (inquit) & vicinitas nos „ locorum invitat, ut Cumanam & Misaran- „ tem unire debeamus ecclesias : quoniam eæ „ non longo itineris spacio a se sejunctæ sunt, „ nec peccatis facientibus, tanta populi multi- „ tudo est, ut singulos, sicut olim fuit, habe- „ re debeant sacerdotes. „ In concilio Emerit. causa universim redditur, quare uni sacerdoti ecclesiæ parochiales plures committi queant :

Can. 61.

In parochiis multe sunt ecclesiæ constitutæ, quæ a fidelibus factæ, aut paucum aut nihil de rebus videntur habere. Sacerdotali ergo decreto presbytero uni plures extant commissæ.

Can. 4.

In concilio Toletano XVI. quid faciendum sit in emergentibus casibus, decernitur : Sed & hoc necessario instituendum deligimus, ut plures ecclesiæ uni nequaquam committantur presbytero : quia solus per totas ecclesias nec officium valet persolvere, nec populis sacerdotali jure occurrere ; sed nec rebus earum necessariis curam impendere. Ea scilicet ratione, ut ecclesiæ, quæ usque ad decem habuerit mancipia, super se habeat sacerdotem ; quæ vero minus decem habuerit mancipia, aliis jungatur.

Suc-

Successu temporum inductæ sunt uniones, quas vocant gratiosas, solummodo ad augendos proventus. Cum autem unionibus ejusmodi numerus collationum & gratiarum imminueretur, inventæ sunt uniones *ad dies vite*, quæ tamen ob incommoda plurima sunt abolitæ.

Alias minorum ecclesiarum uniones ab episcopo fieri possunt, etiam beneficiorum regularium; quodsi vero agitur de unione episcopali, aut de unione minorum beneficiorum ad mensam episcopi, soli papæ jus id competit. In unionibus autem faciendis omnes sunt vocandi, quorum interest juxta regulam cancellariæ de unionibus, ut semper in unionibus concessio fiat, ad partes vocatis quorum interest.

In concilio Tridentino variis abusibus prætextu unionum fieri pronis obviatum est ad obtegendam pluralitatem beneficiorum: *Quicunque de cetero plura curata aut alias incompatibilia beneficia ecclesiastica, sive per viam unionis ad vitam sive commendæ perpetuæ, aut alio quocunque nomine & titulo, contra formam sacrorum canonum & præsertim constitutionis INNOCENTII III. quæ incipit, De multa, recipere ac simul retinere præsumserit, beneficiis ipsis juxta ipsius constitutionis dispositionem ipso jure, etiam præsentis canonis vigore, privatus existat.* Contingit ita sub pallio unionis pluralitatem beneficiorum tegi, quando *ad vitam* fit. Quare FAGNANUS hanc unionem non proprie unionem, sed magis palliatam quandam dispensationem vocat.

Proprie ergo dicta unio perpetua est, quæ non in favorem personæ, sed ecclesiæ vel beneficii.

C. 6.

neficii fit. Ubi item providentissime concilium Tridentinum prospexit, quantum licuit, ne & hic intercedat commodum potius personarum, & subreptio, non utilitas & necessitas ecclesiarum; quæ una hic spectanda est: statuitque, *ut uniones perpetuæ a quadraginta annis citra factæ, examinari ab ordinariis, tanquam a sede apostolica delegatis, possint; & si per surreptionem, vel obreptionem obtenta fuerint, irrita declarentur. Illæ vero, quæ a dicto tempore citra concessæ nondum in toto vel in parte sortitæ sunt effectum, & quæ deinceps ad cujusvis instantiam fient, nisi eas ex legitimis aut alias rationabilibus causis coram loci ordinario vocatis, quorum interest, verificandis, factas fuisse constiterit, per surreptionem obtenta præsumantur: ac propterea nisi aliter a sede apostolica declaratum fuerit, viribus omnino careant.*

Seff.
XXIV.
c. 13.

C. 15.

Spectant hæc potissimum beneficia curata; de simplicibus enim facilius fuit synodus, permittitque episcopis, qui fructuum subventionis pro diocesis suæ tenuitate indigent, de beneficiis aliquibus, dum tamen curata non sint, nec dignitates, seu canonicatus & præbendæ nec monasteria, in quibus viget regularis observantia, vel quæ capitulis generalibus & certis visitatoribus subduntur a summo pontifice, provideri. Similiter in ecclesiis cathedralibus & collegiatis episcopis permittitur cum consensu capituli, vel aliquot simplicia beneficia, non tamen regularia, iis unire; vel si hac ratione provideri non possit, aliquibus ex iis suppressis, cum patronorum consensu, si de jure patronatus laicorum sint, quarum fructus & proventus reliquarum præbendarum distributionibus quotidianis applicentur, eas ad paucio-

pauciores numerum redigere. Jam prior sessione XXIII. c. 18. concesserat, ut pro congrua dotatione episcopi beneficia aliquot simplicia seminario seu collegio applicent episcopi & incorporent.

§. LXXXII.

Labentibus sæculis, ac disciplina De com-
mendis.
ecclesiastica, tam sæcularia quam regularia beneficia seu monasteria in commendam commissa hæud raro sunt, non ecclesiasticis solum sed laicis etiam personis: non semper prævalente ecclesia contra abusus, & ingentia inde provenientia detrimenta.

Responderebat initio res nomini, ut administratio ecclesiæ vacantis commendata esset præfui alteri, donec ipsa suum nancisceretur. In concilio Valentino in Hispania vocatur episcopus commendator, qui episcopo nondum defuncto sed ægrotanti aderat. Jam diximus alibi de antiquo ecclesiæ more constituendi episcopos visitatores sede vacante. Quam in rem singulariter incubuit vigilantia S. GREGORII M. Desolantibus autem Italiam Longobardis desertas hæud raro continebat esse ecclesias, quas S. GREGORIUS committere solebat vicino pastori, donec institui posset episcopus cardinalis seu titularis; aut sede sua pulsus pastoribus in commendam tradebat nonnunquam monasteria. Vicissim terras ecclesiarum monasterio Lib. I. ep.
U appli.

38. 39. 76. applicabat, necessitate ita flagitante. Alias
 II. ep. 13. vero ejusmodi incubationes damnabat, aver-
 35. VI. tebatque. „ Pervenit ad me (scribit eo in ne-
 ep. 10. „ gotio ad episcopum Ravennatensem) quod
 Lib. IV. „ in ecclesia fraternitatis tuæ aliqua loca du-
 ep. 18. „ dum monasteriis consecrata, nunc habita-
 Lib. IV. „ cula clericorum aut etiam laicorum facta
 ep. 1. „ sunt: dumque hi qui sunt in ecclesiis, fin-
 „ gunt se religiose vivere, monasteriis præ-
 „ poni appetunt, & per eorum vitam mona-
 „ steria destruuntur. Nemo enim potest &
 „ ecclesiasticis ministeriis deservire & in mo-
 „ nachica regula ordinate persistere; ut ipse
 „ monasterii distractionem teneat, qui quoti-
 „ die in ministerio ecclesiastico cogitur per-
 „ manere. Proinde fraternitas tua hoc, quo-
 „ libet in loco factum sit, emendare festinet,
 „ quia ego nullo modo patior, ut loca sacra
 „ per clericorum ambitum destruantur. „

Lib. VII.
 ep. 7. &
 lib. IX. ep.
 29.

An. 1253.
 C. 28.
 C. nemo
 15. de e-
 lect. in 6.
 Can. 5.

Can. 25.

Sed non eo vigore semper actum fuit, tē-
 nueruntque nonnunquam episcopi monasteria
 aut sua aut pontificis auctoritate: ac consue-
 verunt dari in commendam prioratus, curata
 & alia minora beneficia quæcunque: patet id
 ex epistolis GREGORII VII. Prætextus
 hic erat plura obtinendi beneficia, quin di-
 rectè sacris canonibus contravenire videretur,
 ut in concilio Salmurcensi notatur, & a BO-
 NIFACIO VIII. ubi de parochiarum ejus-
 modi commendis agitur, quas etiam a laicis
 sic usurpari contingebat, ut ex concilio Ca-
 bilonensi discimus: *Saculares vero, qui nec-
 dum sunt ad clericatum conversi, res paro-
 chiarum vel ipsas parochias minime ad re-
 gendum debeant habere commissas.* Conci-
 lium Aurelianense IV. indiscriminatim perstrin-
 git: *Si quis clericus aut laicus sub poten-
 tum*

tum nomine atque patrocinio res ad jus ecclesie pertinentes contempto pontifice, petere seu possidere præsumserit.

Et ita passim in conciliis Gallicanis cave-
tur tam contra clericos quam laicos, cum il-
lic accideret ducibus & comitibus præsertim
militibus beneficia ecclesiastica concedi fruen-
da: unde frequens est nomen commendarum
militarium, temporibus difficillimis irruptio-
num barbaricarum. Obtentum id legitur in
concilio Liptinenſi a CARLO MANNO: *Can. 2.*

*Statuimus quodque cum consilio servorum DEI
& populi christiani, propter imminetia bel-
la & persecutiones cæterarum gentium, quæ
in circuitu nostro sunt, ut sub precario &
censu aliquam partem ecclesiæ pecuniæ in
adjutorium exercitus nostri, cum indulgen-
tia DEI aliquanto tempore retineamus. Re-
fert HINC MARUS, S. BONIFACIUM
ex præcepto ZACHARIÆ ei concilio præ-
fuisse, alias infensissimum hujusmodi usurpato-
ribus, quos raptores & sacrilegos vocat. Fuit
autem imprimis CAROL. MARTELLUS
idcirco infamatus, quamvis jam antea & post
sub stirpe Carolingica obtinuerint commendæ,
præsertim sub CAROLO CALVO; sed cle-
ricis concessæ, e manibus laicorum ereptæ.
Sub quo tamen in concilio Tullensi constitutum
est agi apud principes: *Ut unicuique congre-
gationi DEO vacantium in timore & amore
ejus a discretissimis principibus secundum au-
thoritatem divinam suæ professionis liceat ha-
bere prelatos. Et NICOLAUS P. gravissi-
me tulit usurpationem hanc in destructionem
disciplinæ monasticæ: Quoniam monachico
ordini præficere vel laicum, vel canonicum,
non est servare ordinis professionem, sed ever-**

Epist. 105.

Can. 12.

Epist. 24.

Can. 2.
Cap. 3.
Lib. I. ca-
pitul. c. 31.

tere. Quod unusquisque prepositus, cujus est ordinis, ejus quoque erit propagator; nec bene disponet aliquando cujuscunque militia vitam, cujus non fuerit ipse, qui disponit, amulator. Communit ibi monasterium Corbejenſe contra hanc incubationem privilegio, quale etiam in concilio Sueſſionenſi III. Solminiacenſe obtinuit, auctoritate JOANNIS VIII. firmatum, & a MARTINO P. poſtea renovatum: ſimile privilegium conſeſſum eſt monaſterio Floriacenſi. Ipſe ſibi pontifex legem facit contra commendas beneficiorum, pariter ac in concilio Tricaſſino. In concilio poſtea Troſlejano provocatur non ſolum ad canones eccleſiaſticos, ſed etiam capitularia imperialia citantur: *Ut loca, qua ſemel D E O dicata ſunt, aut monaſteria ſunt, maneanť perpetuo monaſteria, nec poſſint ultra fieri ſecularium habitacula. Nunc autem in monaſteriis D E O dicatis monachorum, canonicorum & ſanctimonialium abbates laici cum ſuis uxoribus, filiis & filiabus, cum militibus morantur & canibus.* Vehementiſſime poſtea iterum reſumto eodem argumento minas intonant: „*Reſpectum liquidem timoris D E I habentibus auditu lugubre, dictu nefas, actu dignoſcitur horribile, quando contra omnem paratum, & totius chriſtianę religionis auctoritatem & conſuetudinem in monaſteriis regularibus laici in medio ſacerdotum & cæterorum religioſorum, ut domini ac magiſtri reſidentes, velut abbates de illorum vita & converſatione ac regula ſibi penitus ignota perverſo ordine dijudicant. Quę pro certo abominatio illa eſt, quam Dominus in evangelio præſignat, dicens: Cum videritis abominationem deſolationis ſtantem in loco* „ ubi

ubi debet, qui legit, intelligat. Ista nam-
 que vere est abominatio desolationis non tan-
 tum subditorum vel eorum qui illis ad suam
 ipsorum perniciem videntur principari, ve-
 rum regis & totius regni, omniumque qui
 tam detestabili favent ordinationi. Cense-
 mus igitur, ut status monasteriorum inviola-
 tus, juxta antiquam regulæ traditionem &
 canonum constituta, fervetur: & ut abbates
 sint religiosæ personæ, & quæ regularem
 noverint disciplinam. Refert LUDOVIC.
 THOMASINUS complura eam in rem *De benef.*
 conciliorum decreta & ad principes obtestatio- *P. II. L. II.*
 nes, capitularia item Francorum, sub quo re- *c. 15. & c.*
 gno maxime grassabatur malum illud, quamvis
 aliorum etiam ac ipsum orientem pervaserit;
 sed facilius alibi obviatum est. Apud REGI-
 NONEM habetur decretum conventus Franco-
 fordienfis sub OTTONE I. quo innuatur *Append.*
 præfato regi, *ut nulla abbatia, quæ per se ele-* *2. c. 53.*
ctionem habet ad monasterium, nec alicui in
proprium possit donari. Ille vero quæ ele-
 ctione carent, regis donatione & privilegio
 ad aliud monasterium, quod sub ejus mun-
 diburdio subsistit, surrogari possint. Vide-
 bantur in Galliis cum stirpe Carolingica, &
 sub auspiciis Capetiorum exspirasse commendæ
 etiam clericorum. Sed iterum deinceps ere-
 xerunt caput. In concilio Viennensi sub CLE- *P. II. tit.*
 MENTE V. conquestus est celebris DU- *21.*
 RANDUS Mimatenfis contra cardinales, *Cap. cum*
 quod ecclesias etiam cathedrales & ultrama- *rationibus*
 rinas sub diversis coloribus sibi faciant com- *de elect. in*
 mendari. Revocavit CLEMENS V. hujus- *Clementi-*
 modi commendas: Item JOANNES XXII. *nis.*
 teste RAINALDO, Omnes commendas sa- *Ad an.*
 ctas per prædecessores suos de ecclesiis cathe- *1333. n.*

*Extrav.
comm. de
prab.*

*An. 1514.
Sess. 7. & 9.*

*Sess. XXI.
de regu-
lar. c. 21.*

*dralibus, & abbatiis, quibuscumque perso-
nis, cardinalibus & patriarchis duntaxat
exceptis. Sed eo ipso tempore plurimum sunt
auctæ, auctoribus ipsis pontificibus Avenio-
nensibus, qui proventibus Italiæ cum libere
non fruerentur aliunde pro se suisque supplere
debant defectum ex beneficiis ac mona-
steriis, sub salutari quidem prætextu destru-
ctæ disciplinæ regularis, cardinalibus & aliis
prælati commendatis; at nec respondit effe-
ctus proventuum causa, in pejus ruentibus re-
bus; ut ex concilio Lateranensi sub L E O N E
X. constat; nec aboleri potuerunt, quamvis
concordata Gallica id postularent, ubi fre-
quentes sunt commendæ. In concilio Triden-
tino res hæc variis fuit agitata studiis, &
quod penitus tolli non potuit malum, mode-
rati saltem sunt quantum potuerunt patres,
prospicere rei monasticæ conati: Cum ple-
raque monasteria etiam abbatiæ, prioratus
& præposituræ ex mala eorum, quibus com-
missa fuerunt, administratione non levia pas-
sa fuerint, tam in spiritualibus, quam in
temporalibus detrimenta; cupit sancta syno-
dus ea ad congruam monasticam vitæ disci-
plinam omnino revocare, verum adeo dura
difficilisque est præsentium temporum condi-
tio, ut nec statim omnibus, nec commune
ubique, quod optaret, remedium posset adhi-
beri; ut tamen nihil prætermittat, unde
prædicta salubriter aliquando provideri pos-
sit; primum quidem confidit, sanctissimum
Romanum pontificem pro sua pietate & pru-
dentia curaturum, quantum hæc tempora
ferre posse viderit, ut iis, quæ nunc com-
mendata reperiuntur, & quæ suos conven-
tus habent, regulares personæ ejusdem or-
dina-*

dinis expresse professa, & quæ gregi præire & præesse possint, præficiantur. Quæ vero imposterum vacabunt, nonnisi regularibus spectata virtutis & sanctitatis conferantur.

§. LXXXIII.

Xenodochia, nosocomia &c. anti-De locis
quissima reputari possunt beneficia, piis.
seu loca pia, quibus proventus largi-
giter sunt addicti, ac potissima fuit
semper egentium omnium cura.

A primordiis ecclesiæ sicuti bonorum omnium ecclesiæ episcopus habuit curam, ita peregrinorum, pauperum, infirmorum, viduarum, orphanorum & aliorum indigentium, quos bonorum ecclesiæ participes, & ratam suam semper habuisse partem, postquam distributio bonorum ecclesiæ quadripartita audiri cœpit, jam ex superius dictis constat.

Habentur vero etiam, cum primum persecutionibus cessantibus liquit, loca ejusmodi piis operibus destinata operose instructa. Quæ res æmulationem invidiamque JULIANO APOSTATÆ excitavit, ut ex GREGORIO NAZIANZENO discimus. Qui i-Orat. 3.
dem fatis deprædicare non potest amplissimum xenodochium a S. BASILIO extractum, & nos jam ex ipso S. BASILIO audivimus, quam copiosissime rebus omnibus fuerit instructum, PALLADIUS in vita S. CHRYSOSTOMI, PAULINUS in vita S. AMBROSII, POSSIDIUS in vita S. AUGUSTINI studia horum præfulum in hanc rem miris extollunt mo-Orat. 20.

dis, pariter ac S. HIERONYMUS ad PAMMACHIUM scribens, & in epitaphio PAULÆ, ac FABIO LÆ, alibique laicorum ardorem & munificentiam dilaudat, in extruendis hujusmodi locis piis, ut etiam episcopis & presbyteris nonnunquam æmulationem excitarent; cum semper clericorum hæc fuerit præcipua cura sub inspectione episcoporum. In concilio Chalcedonenſi ſtatuitur: *Ut clerici qui præficiuntur ptochodochiis & monasteriis sub episcoporum potestate permanent.* Quare etiam jure canonico ejusmodi loca in vera erecta sunt beneficia ecclesiastica, sub obligatione, præter communem illam a nobis suo loco assertam, singulari impendendi proventus honestæ suæ sustentationi superfluos, in usus pauperum ac miserabilium personarum, secundum leges foundationi hospitalis adscriptas: qualia nonnulla hospitalia esse supponit Clement. 2. de religiosis domibus pariter ac concilium Tridentinum præcipiens omnibus, qui hujusmodi loca in titulum obtinent, ut impositum illis onus officiumque administrent: atque hospitalitatem, quam debent ex fructibus ad id deputatis actu exerceant. Sunt etiam singulares religiosi ordines ac domus, in quas concilium Tridentinum Ordinario inspectionem tribuit. In jure canonico titulo de domibus religiosis de his locis piis similiter agitur.

Sess. VII.

c. ult.

Sess.

XXII. c.

8. 9.

Sess.

XXV.

c. 8.

Sess.

XXV.

c. 8.

Collegiis canonicorum plerumque fuit annexum hospitale, pariter ac monasteriis, quæ semper hospitem curam gesserunt, & passim etiam monasteriis unita sunt: unde synodus Tridentina præcipit illis, qui hospitalia vulgo nuncupata, seu alia pia loca ad peregrinorum, infirmorum, senum, pauperumque usum præcipue instituta ecclesiis suis unita obtinent, ut im-

impositum illis onus officiumque administrent,
 atque hospitalitatem quam debent ex fructibus
 ad id deputatis exerceant. In urbibus etiam
 passim dudum ejusmodi loca pia erigi sunt cu-
 rata: quam in rem habetur canon concilii II.
 Aquisgranensis: *Placet, ut deinceps in singu-* *An. 836.*
lis civitatibus & monasteriis juxta modum re- *c. 3.*
rum hospitalitas ordinetur advenientium. In
 concilio Aquisgranensi I. in eandem rem pul- *An. 816.*
 cherrima habentur instituta juxta apostolicam
 institutionem, & constantem usum obligatio-
 nemque, ne erectis beneficiis, & bonis eccle-
 siasticis fixis, parte sua fraudarentur indigentes
 quicunque. „ Proinde (fanciunt PP. illi) „ *Cap. 141.*
 oportet, ut prælati ecclesiastici præceden-
 tium patrum exempla sectantes, aliquod „
 præparent habitaculum, ubi pauperes colli-
 gantur, & de rebus ecclesiæ tantum ibidem „
 deputent, unde sumtus necessarios juxta „
 possibilitatem rerum habere debeant, ex- „
 ceptis decimis, quæ de ecclesiæ villis ibi- „
 dem conferuntur. „ Decimæ autem illic in-
 telliguntur de frugibus, & omnibus eleemosy-
 narum oblationibus. Habentur hæc in regula
 canonicorum eo in concilio tradita, ubi plura
 adhuc in eandem rem statuuntur. **A U B E R-**
R U S M I R Æ U S in notis in eam regulam
 dicit, multis in locis hujusmodi domus hospi-
 talarias ad usum pauperum extructas hodie-
 que multis in locis juxta canonicorum templa
 subsistere.

CAPUT V.

*De cura ecclesiæ circa causas civiles,
& secularia judicia.*

§. LXXXIV.

Ecclesia
jurisdi-
ctionem
tempora-
lem non
arrogat.

Distincta cum sit sacra a politica potestate, jurisdictionem sibi in temporalia non arrogat ecclesia, la-cessitis principum juribus.

*Epist. ad
Solitar.*

Haftenus auctoritatem ecclesiæ vindicavimus & jura, tum quoad res & causas mere sacras, cum quoad mixtas, bona nimirum temporalia & possessiones jure proprietateque ad ecclesiam æque pertinentes, quam alius quisque rerum suarum in hoc mundo est dominus. Circumspiciendum nunc etiam de finibus utriusque potestatis sacræ & profanæ, quibus se limitibus contineant, & mutua concordia conspirent, ut maneat cuique suum secundum divinam ordinationem: quomodo olim magnus OSIUS CONSTANTIO in sacra involanti in faciem edixit, teste S. ATHANASIO: *Tibi DEUS imperium commisit; nobis quæ sunt ecclesiæ concredidit. Et quemadmodum, qui tuum imperium malignis oculis carpit, contradicit ordinationi divinæ, ita & tu cave, ne quæ sunt ecclesiæ, ad te trabens, magno crimini obnoxius fias.* Nimirum in his, quæ religionem & salutem animæ spectant, quisque supremus etiam princeps subest ecclesiæ, quin tamen legiti-

legitima eorum in hoc mundo convellatur, sed distincta maneat duplex potestas, sacra & politica: *Duo sunt*, scribit GELASIUS P. ad ANASTASIUM imperatorem, referturque a GRATIANO: *Imperator au-* Cap. duo
guste, quibus principaliter mundus hic regi- sunt. dist.
tur, auctoritas sacra pontificum, & rega- 96.
lis potestas. In quibus tanto gravius est pon-
tus sacerdotum, quanto etiam pro ipsis re-
gibus hominum in divino reddituri sunt e-
xamine rationem. Nosti enim fili clementis-
sime, quod licet praesideas humano generi di-
gnitate, rerum tamen praesulibus divinarum
devotus colla submittis, atque ab eis causas
tua salutis expetis, inque sumendis caelesti-
bus sacramentis, eisque ut competit dispo-
nendis, subdi se debere cognoscis religionis or-
dine potius quam praesse. Nosti itaque in-
ter hac ex illorum te pendere arbitrio, non
illos ad tuam velle redigi voluntatem. Nihil
filet, quod ad auctoritatem ecclesiasticam fa-
ciat, sed eam circumscribit suis limitibus cir-
ca sacra. Pariter ad eundem ANASTA-
SIUM SYMMACHUS, cum de exe-
renda vel maxime potestate ecclesiastica age-
retur, nimirum excommunicationis sententia
feriendo ipso imperatore in causa ACACII,
extollit quidem sacram potestatem, profanam
tamen suo ut relinquat in loco: Conferamus Symach.
autem, inquit, honorem imperatoris cum ho- in apologetico.
nore pontificis: inter quos tantum distat,
quantum ille rerum humanarum curam ge-
rit, iste divinarum. Tu imperator, a pon-
tifice baptismum accipis, sacramenta sumis,
orationem poscis, benedictionem speras, pe-
nitentiam rogas. Postremo tu humana ad-
ministras; ille tibi divina dispensat. Itaque
non

Epist. I.

non dicam superior, certe aequalis honor est. Et GREGORIUS II. similiter ad imperatorem LEONEM ISAURICUM scribens, utriusque potestatis limites definit: *Scis imperator, sancta ecclesia dogmata non imperatorum esse, sed pontificum, quæ tuto debent prædicari. Idcirco ecclesiis præfæcti sunt pontifices a reipublica negotiis abstinentes, ut imperatores similiter ab ecclesiasticis abstineant, & quæ sibi commissæ sunt capeant.* In eodem argumento versatur secunda ad eum epistola, ut discrimen utriusque potestatis commonstret, non tollat, ut multis visus est fecisse hic pontifex in negotio translationis imperii ad reges Francorum, auctoritatemque suam in supremum etiam usurpasse principatum terrenum cum successoribus, in eadem re laborantibus; qui tamen auxilium, destituti, petebant tantum, non alienam potestatem arrogabant.

Quod dum multi non attenderent, enata est invidiosa illa de directa vel indirecta potestate pontificum in reges, & regna etiam temporalia lis. Fomentum præbuit, quæ postea facta est sceptri in regno Franciæ translatio a CHILDERICO III. ad PIPINUM. firpemque Carolingicam BURCHARDO episcopo Virsburgensi unacum capellano PIPINI ad papam consilii capiendi gratia misso: quod dedit pontifex, ut regno consulereetur; non auctoritatem suam interponendo in imperium ac politicam potestatem, quam semper distinctam deinceps pontifices agnoverunt sacram & politicam, ut, *sicut reges præsumunt in causis sæculi, ita sacerdotes in causis DEI,* quæ LEONIS IV. verba sunt apud GRATIANUM. Et ut apud eundem NICOLAUS

**Cap. Nos
si incom-
petenter
2. q. 7.**

LAUS I. scribens ad MICHAELEM imperatorem dicit: *Ultra sibi nec imperator jura pontificatus arripuit, nec pontifex nomen imperatoris usurpavit. Quoniam idem mediator DEI & hominum homo CHRISTUS JESUS sic actibus propriis & dignitatibus distinctis officia potestatis utriusque discrevit, ut & christiani imperatores pro aeterna vita pontificibus indigerent, & pontifices pro cursu temporalium tantummodo rerum imperialibus legibus uterentur; quatenus spiritualis actio carnalibus distaret incursum.*

Intrepide quidem pontifices, quæ suæ erant auctoritatis circa religionem etiam in principes exercebant refragarios; nec primus, ut sunt qui existimant, GREGORIUS VII. censuras in principes strinxit; licet majori cum vigore egerit, & ulterius etiam tandem progressus sit, postquam jam RODOLPHUS a proceribus imperii in locum HENRICI esset suffectus, diu cunctatus, donec ipse depositionis sententiam ferret. Quæ est *res facti* & sententia privata multorum tunc temporis, ac ipsius etiam pontificis; haud dubie fide adhibita donationi CONSTANTINI qua in occidentem pontifici tribuitur potestas & imperium. Quæ si subsisteret etiam, indulgentia esset CONSTANTINI, non propria ecclesiæ potestas, licet hæc politica sublimior & in reges quosque terrenos contumaces prævalens sit sacra potestas & principatus, civili tanto melior, juxta S. CHRYS. *Hom. 15. SOSTOMUM, quantum a terra cælum, in ep. 2. imo & multo magis.* Quæ qui secum per- *ad Co-* penderit, offendi desinet, si pontifices neu- *runt.* tiquam tacuerint, quam præstans sua sit potestas: quo ipso ostenditur circa spiritualia,
 non

Lib. I. tit.
33. c. 6.

non temporalia eam versari. Non sic insolens aut arrogans videbitur, quod soli sacra potestas, lunæ autem profana comparetur, ut ab INNOCENTIO III. est factum, referturque in jure decretalium de majoritate & obedientia : *Ad firmamentum igitur cœli, hoc est universalis ecclesiæ, fecit DEUS duo magna luminaria, id est, duas instituit dignitates, quæ sunt pontificalis auctoritas, & regalis potestas. Sed illa, quæ præest diebus, id est spiritualibus, major est; quæ vero carnalibus, minor: ut quanta est inter solem & lunam, tanta inter pontifices & reges differentia cognoscatur.* Frequens est solis & lunæ comparatio sacre & politicæ potestati applicata, atque etiam jam ante INNOCENTIUM III. adhibita, non ultra limites extendenda, pro similitudinum natura, quæ non in omnibus conveniunt; ne cavillandi inde occasio sumatur, & in suspicionem veniat illustrior spiritualis potestas, quasi lucem omnem, unde suam derivet politica potestas, sibi arroget ecclesia, ac auctoritatem suam solam ostendet. Quomodo BONIFACIUS VIII. exacerbatus a PHILIPPO IV. Francorum rege, in oratione quam habuit an. 1303. pro confirmando rege Romanorum ALBERTO, sumit. Qui etiam perhibetur duplicem in tiara coronam primus gestasse, ut utriusque regni corporalis & spiritualis prærogativam hac ratione innueret, cui creditur tertiam ante annos trecentos URBANUM V. addidisse, numeri forte mystici causa, cœlestium, terrestrium & infernorum, quorsum ecclesia principatum suum extendit, sed spirituales & sacram, ut quæ solvit & ligat in terris, soluta sint & ligata in cœlis, & portas etiam infero-
rum

*Vid. Brè-
viar. Fr.
Pagi.*

rum potestatesque inimicas habeat, sitque ecclesiæ dominium a mari usque ad mare, atque de terrena & politica potestate etiam participet ecclesia, emersa statu presso, quo sub imperatoribus ethnicis detinebatur, in libertatem vindicata, & centuplo etiam in hac terra aucta, principatum nacta supremum imprimis ecclesia Romana, ut nulli inter tot christianos principes obnoxia, sacram suam exercere liberam nec impeditam possit potestatem, ut jam superius notavi.

§. LXXXV.

Non solum personarum ecclesiasticarum, verum etiam fidelium causæ & lites juxta apostoli edictum, etiam cum bona christianorum principum venia, apud tribunal ecclesiasticum agebantur semper transigebanturque olim.

Licet ipsi principes causas sæculares commiserint iudicandas.

Jam suo loco diximus de foro competente apud ecclesiasticum judicem, immunitateque personali: ubi etiam præter ecclesiasticos canones indulta principum ex codice potissimum Theodosiano, ac primis christianorum principum legibus quasdam attulimus, quibus nunc ex codice Justiniano aliquas addere licet, id singulariter exprimentes, quod nunc agimus tam quoad personas, quam causas conjunctas cum personis sacris ac DEO dicatis:

Sancimus, si quis quamcunque habuerit causam, cum aliquibus venerabilibus ascetis, aut sacris virginibus, aut mulieribus omnino in monasteriis consistentibus DEO amabilem ci-

Nov. 79.
c. 1. 2.

vita

vitatis illius episcopum interpellat ; ille vero mittat, & cum omni honestate, quæ sunt de personarum præsentia disponat : sive oportet per abbates sive per responsales, sive per alios quoslibet hoc fieri. Ipse vero cum omni veneratione sacerdotali causam examinet & judicet ; & civiles non sint ei penitus iudices, neque confundant eorum honestatem, cum idonei sint singularum civitatum episcopi, & quæ de lite sunt, & de cautela judiciorum disponere atque judicare, honeste atque sacerdotaliter, secundum leges nostras & divinos canones. Poterat adhuc forte de his personis dubietas esse, necdum tam arcte ordini sacro innexas, quas alia lege simul comprehendit omnes : Jubemus metropolitani episcopos sub se constitutos semel aut secundo per singulos annos convocare, & omnes causas subtiliter examinare, quas episcopi, aut clerici, aut monachi ad invicem habent, easque disponere ; & super hoc, quidquid extra regulas a quacunque persona delinquitur, emendare. Expressæ jam antea sunt causæ : Sed neque pro qualibet pecuniaria causa vel criminali, episcopum ad judicem civilem aut militarem invitum perducere, citra imperialem jussionem permittimus. Alias in canonibus exceptæ erant causæ criminales & capitales, sed erant tamen etiam juxta canones, & cum episcopo tractandæ, juxta concilium Matisconense a CLOTARIO II. singulari edicto firmatum : Qui vero convicti fuerint de crimine capitali juxta canones distringantur, & cum pontificibus examinentur. Quod si causa inter personam publicam & homines ecclesiæ steterit, pariter ab utraque parte præpositi ecclesiarum, & judex publicus in audientia publica positi, ea debeant judicare.

Non

Nov. 86.

c. 8. 21.

Can. 4.

Non erat infrequens ejusmodi utriusque fori iudicii in unum confectus ad iudicandum; & in jam laudata JUSTINIANI novella 86. c. 1. 2. indulta est appellatio iis omnibus, quibus ordinarius erat suspectus iudex: *Si contigerit quendam nostrorum subjeclorum in dubitatione habere iudicem; iubemus sanctissimum episcopum audire eam clarissimo iudice: ut ambo per amicabilem conventum dissolvant, quæ dubia sunt, ut non cogantur subjecli nostri propter huiusmodi causas recedere a propria patria.* Quin de ipso iudice cognoscere & decernere poterat episcopus: *Si contigerit quempiam a iudice provincie ladi, iubemus eum adire civitatis episcopum, & ipsum iudicare iudicem, & eum qui putatur ladi ab eo.*

Retulit JUSTINIANUS in suo codi- De au-
ce ARCADII & HONORII legem, qua *dientia e-*
episcopale iudicium omnibus indulgetur: *pisc. L. I.*
„Episcopale iudicium ratum sit omnibus, „ tit. IV. l. 3.
qui se audiri a sacerdotibus elegerint; eam- „
que eorum iudicationi adhibendam esse re- „
verentiam iubemus, quam vestris deferre „
necesse est potestatibus, a quibus non li- „
cet provocare. „ Quodsi nullum de CON-
STANTINI lege esset dubium, quæ ad
calcem codicis Theodosiani habetur, adhuc Extra.
amplior foret isthæc episcoporum auctoritas: de elect.
„Quicumque litem habens, sive possessor sive „ iudicii
petitor erit, inter initia litis, vel decursis tem- „ episc.
porum curriculum, sive cum negotium perora- „
tur, sive cum jam coeperit promi senten- „
tia iudicium eligit sacrosanctæ legis antisti- „
tis, illico sine aliqua dubitatione, etiamsi „
alia pars refragatur, ad episcopum cum „
sermone litigantium dirigatur. „ Constat ex

Vita Con-
stant. lib.
IV. c. 27.
Lib. I. c. 9.

EUSEBIO, auctoritatem decretorum ecclesiasticorum ratam omnibus provinciarum rectoribus esse voluisse CONSTANTINUM: ac cuius iudici præferendos esse sacerdotes DEI. Et SOZOMENUS testatur; „Eum litigantibus permisisse, ut ad episcoporum iudicium provocarent, si magistratus civiles rejicere vellent: eorum autem sententia rata esset, aliorumque iudicium sententiis prævaleret, perinde ac si ab ipso imperatore data fuisset: utque res ab episcopis iudicatas rectores provinciarum, eorumque officiales executioni mandarent. Quæ satis congruunt cum lege laudata, licet illius circumstantias non omnes referant.

1. Corinth.
VI. 4.

Constat autem ex praxi jugi non solum tempore persecutionum ac ecclesiæ pressæ, juxta præscriptum apostoli apud ecclesiam transacta fuisse iudicia etiam sæcularia: *Sæcularia igitur iudicia si habueritis: contemtibiles, qui sunt in ecclesia, illos constituite ad iudicandum.* Ubi vocem Græcam ἐξουσιάζοντες aliter sumit LIGHFOOTUS, ut prorsus contrarium sensum habeat, ac significet homines summæ quidem existimationis, sed privatos iudices, qui vocabantur *ιδιωται*, non authentici. Patet hoc ulterius ex confederatione disciplinæ, cuius PLINIUS in celebri ad TRAJANUM epistola meminit, testaturque TERTULLIANUS, apud ecclesiam fuisse tribunal & iudicium plenissimum, sed charitatis christianæ legibus, non forensibus formulis exactum, quod de S. GREGORIO TAUMAT. GREGORIUS NISS. commemorat: „Suis ipsius legibus utebatur ad arbitrium, quod susceperat disceptandum re conciliationem suadens, & ut amice intet
» se.

De vita
Gregorii
Taumat.

se concordarent, & pacis lucrum pluris, „
 quam id, quod ex proventibus caperent, „
 æstimarent. Nam pacem quidem in per- „
 petuum & viventibus & mortuis permanere; „
 reddituum esse temporarium usumfructum, „
 æternam vero ob injuriam condemnationem. „
 Idem de S. AUGUSTINO POSSIDIVS *Vita S.*
 DIUS testatur: „ Compertis rerum oppor- „ *Aug. c. 19.*
 tunitatibus divinæ legis veritatem partes do- „
 cebat, eamque illis inculcabat, & eos, quo „
 adipiscerentur vitam æternam, edocebat & „
 admonerat. „ Narrat autem quam assiduus „
 & diligens in hoc negotio fuerit, causis fide- „
 lium audiendis dirimendisque, „ ut causas „
 eorum audiret diligenter ac pie, & eas ali- „
 quando usque ad horam refectionis, ali- „
 quando autem tota die jejunans, semper „
 tamen nosceret & dirimeret. „ Ipse S. A U- „
 GUSTINUS de S. AMBROSIO nar- „
 rat, quam assiduus fuerit in hac re, ut ac- „
 cessus sibi ad eum, sicut volebat, non pate- „
 ret: *Non querere ab eo poteram, sicut vo-* *Confess. L.*
lebam, secludentibus me ab ejus aure, atque *VI. c. 3.*
ore catervis negotiosorum hominum, quorum
infirmatibus serviebat. Cum quibus quan-
do non erat, per exiguum temporis erat,
aut corpus reficiebat necessariis sustentaculis
aut lectione animum. Idem accidisse S. A U- „
 GUSTINO testis est POSSIDIUS in e- „
 jus vita, & ipse variis in locis conqueritur, „
 cupiissetque si liceret, piis potius vacare stu- „
 diis: „ Non permittor, (inquit alicubi) ad „ *Epist. 110.*
 quod volo vacare ante meridiem, post me- „
 ridiem occupationibus hominum teneor. „
 (Et alibi) Quantum attinet ad meum com- „ *De oper.*
 modum multo malle per singulos dies „ *monach.*
 certis horis, quantum in bene moderatis „ *c. 29.*

X 2

„ mona-

*Serm. 24.
in ps. 118.*

» monasteriis constitutum est, aliquid mani-
» bus operari, & cæteras horas habere ad le-
» gendum & orandum, aut aliquid de divi-
» nis litteris agendum liberas, quam tumul-
» tuosissimas perplexitates causarum aliena-
» rum pati de negotiis sæcularibus vel judi-
» cando dirimendis, vel interveniendo præ-
» cidendis: quibus nos molestiis affixit apo-
» stolus non utique suo, sed ejus, qui in eo
» loquebatur, arbitrio, quas tamen ipsum
» perpeffum fuisse non legimus. (Et alibi)
» Constituit talibus causis ecclesiasticos apo-
» stolus cognitores, in foro prohibens jurga-
» re christianos. »

*Serm. 211.
c. 7.*

Itaque dispensare sibi non poterat, quin & sese offerebat & rogabat fideles, ut ad se venirent tempore præsertim Quadragesimæ, ut mutuo reconciliati passionem & resurrectionem dominicam celebrarent. Tandemque sarcinam illam vix licuit in HERACLAM successorem a se destinatum, deponere. Mirabilis etiam SYNESIUS id onus cum sarcina episcopali libenter excussisset, & aliquando nihil non, sed frustra, egit apud populum, quam non hæc cum sacerdotio conveniant persuadere suos conatus: Jam vero,

Epist. 57.

inquit, *ex ipsis rebus sententiæ meæ suffragatores habere vos destinabam; reipublicaque administrandæ vim cum sacerdotio conjungere, perinde esse atque ea quæ nendo connecti nequeant.* Refert etiam THEODOR-

*Hist. relig.
c. 17.*

RETUS, hanc inter difficiliorese esse episcopi occupationes, controversias fidelium dirimere. Et SIDON. APOLLINARIS passim ejusdem oneris mentionem facit. Omnium verò ægerrime tulit S. GREGORIUS M. tantopere rerum temporalium cura & inter-

*L. III. ep.
12. L. VI.
ep. 2. & 4.
Prolog. in
dialog.*

terpellationibus importunitateque hominum
 sæcularium, qui negotia ad præfulem defe-
 rant, turbari, quibus jam licet expeditos &
 liberos fere vivere homines ecclesiasticos.

§. LXXXVI.

Id indultum singulariter est ec- Et pro-
 clesiæ præsulibus, ut miseros servi- prium of-
 tuti aut supplicio addictos in liber- ficiū ha-
 tatem vindicarent, suoque apud ju- beat circa
 dices & principes interventu ere- personas
 ptos, emendationi salutari & pœni- afflictas.
 tentiæ reservarent.

CONSTANTINUS repetitis legibus
 id indulgit, ut in ecclesia a sacerdotibus servi
 ac mancipia libertati restituerentur & manu
 mitterentur, quod jus prætoribus tantum &
 consulibus erat. Una earum legum haud su-
 pperest; duæ adhuc in codice Theodosiano & *Cod. Theo-*
 Justiniano restant, altera ad OSIUM Cor- *dof. Lib. I.*
 dubensem, altera ad PROTEGENEM *tit. 1.*
 Sardicensem, ut creditur, episcopum. Quam *Cod. Ju-*
 ob rem AURELIUS Carthaginensis in Ita- *stin. tit.*
 liam misit exploratum, quomodo jure illo u- *13. leg. 1.*
 terentur illic, ut pariter in Africa ita fieret. *T. II. con-*
 Et in concilio Africano constitutum est, ut *cil. p.*
 ea facultas ab imperatore peteretur, obten- *1088:*
 tam autem fuisse ex S. AUGUSTINO discimus. *An. 401.*
 Lege CONSTANTINI ad OSIUM si- *Ibid. p.*
 mul comprehenditur, ut ecclesia sua manci- *1097.*
 pia prout vellet, emanciparet. Quod jus stu- *Ser. 21. p.*
 diose conservavit ecclesia, & ex canone A- *113. 356.*
 rausicani concilii turbatum, ut videtur, *vin. p. 1387.*
 dicatum est: *In ecclesia manu-missos, vel Can. 7.*

per testamentum ecclesia commendatos, si quis in servitutem vel obsequium vel ad colonariam conditionem imprimere tentaverit animadversione ecclesiastica coerceatur.

Can. 7.

L. IX. tit.
40. l. 15.
C.

C. 114.

L. II. de
offic. c. 21.

Epist. 17.

Jam suo loco diximus de jure asyli, singularis est autem vetus disciplina, ut venia impetraretur reis: quam in rem extat Sardicensis concilii canon: *Quia saepe contingit aliquos qui egent misericordia ad ecclesiam confugere, qui propter sua peccata vel relegatione vel in insulam deportatione damnati, vel quavis alia sententia addicti sunt, iis non esse negandum auxilium, sed sine cunctatione & dubitatione iis veniam esse petendam.* In codice Theodosiano habetur lex, qua cavetur, ne vis adhiberetur, in vindicandis addictis supplicio, & pro criminum immanitate damnatis. Et in THEODORICI regis edicto statuitur; *Si addictos damnatosque judiciis, clerici vel quilibet alii violenter eruerint, ipsi ad poenam vel ad dispendia teneantur.* Qua de re agit S. AMBROSIIUS, nec violentiam probat, etsi aliquando casibus extraordinariis factam instinctui divino tribuat; idque officium personis sacris omnino debere edicat, quod ipse studiosissime obivit, & apud THEODOSIUM plurimos exilio, carceribus & extremo supplicio eripuit, ut ipse testatur, & THEODOSIO per litteras gratias agit his verbis: *Debeo beneficiis tuis, quibus me petente liberaisti plurimos de exiliis, de carceribus, de ultima necis poenis.* De eo refert PAULINUS in ejus vita, magnam fuisse in eo interveniendi assiduitatem & constantiam, & varia narrat exempla gratiasque obtentas tempore GRATIANI etiam impetrato-

ratoris apud MACEDONIUM & STYLICONEM præcipuos publici status administratos. Et SOZOMENUS narrat, *Lib. VII.*
 dum vix accessum ad imperatorem habere *c. 25.*
 posset, pervicisse tamen, & gentili etiam criminis læsæ majestatis reo vitam impetrasse. Agit de eo pietatis munere variis in epistolis. Et in psal. 118. *Eripe*, inquit, *eum*, qui *Oct. 8.*
ducitur ad mortem, hoc est, *eripe eum intercessione*, *eripe gratia tu sacerdos*, aut *imperator eripe subscriptione indulgentiæ*, & *solvisti peccata tua*, *eruisti te a vinculis*. De S. MARTINO scimus & jam alibi retulimus, eum in tali causa ad imperatorem MAXIMUM profectum, ut obtineret, quam reis veniam petierat, etiam aliquid de disciplina remisisse ecclesiastica, & cum ITHACIO communicasse. Refert autem SULP. SEVERUS alibi aliquando ipsum apud officiales pro imperio egisse: *Advocat omnes Dial. 3.*
officiales, *jubet omnes custodias relaxari*.

In appendice codicis Theodosiani a SIRMONDO edito habetur lex, sacerdotique *C. 13.*
 tribuitur facultas, *ut carceris ope miserationis aulas introeat*, *medicetur agros*, *alati pauperes*, *consoletur insolentes*, & *cum singulorum causas cognoverit*, *interventiones suas apud judicem competentem suo jure moderetur*. De S. GERMANO Altisiodorensi narratur in ejus vita, cum in simili casu *L. II. c. 15.*
 homines exorare non potuisset, DEUM precibus flexisse, ut fractis carceribus & solutis sponte sua vinculis liber exitus vinculis esset:
 „Procedit ad libertatem turba de vinculis, exhibens onera vacua catenarum, tennens nexus, quibus antea tenebatur. Relinquitur carcer innocens aliquando, quia „

Surius ad
17. Nov.

„ vacuus & præcedente pietatis triumpho
 „ turba miserorum gremio gaudentis ecclesiæ
 „ infertur. „ Alia ejusmodi leguntur exem-
 pla sanctorum, & mos etiam refertur ecclesiæ
 Aurelianensis ex tali miraculo a B. A N I A-
 N O perpetrato, ut deinceps ad solemnem e-
 piscopi in urbem ingressum captivi solveren-
 tur, evacuatis carceribus. In capitularium
 libris statuitur: „ Ut episcopus iudices publi-
 „ cos commoneat, ut in diebus celeberrimis,
 „ id est, nativitate Domini nostri JESU C H R I-
 „ S T I, & sancta resurrectione & Penteco-
 „ ste, quicumque miserrimi vinculis detinen-
 „ tur, relaxari debeant, & absolutionem pro-
 „ mereri. Et judex, si pastorem commonen-
 „ tem despexerit, quamdiu loci illius episco-
 „ po visum fuerit, ab ecclesiæ liminibus ar-
 „ ceatur. „

E. III: de
offic. c. 9.

Poterat hoc beneficium, si indiscriminatim
 & sine delectu impenderetur, mala genera-
 re, & injustitiæ potius quam pietati patrocina-
 ri. Et quidem S. A M B R O S I U S: *In cau-*
sis, inquit, pecuniariis intervenire non est
sacerdotis; in quibus non potest fieri, quin
frequenter ledatur alter, qui vincitur; quo-
niam intercessoris beneficio se victum arbi-
tratur. Sed hæc indulgentia ecclesiæ præsu-
 libus concessa est, qui prudentia pollent &
 pietate, iis in casibus, ubi ignoscendi venia
 in gloriam ecclesiæ & salutem publicam & ani-
 marum cederet. M A C E D O N I U S

Ep. 152.

Africa vicarius dubium hoc movit S. A U G U-
 S T I N O, num ex religione sit, quod epi-
 scopi apud iudices pro reis intercedant; pro-
 lixeque respondet, & pietatis opus istud vin-
 dicat sanctus doctor, atque eo induxit ani-
 mum M A C E D O N I I, ut auderet & apud
 ipsum

In vita S.
Aug. c. 20.

ipsum intercedere & gratiam obtineret teste
 POSSIDIO. Id autem potissimum agit,
 ne ad impunitatem sceleris, non correctionem
 facere videantur intercessionibus illæ. „ Nullo „
 modo ergo (inquit) culpas, quas corrigi „
 volumus approbamus, nec quod perperam „
 committitur, ideo volumus impunitum esse, „
 quia placet; sed hominem miserantes, fa- „
 cinus autem seu flagitium detestantes, quan- „
 to magis nobis displicet vitium, tanto mi- „
 nus volumus inemendatum interire vitio- „
 sum. Facile enim est atque proclive ma- „
 los odisse; quia mali sunt: rarum autem „
 & pium eosdem ipsos diligere, quia homi- „
 nes sunt; ut in uno simul & culpam im- „
 probes, & naturam approbes, ac propter- „
 ea culpam justius oderis, quod ea foedatur „
 natura quam diligis. Non est igitur iniqui- „
 tatis, sed potius humanitatis societate de- „
 vinctus, qui propterea est criminis perse- „
 cutor, ut sit hominis liberator. Morum „
 porro corrigendorum nullus alius quam in „
 hac vita locus est: nam post hanc vitam „
 quisque id habebit, quod in hac sibi met „
 conquiescit. Ideo compellimur humani ge- „
 neris charitate intervenire pro reis, ne „
 istam vitam sic finiant per supplicium, ut „
 ea finita non possint finire supplicium. Noli „
 ergo dubitare hoc officium nostrum ex re- „
 ligione descendere. „ Et in epistola apud A- „
 P R I N G U M proconsulem scribit de Circum- „
 tumcellionibus infensissimis catholicorum ho- „
 stibus & parricidis, ut ecclesiastica mansue- „
 tudinis memor mitius agat: „ Non (inquit) „
 quo scelestis hominibus licentiam facino- „
 rum prohibeamus auferri; sed hoc suffice- „
 re volumus, ut vivi & nulla corporis parte „

Ep. 133.

Ep. 134.

vid. pro-

xim. ant.

cedens ad

Marcella-

num. epi-

stola, &

X. 5

„ trun-

Sequens
139. *ad*
eundem
Eccl.

„ truncati, vel ab inquietudine infana ad fa-
„ nitatis otium legum coercitione dirigantur,
„ vel a malignis operibus alieni utili operi de-
„ putentur. Vocatur quidem & ista damna-
„ tio. Sed quis non intelligat magis benefi-
„ cium quam supplicium nuncupandum, ubi
„ nec sæviendi relaxatur audacia, nec pœ-
„ nitendi medicina subtrahitur? Imple chri-
„ stiane iudex pii patris officium, sic succen-
„ se iniquitati, ut consulere humanitati me-
„ mineris. „

Epist. 58.

Hoc ergo spectabant pii ecclesiæ præsules,
ut pro supplicio vindice medicinale esset ad
correctionem, ac tempus pœnitentiæ. Po-
test fieri, inquit S. AMBROSIIUS, *ut ille*
criminofus possit habere spem correctionis; si
sine baptismo est, ut possit accipere remissio-
nem; si baptizatus, ut pœnitentiam gerat,
& corpus suum pro CHRISTO offerat.

Ep. 388.
vet. ord.

Quanta sunt ad salutem via! Ad hoc erat
accommodatissima vetus pœnitentiæ publicæ
disciplina, qua olim criminosi addicebantur
erepti a carnificis manu. Prorsus, scribit S.
BASILIUS ad CALISTHENEM tali
in causa, *licet juratum sit tibi, eos ad sup-*
plicium tradere secundum leges, nostra cor-
reptio non minorem vindictam allatura est,
nec lex divina futura est cum dignitate,
quam sint alia in communi vita posita leges.

Hom. 19.
in epist. 1.
ad Cor.

Et S. CHRYSOSTOMUS hoc insigni si-
militudine illustrat: „ Sacerdos hoc agit, non
„ ut de nocente supplicium sumat, sed ut vi-
„ tium evellat. Nam tu quidem perinde fa-
„ cis, ac si morbo aliquo in capite enato non
„ morbum ipsum comprimas, sed caput am-
„ putes; ego vero non ita, sed morbum trun-
„ co. Tu, quidem sive impunitum dimiseris,

„ pejo-

pejorem reddis; five supplicio affeceris, „ incurabilem reliquisti: ego autem nec im- „ punitum abire sino, nec tua more plecti; „ verum simul & pœnam, quam debeo, ab „ eo expeto, & quod commissum est, corri- „ go. „ A CAROLO M. est hoc saluberrime constitutum in capitularibus: *Melius videtur, ut si aliquid inconsuetum & capitale crimen commiserint, in uno loco permaneant laborantes, & servientes, & pœnitentiam agentes, secundum quod sibi canonice impositum sit.* S. BERNARDUS hujus rei dedit exemplum THEOBALDO comiti Campaniæ in latrone: *Tu illum, ajebat, decreveras brevi supplicio, & interitum momentaneo consummari, sed ego eum faciam diuturno cruciatu & morte longissima mori. Tu furem appensum per unum aut per plurimos dies mortuum in patibulo remanere permitteres, ego cruci affixum faciam per annos complurimos in pœna jugiter vivere & permanere.* Vid. Bibl. Cisterc. T. I. pag. 52. T. II. p. 17. Lib. I. c. 79.

§. LXXXVII.

Sunt, quorum cura singulariter ecclesiæ incumbit, ac tuutio, judicium- Et miserabiles. que circa causas personasque miserabiles & oppressas, viduas, orphanos & calamitosos quoscunque.

Haud abs re S. CHRYSOSTOMUS ecclesiasticorum judiciorum officium longe molestius difficilisque, quam forense judicat: *Judiciorum, inquit, officium innumeras parit molestias, multum negotii, tot difficultates, circa fin.* Lib. VII. de sacerdot.

tates, quot ne forenses quidem iudices subeunt. Siquidem jus ipsum reperire labor est, repertum non violare difficile. Non modo autem negotium & difficultas adest, sed etiam periculum non parvum. Jam enim quidam ex infirmioribus in negotia delapsi, quia patrociniū non invenire, circa fidem naufragati sunt. Multi enim ex laicorum numero non minus, quam ipsos ledentes; eos qui sibi non ferunt opem, odio habent: ac neque negotiorum distractionis, neque temporum iniquitatis, neque sacerdotalis potentie mediocritatis, neque alius cujuspiam rationem habere volunt: sed sunt inexorabiles iudices hanc unam scientes apologiam, malorum seprementium exitum. Qui hunc præbere nequit, quamvis innumeras causas proferat, nunquam eorum condemnationem effugiet. Egerat ante de virginum & viduarum cura, sed earum, quæ ecclesiæ albo adscriptæ sunt; quo neutiquam se continet ecclesiasticum munus & sollicitudo pastoralis circa personas quascunque sibi satis consulere non valentes, & oppressas plerumque potentiorum violentia, cui opponi necesse est religionis auctoritatem ac vigorem ecclesiastici iudicii.

*Lib. II. de
offic. c. 29.*

Egregie, inquit S. AMBROSIIUS, hinc vestrum enitescit ministerium, si suscepta impressio potentis, quam vel vidua vel orphanus tolerare non queant, ecclesiæ subsidio cobeat; si ostendatis plus apud vos mandatum Domini, quam divitiis valere gratiam & meministis ipsi quoties adversus regales impetus pro viduarum, imo omnium depositis, certamen subievinus commune hoc vobiscum mihi. Mirifice a S. GREGORIO NAZ. invictum hac in re S. BASILII robur & zelus.

zelus deprædicatur, *libertas*, inquit, *ad præ-* *Orat. 20.*
fides, tum alios tum potentissimos civitatis :
egentium patrocinia plura quidem spiritua-
lia, sed tamen corporea non pauca; nam id
quoque sæpenumero ad animam tendit, per
benevolentiam subigens, ac in servitutem tra-
bens. In concilio Matisconensi II. gravissimus
 est canon ad id statuendum, quod divina le-
 ge officium incumbit ecclesiæ præsulibus, ne
 quid in forensi judicio inconsulto ac injuste
 circa ejusmodi miserabilium personarum cau-
 sas agatur : „ Quid autem scriptura divina, „ *Can. 12.*
 de viduis & pupillis præcipiat nobis clam „
 non est. Ideoque quoniam provisioni no- „
 stræ, DEO auctore, causæ principaliter vi- „
 duarum & pupillorum sunt commissæ, per- „
 venit ad nos, quod a iudicibus crudelius „
 pro levissimis causis veluti defensore ca- „
 rentes irremedicabiliter affigantur. Ob quam „
 causam decernimus, ut iudices non prius „
 viduas & pupillos conveniant, quam episco- „
 po nuntiarint, cujus sub velamine degunt. „
 Quodsi episcopus præsens non fuerit, archi- „
 diacono vel presbytero cuidam ejus, ut pa- „
 riter sedentes communi deliberatione cau- „
 sis eorum terminos figant, ita juste ac re- „
 cte, ut deinceps de talibus antedictæ per- „
 sonæ non conquassentur. Quodsi is qui ju- „
 dex est, aut impetitor eis autem injuriam „
 aliquam ingesserit; aut definitionem tanti „
 concilii transgressus fuerit, a communione „
 suspendatur. Quibus igitur magnarum re- „
 rum causæ commissæ sunt, nec minimarum „
 dignum est causas parvipendere personarum. „
 Solent enim & minima paulatim despecta in „
 magnum malum trahere. „

Sed non raro tutela hæc eo momentosior
 gravior-

Epist. 27.

graviorque erat, quod etiam maximis sæculi principibus ab ecclesiæ præsulibus impenderetur. Id sibi gloriæ duxit S. AMBROSIIUS impendisse VALENTINIANO impuberi apud MAXIMUM: „Gloriosum (inquit) mihi „est hoc pro salute pupilli imperatoris. Quos „enim episcopi magis quam pupillos tue- „ri debemus? scriptum est enim, *judi- „cate pupillo, & justifyate viduam, & erui- „te injuriam accipientem.* „ Plures eam in rem extant conciliorum canones, & vigilantiæ pastoralis, ut debita regibus & principibus jura regni & obedientiæ præstarentur. Imprimis concilia Toletana id constanter tenuerunt, postquam in concilio quarto canon eam in rem est editus, postea in quinto non solum repetitus est, sed & constitutum, ut in omnibus posthac conciliis legeretur & confirmaretur, tum quoad subjectionem regibus impendendam, ac contra rebelles quoscunque & conjurantes in capita principum gravissimo vibrato anathemate, cum etiam *contra reges ipsos si superba dominatione crudelissimam potestatem in populis exercuerint.*

Maxime id egerunt summi pontifices, seque præcipua regna successu temporis in ejus tutelam commiserunt, & protectioni subjecerunt. *Licet omnibus de nobis sperantibus,* inquit GELASIIUS, referturque cum aliis a GRATIANO dist. 87. *non debeamus, in quantum possumus, nos negare; plus tamen viduarum & orphanorum causas, & impensus ducimus exequendas, quas tueri a nobis, vel ab omnibus divina manifestat assertio.* S. GREGORIUS M. probe agnovit, pastoralis regimini necessitate se compelli, ut, ait, *orphanorum viduarumque causis solertius,*

Lib. I. ep.
62.

tius, quam curis cateris insistamus. Hinc nuntiis, quos per varias provincias misit, id singulariter commisit, & identidem inculcavit, ac reliquos etiam pastores hujus sui muneris commonefecit: *Officii quidem sacer-* Lib. I. *epi-*
dotalis est, scribit ad episcopum Centumcellen- 13.
sem, ut viduis ac maritali regimine desola-
tis impertiri solatia debeatis; ut unde in hoc
mundo humana conditione privantur, sacer-
dotali tuitione possint remedia reperire. Ita comiti Tolosano respondit INNOCENTIUS
 III. referturque in decretalibus GREGORII Lib. V.
 IX. „ ut in omni causa, quæ ratione perso- „ tit. 40.
 narum, vel rerum ad ecclesiasticum forum „ c. 26.
 pertinet, ac super universis capitulis, quæ „
 pro pace servanda sunt per dictum lega- „
 tum statuta vel auctoritate apostolica sta- „
 tuenda, item viduis, pupillis, orphanis, „
 & personis miserabilibus tenearis in judicio „
 ecclesiastico respondere. „ In simili casu a re-
 gia etiam persona ad jus hoc ac forum fuit
 provocatum, & causa reducta, ut ex decreta-
 li HONORII III. constat: *Quod vidua* Lib. II.
spoliata irrequisito fendi domino, spoliatorem tit. 2.
seu detentorem rei coram ecclesiastico iudice c. 15.
poterat convenire, cujus interest viduas de-
fendere. Eodem autem titulo de foro com-
 petenti ex decretali III. eo res reducitur, ut
 in defectum judicis sæcularis in negotio sæcu-
 lari ecclesiæ judicium intercedat: „ Nos „ C. II.
 igitur attendentes, quod sic sumus viduis „
 in iustitia debitores, quod aliis in ju- „
 stitiam facere non debemus: mandamus „
 quatenus, nisi sit talis causa, quæ ad „
 ecclesiasticum iudicem pertinere nosca- „
 tur, ei supersedere curetis: dummodo „
 per iudicem sæcularem suam possit iusti- „
 tiam

Lib. I.
tit. 29.
c. 38.

„tiam obtinere, alioquin non obstante ipſius
„contradictione cauſam ipſam ratione præ-
„via terminatis. „ Cautum etiam eſt, ne
fraus intercederet circa viduas & orphanos,
an vere tales ſint ac indigentes, an vero
nobiles ac divites, juxta decretalem G R E-
G O R I I IX. *Significantibus: Quod cum no-
bilis mulier J U L I A N A vidua; mentiens
ſe pauperem contra eos ſuper terris & rebus
aliis ad iudices noſtras litteras impetraſſet,
iidem coram eis excipiendo proponere curave-
runt, quod, cum dicta littera ſuggeſto men-
dacio impetrata fuiſſent, cum prædicta J U-
L I A N A, qua nobilis eſt & dives, pauperem
ſe dixiſſet in eis, coram eis (niſi requiſito
prius domino, ſub cujus iuriſdictione ipſi con-
ſiſtunt, & coram quo parati erant eidem ex-
hibere juſtitie complementum) non debebant
de jure per tales litteras conveniri.*

§. LXXXVIII.

Cauſas-
que publi-
cas.

Hæ & aliæ graves neceſſitates non
eccleſiæ ſolum, ſed etiam reipubli-
cæ haud raro ſacros præſules etiam
ad comitatum ac aulas principum
ire, ac legationibus negotiisque pub-
licis deſungi compellebant, compel-
luntque.

Quam ægre ſemper tulerit eccleſia ſacrorum
antitiſtes a ſuis ſedibus divelli, quamque hoc
ſacro muneri ſuo ſit adverſum, ex ſupradictis
de reſidentia jure divino præceptis, digno-
ſcere licet. Imprimis autem negotiis publicis
reipublicæ diſtendi, & in aulis principum de-
morari,

morari, visum semper fuit, sacrum dedecere
 ministerium. Gravis eam in rem est episto-
 la S. GREGORII NAZIANZ. ad fra- *Epist. 17.*
 trem CÆSARIUM, quem in aula princi-
 pis & quidem JULIANI APOSTATÆ esse mul-
 torum offensionem & murmur excitabat, tan-
 tum quod filius esset episcopi, licet sacris
 non addictus. Amabat JULIANUS penes
 se habere viros habiles & peritos, etiam ec-
 clesiarum præfules, & ad suum advocabat co-
 mitatum, uti de se ipse S. BASILIUS testa-
 tur; sed refugiebant illi, qui satis noverant,
 nec christianas aulas & principes frequentare
 esse conforme regulis ecclesiasticis, nec quan-
 do id necessitas flagitaret, id sine singulari li-
 centia licere: *Si quis, statuit concilium An-*
tiochenum, episcopus, aut presbyter subiectus *Can. 12.*
ecclesie regula, præter consilium & litteras
episcoporum provincie, & præcipue metropo-
litani adierit imperatorem, hunc reprobari &
abjici oportere, non solum a communione, ve-
rum etiam ab honore, cujus particeps vide-
tur existere, quia venerandi principis auri-
bis molestiam tentato more deproperet super
aliquibus ordinationibus & ecclesiasticis ne-
gotiis ad eum non pertinentibus, componen-
dis irrita quidem, quæ ab eo geruntur exi-
stant, ipse vero incompositi motus sui & ir-
rationabilis audacia sebeat ultionem, ex hoc
jam damnatus a sancto concilio. Erant tunc
 ea tempora, ut haud tutum, & periculosum
 esset quam maxime in rebus etiam ecclesiasti-
 cis apud principes agere, idcirco prohiben-
 dum fuerat, pariter ac si ambitus alicujus cau-
 sa idem fieret, quod in concilio Sardicensi est
 interdictum, & ob transgressores ecclesia in
 reprehensionem incidit; „Scimus enim „
 Y „ (sunt

Conc. Sardic. can.
II.

„ (sunt GAUDENTII episcopi verba) &
„ ipsi sapissime propter paucorum impuden-
„ tiam religiosum sacerdotale nomen fuisse
„ reprehensum. Si igitur aliquis contra om-
„ nium sententiam nilus, voluerit ambitioni
„ magis servire quam DEO, is debet scire,
„ causis redditis, honorem dignitatemque se
„ amissurum. Quod ita demum compleri po-
„ terit, si unusquisque nostrum, qui in canali
„ constitutus est, cum progredientem epi-
„ scopum viderit, inquirat transitum ejus,
„ causas videat, quo tendat, agnoscat; & si-
„ quidem eum invenerit ire ad comitatum,
„ requirat & illud quod superius comprehen-
„ sum est, ne forte invitatus sit, ut ei facul-
„ tas eundi permittatur. Si vero ut superius
„ memoravit sanctitas vestra, propter desi-
„ deria & ambitiones ad comitatum pergat,
„ neque in litteris ejus subscribatur, neque
„ in communionem recipiatur. Si vobis pla-
„ cet, omnium sententia confirmari debet.
„ Universi dixerunt, honestum esse & placere
„ sibi hanc constitutionem. „ Sequenti ca-
„ none OSIUS eam moderationem attulit,
„ ut episcopus diaconum suum mittere possit.
„ Et idem etiam concilium indulget, ut jam
„ retulimus, in necessitatibus ecclesiæ, paupe-
„ rum, viduarum & orphanorum ne videatur
„ janua claudi charitati, fas esse ad aulas prin-
„ cipum accedere.

Dial. 3.

Quomodo S. MARTINI, & aliorum pau-
lo ante exemplum laudavimus: de quo SUL-
PITIUS refert, quod multis gravibusque
laborantium causis ad comitatum ire, sit com-
pulsus; idque non semel tantum factum esse
compertum est, & sanctissimi quique præsu-
les, cum auctoritate valerent, idem haud
raro

raro muneris obierunt, imprimis S. EPIPHANIIUS Ticinensis in aliis etiam quam ecclesiasticis negotiis. Uti imperatoris ANTHEMII cum genero RICIMERE reconciliandi *p. 373.* causa (quemadmodum in vita ejus refertur ab ENNODIO) & ob GLYCERIUM imperio pulsum a NEPOTE, felici semper *p. 381.* successu, quem alii legati obtinere haud poterant. Dum etiam THEODORICUS lege prohibuisset in Italia testamenta condere; unus S. EPIPHANIUS tantum auctoritate valuit, ut ad revocandam legem induceret THEODORICUM. Qui ipse *394.* maxime idoneum habuit sanctum præfulem, quem ad GONDEBALDUM Burgundionum regem delegaret ad redimendos captivos ex Liguria abductos. Nec recusavit S. EPIPHANIUS legationem, & feliciter confecit cum VICTORE Mediolanensem antistite. Eadem Liguria tributis & exacti-
onibus gravata levamen accepit per sanctum virum ad THEODORICUM missum, atque cursum vitæ suæ ita conficientem, utilitates quaslibet curantem, præter sacrum ecclesiæ ministerium etiam in reipublicæ & principum causis.

Sub regno deinceps Francorum multo amplior semper evasit hæc præfulum ecclesiasticorum cura & labor. S. REMIGIUS id consilii dedit CLODOVEO recens ad fidem converso, *ut sacerdotibus honorem deferret, & ad eorum consilia semper recurre- Conc. Gall. T. I. p. 175.* ret. Quodsi tibi bene cum illis convenerit, provincia tua melius potest constare. Consilium hoc secutus est CLODOVEUS & ejus deinceps successores non suæ solum, sed subsequen-
tium etiam stirpium, ac aliarum regionum

reges & principes: eoque magis implicati sunt præsules ecclesiæ & abbates etiam, quo erectis beneficiis, acceptisque regalibus obstricti magis fuerunt principibus & reipublicæ. Ut tamen concilia, & pii præsules quantum potuerint id egerint, ut ab aula & negotiis publicis removerentur, tantum saltem, ne ministerium ecclesiasticum & res ecclesiæ detrimentum paterentur negligerenturque. At urgentibus necessitatibus & causis publicis frequenter legationes obire, conciliis & consultationibus interesse, reipublicæ apud principes gubernacula regni moderari usque ad hodiernum diem contigit præsules, ad reipublicæ emolumentum non spernendum; si salva præstetur ecclesiæ salus, & principale munus sacrum non negligatur.

§. LXXXIX.

Alias interdicitis negotiationibus sæcularibus.

Alias vero curæ & negotiationes sæculares, quibus ab officio & ministerio sacro avocantur, interdicitæ semper fuerunt personis ecclesiasticis & servitio divino peculiariter consecratis.

2. Tim. II.

4.

Ep. 17.

c. 2.

Nemo militans DEO implicat se negotiis sæcularibus. Quem locum GELASIUS P. huc interpretatur in celebri ad Lucaniæ episcopos epistola, referturque a GRATIANO dist. 88. quæ tota est in hoc argumento: „Plurimos clericorum negotiationibus inhoneſtis & lucris turpibus imminere nullo pudore cernentes evangelicam lectionem, qua ipse Dominus negotiatores e templo verberatos flagellis aſſeritur expulſiſſe, nec a-

„poſte-

postoli verba recolentes, quibus ait: Ne-
 mo militans D E O implicat se negotiis se-
 cularibus. Psalmistam quoque D A V I D sur-
 da dissimulantes aure, cantantem: Quo-
 niam non cognovi negotiationes, introibo
 in potentias Domini. Proinde huiusmodi
 aut ab indignis posthac quæstibus noverint
 abstinendum, & ab omni cujuslibet nego-
 tiationis ingenio vel cupiditate cessandum:
 aut in quocunque gradu sint positi, mox a
 clericalibus officiis abstinere cogantur:
 quoniam domus D E I domus orationis &
 esse debet & dici, ne per officia negotia-
 tionis potius sit latronum spelunca. Hom. 38.
 dem ac aliis scripturæ locis utitur auctor. C. 21.
 peris imperfecti super M A T T H A E U M ab C. 11.
 eodem G R A T I A N O eadem distinctione
 38. relatus: Ejiciens Dominus vendentes
 & ementes de templo significavit, quia homo
 mercator vix aut nunquam potest D E O
 placere. Et ideo nullus christianus debet
 esse mercator, aut si voluerit esse, projicia-
 tur de ecclesia D E I, dicente propheta,
 quia non cognovi negotiationes, introibo in
 potentias Domini. C. 12.
 Quemadmodum enim
 qui ambulat inter duos inimicos, ambobus
 placere volens & se commendare, sine
 maleloquio esse non potest (neque est enim,
 ut isti male loquatur de illo, & illi male
 de isto) sic qui emit & vendit, sine menda-
 cio & perjurio esse non potest &c., Et post-
 ea ex S. A U G U S T I N O: Quoniam
 non cognovi litteraturam. Aliqui codices
 habent negotiationes: in quo diversitas in-
 terpretum sensum ostendit, non errorem
 inducit. Ergo si propterea iste tota die
 laudem D E I dicit, quia non cognoscit ne-
 gotia

„gotiationes, corrigant se christiani, non
 „negotientur. Sed ait mihi negotiator: Af-
 „fero ex longinquo merces, mercedem la-
 „boris mei, unde vivam, peto: *dignus*
 „*est enim operarius mercede sua.* De men-
 „dacio, de perjurio agitur, non de nego-
 „tio &c. „ Et ex CASSIODORO in
 eundem psalmi locum: „Negotiatores ergo
 „illi abominabiles existimantur, qui iusti-
 „tiam DEI minime considerantes, per im-
 „moderatum pecuniæ ambitum polluantur,
 „merces suas plus perjuriis onerando, quam
 „pretiis. Tales ejecit Dominus de templo,
 „dicens: *Nolite facere domum Patris me-
 „domum negotiationis.* „ Hæc de abusu pro-
 misculo in negotiationibus dicuntur, & argu-
 mento veluti a minori ad majus afferuntur
 a GRATIANO, dum id agit, ut episcopi, & ec-
 clesiastici sæcularia non curent. Proprie huc
 spectat, quem idem adducit, apostolicus canon:
Episcopus, aut presbyter, aut diaconus nequa-
quam sæculares curas assumat: sit aliter desin-
ciatur. Quo pertinent alii ex iisdem canonibus,
Clericus fidejussionibus inserviens abjici-
tur. Diximus non oportere episcopum vel pres-
byterum, seipsum ad publicas administration-
es demittere, sed in ecclesiasticis negotiis
versari. Vel ergo ita non facere persuadea-
tur, vel deponatur. Et ultimus canon: *Ep-*
iscopus vel presbyter exercitui vacans (ἐπα-
τεία σχολάζων) & utraque obtinere volens
Romanum scilicet magistratum (Ρωμαϊκὴν
ἀρχὴν) & sacerdotalem administrationem,
deponatur. Quæ sunt enim cæsaris cæsari:
& quæ sunt DEI DEO. Ubi verba invi-
 cem consequentia se explicant, ne militia tan-
 tum sacerdotali administrationi adversa esse vi-
 deatur.

Can. 7. ed.

Lab. 6.

Can. 20.

seu 19.

C. 81. seu

80.

deatur. Et ex S. CYPRIANO illustrantur hi canones, qui ut jam superius retuli, episcopos plurimos divina procuracione contemta, procuratores rerum sæcularium nundinationisque quæstuosæ per provincias oberrantes fieri doluit. Atque idem in concilio quodam Africano statutum esse dicit: *Ne quis de clericis & DEI ministris tutorem vel curatorem testamento suo constituat, quando finem guli divino sacerdotio honorati & in clericali ministerio constituti, non nisi altari & sacrificiis deservire & precibus atque orationibus vacare debeant.* Contra hunc canonem cum VICTOR moriens FAUSTINUS presbyterum ecclesiæ Furnitanorum, tutorem testamento constituisset, S. CYPRIANUS sententiam concilii profecutus prohibuit, ne pro dormitione ejus fieret oblatio, aut deprecacio aliqua nomine ejus in ecclesia frequentaretur. *Neque, inquit, referturque a GRATIANO, Dist. 88. apud altare DEI meretur nominari in sacerdotum prece, qui ab altari sacerdotes & ministros voluit avocare. Et ideo VICTOR, cum contra formam nuper in concilio a sacerdotibus datam, Geminium FAUSTINUM presbyterum ausus sit tutorem constituere, non est, quod pro dormitione ejus apud vos fiat oblatio, aut deprecacio aliqua nomine ejus in ecclesia frequentetur: ut sacerdotum decretum religiose & necessarie factum servetur a nobis.* Concilium Carthaginense I. interdicat procuratores, tutores, negotiorum gestores in clerum ordinari, nisi postquam redditis ratiociniis liberati fuerint: habeturque in decreto GRATIANI dist. 54. & in eodem dist. 88. laudata, tres consequenter ex concilio Carthag. IV. ponuntur canones: *Episcopus.*

- C. 18. *pus tuitionem testamentorum non suscipiat :*
 C. 20. *Episcopus nullam rei familiaris curam ad se*
 revocet, sed lectioni, & orationi, & verbis
 C. 17. *DEI predicationi tantummodo vacet: Epi-*
 scopus gubernationem viduarum & pupillo-
 rum, ac peregrinorum non per seipsum, sed
 per archipresbyterum aut per archidiaconum
 agat.

De hoc jam vidimus, habetque GRATIA-
 NUS singularem distinctionem 87. mox præ-
 cedentem, ut episcopi sint viduarum, orpha-
 norum, pauperum protectores; nihilominus
 patres concilii Carthaginensis præcipuum epi-
 scopale munus non voluerunt piis licet istis im-
 pediri causis, sed aliis suo nomine committi.
 Cui congruenter JUSTINIANUS sancit,
 & exceptionem firmat quoad cognatos pres-
 byterorum: *DEO amabiles episcopos & mo-*
nachos, ex nulla lege tutores, aut curatores
cujuscumque personæ fieri permittimus; pres-
byteros autem, & diaconos, & subdiaconos
jure & lege cognationis tutelam aut curam
suscipere hereditatis permittimus. Alias au-
 tem, ut procuratores aut sponsores coram tri-
 bunali in ulla causa vel suo vel ecclesiæ no-
 mine sint, universim mox interdicuntur: *Sed*
neque procuratorem litis aut fidejussorem pro
tatibus causis episcopum aut æconomum, aut
aliū clericum cujuslibet gradus, aut mona-
chum proprio nomine, aut ecclesiæ aut mo-
nasterii sinimus, ut ne per hanc occasionem
& sanctis domibus damnum fiat, & sacra
ministeria impendantur. Huc referri potest
 mox laudatus canon apostolicus: *Clericus*
ἐγγυας δίδως καταλείδω fidejubens de-
ponatur. Et quod ex aliis canonibus aposto-
 licis retulimus, explicatur, confirmaturque

cano-

canone concilii Carthaginensis III. Ut episco- *Can. 15.*
 pi & presbyteri & diaconi non sint condu-
 ctiores neque procuratores, neque ullo turpi
 vel inhoneſto negotio victum quarant. Et in T. IV.
 concilio Arelatenſi: Si quis clericus pecuniam conc. p.
 dederit ad uſuram, aut conductor alienæ rei 1013. c.
 voluerit eſſe, aut turpis lueri gratia aliquod 15.
 genus negotiationis exercuerit, depositus a
 communione alienus fiat. Omnia complecti-
 tur ſynodus Chalcedonenſis contra irrepent-
 es abuſus & transgreſſiones priorum horum-
 ce canonum: Peruenit ad ſanctam ſynodum, *Can. 3.*
 quod eorum, qui in clerum cooptati ſunt,
 quidam propter turpe lucrum alienas poſſeſſio-
 nes conducunt, & ſecularia negotia exer-
 cent diuinum miniſterium negligentes, ſecu-
 larium vero domos ſubeuntes, & eorum ſa-
 cultatum tractationem ac curationem propter
 avaritiam ſuſcipientes: deſinit ergo ſancta ſyno-
 dus, neminem deinceps neque episcopum, neque
 clericum, neque monachum, vel poſſeſſiones con-
 ducere vel ſecularibus poſſeſſionum adminiſtra-
 tionibus ſeipſum ingerere, niſi utique ex lege ad
 inexcufabilem impuberum tutelam vocetur,
 vel ciuitatis episcopus eum rerum eccleſiaſti-
 carum curam gerere permittat, vel orphanor-
 um vel viduarum, quibus provideri non po-
 teſt, vel perſonarum, quæ eccleſiaſtico auxi-
 lio maxime indigent propter timorem Domi-
 ni. Si quis autem, quæ ſtatuta ſunt, deinceps
 transgredi aggreſſus fuerit, is pœnis ec-
 cleſiaſticis ſubjiciatur. Addunt deinceps ſin- *Can. 4.*
 gularem iterum circa monachos canonem, & *Can. 7.*
 poſtea de utroque ſtatu: Eos qui in clero ſe-
 mel ordinati ſunt, & itidem monachos ſta-
 tuimus nec ad militarem expeditionem, nec
 ad ſecularem dignitatem poſſe venire. Qui

Y 5

autem

L. VIII.
epist. II.

De vita
& honest.
cleric. cap.
ult.

autem hoc audent & non pœnitentia ducti
ad id revertuntur, quod propter DEUM
prius elegerant anathematizari. Et si canon
iste de desertione præpositi intelligendus esse
videatur, de illis tamen etiam recte sumi-
tur, qui in ecclesia & religione sæcularem vi-
tam & negotia agunt. Quemadmodum S.
GREGORIUS BASILIUM episcopum
notat, velut unum de laicis in causis sæcu-
laribus occupari, & prætoriis inutiliter de-
servire, defensorique suo in Sicilia in ordi-
nem redigendum committit: „ Quæ res, quo-
„ niam & ipsum vilem reddit, & reveren-
„ tiam sacerdotalem annihilat, statim ut ex-
„ perientia tua hoc præceptum susceperit,
„ eum ita ad revertendum districta executio-
„ ne compellat, quatenus ei illic te insisten-
„ te quinque diebus sub qualibet excusatio-
„ ne immorari non liceat: ne si quolibet mo-
„ do eum ibidem amplius moram habere per-
„ miseris, cum ipso apud nos graviter inci-
„ pias esse culpabilis. „ Eundem in modum
HONORIUS III. contra clericos suos Am-
bianensem episcopum armat: „ Ex litteris
„ PONTINI comitis intelleximus, quod
„ quidam clerici suæ terræ potius sæcularibus
„ negotiationibus quam officiis divinis inten-
„ dunt: & gaudere volentes privilegio cleri-
„ cali, nolunt statutis patriæ (quibus quoties
„ expedit, sicut laici se tuentur) in negotia-
„ tionum suarum quæstibus subjacere: man-
„ damus, quatenus si tales tertio a te com-
„ moniti ab hujusmodi non resipuerint, sed
„ prætermisiss divinis officiis negotiationibus
„ insisterint supradictis, cum facto privilegium
„ abjiciant sæculare, tu quo minus, dum his
„ se implicant, de suis facultatibus, statutis
„ &

& consuetudinibus patriæ subjaceant, non „ defendas eosdem. „ Pertinet huc titulus eorundem decretalium: *Ne clerici vel monachi* L.III. tit. *secularibus negotiis se immisceant*; ac initio statim ex concilio Moguntino recensetur, quam multis modis hic delinqui possit: 50. c. 1.

„ Multa sunt negotia sæcularia, de quibus „ pauca perstringamus, ad quæ pertinet omnis carnalis concupiscentia. Quidquid plus „ justo appetit homo turpe lucrum est. Munera injusta accipere vel etiam dare. Pro „ aliquo sæculari quæstu pretio aliquem conducere. Contentiones, vel lites, vel rixas „ amare. In palatiis sæcularibus disputare, „ excepta defensione orphanorum aut viduarum. Conductores sæcularium rerum aut „ procuratores esse. Turpis verbi vel facti „ esse joculariorem, vel jocum sæcularem diligere. Aleas amare. Ornamentum inconveniens proposito suo quærere. In delictis vivere velle. Gulam & ebrietatem sequi. Pondera injusta vel mensuras habere. Negotium injustum exercere. Nec tamen justum „ negotium est contradicendum propter necessitates diversas, quia legimus, sanctos apostolos negotiatos fuisse: & in regula B. „ BENEDICTI præcipitur provideri, per quorum manus negotia monasterii procurantur. Canes & aves sequi ad venandum, „ & omnibus quibuslibet causis superfluis interesse. Ecce talia & his similia ministris „ altaris Domini, nec non monachis omnino interdiciamus, de quibus ait apostolus: *Nemo militans DEO implicat se negotiis sæcularibus.* „

SECT. III.



S E C T I O III.

DE JUDICIIS, CRIMINIBUS, ET POENIS ECCLESIASTICIS

C A P U T I.

De judiciis ecclesiasticis.

§. XC.

De iudice
compe-
tente:

Causæ ecclesiasticæ legitime coram ecclesiastico iudicio & iudice competente transigendæ sunt, nisi mutuis pactis & transactionibus, vel coram arbitris finiantur.

*Institut.
jur. can.
L. I. tit. I.*

Judicium, inquit LANCELOTUS, est discussio causæ, quæ rite fit in foro coram iudice: causa vero est origo negotii & materia iudicii. In præcedentibus tam quoad personas, quam res sacras seu ecclesiasticas jam egimus, quæ ad forum seu iudicium ecclesiasticum pertinent, quatenus a sæculari distinguitur; ut sicut personæ & res sæculares ad iudicium sæculare, sic personæ & res sacræ ad ecclesiasticum pertineant, seu forum competens: ita, ut ratione causarum ratio non habeatur personarum siue laicæ sint, siue ecclesiasticæ, modo causæ tales sint, ut iudicio ecclesiastico sint reservatæ & ab eo decideri debeant.

Quodsi

Quodsi veterem disciplinam ecclesiæ spectemus, ubi internum cum externo fuit conjunctum forum ecclesiasticum, amplissima sese exercuit ecclesiastica potestas ratione peccati, sed sine strepitu judiciali, formulis juris, aut formali *processu*, qualis etiam in foro ecclesiastico obtinet *ordinarius vel summarius*. Ille est, in quo præscriptus sollemnis ordo judicarius observandus est, ut sine nullitate omitti nequeat, qui in Clement. *Sape* de V. S. sollemnis ordo judicarius vocatur; *Summarius* vero, in quo de simplici & plano sine strepitu & figura judicii proceditur, observatis tantum substantialibus processibus, sollemnibus vero omissis juxta citatam Clementinam: e. g. sollemni libelli in scriptis oblatione, litis contestatione, dilationum, exceptionum, testium ambagibus, litis item & sententiæ publicandæ. Adhuc brevior est processus sine ullo juris ordine in rebus notoriis ac omnino manifestis, ubi nec substantialibus opus est, dum juxta decretalem, *De jure* secundum traditiones canonicas manifesta accusazione non indigent, nec in eis est ordo judicarius observandus, qui debet in aliis observari. Vocant hunc *processum tumultuarium* inepto certe nomine.

Res autem pro notoriis circumstantiis non plus flagitat, estque e re omnino, ut litium ambages, quantum secundum justitiæ leges licet, præsciendantur, & quam paucis fieri potest expediantur. Quare ecclesia, ubi in re manifesta judicii forma opus haud est, esse missam eam vult, & ubi paucis expediri potest sine forensi strepitu aut sollemnitatibus processum summarium solum amplectitur juxta Clementinam 2. *de judiciis*: de electionibus, postu-

Sess.
XXIV.
de reform.
c. 20.

postulationibus vel provisionibus, aut super dignitatibus, personatibus, officiis, canonicatibus vel præbendis, seu quibusvis beneficiis ecclesiasticis aut super decimis, nec non super matrimoniis vel usuris, & eas quoquomodo tangentibus. Universimque concilium Trident. voluit, ut causæ omnes ad forum ecclesiasticum quomodolibet pertinentes coram ordinariis locorum saltem intra biennium a die motæ litis terminentur.

Instit. jur.
can. Lib.
III. tit. 3.

Accidit non raro, ut metu judiciorum deveniatur ad pacta & translationes & ad compromissa. *Et quidem*, inquit LANCELOTUS, *pacta inter quoscunque, quacunque de re inita, regulariter suam habere debent firmitatem: neque enim quisquam ut divinum monet oraculum, ea quæ de labiis suis procedunt irrita facere debet.* Quod quidem usque adeo obtinet, ut apostolicis etiam indultis pactum derogat. Inde cum monasterio ab apostolica sede libera sepultura concessa esset, pactumque esset cum rectore parochialis ecclesiæ, ne parochiani ipsius ad sepulturam reciperentur, responsum est, in dicto monasterio sepeliri eligentes, obstante conventionem, voti sui fieri non posse compotes. Et paulo post de transactionibus juri haud contrariis, servandis, & partium juribus derogantibus decernitur, *Transactiones quoque similem juris firmitatem obtinent usque adeo, ut juribus omnibus, quæ partibus omnibus, aut obtentu præscriptionis, aut privilegii, seu quocunque modo suffragari poterant, vires adimant.* Sed & hoc de illis transactionibus intelligere nos oportet, quæ non sunt juri contrariæ. Alioqui si aut super re sacra & litigiosa, aut in causa matrimonii interpositæ sint, nullum robur habent.

C. 1. de
pact. in 6.

Agit

Agit consequenter LANCELOTUS de arbitris, qui nullam potestatem habentes, consensu litigantium in iudices eliguntur, in quos committitur, ut eorum sententia stet. Excluduntur autem laici in re spirituali, nisi clericis adjuncti, aut apostolica auctoritate commissum nacti, monachi & regulares, servi, foeminae, haeretici quoque, apostatae, schismatici, infideles & excommunicationis vinculo ob delictum proprium innodati. Qui legitimam in partes potestatem habent, ab eisdem tamen in arbitros eligi potuerunt. Quod non solum de eis intelligendum est, qui ordinariam exercent jurisdictionem, verum etiam de his, qui delegatam tantum obtinent. C. penult. extr. de restit. in integ. causae recensentur, quae arbitratorum cognitionem & iudicium effugiunt.

§. XCI.

Judicium informatur libelli accusatorii, seu conventionalis oblatione ab actore, quo reus in jus vocatur, & legitime citatus comparere debet, exceptiones suas aut mutuas allaturus petitiones, si quas habet, ante litis contestationem. Ac iudicio.

Quomodocunque res coram iudice agatur, causa ei rite proponi debet, quod in causis ordinariis fit solemni libelli oblatione, ut ex ejus inspectione deliberare reus valeat, utrum cedere velit, an contendere, utque si contendendum est, dispi-
cere

Instit. jetr.
can. L.
III. tit. 7.

cere valeat judex, quemadmodum a se concipienda sit sententia. *Nihil enim aliud est libellus, quam brevis scriptura, claram actoris intentionem continens, & contra adversarium necessario concludens, ut definit LANCELOTUS, & distinguit duas libellorum species, accusatorii, quo quis aliquem apud judicem alicujus criminis reum defert; conventionalis, quo in civilibus disceptationibus utimur, dum rem nostram, aut quam nobis deberi putamus, in judicio petimus.*

Decretal.
Greg. IX.
l. II. l. 14.

C. fin. §.
in alio is,
extr. ut
lite non
contesta-
ta.

Hoc proprie hujus est loci, ubi de hujusmodi causis agitur coram legitimo iudice repetendis quod actoris est; rei autem nomen is habet, qui in jus vocatur, & citandus ad iudicium est iuridice tribus edictis, vel uno pro tribus, quod peremptorium dicitur. Quodsi de legitima citationis insinuatione constet, nec compareat præstituto termino citatus, si citatio fuerit arctatoria, non monitoria tantum, contumaciæ crimen incurrit, de quo singulari titulo *de dolo & contumacia*, & mox alius subsequitur, *de eo, qui mittitur in possessionem causa rei servanda*, quæ singularis contumaciæ est pœna, ut actor in possessionem mittatur earum rerum, de quibus quæstio vertitur, vel quæ alias sunt in patrimonio rei, pro modo debiti, sive mobilia sint, sive immobilia: ut si per annum in sua contumacia perseveraverit, iudice decernente, actor verus efficiatur possessor, super proprietate duntaxat adversæ parti defensione reservata. Sed solet, idque communius, aliis modis contumacia coerceri: litis & expensarum damno, multa, vel excommunicationis censura.

Indul.

Indulgentur tamen dilationes citato, nisi libellus statim citationi adjectus sit, ut de causæ statu inde plene instrui possit, neque opus sit induciis deliberatoriis, utrum cedere velit vel contendere, acceptare vel recusare judicem, ac proponere quas habet exceptiones. *Cap. 2. de dilationibus.*

Exceptio, juxta LANCELOTUM, *Instit.* est actionis vel intentionis exclusio. *Excep-* tionum autem duo summa genera constituit *Jur. can. L. III.* dilatorias, ac peremptorias. Illæ rem t. 8. & judicium differunt, hæc jus actoris perimunt, & semper agentibus obstant. Variis autem ex circumstantiis personarum, judicis, actoris, ac rerum, repetuntur ad præjudicium causæ inferendum.

Quodsi exceptio ejusmodi nulla suppetat, quæ vel judicium differat, vel litis ingressum impediat, mutuis petitionibus adversarium suum fatigare poterit, & agentem coram eodem judice, antequam litem contestetur, reum constituere per modum *recon-* *Cap. I. de ventiois* simultaneo processu actorem in eo- *mutuis* dem foro super alia causa conveniendo, eo *petit.* effectu, ut ordine successivo utraque causa simul agatur. Siquidem in ipso litis exordio, seu ante litem contestatam proponatur. Quæ omnia vides, necdum ad actionem ipsam ac causam pertinere, de qua principaliter lis intenditur.

§. XCII.

Litis contestatione causa ipsa in- *De litis* formatur, & processus coram legi- *contesta-* timo judice, actore & reo momen- *tione,* ta rerum secundum ordinem juris

Z

pro-

proferentibus, singula discutiente judice quoad probationes, testes, instrumenta &c.

*Instit. L.
III. t. II.*

*L. II. tit.
5.*

*Instit. L.
III. tit.
II.*

Quando remotis omnibus obstaculis, quæ futuræ liti obicem ponere poterant, judicium ipsum instauratur, & de ipsa causa principali coram judice disceptandum est, litis contestatio fit per petitionem in jure propositam, & congruam responsionem rei, animo contestandi litem factam, cum judex per narrationem negotii causam audire cœperit. *Igitur secuta contestatione*, inquit LANCELOTUS, reus & judici subjicitur & aëtori obligatur, dilatoriis exceptionibus via præcluditur, aëiones perpetuantur, præscriptio interruptitur, alii quoque effectus emanant, ut tam civilibus quam ecclesiasticis constitutionibus suis locis traditur. Habetur in jure canonico singularis titulus de litis contestatione, quem mox alius subsequitur: *Ut lite non contestata non procedatur ad testium receptionem vel ad sententiam definitivam.* Est nimirum litis contestatio basis ac fundamentum judicii accepti & constituti, sine qua legitime procedi nequit, nec ea valorem habent, quæ judicium constitutum subsequuntur ordine juris; quo inverso, quidquid fit, incassum est, ac nullum. Monet tamen LANCELOTUS, quod traditum est, lite non contestata non posse testes recipi, aut ad sententiam perveniri, non esse perpetuum. Nam, inquit, si forte de morte testium timeatur, vel absentia diuturna, cum civiliter est agendum, ne veritas occultetur, & probationis copia fortuitis casibus subtrahatur, senes & valetudinarii & alii testes, de quibus ex probabili

babili causa timetur, etiam lite non contestata sunt admittendi, seu pars conventa sit contumax, seu sine dolo sit absens, ut conveniri non possit. In jure civili vocatur ea litis contestatio ficta, quando reus legitime & peremptorie citatus contumaciter non comparet. In jure autem canonico in causis summariis, spiritualibus & matrimonialibus ordo iste judicarius non præcise attenditur, & hinc receptio testium facilius admittitur, licet litis contestatio expressa deficiat. Vocatur hoc lite non examen testium extraordinarium, ne veritas contestata occultetur, & probationis copia fortuitis casibus subtrahatur, ut ait pontifex. Quamvis autem examen hoc extraordinarium ante litem contestatam fieri possit; publicatio tamen attestatorum reservanda ad eum litis statum, quo probatio est suscipienda, vel reprobatio a reo peragenda, non vero ante litem contestatam urgenda.

C. I. ut
lite non
examen
testium
extraordinarium,
ne veritas
contestata
occultetur,
& probationis
copia fortuitis
casibus
subtrahatur,
ut ait pontifex.
Ib. c. f.

Litis contestationem sequitur juramentum calumniæ, ad malitiam nimirum & calumniam litigantium compescendam; dum jurant se non ex malitia seu calumniandi pruritu litigare. Et licet ob illius omissionem processus judicialis non vitietur; quodsi tamen illud præstare recusaverit, actor quidem ab instituta cadet actione, & pro confesso reus habendus est.

Lite contestata ad probationem devenitur, quæ etiam per confessionem judicialem adversarii facta censetur, diciturque *probatio probatissima*: ea vel vera est, quæ expressis verbis fit, deliberatoque consilio, vel facta, quæ a jure inducitur maxime ex contumacia rei. Quodsi reus intentionem actoris, quæ fundamentum actionis constituit,

Z 2

negat,

negat, probatione opus est tam in processu ordinario, quam summario. Sicuti vero in summario, omissis solemnibus, causa peragitur, ita etiam circa probationem multa remittuntur, quæ alias in ordinario processu necessaria sunt. Probatione indigent, quæ sunt dubia, non notoria. Judicis autem est de probationum viribus judicare, quæ sunt variis modis, depositione testium, instrumentorum exhibitione, jurisjurandi religione, inspectione judicis, & variis præsumptionibus: in quibus singulis variæ collisiones accidunt inter testes utrinque productos, inter testes & documenta seu instrumenta; ac inter instrumenta utrinque producta. Quæ omnia discutere debet judex, atque singula probationum momenta expendere.

*Instit. L.
III. tit. 14.*

In testibus requiritur, ut sint fide digni seu omni exceptione majores, nec sint ipso jure inhabiles ad testimonium reddendum: *Censentur autem testes, juxta LANCELOTUM, conditione, natura & vita. Conditione, si liber testis sit, non servus. Servus enim sæpe metu dominantis, veritatis testimonium suppressit. Natura, si vir sit, non femina: nam varium & mutabile semper femina. Admittuntur tamen etiam ad testimonium, ubi opus est. Vir censetur testis, si innocens sit & integer: nam si vita bona defuerit, fide carebit. Unde & infideles ac hæretici excluduntur a testimonio reddendo; sed in Germania nostra religiones toleratæ non excluduntur. Testes, qui saltem duo esse debent, juramento obstringuntur in præsentia litigantium; ut jurent, se non privato odio, neque amicitia, neque pro aliquo commodo, quod habuerint vel quod*

C. 5. de testibus & attestat.

quod habent, vel habituri sint, ad hoc jurandum inductos, se veritatem dicturos esse de ea re, de qua interrogati fuerint. *Di-* *C. Si quis-*
liger autem examinandi sunt a iudice, de *testium.*
 singulis circumstantiis, de causis videlicet, *De testib.*
 de personis, loco, tempore, visu, auditu, scientia, credulitate, fama, & certitudine, cæterisque, quæ ad rem facere, & negotio convenire existimabit. Item quo vultu, qua constantia, quave animi trepidatione testes deponant; cum interdum ex his vel ipsis invitis testibus, magis quam ex verborum serie rerum veritas elucescat, Quod si testes in iudicium venire renuant, cogi a legitimo iudice possunt ad dicendam veritatem, ferendumque testimonium, idque gravissimis censuris ac pœnis juxta singularem juris canonici titulum *de testibus cogendis vel non.* *Lib. II.*
tit. 21.

Subsequitur titulus *de fide instrumentorum*, quæ, si qualitatibus debitis instructa sint, æ- *Tit. 22.*
 qualem cum testibus vim probandi habent, scriptura nimirum publica, ac instrumenta, quæ auctoritate publica a personis, illa pol- lentibus confecta sunt: quæ in originali as- ferri debent, aut transumptio fieri juxta præ- scriptum c. f. h. t. scriptura tamen privata *C. 14. de*
 probat contra scribentem. *fide in-*

Sequitur titulus *de præsumptionibus*, quæ *strum-*
 sunt conjecturæ probabiles desumptæ ex cir- cumstantiis ejusmodi, quæ probabilitatem, animo ingerere possunt. Præsumptio si in jure fundatur, liberat a probando, eaque iudici in dubio, nisi probationibus in contrarium elidatur, probabilitatis tantum speciem præ- bet, quando certior probatio haud habetur.

Atque ita continget ad supplendam proba- tionem jusjurandum deferri, quod dicitur

c. f. in
 princ. de
 jurej.
 Inst. Lib.
 III. t. 14.

necessarium, nec, nisi iustis de causis recusari potest, quando a iudice deferitur. Aliud est *voluntarium*, quod a parte parti in iudicio deferitur: quod quia litem terminat, *decisorium* quoque nuncupari poterit juxta LANCELOTUM. Attendendum autem, ut juramento adsint tam essentielles conditiones ratione veritatis, iudicii & iustitiæ, quam etiam accidentales ex solemnitatibus & legitima juramenti formula.

Probatione absoluta & legitime peracta, utut intentio actoris fundata sit, non statim condemnatur reus; sed exceptiones ejus peremptoriæ adhuc admittendæ, atque allegationes ad sui defensionem, quibus locus est tam ante quam post litis contestationem, unde illas jam attigimus: quibus singularis titulus in jure canonico *de præscriptionibus* adjungitur, generalior tamen, quam ad præsentem materiam pertineat de excludenda actione ob elapsum tempus.

§. XCIII.

De sententia, re
 judicata &
 appellatione.

Sententia iudicis controversiæ & lites propositæ finiuntur, atque in rem judicatam abeunt, nisi ad superiorem iudicem debito tempore appellatio fiat, aut beneficium restitutionis in integrum indultum sit.

Inst. Lib.
 III. t. 15.

Sententiarum, inquit LANCELOTUS, *duæ sunt species: aut enim interlocutoriæ sunt, aut definitivæ. Interlocutoria est illa, quæ inter principium & finem causæ fertur super his, quæ incidunt, vel emergunt: qualis est, cum iudex dandam vel negandam*

*dam dilationem ad examinandos testes, vel exhibenda instrumenta interloquitur, vel super aliquibus exceptionibus pronunciat: quam nec in scriptis ferri oportet, & ante diffinitivam sententiam quandoque iudex revocare poterit. Definitiva vero sententia est diffinitio judicialis, quæ condemnando, vel absolvendo principali controversiæ finem imponit. Diffinitiva enim, quæ nec condemnationem, nec absolutionem continet, pronulla habetur: hanc simul ac tulerit retractandi copia iudici denegabitur. Hinc ergo in rem iudicatam non abit, & nisi per appellationem intra terminum decem dierum lego-constitutum suspensa fuerit, amplius revocari non poterit: Cum post decem dierum spatium sententia in auctoritatem rei iudicatæ transeat, qui ad provocationis subsidium infra id temporis non recurrit: appellandi si-
bi aditum denegaverit, & per hoc videatur per interpretationem juris lata sententia pa-
ruisse.*

C. 12. de
sententia
& re iud.
lb. 6. 15.

Appellandi beneficium jure canonico a qua-
vis sententia etiam interlocutoria tribuitur;
quod in concilio Tridentino ita restrictum est,
ut appellare tantum concedatur ab interlocu-
toria vim definitivæ habente, & cujus gra-
vamen per appellationem a definitiva repa-
rari nequeat. Quoad solemnitates etiam di-
scrimina quædam observantur circa appella-
tionem ab interlocutoria & definitiva sen-
tentia. Facienda est autem appellatio ad ju-
dicem competentem superiorem, gradatim non
per saltum omisso intermedio. Ac interpo-
sita quidem appellatione appellans a iudice
primæ instantiæ apostolos petere debet, seu
litteras dimissionas, infra triginta dies, alias

Sess. 24. de
reform.
c. 20.
Clem. 2.

C. I. &c.
b. 1.

cenfetur appellationi renunciaffe. Minorenes & ecclefia, fi fe prolatione fententiæ graviter læfos conquerantur, & appellationis tempora jam fluxerint, reftitutionem in integrum implorare poterunt, idque beneficium ordinarie fpacio quatuor annorum conceditur.

§. XCIV.

Varia ec-
clefiæ pra-
xis.

Antiqua ecclefie difciplina fententia lata facratior fuit, nec tantis appellationum ambagibus impedita fuit ecclefiaftici judicii auctoritas.

Epift. ad
Cornel.

Nam, inquit S. CYPRIANUS, cum statutum fit omnibus nobis & æquum fit pariter ac juftum, ut uniuscujusque caufa illic audiatur ubi eft crimen admiſſum, & ſingulis paſtoribus portio gregis fit adſcripta, quam regat unusquisque & gubernet, rationem ſui actus domino redditurus, oportet utique eos, quibus præſumimus, non circumcircuſare, nec episcoporum concordiam coherentem ſua ſubdola & fallaci temeritate collidere, ſed agere illic cauſam ſuam, ubi & accuſatores habere & teſtes ſui criminis poſſint; niſi ſi paucis deſperatis & perditis minor eſſe videtur auctoritas episcoporum in Africa conſtitutorum, qui jam de illis judicaverunt. Indignatur CORNELIO, quod vel aliquantulum hæſiſſet, an in communionem ſuam reciperet quosdam clericos & episcopum in Africa communionem dejectos, Romanæ adventantes. Parilis ſub STEPHANO fuit cauſa BASILIDIS & MARTIALIS in Hiſpania ob crimen idololatriæ depoſitorum.

Fuitque

Fuitque id commune & solemne, ut excommunicati a iudicio ecclesiastico, a nemine uspiam reciperentur. Quod canone 5. Nicæno firmatum est: *De iis, qui communione segregati sunt, sive clericorum sive laicorum sint ordinis, ab episcopis, qui sunt in unaquaque provincia, valeat sententia secundum canonem, qui pronunciat, eos, qui ab aliis ejecti sunt, non esse ab aliis admittendos.* Cautum tamen voluerunt Patres, ne forte quid ab episcopis gravius ac iniustum usurparetur in ferendis sententiis ac damnandis reis, hinc examinandum volunt, numquid vel pusillanimitate, vel contentione, vel aliqua ejusmodi episcopi acerbitate, congregatione pulsi sunt. *Ut hoc ergo, statuunt, convenientem examinationem accipiat, recte habere visum est, ut singulis annis in unaquaque provincia bis in anno synodi fiant: ut cum omnes provinciarum episcopi in eundem locum communiter conveniant, ejusmodi quaestiones examinentur: Et sic quos episcopum offendisse constiterit, juste esse, a congregatione separati apud omnes videantur, donec episcoporum congregationi videatur pro iis humaniorem proferre sententiam.* In concilio Antiocheno non ita multo post provisum est, si forte episcopi provinciarum inter se non convenirent: *Si quis episcopus de certis criminibus judicetur; Et contingat de eo provinciales episcopos dissidere, cum judicatus ab aliis innocens creditur, reus ab aliis potius ambiguitatis absolutione sanctæ synodi placuit, ut metropolitæ episcopus a vicina provincia iudices alios convocet, qui controversiam tollant, ut per eos simul Et per*

Can. 14.

Z 5

pro-

provinciales episcopos, quod justum visum fuerit, approbetur.

Can. III.

In concilio Sardicensi Romano pontifici-
jus suum est assertum: Quod si aliquis episco-
pus judicatus fuerit in aliqua causa, & pu-
tat se bonam causam habere, ut iterum con-
cilium renovetur, si vobis placet, sancti P.E-
TRI apostoli memoriam honoremus, ut scri-
batur ab his, qui causam examinarunt JU-
LIO Romano episcopo. Et si judicaverit, re-
novandum esse judicium, renovetur & det
judices. Si autem probaverit, talem causam
esse, ut non rescribentur ea, quæ acta sunt,
quæ decreverit, confirmata erunt. Sequenti
canone id GAUDENTIUS episcopus ad-
dendum duxit, quod jus circa appellationem
requirit, ut lite pendente nihil innovetur,
nec procedi possit in executione prioris sen-
tentiae. Canone VII. OSIUS iterum proposuit
approbantibus Patribus, de renovando exami-
ne, si episcopo Romano visum fuerit per fi-
nitimos episcopos, mittendo etiam e latere
suo presbyterum aut alios, qui praesentes cum
episcopis judicent, habentes ejus auctorita-
tem, a quo destinati sunt. Quæ quâdamtenus
congruunt praxi subsequantium saeculorum.

Sed non statim canones Sardicenses undi-
que vel innotuisse saltem, gesta ecclesiae Afri-
canæ non ita multo post prodiderunt: ap-
pellationesque multiplicari demum coeperunt
jure decretalium, cum spuriae ab ISIDORO
MERCATORE prolatae paulatim in pra-
xin sunt revocatae, ubi ita sub SIXTI I.
nomine habetur apud GRATIANUM: Si
quis vestrum pulsatus fuerit in aliqua adver-
sitate, licenter hanc sanctam & apostolicam
sedem appellet, & ad eam quasi ad caput

Caus. 2.

can. 4.

q. 8.

supra

refugium habeat, ne ipse innocens damnetur, aut ecclesia sua detrimentum patiatur.
Et ex epistola S. ZEPHYRINO adscripta: c. 8.

Ad Romanam ecclesiam ab omnibus maxime tamen ab oppressis appellandum est, & concurrendum quasi ad matrem, ut ejus uberibus nutriantur, auctoritate defendantur, & a suis oppressionibus reserventur, quia non potest, nec debet mater oblivisci filium suum.
Hæc satis pietatem spirant maternam; sed subinde temporis successu etiam dolor ac impatiëntia querelas expressit, easque acerbas fudit S. BERNARDUS ad EUGENIUM III. & INNOCENTIUM II. L. III. de confid. c.

Aliquando indiscriminatim Romæ fuerunt 2. epist. 178.
susceptæ appellationes, intermediis declinatis tribunalibus, quæ gradatim debent pulsari, & novæ semper instrui lites magnis expensis ac temporis pecuniarumque, si non justitiæ jactura, circa quam tantis palpatur processuum ambagibus ac syrmatibus, quibus omnia involvuntur, ut vix unquam una apud singula tribunalia, ad quæ gradatim appellatur, in eadem causa prodeat sententia, quin reformetur. Nec tamen idcirco assertum volo, quod LANCELOTUS dicit: *Appellandi usus præcipue judicantium iniquitatem corrigit & imperitiam detegit.* Veteres idcirco ab appellationibus longinquis abhoruerunt constanter, quod plenior notitia causarum illic, ubi emergunt, habeatur, & singula melius inspicere queant, ac examinari.

CAP. II.

CAPUT II.

De criminibus.

§. XCV.

Antiqua &
recentior
disciplina
circa cri-
mina.

Alia fuit olim ecclesiæ disciplina circa crimina, interiori cum externo conjuncto foro, quibus invicem diremtis, ad formulas juris *accusationes, inquisitiones & denunciationes criminum* quoad forum externum ecclesiæ sunt revocatæ.

Accusatione, denunciatione, & inquisitione crimina perferuntur ad judicem. Communior est accusationis via. Sed alia fori interioris alia exterioris est ratio accusandi, illic enim propria confessio, hic aliena locum habet; & dum utrumque olim forum fuit conjunctum, utrumque accusationis genus locum habuit, quando omnium scelerum castigatio in ecclesia viguit; non tam ad justitiam vindicativam exercendam, atque criminaliter animadvertendum in peccatores, sed ad pœnitentiam in salutem animæ agendam coram ecclesia, sive confessione propria, sive aliena accusatione prodito crimine. „ Neque enim (inquit J o. M O R I N U S) anxie distinguebant, an in confessione secreta, an extra confessionem ejusmodi peccata cognoscerent, ut eis pœnitentiam & reconciliationem canonicam concederent; sive, ut nunc loquimur, absolutionem sacramen-

*Lib. I. de
pœnit. c.
10.*

mentalem. Unicus ille erat episcoporum „
& presbyterorum finis in peccatis quibus „
que judicandis, sive in D E U M, sive in „
fratrem commissa forent. Nec erat alius, „
qui excommunicationem, alius qui pecca- „
ta solveret, ad quem soluta excommunica- „
tione peccator esset remittendus: nec erat „
aliud tribunal, in quo excommunicandus „
vel excommunicatus judicabatur; aliud „
in quo poenitens excommunicatione solu- „
ta, sed unus idem homo episcopus scilicet „
vel presbyter unius ejusdemque tribunalis „
praeses id praestabat; vel si antiquissima „
tempora respicias, id praestabat episcopus „
presbyteris assessoribus cinctus non modo „
in causa criminum publicorum, sed etiam „
occultorum, quæ sponte reus publice con- „
fitebatur propriae conscientiae aculeo com- „
punctus, vel prudentis confessoris confi- „
lio stimulatus, vel denique occulto illo „
crimine alicujus testimonio & industria re- „
velato & comprobato., Hæc vetus erat „
disciplina & censure ecclesiasticæ, districtio „
in diversi generis gravia peccata, prout „
illis canones & vigor ecclesiasticus publicam „
in ecclesia destinavit poenitentiam.

Sed cum labentibus sæculis internum ab „
externo foro separari coepit, tantum gra- „
viora quædam & publica peccata foro exte- „
riori sunt reservata, distinctione etiam in- „
troducenda ejusmodi criminum, quæ ad forum „
ecclesiasticum vel sæculare pertinerent; for- „
mulis quidem processus criminalis introdu- „
ctis in forum ecclesiasticum, sed poenis ec- „
clesiasticis inflictis a iudice ecclesiastico fori „
exterioris, qui idem ac olim est, episcopus „
nimirum, & quibus id officii suo nomine „
impo-

imposuerit. Crimina autem & earum poenæ pleræque habentur in constitutionibus pontificiis, decretalibus, & bullariis. Hucque pertinet Liber V. decretalium exordium sumendo, a titulo de *accusationibus, inquisitionibus & denunciationibus*: qui sunt modi secundum jus canonicum deveniendi in criminum notitiam juxta processum juris, qui sine accusatione legitima, nisi in rebus notoriis, non rite informatur; nec tamen secundum jus canonicum ita præcise attenditur, quin etiam inquisitiones legitimæ fiant. Qua de re in concilio Lateranensi constitutum est, referturque c. 24. b. t. non solum quoad subditos, sed etiam prælatos: „Non solum cum subditus, „verum etiam cum prælatus excedit, si per „clamorem & famam ad aurem superioris pervenerit, non quidem a malevolis & maledicis, sed a providis & honestis, nec semel tantum, sed sæpe, quod clamor innuit & diffamatio manifestat, debet coram ecclesiæ senioribus veritatem diligentius perscrutari. „Distinguit autem idem pontifex ab inquisitione denunciationem, quæ alia evangelica, alia est canonica, & quoad singula h. t. præscribuntur regulæ, ut rite procedatur, ne quid interveniat injustitiæ, quod fieri hic maxime proclive est & damnosum: quare etiam mox subditur titulus de *calumniatoribus*, qui nimirum inique alios denunciant præsertim ecclesiasticos viros & prælatos.

§. XCVI.

De infidelibus.

In Infideles, qui januam ecclesiæ per baptismum ingressi haud sunt, nullum exercet jûs ecclesiæ, nisi indire-

directe juxta divinas promissiones ac voluntatem fines suos per orbem terrarum protendens, dominata a mari usque ad mare.

Agitur singulari titulo decretalium *de Judais, Saracenis, & eorum servis*, quales nimirum christianos habebant servos tunc, cum jam dominaretur christianismus, potiusque servitus infidelibus hujusmodi competeret, & ecclesia juxta divinas promissiones teneret orbem, eluctata statu suo presso sub CONSTANTINO & deinceps christianis principibus aucta. Qui certatim leges dederunt pro christianis & christiana religione contra Judæos & gentiles præsertim, superstitionemque idololatricam, quæ undique grassabatur, & non solum studiis & laboribus apostolicis, sed etiam zelo pio principum & vigore legum potestatisque politicæ magis magisque, ut licuit, est oppressa. „ Nam (ait THEODORETUS) CONSTANTINUS „ *L. V. bist.*
quidem M. omni laude dignissimus, qui pri- „ *eccles. c.*
mus pietate imperium ornavit, cum orbem „ 21.
terrarum adhuc insanientem erga simula- „
crorum cultum videret, ne dæmonibus sa- „
crificaretur omnino interdixerat. Eorum ta- „
men templa nequaquam destruxerat, sed „
occludi tantum præceperat. Ejus quoque „
filii paternis institerunt vestigiis. At JU- „
LIANUS impietatem renovavit, & ve- „
tusti erroris flammam suscitavit. Postea „
JOVIANUS imperium adeptus, simula- „
crorum cultum denuo prohibuit. VALENTI- „
NIANUS deinde major iisdem usus „
legibus, Europam gubernavit. VALENS „
vero aliis quidem omnibus permisit colere „
ut vellent, iisque, quos coleret, observan- „
tiam

„ tiam exhibere. Solis iis, qui apostolicam
 „ doctrinam tuebantur, bellum inferre nun-
 „ quam destitit. Itaque quamdiu ille impe-
 „ rium tenuit, & in aris incendebantur thu-
 „ ra, & libamenta ac sacrificia simulacris suis
 „ offerebant pagani & publicas epulas in foro
 „ celebrabant. Et Bacchi sacris initiati cum ca-
 „ prinis pellibus cursitabant, canes discerpen-
 „ tes, furentesque & bacchantes, & alia pera-
 „ gentes, quibus magistri ipsorum festus dies in-
 „ dicatur. Quæ omnia cum fieri reperisset
 „ fidelissimus imperator THEODOSIUS
 „ funditus sustulit, & perpetua oblivione texit. „

Ita paulatim gentilismus corruiere visus est
 primum in urbibus, deinceps etiam in pa-
 gis, ubi diutius, quemadmodum etiam apud
 barbaras nationes subsistit. Utraque tamen
 tam sacra quam profana potestate nihil non
 molientibus ad supprimendam, si non peni-
 tus extirpandam omnem infidelitatem tam
 paganorum quam Judæorum; quamvis his
 plusculum fuerit indultum, qui testimonium
 nobis, ac sibiipsis etiam divinæ vindictæ fe-
 runt, vagabundi per orbem. Quos, ut ait IN-
 NOCENTIUS III. *propria culpa submi-*
sit perpetua servituti.

Et tamen accidebat, ut Judæis christiani
 essent mancipia, quæ tenebantur manumit-
 tere pro duodecim solidis in singula capita:
 idemque de illis mancipiis, quæ christianam
 fidem amplectuntur, statuitur, habeturque
 C. I. b. t. ex concilio Matisconensi: quam
 legem GREGORIUS IX. renovavit. Et
 ALEXANDER III. promiscue vetat, ne
 Judæi sive Saraceni, neque sub alendorum
 puerorum suorum obtentu, nec pro servitio,
 vel alia qualibet causa christiana mancipia
 in

c. 13. b. t.

An. 561.
 c. 19. b. t.
 c. 5. b. t.

in domibus suis permittantur habere : excommunicentur autem , qui cum eis præsumserint habitare : *Quoniam* , idem ait , *Judæorum mores & nostri in nullo concordant, & ipsi de facili ob continuam familiaritatem ad suam superstitionem, & perfidiam simplicium animos inclinarent.*

Idem prohibuit Judæis de novo construi synagogas , ubi non habuerunt. „ Verum , „ (ait) si antiquæ corruerint vel ruinam minantur ; ut eas reædificent , potest æquanimiter tolerari : non autem ut eas exaltent , aut ampliores , aut pretiosiores faciant quam antea fuisse noscuntur : qui utique hoc pro magno debent habere , quod in veteribus synagogis & observantiis tolerantur. „ Sequitur decretalis CLEMENSIS III. qua statuitur : „ Ut nullus invitos vel nolentes Judæos ad baptismum venire compellat. Si quis autem ad christianos causa fidei confugerit , postquam voluntas ejus fuerit patefacta , christianus absque calumnia efficiatur : quippe CHRISTI fidem habere non creditur , qui ad christianorum baptismum non spontaneus sed invitatus cogitur pervenire. „ Etiam antiquæ imperatorum leges violentiam religionis causa prohibent : „ Christianis , qui vere sunt , vel esse dicuntur , specialiter demandamus ut Judæis ac paganis quiete degentibus nihilque tentantibus turbulentum , legibusque contrarium , non audeant manus inferre religionis auctoritate abusi. „ Ac in Judæis tolerandis , ut dixi , semper major fuit remissio , nisi ipsi sua perfidia causam dedissent , ne tolerentur. *Ingrati tamen, sunt verba INNOCENTII III. nobis esse non debent,*

c. 7. b. t.
c. 8. b. t.
l. VI. c. de Paganis.
c. 13. b. t.

- debent, unde reddant christianis pro gratia contumeliam & de familiaritate contemptum, qui tanquam misericorditer in nostram familiaritatem admissi, nobis illam retributionem impediunt, quam (juxta vulgare proverbium) mus in pera, serpens in gremio, & ignis in sinu, suis consueverunt hospitibus exhibere. Cautum hinc, ne Judæi, aut pagani christianis præficerentur: Cum sit nimis absurdum, sunt Pontificis verba, ut blasphemus CHRISTI in christianos vim potestatis exerceat: quod super hoc Toletanum concilium provide statuit, nos propter transgressionem audaciam in hoc generali concilio innovamus prohibentes, ne Judæi publicis officiis præferantur: quoniam sub tali prætextu christianis plurimum sunt infesti. Idem a GREGORIO IX. est renovatum juxta auctoritatem concilii Lateranensis sub INNOCENTIO III. ubi etiam singularis habitus distinctio est præscripta pro Judæis seu Saracenis, quod non ubique servabatur: Unde contingit interdum, quod per errorem christiani, Judæorum, seu Saracenorum, & Judæi seu Saraceni christianorum mulieribus commiscantur.*
- c. 16. b. t.
- c. 18. b. t.
- c. 15. b. t.

- Infestabantur tunc christiani tam in oriente quam occidente Saracenis novo infidelitatis Mahumedanæ genere, & cum illis perpetuos conflictus & bella ad hodiernum usque diem gerunt; accidit autem, ut infideles ac impii christiani arma ac subsidium illis ferrent, qui, sunt verba Pontificis, contra ipsum CHRISTUM & populum christianum Saracenis arma, ferrum & ligamina deferunt galeam &c. Hi excommunicantur & anathematizantur. Idem jam prius ALEXANDER III.*
- c. 17. b. t.

DER III. caverat, & postea CLEMENS c. 6. b. t.
V. ut habetur Extravaganti, *Multa, .i. b. t.*

§. XCVII.

Qui nomen suum ecclesiæ dede- De hære-
runt, & fidem ejus erroribus fal- tics.
lunt pertinaces hæretici, ac eorum
fautores maxime ad ecclesiasticam
censuram pertinent, pariter ac libri
eorum.

Definitur hæresis, quod sit error contra
aliquam catholicæ fidei veritatem cum per-
tinacia junctus in eo, qui fidem suscepit.
Fides seu veritates religionis christianæ no-
bis in verbo divino panduntur, quod cum
diversas interpretationes a malefatis homi-
nibus contra traditionem ecclesiasticam acci- c. 27. caus.
pit, inde hæreses sunt ortæ. Quicumque 24. q. 3.
aliter in fidei & morum dogmatibus scriptu-
ram intelligit, quam Spiritus S. flagitat, quo
scripta est, licet de ecclesia non recesserit,
tamen hæreticus appellari potest. Ab-
scessus ab ecclesia proprie schisma consti-
tuit, de quo mox separatus sequitur titulus,
hic autem de hæreticis & eorum poenis a-
git: qui nimirum errores animo fovent, eis-
que contra auctoritatem ecclesiæ pertinaciter
inhærent, quod proprie constituit hæreticum;
etsi quis perversa sua opinione ita teneatur,
ut se veritatem tenere existimet: cum debeat
judicium suum ecclesiæ subicere, quæ est co-
lumna veritatis. *Veritas apud nos est, sunt L. V. de*
verba SALVIANI, sed illi apud se esse gubernat.
presumunt. Honor DEI apud nos est; sed Dei.
illi hoc arbitrantur bonorem divinitatis esse,

quod credunt. Inofficiosi sunt ; sed illis hoc est summum religionis officium. Impii sunt ; sed hoc putant veram esse pietatem. Errant ergo ; sed bono animo errant , non odio sed affectu D E I , honorare se Dominum atque amare credentes. Quamvis non habeant rectam fidem , illi tamen hoc perfectam D E I aestimant charitatem.

Frustra sic errores coercentur , nulla datur hæreses præcavendi commoda ratio , nisi ecclesiastica constituta regula & auctoritate ; contra cujus definitionem qui aliquid pertinaciter defendit , in pœnas hæreticorum ab ecclesia constitutas incidit : dum quis sciens suam sententiam esse contra ecclesiæ definitionem & auctoritatem , nihilominus eam defendit , & sequitur. Unde juxta theologos & canonistas , qui ex ignorantia licet crassa & culpabili aliquid contra ecclesiam credit , peccat quidem , quod non labore tam crassam ignorantiam deponere ; non tamen proprie & simpliciter hæreticus censetur , nec hæreticorum pœnis punitur , dummodo paratus sit in fide melius instrui. De eo , qui circa quemdam fidei articulum dubitant , non conveniunt doctores.

*C. dixit apostolus
29. 2^o c.
qui in ecclesia
31.
caus. 24.
q. 3.*

Quidam enim dubitantem a formali hæresi & hæreticorum pœnis probabiliter excusant : quod hæresis sit actualis electio erroris contra fidem , dubitans autem nondum aliquid elegerit , cum nec assensum nec dissensum præbeat. Alii quamplurimi in alia omnia eunt , nixi præsertim cap. I. b. t. licet ex spurio fonte decretalis STEPHANI I. haustum sit , ubi dicitur : *Dubius in fide infidelis est.* Ac quidem de peccato nulli dubium esse potest ; quoad pœnas autem incurrendas respi-

ci

ci debet ad mentem dubitantis, num ecclesiæ auctoritatem respuat? Quod si faciat jam in eo positive delinquit, quod dubium non excutiat, & captivet intellectum in obsequium fidei sese auctoritati ecclesiæ subjiciendo.

Ita principia catholica se habent, quibus solis fortiter omni errori obsisti potest, ut fidei integritas in ecclesia servetur, quæ est primum illius depositum, quo nihil magis sollicitè custodit; contra hæreses omnes non solum strenue pugnans, & fidem veram definitionibus certis integram præstans, sed etiam petulantiam & pertinaciam hæreticorum suis censuris coercens.

Hanc in rem sunt pleraque præsentis tituli capitula, non solum contra hæreticos, sed eorum etiam defensores & receptores, contra quos excommunicatio latæ sententiæ stringitur, & in bulla *cæna Domini* pontifici reservatur. Ubi etiam excommunicatione reservata damnantur, qui hæretici librum hæresin continentem vel de religione tractantem sine apostolicæ sedis licentia scienter legunt, retinent, imprimunt, vel quomodolibet defendunt. Non autem undique eadem auctoritas bullæ illi *cæna Domini* tribuitur, quæ quotannis Romæ solemniter repetitur, sed per regiones catholicas non promulgatur, pariter ac indies recentèr prodeuntes indices librorum prohibitorum. Qua de re quoad Germaniam nostram consuli potest PAULUS LAYMAN.

*Theolog.
mor. L. II.*

In concilio Tridentino præter generalem licentiam circa occultas irregularitatum & suspensionum dispensationes & criminum abso-

tr. I. c. 15.

sub. num.

8.

Sess.

A a 3

episco- XXIV. de

reform.
c. 6.

episcopis, non vero eorum vicariis in foro tantum conscientiae in hæresis crimine tribuitur.

*C. Cogitationis 14.
de pœnitent. dist.
1.*

Ad quod alias, ut ob illud pœnæ jure præscriptæ incurrantur, requiritur, ut hæresis non tantum in animo consistat, sed extrinsecus significetur, quia ecclesia in judicio fori externi non judicat de internis, nec punit solas cogitationes. Unde talis hæreticus pure mentalis a quolibet confessario absolvi potest juxta theologos, qui porro requirunt, ut actio externa, qua verbo & opere se aliquis hæreticum declarat, sit mortaliter mala, & fiat animo profitendi vel defendendi hæresin: ut qui causa quærendæ instructionis alteri suam hæresin in animo conceptam detegit, non propterea excommunicationem incurrat.

Idem magis adhuc de aliis pœnis non spiritualibus tantum sed etiam corporalibus & temporalibus dicendum, quæ magna copia in hæreticos eorumque fautores & defensores stringuntur, variisque capitulis hujus tituli in jure canonico habentur, maxime autem c. 13. accumulatur.

Quousque vero in Germania nostra singulæ pœnæ saltem quoad effectus civiles locum habere queant, ex rerum circumstantiis pietateque matris ecclesiæ est dijudicandum, quandoquidem impossibile est, rigorem juris prosequi. Suntque qui plerasque hæreticorum pœnas locum apud nos habere putent saltem circa hæresiarchas, qui nova dogmata vel novas hæreses introducunt; non autem circa Lutheranos & Calvinistas, qui ex variis pactis & concordiiis, si non consentiente, saltem dissimulante pontifice (utpote quibus propter potentiam resistere cum effectu non potest) hæctenus inter catholicos tolerantur, quæ sunt

sunt P. LUDOV. ENGEL verba, quibus commentarium in hunc titulum concludit.

Quousque etiam poena capitalis ignis in hæreticos stringatur, non certa aliqua regula tradi potest; quemadmodum varia fuit hac in re praxis, & olim legum imperatoriarum severitas major, quam disciplinæ præfulumque ecclesiasticorum, qui mitius semper consuluerunt.

§. XCVIII.

Contra hæreticam pravitatem tri-
bunal inquisitionis medio ævo ere-
ctum, quibusdam in regionibus
etiamnum variis fatis subsistit, ad
terrorem hæreticorum.

Tribunal
inquisi-
tionis

Ordo Prædicatorum principaliter institutus fuit ad conversionem Albigenſium & aliorum hæreticorum. Ordo S. FRANCISCI paulo post institutionem suam idem volvit saxum, ingenti fructu, tam sermonibus publicis & disputationibus, quam etiam monitionibus ad principes & fideles populos, ad persequendos obstinatos, & regiones iis purgandas: sollicitè in quibusvis locis in hæreticos inquirebant, & quantum ipsis potestatis erat, id exerebant, aut summo pontifici ac episcopis denunciabant, principes etiam ac magistratus impellendo ad pellendos aut puniendos hæreticos. Hinc etiam cruciatæ non minus contra hæreticos in occidente, quam infideles in oriente instaurabantur, indulgentiis pariter pro utrisque indultis. FRIDERICUS II. pace cum HONORIO III. pontifice inita negotium hoc plurimum pro-

movit variis edictis, iisdem poenis contra hæreticos statutis, ac contra rebelles ac criminis læsæ majestatis reos.

Ante HONORIUM III. qui ecclesiæ gubernacula tenuit, INNOCENTIUS III. potissimum habetur sacre inquisitionis auctor, & non ita multo post INNOCENTIUS IV. promotor, qui ordini Dominicanorum & Franciscanorum plus auctoritatis tribuit, eos episcopis associando, ad quos de jure cognitio criminis hæresum pertinebat. Habetur hujus pontificis celebris bulla triginta & unum complectens articulos, quam ejus successor ALEXANDER IV. renovavit, & quadantenus moderatus est pariter ac CLEMENS IV. nec alii pontifices segnes fuerunt in promovendo hoc negotio, præsertim BONIFACIUS VIII. qui in id incubuit, ut FRIDERICI imperatoris leges quoad inquisitionem valerent, ut singula hæc cognoscere licet ex sexto Decretalium h. t.

Varia nihilominus variis in regionibus præsertim Gallia & Germania habuit fata, serius sæculo demum decimo quinto in Hispaniam illata sacra inquisitio sub FERDINANDO rege, postquam regem Granatensem, & Mauros regno pulisset; cum nosset maximam partem christianorum parum in fide esse solidatam, & Judæos magno esse numero sublestæ fidei. Celebris THOMAS de Turrecremata rem hanc plurimum promovit, & ad hodiernum usque diem inquisitio Hispanica viget sub regia protectione, ad summum pontificem pertinente confirmatione inquisitoris generalis, qui alios inquisitores nominat cum regia approbatione. Inquisitio Portugalliæ ad normam

normam Hispanicæ est exacta , erecta demum sæculo decimo sexto sub rege JOANNE III. quando ea in Germania penitus fuit abolita , pariter ac in Galliis.

Romæ autem occasione hæresis Lutheranæ a PAULO III. excitatum est illustre tribunal inquisitionis , ac congregatio cardinalium ad causas omnes hæreseos supremo decidendas judicio , constituendos & mittendos quaquaversum inquisitores , eorumque res ac functiones moderandas. SIXTUS V. inter alias congregationes cardinalium huic primum attribuit locum , cui ipse præsidet pontifex , ac septem assistunt cardinales. Ad inquisitionem non personarum solum , sed librorum etiam hæreticorum pertinet judicium. Nec aliquid pejus habet hæreticos quam istud tribunal.

§. XCIX.

Schisma seu segregatio ab eccle- De schis-
siæ unitate & obedientia grande cri- maticis.
men vix unquam , & diu nunquam
sine hæresi subsistit , qua saltem ec-
clesiæ auctoritas præsertim in cen-
tro unitatis Romano pontifice ab-
negatur.

Dividitur schisma in purum , quod non op-
ponitur fidei , sed charitati , paci & unitati ,
& conjunctum cum hæresi. *Inter hæresin & C. 26.*
schisma hoc interesse arbitrantur , quod ha- caus. 24.
resis perversum dogma habeat , schisma pro- q. 3.
pter episcopalem dissensionem ab ecclesia pari-
ter separat. Quod quidem in principio ali-
qua ex parte intelligi potest , ceterum nullum

A a §

Schisma

*Contra
Crescon.
Lib. II.
c. 3.*

*Lib. IV.
n. 71.*

schisma non aliquam sibi confingit hæresin, ut recte ab ecclesia recessisse videatur. Quare S. AUGUSTINUS, inveteratum schisma hæresin vocat, qui contra Donatistas hanc materiam copiose excussit, & quantum malum sit crimen schismatis imprimis ostendit; ita ut nulla legitima possit esse causa schismatis faciendi, quod superbiæ tumorem semper pro matre habeat. Non est, scribit contra CRESCONIUM schismaticum, aliud impiæ superbiæ tumor apud omnes, qui se a CHRISTI unitate discindunt, quam se solos christianos jactare, & damnare ceteros, non solum, quibus eorum lis nota est, verum etiam, quibus eorum nec nomen auditum est. Hæc fuit perversitas & jactantia Donatistarum penes se solos ecclesiam asserentium, in quodam Africæ angulo; a reliquo autem toto orbe christiano, qui inter se vinculo charitatis & communionis ecclesiasticæ detinebatur, defecisse.

Ep. 87.

Ita schisma suum hæresi cumularunt Donatistæ, quo non potuerunt non devenire, dum contra ecclesiam & extra eam obfirmato animo subsisterunt, nec ejus auctoritati cesserunt, ut in unitatem redirent; quod πρῶτον ψεύδος erat ac error seu hæresis schismati suapte natura adhærens, dum in contemptum auctoritatis ecclesiasticæ vergit: Neque enim, idem sanctus doctor ad EMERITUM Donatistam scribit, vobis objicimus, nisi schismatis crimen, quam etiam hæresin male perseverando fecistis. Potest ergo aliquamdiu forte esse, ut quis unitatem ecclesiæ lacessat, & se a communione ecclesiæ vel universalis vel particularis separet, aut obedientiam neget, unde schisma fit vel in universali vel in parti.

particulari aliqua ecclesia : qualia habentur inde a primis ecclesiæ sæculis non pauca ; sed si non pertinaci animo perseveretur , & in contemptum ecclesiasticæ auctoritatis abeat , non tam atrox est , imo singulari quodam in casu obedientiam ecclesiæ negasse , & rebellem extitisse præsertim particulari in ecclesia , schisma non reputatur ; nisi altare contra altare erigatur , & animus contra legitimam ecclesiasticam potestatem obfirmetur , factionesque fiant & discissio ecclesiasticæ unitatis.

Ubi suapte quis in se sententiam pronunciat , dum se ab ecclesia abscindit. Et excommunicationem incurrunt schismatici , ut colligitur ex *c. unic. h. t. in 6.* circa finem. Atque in decretalibus GREGORII IX. aliæ etiam schismaticorum decernuntur poenæ , omnesque eorum actus irriti declarantur. Aliæ gravissimæ decernuntur a BONIFACIO VIII. quas BENEDICTUS XI. mitigandas duxit *c. Dudum h. t. Extrav.* Et juxta bullam Cœnæ Domini excommunicationem reservatam summo Pontifici incurrunt schismatici ; quod existimant tamen doctores , non etiam , ut apud hæreticos , de fautoribus schismaticorum intelligendum.

Sancita sunt priora illa , quæ in corpore juris canonici habentur pro præsentibus tunc ecclesiæ Romanæ malis , quæ schismatibus sæpius infestata fuit , inde a NOVATIANO sæculo tertio , per singula fere sæcula ob injustas sedis illius apostolicæ & centri unitatis usurpationes : unde malum non potuit non in totam ecclesiam redundare. Quod maxime funestum fuit in magno illo schismate a Papis Avenionensibus orto , occidenta-

le

le etiam schisma vocari solitum, ut distingua-
tur ab orientali, quod adhuc hodie a pluri-
bus sæculis misere orientem ab occidente
discerpit, æmulatione sedis Romanæ & Con-
stantinopolitanæ, atque in hæresin etiam, ut
fieri solet, degeneravit.

§. C.

De apo-
statis.

Apostasia non solum a fide, sed
etiam a sacro ordine ac religione gra-
viter coercetur in jure canonico:
quo etiam rebaptizatio refertur, &
qui baptizati in religione christiana,
resiliunt.

Apostasiam a fide, gravius esse hæresi &
schismate crimen, dubitare non licet, cum
sit omnimoda a fide defectio ad infidelitatem,
ac irreligiositatem usque ad Deismum & A-
theismum etiam, scelere, si unquam certe
hodie frequenti, elatione humanam mentem
effervere, ne se ecclesiæ ac obsequio fidei
mysteriorumque christianæ religionis dedat,
aut impietas summa agnitæ etiam veritati
resistat; cum olim violentia persecutionum
multos vel invitos ad apostasiam perduxisset:
Qui negarent se esse christianos aut fuisse,
ut PLINIUS ad TRAJANUM celebri
epistola scribit, & maxime sæculo tertio
gravissima causa fuit agitata de lapsis, præ-
sertim a S. CYPRIANO, qui sollicitè
distinguit genera hujusmodi apostatarum seu
lapsorum, & vult rationem haberi in pœna
infligenda: *Cum ergo, inquit, inter ipsos,*
qui sacrificarint, multa sit diversitas; qua
inclu-

Epist. 55.

inclementia est, & quam acerba duritia, libellaticos cum iis, qui sacrificarint jungere? Nimirum erat præcipua distinctio Sacrificatorum seu Thurificatorum, & Libellaticorum; quibus pro ratione criminis pœna est imposita solemnī ecclesiæ censura; cum rigor Novatianorum omnino spem reconciliationis abstulisset; & postea Donatistarum furor similiter contra traditores defævisse visus esset, qui apostatis fuerunt accensiti.

In jure decretalium nihil peculiariter de hoc genere apostasiæ decernitur; cujus pericula, undique dominante religione christiana, tanta non fuerunt, quam alterius generis apostasia ab ordine & religione; quare qui relicto ordine clericali & habitu suo tanquam laici conversantur, si criminibus deprehenso teneantur, non permittuntur liberari mediante censura ecclesiastica. Nec tamē sunt in sæculari habitu tolerandi, sed per districtiōem ecclesiasticam coercendi, donec in defectu alterius probationis curaverint ad abolendam infamiam purgationem canonicam exhibere. Consultus HONORIUS III. ab archiepiscopo Turonensi, quid de apostatis sit agendum, dum in custodia detinentur, qui minis vel blanditiis nullatenus possunt induci, ut abjectum habitum reassumant, respondit, *quod tales possit, si voluerit sub gravi custodia carcerare, ita quod solummodo vita sibi misera reservetur, donec a sua præsumptionis nequitia resipiscant.* c. 1. b. t. c. 3. b. t. c. 5. b. t.

Idem consultationi archiepiscopi Lugdunensis respondit, *quod monachus aliquem sacrum ordinem in apostasia recipere quantumlibet suo fuerit reconciliatus abbati, & receperit penitentiam, absque dispensatione Romanæ* c. 6. b. t. *manet*

Seff.
XXV. de
regular.
c. 9.

Ib. c. 19.

mani Pontificis ministrare non poterit in ordine suscepto. Cap. 2. Ne clerici vel monachi in 6. habetur, quod religiosi, temerarie dimittentes habitum suæ religionis, ipso facto sententiam excommunicationis incurrant. Et in concilio Tridentino prohibetur, ne alicui regulari detur licentia occulte ferendi habitum suæ religionis. Non tamen ideo theologi aut canonistæ condemnant illos religiosos, qui transeuntes per loca hæreticorum vel infidelium, ubi ipsis periculum imminet occulte ferunt habitum suæ religionis, vel necessitate cogente prorsus ad tempus deponunt. In laudato concilio Tridentino statuitur, ut, si religiosus, nondum deducta coram superiore & ordinario circa annullationem professionis causa, habitum dimiserit, nullatenus ad allegandum quamcunque causam admittatur, sed ad monasterium redire cogatur, & tanquam apostata puniatur; interim vero nullo religionis privilegio juvetur. Occurrit hoc titulo c. 2. responsio ALEXANDRI III. circa clericum ministrantem in superstitiosa reiteratione baptismi ægroto ad recuperandam sanitatem administrati, ne in casu quo crimen publicum est, ad superiores ordines promoveatur, nisi ordinem regularem ingrediatur, in quo favore religionis poterit cum ipso dispensari.

Dist. 4. de
consec. c.
32. 38. 51.

Fuerunt dudum antea gravissimæ pœnæ etiam civiles in rebaptizantes Donatistas præfertim statutz, qui catholicos etiam apostatas ausi sunt rebaptizare, veluti apud eos verum non habeatur baptisma, quod merito detestationi fuit: & apud GRATIANUM etiam varia colliguntur canonum statuta contra reiterantes baptismum. Hoc autem titulo

lo in decretatibus GREGORII IX. statui- 107. *segg.*
tur, ut quos christiana religioni libera vo- c. 4. b. t.
luntatis arbitrium obtulit, salutifera coa-
clionis necessitas in ejus observatione conser-
vet: cum minus malum existat viam Domi-
ni non agnoscere, quam post agnitam retro-
ire. Quod est genus apostasiæ quorundam
illic notatorum, qui ad sacri undam baptis-
matis voluntarii accefferunt, veterem homi-
nem omnino non exuunt, ut novo perfectius
induuntur: cum prioris ritus reliquias re-
tinentes, christiana religionis decorem tali
commixtione confundant.

§. CI.

Graviter semper detestata est ec- De Simo-
clesia dictam a SIMONE mago Simo-
niam, qui donum DEI pecunia pos-
sideri existimavit, & comparare sibi
ab apostolis voluit, quem sequi cen-
sentur, qui res sacras, sacrisque an-
nexas pretio emere, ac vendere stu-
dent.

Definitur Simonia a glossa communiter re-
cepta, *studiosa voluntas emendi vel ven-* In princ.
dendi aliquid spirituale, vel spirituali anne- caus. 1.
rum. Quia nimirum etiam voluntas prava verbo Qui-
& propositum, quale fuit in SIMONE *damm.*
mago, licet eam effectum ire haud potuerit,
jam constituit hoc crimen. Quare dividitur
Simonia in *mentalem*, quæ sola voluntate
committitur, nec in actum prodit exterior-
rem; *conventionalem*, quæ in pactum dedu-
cta est; & *realem*, ubi præterea traditio rei
spirit.

spiritualis accedit: Nimirum pro pretio temporali, quod supponit mutuum pactum. Unde qui sponte ac libere aliquid donat, quin obligatio & contractus intercedat, Simoniam committere haud dicitur. Idcirco dicitur studiosa voluntas emendi & vendendi, ut effectus pariter cum sua causa movente intelligatur, quo omnis contractus mutuam obligationem inducens intelligitur, sive explicite fiat, quæ vocatur *Simonia conventionalis*; sive tacite & implicite, v. g. aliquid faciendo ex intentione per hoc obligandi ad dandum spirituale, quæ vocatur *Simonia confidentialis*.

*Lib. V.
tit. 5.*

Quoad res autem sacras ac sacris annexas in jure canonico hoc titulo varia promiscue afferuntur, secundum id distinguenda, an casui omnino, aut propius accedant, qui in sacra scriptura refertur de SIMONE mago, unde Simonia est dicta.

*C. Presbyter I. caus.
1. q. 1. c.
5. b. t.
C. 2. 11.
12. 117.
caus. 1.
q. 1.*

*C. 11.
caus. 1.
q. 1.*

Qui in ea fuit hæresi, quod putaverit donum spirituale posse pretio comparari; qua opinione perversa qui non tenentur, hæresin illam non incurrunt, quo nomine sæpe designatur, & aliis variis execrandis titulis a SS. PP. & antiquis canonibus; ubi ea proprie dicta Simonix species, quæ per sacram ordinationem committitur, solet accipi: quando impositione manus Spiritus sancti donum datur accipiturque, quod SIMON pretio sibi ab apostolis comparare voluit, unde Simonia est dicta: Nam, inquit S. GREGORIUS NAZ. relatus a GRATIANO, *Spiritus sancti donum pretio comparare quid aliud est, quam capitale crimen & Simoniacæ hæresis.* In canonibus apostolicis idem nefarii criminis notatur auctor, & cum eo dam-

damnantur illius sectarii: Si quis episcopus, *Can. 30.*
aut presbyter, aut diaconus per pecunias *31.*
hanc obtinuerint dignitatem, dejiciatur &
ipse & ordinator ejus, & a communione ab-
scindatur sicut SIMON Magus a PETRO.

In concilio Chalcedonensi, cujus canon a *Can. 2.*
GRATIANO refertur, eodem respicitur:

Si quis episcopus per pecuniam ordinationem *C. 8. caus.*
fecerit, & sub pretio redegerit gratiam, quæ *1. q. 1.*
vendi non potest, ordinaveritque per pecu-
niam episcopum, chorepiscopum, presbyte-
rum, aut diaconum, vel quemlibet de his,
qui connumerentur in clero, aut promove-
rit per pecunias dispensatorem, aut defenso-
rem, vel mansionarium, vel quemquam om-
nino, qui subiectus est regula pro suo tur-
pissimi lucri commodo, is, qui hoc attentas-
se probatus fuerit, proprii gradus periculo
subjacebit, & qui ordinatus est, nihil ex hac
ordinatione, vel promotione, quæ est per ne-
gotiationem facta, proficiat, sed sit alienus
a dignitate, vel sollicitudine, quam pecuniis
acquisivit. Si quis vero mediator tam tur-
pibus & nefandis datis vel acceptis extite-
rit, & ipse siquidem clericus fuerit proprio
gradu decadat; si vero laicus, aut mona-
chus anathematizetur.

Ubi vides omnia articulatim munia sacra
& officia connumerari ordinatione vel pro-
motione collata sacra & sacris annexa; ut
occurratur subtilitati, quam fuerunt, qui hic
obtenderent, medio præsertim ævo, ad salu-
berrimas leges contra nundinationes sacras
eludendas. Non quod non discrimen sit in-*Vid.*
ter varia Simonix genera, prout ab ecclesia *Humber-*
accipitur, quæ tam res sacras quam sacris an-*tus card.*
nexas jure merito vult ab omni turpi lucro *L. III. con-*

B b

exem. tra Simo-

*niacos. S.
Petri Da-
miani ep.
13.*

exemptas, & nihil hic inultum relinquit, præter detestabile SIMONIS MAGI scelus, qui ipsum donum Spiritus sancti pretio constare & comparari posse existimavit. Quem illi principaliter sequuntur, qui gratiam per manus impositionem vel alia sacri ministerii functione conferendam vendunt aut emunt, pretio longe deterrimo, scelere ab ecclesia PETRI exemplo diris devoto semper, & execrabili præprimis, ut & indirecte res etiam sacris annexas tam turpi lucro committi detestetur, & severissime puniat.

§. CII.

*Varii ge-
neris.*

Dignitates, ordines ac beneficia ecclesiastica pro meritis personarum sunt conferenda, nullo pretio vel munere a manu, a lingua, vel ab obsequio.

Præsident, inquit TERTULLIANUS in apologetico, *probatique seniores honorem istum non pretio, sed testimonio adepti; neque enim pretio ulla res DEI constat.* Ita primitivam ecclesiæ puritatem prædicat illibatam ab omni avaritiæ vel ambitionis sorde, quando dignitates & munia sacra onera gravia reputata sunt, quæ potius fugienda, quam malis artibus essent ambienda, ut postea accidere pronum fuit florenti ecclesiæ statu. At jam favori ac muneribus datum non raro fuit, quod debuerat meritis solum concedi, & habilitati personæ pro ecclesiæ emolumento. *Cernimus*, inquit S. HIERONYMUS, *plurimos banc rem beneficiunt facere, ut non querant eos in ecclesia*

*In C. I. ad
Titum.*

eclesia columnas erigere, quos plus cognoscunt ecclesia prodesse, sed quos vel ipsi amant, vel quorum sunt obsequiis deliniti, vel pro quibus majorum quispiam rogaverit, & ut deteriora taceam, qui ut clerici fierent, muneribus impetrarunt. Haud obscure hic triplex illud muneris genus, quod distingui solet, designavit S. HIERONYMUS, & S. GREGORIUS M. articulatus expreflit. „ Tres (inquit) sunt acceptiones mu-
netum, ad quas ex fraude festinatur. Mu-
nus namque a corde, est. captata gratia a
cogitatione. Munus ab ore, est gloria per
favorem. Munus ex manu, est præmium
per dationem. Sed justus quisque ab om-
ni munere manus excutit, quia in eo quod
recte agit, nec ab humano corde inanem
gloriam, nec ab ore laudem, nec a manu
recipere dationem quærit. „ Et adhuc clarius
apud GRATIANUM ex hom. IV. in evang. C. 114.
„Sunt nonnulli, qui quidem numorum præ-
mia ex ordinatione non accipiunt, & ta-
men sacros ordines pro humana gratia
largiuntur, atque de largitate eadem laudis
solummodo retributionem quærunt. Hi ni-
mirum quod gratis acceptum est, gratis
non tribuunt: quia de impenso officio sancti-
tatis numum expetunt favoris. Unde bene,
cum justum virum describeret propheta, ait:
Qui excutit manus suas ab omni munere. „
Neque enim dicit, qui excutit manus suas a
munere; sed adjunxit, ab omni: quia aliud
est munus ab obsequio, aliud munus a manu,
aliud munus a lingua. Munus quippe ab
obsequio est subjectio indebite impenfa. Mu-
nus a manu pecunia est. Munus a lingua
favor. Qui ergo sacros ordines tribuit, „

*In Job. L.
XII. c. 25.*

*C. 114.
caus. 1.
q. 1.*

B b 2

„ tunc

*Lib. II.
epist. I.*

*Lib. VII.
epist. III.*

*Baron. ad
an. 1065.
n. 37.*

„ tunc ab omni munere manus excutit , quan-
 „ do in divinis rebus non solum nullam pecu-
 „ niam , sed etiam humanam gratiam non re-
 „ quirat . „ Alibi hæc ipsa varia munera distin-
 „ guit , quatenus illis etiam inique impendun-
 „ tur , qui quidem non ordinis gratiam , sed di-
 „ gnitatem & beneficium ecclesiasticum tri-
 „ buere possunt . „ Siquidem (inquit) munus
 „ a manu pecunia , munus ab obsequio obe-
 „ dientia subjectionis , munus a lingua favor
 „ adulationis . Et cum ab unoquoque horum
 „ manus excutiendas propheta denunciaret , om-
 „ nibus his manus implicasse dignoscitur , qui
 „ nanciscendæ dignitatis ambitu potestatum
 „ sublimium castra sectatur . „ Alibi genuinam
 „ designat causam , cur tam exitialia hæc sint ec-
 „ clesiæ : „ Quid (inquit) per hoc aliud agitur ,
 „ nisi ut nulla de actu probatio , nulla sollici-
 „ tudo de moribus , nulla sit de vita discus-
 „ sio , sed ille solummodo dignus , qui dare
 „ pretium suffecerit , æstimetur . „ P E T R U S
 „ D A M I A N I si quis alius acriter in hoc sce-
 „ lus invehitur pro illius enormitate & frequen-
 „ tia suo tempore ; quando tactam jam a nobis
 „ futilem excusationem afferebant : Dicebant
 „ enim , quia cum hoc fit , non distrabitur ec-
 „ clesia , sed facultas : nec emitur sacerdotium ,
 „ sed possessio prædiorum . Sub hac præstatione
 „ pecuniæ , opes tantum , non honoris vel eccle-
 „ siæ redimitur sacramentum . Sic vero regerit :
 „ Si secularis ille princeps accepta , vel promissa
 „ pecunia pastorem tibi tradidit baculum , qua
 „ fronte poteris episcopalis ordinis excusare com-
 „ mercium ? Enimvero nisi per hanc investitu-
 „ ram ille secuturi sacerdotii tibi prius imprime-
 „ ret titulum , futurus ordinator nequaquam per
 „ manus impositionem sacerdotii tibi traderet
 „ sacra-

sacramentum. Per hoc enim quod venaliter accepisti, consequenter ad sacerdotium promoveris.

Ratio istæc valet circa omne dignitatum & beneficiorum ecclesiasticorum genus, & conditionem, sive cum adeptione ordinis sive ministerii tantum & beneficii provisione fiat, sive sacris sive profanis personis largitio fiat, penes quos est per se vel alios etiam facultas dignitatem ac beneficium conferendi. Hoc in capitulari THEODULPHI exprimitur, & C. 16. feverissima poena interdicitur: *Si quis presbyter inventus fuerit alicui clerico aut laico munera dare aut dedisse, ut ecclesiam alterius presbyteri surripiat, sciat se pro hac rapina & sæva cupiditate, aut gradum amissurum, aut in carceris arumna longo tempore penitentiam agendo detineri.* Hoc autem discrimen est, si quis gratiam ordinationis vel dignitatis tantum ac beneficii venalem habeat, quod illic sacrilegium majus committatur in donum S. Spiritus, hic vero ecclesia ingenti afficiatur damno & justitia lædatur, quando non dignitas personæ sed munus attenditur, quod in concilio Arelateni VI. notatur, dum eadem venalitas prohibetur patronis laicis impendenda: *Laici a presbyteris omnino non audeant munera exigere propter commendationem ecclesiæ: quia propter cupiditatem plerumque a laicis talibus presbyteris ecclesiæ dantur, qui ad peragendum sacerdotale officium sunt indigni.* Can. 52.

Id autem probe discernendum est in veteri, & deinceps subsecuta ecclesiæ disciplina, quod olim in primæva disciplina clerici per ipsam sacram ordinationem ecclesiis tanquam earum ministris adscripti, jus ad proventus ecclesiæ-

B b 3

sticos

Can. 7.
 caus. 1.
 q. 2.

An 1583.
 de Simo-
 niac. n. 6.

sticos acquisierint, antequam tituli beneficio-
 rum erigerentur, atque singulis titulis certi
 annecterentur proventus, qui separatim ab
 ipsa ordinatione conferuntur. Hinc est, quod
 veteres Simoniam spectarint in ipsa sacra or-
 dinatione potissimum, per quam ministri eo-
 ipso ecclesiæ matriculæ inscribebantur, & spor-
 tularum participes fiebant, quod posteriore
 praxi collatione dignitatis ac beneficii fit.
 Unde quando de Simonia agitur de Simoniacis
 beneficiorum provisionibus res potissimum est,
 in quibus Simoniaci non aliud quidem inten-
 dunt, quam ambitionem dignitatis & beneficii
 perceptionem in proventibus. Quæ quoniam
 connexa sunt cum ipso ordine ac ministerio
 sacro, præter generale ambitus & avaritiæ
 crimen singulare sacrilegium continent. *Quis-
 quis horum alterum vendit, sine quo nec al-
 terum provenit, neutrum invenditum derelin-
 quit.* Quare ALEXANDER VII. sequen-
 tem damnavit propositionem: *Non est contra
 iustitiam, beneficia ecclesiastica non conferre
 gratis, quia collator conferens illa beneficia
 ecclesiastica pecunia interveniente, non exigit
 illam pro collatione beneficii, sed veluti pro emol-
 umento temporali, quod tibi conferre non te-
 nebatur.* Et concilium Remense impudentis-
 simum prætextum detestatur, qui de solo pro-
 ventu reque temporaria canonicatus pacisci
 se dicunt; cum ea spiritali tam arcto sit an-
 nexa vinculo, ut non magis ab ea divelli
 queat, quam in homine vivo corpus a sua
 anima.

§. CIII.

Circa do-
 tes benefi-
 ciorum, &

Pacisci de obtinendo beneficio,
 quod quis dotarit, vel redditibus au-
 xerit,

erit, de receptione ad sacram pro-ordinum
fessionem, ordinemque religiosum, religiosorum.
ceu labem Simoniacam damnat ec-
clesia, non spontaneam ac ratam bo-
norum collationem.

Ita olim INNOCENTIUS respondit: C. 34. b. s.

„ Quodsi quis clericus cum conditione vel „
pacto largiatur, aut offerat bona sua, ut illa „
postmodum pro præbenda retineat, & in „
canonicum admittatur: hujusmodi oblatio „
vel receptio fieri non poterit sine vitio Simo- „
niæ: cum in talibus omnis pactio aut con- „
ventio cessare debeat, juxta canonicas san- „
ctiones. Si vero pure ac sine pacto vel con- „
ditione qualibet offerat, rogans humiliter, „
ut in canonicum admittatur, & bona sua re- „
tinere sibi liceat pro præbenda, & clerici „
ejusdem ecclesiæ pure consentiant: hujus- „
modi receptio fieri poterit absque scrupulo „
Simoniacæ pravitatis. Licet autem taliter „
duximus respondendum, quia nobis datum „
est de manifestis tantummodo judicare: si „
tamen is, qui talem donationem facit, ea in- „
tentione ducatur, ut per temporalia bona quæ „
offert, spiritualia valeat adipisci; & clerici, qui „
eum in fratrem admittunt, non essent eum, „
nisi commoda temporalia perciperent, admis- „
suri: sine dubio tam ille, quam isti, apud di- „
strictum judicem (qui scrutator est cordium „
& cognitor secretorum) culpabiles judicantur. „
Medium exemplum habetur in celebri episcopo
Mersburgensi DIETMARO, qui imperatori
HEINRICO significavit bonis suis se auctu-
rum ecclesiam illam, si quando illius episco-
pus fieret, quod & factum est, quin tamen

Lib. VI.
T.I. script.
Brunf. p.
 385.

pañtum intercederet. Rem ipse narrat in chronico.

Pariter prohibetur pro receptione ad religionem aliquid recipere. Ita habetur in concilio Turonensi sub ALEXANDRO III. referturque c. 8. h. t. *Ne ab iis, qui ad religionem transire volunt, aliqua pecunia acquiratur.* Rem hanc probe discussit S. BONAVENTURA in libello apologetico in eos, qui ordini minorum adversantur, ubi quadruplicem formam distinguit recipiendi ad ordinem qualemcunque: 1. Quando aliquis nec pro pecunia, nec cum pecunia, sed pure pro DEO recipitur, quam jure purissimam statuit. 2. Quando aliquis recipitur non pro pecunia, sed cum pecunia; ita ut si nihil afferret, tamen reciperetur pro DEO. *Et similiter, ait, hoc purum est coram DEO, sed cante agendum coram hominibus, ne detur eis occasio scandali, & ne sit ibi affectus avaritiæ infectus ex spe lucri.* 3. Quando quis recipitur non pro pecunia, nec tamen reciperetur sine pecunia, eoquod non habent aliter ei, qui eum recipiunt, in necessitatibus corporis providere. Fuerunt nonnulli canonistæ recenti ætate, qui hoc etiam in casu omnino vetitum putarent recipere dotem; non tantum ubi vanus ejusmodi est prætextus: qualem in monialibus frequentem concilium Lateranense Simoniacam pravitatem notavit: *Quoniam Simoniaca labes adeo plerasque moniales infecit, ut vix aliquas sine pretio recipiant in sorores, prætextu paupertatis volentes hujusmodi vitium palliare. Ne id de cætero fiat, penitus probibemus, statuentes, ut quacumque de cætero talem pravitatem commiserit, tam recipiens quam rece-*

Can. 64.

recepta, sine spe restitutionis de suo monasterio expellatur in locum arctioris regulæ ad agenda perpetuam pœnitentiam retrudenda. Coincidit hoc cum quarta forma, quam laudatus S. BONAVENTURA penitus impuram & Simoniacam censet: *Cum aliquis recipitur amore pecuniæ, ita quod si possent illam pecuniam habere sine persona ista, non reciperent personam, sed ut habeant pecuniam, personam recipiunt: & hoc penitus impurum est & Simoniacum, quia ibi pecunia causa est receptionis persona, & non e converso.* Ubi ergo recipitur persona propter pecuniam, Simonia est, quia ibi venditur spirituale, id est, consortium spiritualis societatis pro temporali, scilicet pro pecunia. In Extrav. *Ne in vinea*, de simonia in communibus aliquid singulariter de hac re statuitur: „Ne tam a maribus quam a mulieribus vo- „ lentibus ingredi eorum religionem, eccle- „ fias, monasteria, prioratus, domus seu lo- „ ca, in earundem personarum receptione, „ aut ante aut post illam quoscunque pastus, „ prandia seu cœnas, pecunias, jocalia, aut „ res alias etiam ad usum ecclesiasticum, seu „ quemvis pium usum alium deputata vel „ deputanda directe vel indirecte petere vel „ exigere quoquo modo præsumant. Sed eas „ potius cum omnimoda pietate recipiant, ac „ in victu & vestitu sicut alias personas sua- „ rum ecclesiarum, monasteriorum, priora- „ tum, domorum & locorum sincera chari- „ tate pertractent: illa duntaxat, quæ per- „ sonæ ipsæ ingredientiæ pure & sponte, & „ plena liberalitate, omnique pactione cessan- „ te, dare vel offerre ecclesiis, monasteriis, „ prioratibus, domibus & locis hujusmodi „

„ voluerint , cum gratiarum actione licite re-
 „ cepturi. „ Jam URBANUS II. in con-
 cilio Romano hunc canonem concilii Melfensis
 renovaverat : *Nullus abbas pretium exigere ab*
eis , qui ad conversionem veniunt , aliqua pla-
citi occasione presumat. Quid autem hic in-
 telligatur placiti occasio , ex duobus conciliis
 Londinensibus sæculi duodecimi dilucidum fit :
Exactiones certas pecuniarum pro recipiendis
monachis , canonicis , & sanctimonialibus
condemnamus. Nullus prælatus in recipien-
do monacho , vel canonico , vel sanctimoniali
pretium sumere vel exigere ab his , qui ad con-
versionem veniunt , aliqua pacti occasione pra-
sumat. Si quis autem hoc fecerit , anathema sit.

An. 1127.
 can. 3.

An. 1175.
 c. 8.

c. 58.

Cod. de e-
 pisc. &
 cler. l. 54.
 55.

Ep. ad
 Demetr.

Ex his quid pravum sit , & labem Simoniacam
 redoleat , patescit , ne quis legitimas in com-
 munitates religiosas bonorum collationes vi-
 tuperet : quomodo in regula S. BENEDICTI
 de disciplina suscipiendorum fratrum præscri-
 bitur : *Res si quis habet , aut eroget prius pau-*
peribus , aut facta solemniter donatione conse-
rat monasterio , nihil sibi reservans ex omni-
bus. Cautum est autem lege etiam civili , ne
 fraudent parentes , ac exhæredare audeant ob-
 susceptum sanctioris status institutum : *Ut non*
liceat parentibus impedire , quo minus liberè
eorum volentes , monachi , aut clerici fiant ,
aut eam ob solam causam exhæredare. Sed si ipsi
testamentum condunt , necesse habent , qua-
drantem illis relinquere. Sin autem hoc non fe-
cerint , locus sit ab intestato. S. HIERONY-
 MU S valde deplorat , quod parentes non raro
 indulgentiores hic fuerint erga filias , in sæculo
 relictas , filias in proposito virginali inopes re-
 linquentes : *Fecerunt hos multa , prohi dolor ?*
nostri propositi fœmina atque utinam rarum
esset.

esset exemplum : quod quanto crebrius est, tanto ista feliciores, quae ne plurimarum quidem exempla secuta sunt. Fertur, & omnium christianorum laude celebratur, quidquid fuerat nuptiis preparatum, a sancta CHRISTI SINORIDE virgini traditum, ne sponso fieret injuria; imo ut dotata pristinis opibus veniret ad sponsum; & quod in rebus mundi periturum erat, domesticorum DEI sustentaret inopiam. Vides hic etiam ratam dotem virgini professuræ largiter fuisse concessam, patrimonium CHRISTI futurum, æquissima & sanctissima conditione; dummodo nihil sordium avaritiæ & illicitarum pactionum intercedat, quas modo damnari intelleximus, & ad Simoniacam relegari labem, ob sacri propositi contaminationem.

§. CIV.

In aliis quibuscunque rebus sacris ac spiritualibus nundinari, ac mercari, ad Simoniacam revocatur labem; non vero de altari, ac ministerio sacro, & oblationibus, laudabilibusque consuetudinibus constitutam laboris percipere mercedem.

De laudabilibus consuetudinibus.

Dignus est, ait CHRISTUS, operarius Matth. mercede sua: ubi agit quidem de opere spirituali ministerii evangelici. Et D. PAULUS hanc legem dominicam agnoscit, ut, qui evangelium annuntiant, de evangelio vivant, 13. & qui altari deserviunt, de altari vivant. Cum secundum apostolum, ait INNOCENTIUS III. qui altario servit, vivere debeat bend. c. 16.

de

de altari; & qui ad onus eligitur, repelli non debeat a mercede: patet a simili, ut clerici vivere debeant de patrimonio JESU Christi, cujus obsequio deputantur, ut ipsa nominis ratio persuadet. Hoc ergo debitum etiam justitiæ est, ut ministri sacri pro labore suo mercedem ac justum accipiant salarium; beneficium pro officio sacro, sine ulla Simonix suspitione, tam qui generatim percipiuntur fructus beneficii, quam qui pro speciali sacra functione pro rata & laudabilibus consuetudinibus percipiuntur, quæ vocantur jura stolaræ.

C.42. b. t.

Sed cavendæ sunt avaritiæ sordes, exactiones, extorsionesque. Ad apostolicam audientiam frequenti relatione pervenit, est sub INNOCENTIO III. concilii Lateranensis decretum, quod quidam clerici pro exequiis mortuorum, & benedictionibus nuptiarum & similibus pecuniam exigunt & extorquent: & si forte eorum cupiditati non fuerit satisfactum, impedimenta fœlitia fraudulenter opponunt. Econtra vero quidam laici laudabilem consuetudinem erga sanctam ecclesiam pia devotione fidelium introductam, ex fermento hæretica pravitatis nituntur infringere sub pretextu canonice pietatis. Quapropter super his pravas exactiones, fieri prohibemus, & pias consuetudines præcipimus observari: statuentes, ut libere conferantur ecclesiastica sacramenta, sed per episcopum loci veritate cognita, compescantur, qui malitiose nituntur laudabilem consuetudinem immutare. Solet hic objici ALEXANDRI III. auctoritas quasi adversetur INNOCENTIO III. „Pro sepultura (statuit is) quoniam que & chrismatis & olei receptione nulla
cujus-

C.8. b. t.

cujusquam pretii exactio attentetur : nec sub „
 obtentu cujusquam consuetudinis reatum „
 suum quis tueatur : quia diuturnitas tempo- „
 ris non diminuit peccata, sed auget. „ Sed fa- „
 cile patet, primam partem decreti Innocentia- „
 ni seu concilii Lateran. huic respondere, quem- „
 admodum etiam , quæ in concilio Lateranen- „
 si sub ALEXANDRO III. eodem tenore „
 sunt statuta contra illicitam venalitatem re- „
 rum sacrarum : „ Horribile nimis est , quod „ C. 9. b. 1.
 in quibusdam ecclesiis locum venalitas per- „
 hibetur habere , ita ut pro episcopis vel „
 abbatibus seu quibuscunque personis eccle- „
 siasticis ponendis in sedem , seu introdu- „
 cendis presbyteris in ecclesiam , nec non „
 & pro sepulcris & exequiis mortuorum , „
 & benedictionibus nubentium , seu aliis sa- „
 cramentis aliquid requiratur. Putant autem „
 plures ex hoc licere , quia legem mortis „
 de longa invaluisse consuetudine arbitran- „
 tur , non attendentes , quod tanto gravio- „
 ra sunt crimina , quanto diutius infelicem „
 animam tenuerunt alligatam. Ne igitur hæc „
 de cætero fiant vel a personis ecclesiasticis „
 deducendis in sedem vel sacerdotibus insti- „
 tuendis , aut sepeliendis mortuis , seu be- „
 nedicendis nubentibus , seu aliis sacramentis „
 conferendis seu collatis aliquid exigatur , „
 districtius prohibemus. Si quis autem con- „
 tra hoc venire præsumserit , portionem cum „
 GIEZI se noverit habiturum. „ Qui hæc cum „
 decreto Lateranensi sub INNOCENTIO , „
 & cum his , quæ hætenus de Simoniacis ex- „
 actionibus diximus , contenderit , facile inter „
 se combinabit conciliabitque , id damnando , „
 quod semper detestata est ecclesia , nundina- „
 tiones & exactiones ac turpia lucra ; non vero „
 pias oblationes , laudabilesque consuetudines.

Propo-

*Lib. VII.
ep. 56.*

Nov. 59.

Can. 16.

*C. 14.
caus. 13.
q. 2.*

*An. 890.
c. 6.*

Proposita est aliquando S. GREGORIO M. querela quæsitæ turpis de sepultura lucri, quæ de re ita scribit: *Grave nimis est & procul nimis a sacerdotis officio, pretium de terra concessa putredini quærere, & de alieno velle facere luctu compendium. Hoc vitium & nos postquam ad episcopatus honorem accessimus, de ecclesia nostra omnino vetuimus: & pravam denuo consuetudinem nequaquam usurpari permisimus. Patet, qualis hæc consuetudo & lucrum fuerit, centum nimirum solidorum extortum de terra concessa putredini: cum spontaneæ hic usitatæ fuerint oblationes pro defunctis, quas accipere non vetat Pontifex; peti tantum, aut aliquid exigi. Quomodo etiam JUSTINIANUS carpit pravam morem, non sine mercede fieri defunctorum exequias, sed exigere amare, etiam invito exigere lugentes, & cogi dare non habentes.* Ita concilium Triburiense detestatur abhorrendum & christianis omnibus devitandum morem iniquum, sepulturam mortuis debitam sub pretio vendere, & gratiam DEI venalem facere. Id ergo prohibetur terram mortuis vendere, & debitam sepulturam denegare; nisi forte proximi & amici defuncti propter nomen & redemptionem animæ viri gratis aliquid dare velint. Hoc a GRATIANO refertur unacum S. GREGORII responso & concilii Nannetensis simili decreto. Quibus alia respondent & collimant ad morem in ecclesia semper vigentem spontanearum oblationum damnatis exactionibus & turpi lucro: *Et si quis sacri ordinis de sepultura mortuorum aliquid acceperit, nisi forte quæ sponte ab amicis vel propinquis mortuorum ecclesiæ fuerint collata, hac maledictione teneantur obnoxii,*

noxii , habet concilium Ravennatenſe ſub
GERBERTO poſtea Romano pontifice.
Et concilium Bituricenſe : *Nullus pretium pro*
baptiſmo , neque pro pœnitentia danda , neque
pro ſepultura accipiat , niſi quod fideles ſponte
dare vel offerre voluerunt. Jam in concilio
Illiberitano antiquiſſimo abuſus circa hanc rem
in baptiſmo eſt correctus , numos in con-
cham mittendi : *ut ſacerdos , quod gratis acce-*
pit , pretio diſtrabere videatur. Et GREGO-
RIUS NAZ. *Turpe eſt , inquit , dicere , ubi*
eſt munus , quod propter baptiſmum offeram ?

An. 997.

c. 3.

An. 1031.

c. 12.

Can. 4.

Orat. 40.

Medio ævo pravus etiam irrepiſit uſus , mu-
nera exigendi a pœnitentibus ; donec inole-
vit , ut pœnitentiæ publicæ in multas quando-
que pecuniarias converterentur. Quæ res non
potuit non ingentes abuſus generare , quos
eccleſia tollere laboravit , præſertim in concilio
Tridentino , extinctis quæſtoribus , quo-
rum in publicandis indulgentiis ſordida lu-
tra execrationi erant fidelibus , & offenſioni
hoſtibus eccleſiæ , juiſſis episcopis indulgentias
promulgare , ac pravyos queſtus omnes
abolere. Idem concilium in decreto de ob-
ſervandis & evitandis in celebratione miſſæ ,
ordinariis præcipit : *Imprimis , quod ad ava-*
ritiam pertinet , cujuſvis generis mercedum
conditiones , paſſa , & quidquid pro miſſis
novis celebrandis datur , nec non importu-
nas atque illiberales eleemoſynarum exactio-
nes potius , quam poſtulationes , aliaque bu-
jusmodi , quæ a Simoniaca labe , vel certe a
turpi queſtu non longe abſunt , omnino pro-
bibeant. In jure canonico titulo de Simonia
de aliis variis rebus , quibus peccari hic po-
teſt , plura deſideranti occurrent , paſſim e-
tiam a theologis & canoniftis explicata.

Seſſ.

XXV.

dec. de

Indulg.

Seſſ.

XXII.

§. CV.

§. CV.

De loca-
tione be-
neficio-
rum & ve-
nalitate
magisterii
docendi

Ne quidquam desiderari possit,
singulariter etiam in jure canonico
cautum, ne munera ac jurisdictio
sacra, ipsumque docendi magiste-
rium venale esse possit.

Lib. V. tit.
4. 5.

An. 755.
C. 25.

An. 813.
C. 39.
Lib. II.
c. 38.

C. 1. b. 1.

In decretalibus GREGORII IX. post ti-
tulum de Simonia subduntur duo, alter: *Ne
praelati vices suas vel ecclesias sub annuo cen-
su concedant*; alter de magistris: *Et ne ali-
quid exigatur pro licentia docendi*; prior ve-
ro magis cognatus est materiæ de Simonia,
quatenus etiam solum ad jurisdictionem ec-
clesiasticam ac jus dicendum refertur; cum
etiam sanctionibus conciliorum cautum sit,
ne venalitas hic locum inveniat: *Ut nec e-
piscopus*, habet concilium Venum, *nec ab-
bas*, *nec ullus laicus pro justitia facienda
sportulas contradictas accipiat*; quia ubi do-
na intercurrent, justitia maculatur. Et con-
cilium Remense II. *Ut nullus homo munera
pro placito acquirat, aut accipere presumat.*
Ex capitularibus CAROLI M. discimus e-
piscopos cum comitibus nonnunquam hic in
quæstum pravum conspirasse. „ Quod in qui-
„ busdam locis episcopi & comites in ince-
„ stuosis, & ab his, qui decimas non dant,
„ wadios accipiant, & a presbyteris, pro qui-
„ busdam negligentiis, & inter se pecuniam
„ dividant. „ Prioribus duobus capitulis *b. t.*
ad jurisdictionem respicitur, ne annuo censu
locetur: *Quoniam quidam in quibusdam par-
tibus sub pretio statuuntur, qui decani vo-
cantur, Et pro certa pecunia quantitate epi-
scopa-*

scopalem jurisdictionem exercent : præsentì decreto statuimus , ut qui de cætero hoc præsumserit , officio suo privetur , & episcopus conferendi hoc officium potestatem amittat. Et mox : Quoniam in quibusdam partibus *Can. 2. b. t.* decani quidam vel archipresbyteri ad agendas vices episcoporum seu archidiaconorum & terminandas causas ecclesiasticas sub annuo pretio statuuntur , quod ad sacerdotum gravamen & subversionem judiciorum non est dubium redundare : id ulterius fieri prohibemus. Quod si quis de cætero fecerit , removeatur a clero. Episcopus autem , qui hoc sustinuerit , & ecclesiasticam jurisdictionem sua patitur dissimulatione perverti , diffractione canonica percellatur. Idem subsequenti capite etiam cavetur , ne regimen ecclesiæ sub annuo censu sacerdotibus committatur. Quæ singula eandem lucri labem , ac sordidum questum continent in sacris muneribus ac functionibus. Non quod prælati vices suas committere non possint , postquam ampliatis diœcesibus & auctis negotiis eas ipsi obire non soli possent , aut ecclesiæ præsertim unitæ monasteriis , ac aliis locis piis vicariis parochiis tradi nequeant , sed ne locatio ac licitatio pro annuo censu intercedat ; ac rata tantummodo pensio tribuatur.

Idem spectatur sequenti titulo *de magistris* , & ne aliquid exigatur pro licentia docendi. In præcipuis duobus conciliis Lateranensibus sub ALEXANDRO III. INNOCENTIO III. quibus postea accessit Tridentinum , & multa alia tum canonum cum decretorum pontificiorum statuta , ubi id imprimis est actum , ut magisterium docendi in cathedralibus ecclesiis erigeretur , ac simul etiam stipendium

cap. I. b. t.

dium & præbenda congrua tribueretur, quibus contenti theologi ac doctores a privatis exactionibus abstinerent, ne gravarentur studiosi : *Ne pauperibus, qui parentum opibus juvari non possunt, legendi & proficiendi opportunitas subtrahatur, per unamquamque cathedralem ecclesiam magistro, qui clericos ejusdem & scholares pauperes gratis doceat, competens aliquod beneficium præbeatur.* Et infra : *Pro licentia vero docendi nullus pretium exigit, vel sub obtentu alicujus consuetudinis ab eis, qui docent, quærat, nec docere quemquam (qui sit idoneus) petita licentia interdicat.* Idem mox sequentibus canonibus confirmatur. Et alia insuper pro sacrorum studiorum incrementis & facilitate saluberrime statuuntur, quæ optandum esset, ut constanter retinerentur, aut revocarentur in usum.

§. CVI.

Pœnæ Si-
moniaco-
rum.

Ecclesia gravissimis pœnis reprimere & coercere semper studuit Simoniam, præprimis in collatione sacrorum ordinum & beneficiorum ecclesiasticorum ac ingressu ordinum religiosorum.

Jam non semel tantum notavimus, indivul-
sam olim fuisse sacrorum ordinum ac proven-
tuum ecclesiasticorum, quos quis ex ecclesiæ
bonis, cui adscribebatur, accipiebat, collatio-
nem. Quare mirum non est, antiquos cano-
nes, quando pœnas huic sceleri decernunt,
ipsas Simoniacas ordinationes spectasse : cano-
nem Chalcedonensem jam supra retulimus, cui
alii

alii concinuat tam orientalium, quam occidentalium conciliorum, quibus omnibus constanter depositionis sententia decernitur: *Qui Can. Chal-*
boc tentasse convictus fuerit, de proprio gradu ced. 2.
in periculum veniat: & qui est ordinatus,
ex ordinatione vel promotione, qua instar
mercatorum venundatur, nihil juvetur; sed
fit a dignitate vel curatione alienus, quam pe-
cuniis adeptus est. Et T A R A S I U S patriarcha Cpolitanus in epistola lecta & probata in synodo II. Nicæna pro asserto habet: *C. 2. caus.*
Omnis episcopus vel presbyter, aut diaconus 1. q. 7.
convictus, quod pro muneribus ordinationem
dederit, vel acceperit, a sacerdotio cedit. Et:
Quicumque per pecuniam vel ordinant vel or-
dinauerunt, vel ordinati sunt episcopi vel pres-
byteri, vel diaconi, vel quilibet de numero sa-
cerdotali; repellantur omnino a sacerdotali
honore; sicut SIMON Magus a PETRO &c.
 Quod alibi jam citavi ex canone apostolico. Erat autem pro veteri disciplina irretractabilis illa sententia; etsi non statuatur, quod quibusdam olim & nunc placuit, prorsus fuisse nullas ac irritas Simoniacas ordinationes; sed nulla tamen indulgentiæ remissione fuit relaxatus rigor. *Sequens sanctos apostolos,* inquit laudatus paulo ante T A R A S I U S in synodo œcumenica VII. in frequenti fratrum confessu, *L. c.*
& venerabiles Patres, cum omni fiducia clamo:
Qui per Simoniam ordinatus est, sive
episcopus, sive presbyter, sive diaconus, alienus
est a sacerdotio: neque enim venalis est
gratia Spiritus sancti: CAIPHÆ traditio, &
adinventio SIMONIS a sancto sacerdotio est
aliena. Etsi in fornicationem lapsus est aliquis
post baptismum, in sacerdotium non recipitur.
Canones enim hoc prohibent. Si quis vero

C. 5. caus.
l. 9. 7.

cum hoc peccato ad sacerdotium profectus est; cognitus degradetur. Item paulo post: Episcopum, qui per pecuniam ordinatus est, confiteor, quia per pœnitentiam recipitur. DEUS enim bonus est in omnibus, & aperta viscera ejus omni homini pœnitenti. Sed quoniam juxta apostolum oportet episcopum irreprehensibilem esse, quicumque per pecuniam vel ordinaverit aliquem vel ordinatus est, ab omni sacerdotio alienus fit. Et LEO IV. interrogatus a Britonum episcopis, de iis, qui turpissimo lucro columbas in templo Domini vendere non pertimescunt, & sua facta improba temeritate, SIMONIS hæresi conjungunt, utrum possint in ordine pœnitentiam agere, an tantummodo extra ordinem, & sacerdotalem fieri gradum? „ Quod nos „ quidem (respondet) convictis & iis, qui „ tam detestabile nefas (quod jam multis est „ damnatum conciliis) peregrisse noscuntur, „ nulla possumus pœnitentia subvenire, & „ tot spiritualibus patribus obviare, sed in il- „ lorum patrum me sententia convenire omni- „ bus certum sit. „ Addit GRATIANUS: „ Nisi rigor disciplinæ quandoque relaxetur, „ ex dispensatione misericordiæ. Multorum „ enim crimina sunt damnable, quæ tamen „ ecclesia tolerat pro tempore, pro persona, „ intuitu pietatis, vel necessitatis, sive uti- „ litatis, & pro eventu rei. „

Atque ista quidem dispensatio recentiori disciplina indulgetur, quando potissimum de beneficiorum collatione & adeptione agitur, separata ordinarie ab ordinatione; nihilominus utrinque excommunicatio summo pontifici reservata incurritur, tam a suscipiente quam conferente ordinem, vel beneficium:

item

item suspensio ab exercitio pontificalium respectu ordinantis, & ordinis respectu ordinati: juxta bullam SIXTI V. contra male promotos, conformem juri communi; collationem autem provisionem vel electionem irritam facit, ita quidem, ut neque per aliam collationem vel electionem promoveri possit ad illud beneficium, is, qui id prius Simoniacae obtinuit; nisi ipso ignorante, & multo magis contrarium protestante ab aliis, & fortassis in fraudem ejus Simonia commissa sit.

Nondum autem conveniunt doctores, an Simonia conventionalis tantum, ubi datio & receptio non intercedit, sed pactio saltem iisdem subjiçatur poenis. De Simonia vero confidentiali id constat: qua nimirum beneficium ecclesiasticum simplex, aut curatum, regulare aut sæculare alteri procuratur, eligendo, præsentando, instituendo, confirmando vel resignando cum certa confidentia, id est expresso vel tacito pacto, ut is, cui procuratur, elapso aliquo tempore ipsimet cedenti, procuranti vel conferenti aut alteri personæ resignet, vel pensionem aut fructus ex ea præstet. Juxta bullas pontificias PII IV. *Romanum pontificem*, & PII V. *Intolerabilis &c.*, Simoniacae collatione, annullato & reservato illo beneficio sedi apostolicæ, episcopi & superiores committentes hanc Simoniam, interdictum ingressus in ecclesiam, inferiores autem excommunicationem reservatam incurrunt, & præterea ille, qui beneficium Simoniacae accepit, non tantum inhabilis fit ad idem beneficium postea obtinendum, sed etiam omnibus beneficiis prius obtentis privari debet.

Haud absimiles pœnæ in Simoniam, quæ in ingressu in religionem incurritur, statuuntur, excommunicatio summo pontifici reservata dantibus & recipientibus imposita, & suspensio conventus ab officio. Item inhabilitas professi ad manendum in illo monasterio, juxta Extravag. I. h. t.

§. CVII.

De homicidio voluntario & casuali.

Ecclesia alia etiam crimina coercet per pœnas suas ac primo, quæ vitam & necem seu homicidium concernunt, a sanguinis effusione aliena, reos ab ecclesia & ordinibus sacris arcet.

Hactenus de criminibus, quæ proprie ecclesiastica vocantur, quorum judicium & censura præcise ad ecclesiam spectat, egimus; deinceps S. R A Y M U N D U M de P E N N A F O R T in compilatione decretalium secuti, ea etiam prosequemur, quæ justo ordine refert, ad secundam tabulam pertinentia. Ac primo ratione vitæ & necis multi se mutuo consequuntur tituli, in quibus ea potissimum tractantur, quæ ad ecclesiasticam censuram pertinent; cum alias hæc scelera profani fori sint, & a iudicibus sæcularibus puniantur.

Non nunc loquimur de veteri ecclesiæ disciplina pœnitentiæ publicæ, & audientiæ episcopalis, quando præsertim tempore ecclesiæ oppressæ juxta apostolum etiam de rebus sæcularibus judicavit ecclesia, & postea sub imperatoribus christianis idem diu exercuit: & quamdiu externum cum interno fuit conjunctum

etum forum, indiscriminatim de omnibus peccatis judicavit; nec postea hanc abjecit potestatem: *Nullus, qui sit sanæ mentis, ignorat, sunt verba INNOCENTII III. quin offi-* *De Judic.*
cium nostrum spectet, de quocunque mortali c. 13.
peccato corripere quemlibet christianum, & si
correctionem contemserit per distinctionem ec-
clesiasticam coercere. Sic ergo contingit rem a foro interno ad externum referri, a privato, in sacro tribunali, ad publicum judicem ecclesiasticum, non solum per reservationes & censuras, quibus enormiora peccata subjiuntur, verum etiam titulo correctionis, præventionis & concurrentis judicis, fori item competentis quoad personas ecclesiasticas, item effectuum spiritalium, ac pœnarum e. g. privationis ecclesiasticæ censuræ, & irregularitatis. Sic tit. *De his qui filios occiderunt*, pontifex ita pœnam moderatur, ut continentiae & juri- bus conjugii. salutique aliorum filiorum sit consultum: & parentibus, filios in lecto opprimantibus pœnitentiam præscribit. Sequenti titulo cap. un. *de infantibus & languidis expositis* decernit GREGORIUS IX. filium-familias liberum a patre-expositum a patria potestate, (uti in quantum ad onerosa) liberum vel servum a patrono vel domino expositum, in ingenuitatem & libertatem vindicat. Pertinent hæc singulariter ad ecclesiam, cui semper cura singularis fuit circa ejusmodi personas, ut suo loco diximus, & GRATIANUS legi potest dist. 87. *Integra.* Qui alibi etiam hoc *C. 70. caus.*
refert ecclesiasticæ pietatis argumentum, quod *12. q. 2.*
ecclesia, quæ sufficientes redditus habet, infantibus expositis alimenta præstet.

Sequitur copiosior *de homicidio voluntario vel casuali* titulus ad hoc potissimum,

ut distinctis causis & casibus, in quibus licitum vel illicitum, voluntarium vel casuale est homicidium de illius poenis ecclesiasticis præsertim irregularitate justa decernantur. Semper ecclesia abhorruit ab omni sanguinis effusione, nece & mutilatione, unde a sacris ordinibus exclusi semper fuerunt, qui vitam ac membra eripuerunt, vel judicium tantum sanguinis fecerunt, aut militiæ fuerunt addicti. Et quidem milites pugnantes in bello injusto, ex quo cædes factæ sunt, fiunt irregulares, licet ipsi neminem occiderint; pugnantes autem in bello justo irregulares fiunt, si quem occiderint. Quodsi dubitent, an in tumultu aliquem occiderint, tutius est eligendum, & ab ordinibus usque ad dispensationem abstinentum. Nec tamen irregularitatem incurunt, qui contra invasores reipublicæ vel civitatis necessitate coacti pugnant, cum sint in periculo vitæ, juxta laudatam Clementinam. Pariter invasus ab altero, dum imminet vitæ periculum, si invasorem mutilet & occidat, non fit irregularis, nisi moderamen inculpatæ tutelæ excesserit. Spectatur ergo, an fur vel latro comprehendi absque occisione potuerit; an vero sine odii meditatione se suæque liberando quis occiderit, qui ab omni poenitentia immunis est. Pariter nocturnus fur impune occidi potest, diurnus vero, quando telo se defenderit. Varii etiam casus occurrunt, & *b. t. de homicidio* deciduntur, circa vulnera illata, de quibus non constat, an lethalia fuerint, vel a quonam lethale vulnus sit illatum. Imprimis proposito exemplo S. THOMÆ Cantuariensis variæ expenduntur circumstantiæ. In laudata Clementina pariter ad eas attenditur circumstantias, an quis
rei

*C. 6. §. ult.
b. t. c. 5.
de poenis.
Clement.
unic. b. t.*

C. 24. b. t.

C. 2. b. t.

C. 3. b. t.

C. 11. c. 12.

C. 18. b. t.

Cap. 6.

rei licitæ vel illicitæ dederit operam, quando agitur de occisione vel mutilatione sine dolo præter intentionem facto; quod in decretalibus GREGORII IX. variis exemplis illustratur: e. g. an licito tempore & modo aliquid factum, vel an in disciplina excessum? An ludi puerilis occasione, a clerico contra honestatem externam cum laicis suscepti? An loco non interdicto quid peractum? An equo insederit, cujus vitium novum erat? An artem chirurgicam exercuerit? An debitam vigilantiam & attentionem in actu licito adhibuerit? Plures autem circumstantiæ & casus sunt, quibus ad homicidium mere casuale non incurritur irregularitas.

c. 7. b. t.
c. 8. b. t.
c. 15. b. t.
c. 16. b. t.
c. 25. b. t.
CC. 9. 13.
14. 23. 25.
b. t.

Subsequuntur nonnulli huc pertinentes tituli, ac primum *de torneamentis*, in quibus milites nobiles ex condito convenire solebant, in nundinis nimirum vel feriis; & ad ostentationem virium suarum, & audaciæ temere congregiebantur: unde *mortes hominum & animarum sæpe proveniunt*, quæ sunt verba ALEXANDRI III. ubi hæc torneamenta prohibet sub pœna privationis ecclesiasticæ sepulturæ, si quis ex pugnantibus in tali torneamento decesserit, etsi pœniteat, & prius a peccatis absolvatur. Sequitur titulus de clericis pugnantibus in duello: quia olim hoc genus pugnæ ad testimonium etiam veritatis adhibebatur; ecclesia autem deinceps, clericis præsertim, severissime prohibuit, si ve sponte duellum obtulerit quispiam, vel oblatum susceperit, si ve victor si ve victus fuerit, de rigore juris merito deponendus: ut tamen, si ex duello homicidium vel membrorum diminutio subsecuta non sit, episcopus cum eo possit dispensare. Et si presbyter

C. 1. de
Torneam.

C. 1. de
clericis pugn.

*gnantibus
in duello.
C. 2. eod.
tit.*

ter loco sui constituat alium pro duello, quamvis moribus patriis permisso v. g. ad convincendum furem de furto; si tamen adversarius occiditur, nihilominus vere homicida est, & irregularis efficitur, quoad actus ordinis, licet per dispensationem in beneficio, quod habet, relinqui possit. Sequenti titulo de sagittariis sub anathemate prohibetur, ne ars illa mortifera & odibilis balistariorum & sagittariorum adversus christianos & catholicos exerceatur.

§. CVIII.

*De adul-
teriis &c.*

Divinis insistendo legibus jus canonicum de adulteriis & stupro decernit, non secundum leges judiciales Judæorum præcise, sed circumstantias singulares juxta legem CHRISTI.

Refertur *cap. 1. h. t. Exodi XXII. 16.* locus juxta vulgatam nostram: *Si seduxerit quis virginem necdum desponsatam, dormieritque cum ea: dotabit eam, & habebit eam uxorem. Si pater virginis dare noluerit, reddet pecuniam juxta modum dotis, quam virgines accipere consueverunt.* Textus hebraicus dotem in primo illo membro disjunctim non exprimit, repetita voce *מָהָר* *Mahor* usitata emphasi, in hac lingua. Fuerunt quidem nonnulli antiquiores canonistæ decepti, ut copulative sumerent, imponentque defloratori & dotandi & ducendi obligationem; sed nunc communiter alternative accipitur, ut deflorator vel ad matrimonium, vel ad dotationem, si matrimonium respuat, compella-

pellatur, quod ad litteram congruit legi levi-
ticae. Mox tamen *cap. seq.* ex S. GREGO-
RIO aliquid superadditur novae censuræ; C. 2. b. t.
Pervenit ad nos, quod FELIX quandam vir-
ginem stupro decepit: Quod si verum est, quam-
vis esset de lege pœna plectendus, nos aliquate-
nus legis duritiem mollientes hoc modo disponi-
mus, ut aut quam stupravit, uxorem habeat:
aut si renuendum putaverit, corporaliter casti-
gatus, excommunicatusque in monasterio in
quo agat pœnitentiam, detrudatur, de quo
nulla sit egrediendi sine præceptione licentia.
Non equidem usu tenuit iste rigor; semper ta-
men tum stuprum cum fornicatio in utroque
foro ecclesiastico & profano speciali pœnæ
fuerunt subjecta arbitrariæ; ea discrimine, ut
non æque fornicatio, quam stuprum, quod
est defloratio virginis, obstringatur ad du-
cendam vel dotandam: quin tamen fornicatio
simplex impune sit crimen jure canonico, sicut
olim fuit jure civili, imprimis concubinatus,
severis ecclesiasticis pœnis præsertim in conci-
lio Tridentino subjectus, tam in solutis, quam *Sess.*
uxoratis, *cujuscunque status, dignitatis & XXIV.*
conditionis existant, si postquam ab ordinario de reform.
etiam ex officio, ter admoniti ea de re fuerint, matrim.
concubinas non ejecerint, seque ab earum con-
suetudine non sejunxerint, excommunicatione
feriendos esse: a qua non absolvantur, donec
re ipsa admonitioni factæ paruerint &c. C. 8.

Pertinet ad puritatem legis evangelicæ con-
tra has immunditias severius agere, econtra
vero mitigare duritiem antiquæ legis Mosaicæ
circa adulteria, quin tamen turpi crimini re-
pagulum remittatur. Statuitur ex concilio
Arelateni: *Si vir sciens uxorem suam deli-*
quisset, quæ non egerit pœnitentiam, sed per-
manet C. 3. b. t.

- manet in fornicatione, vixerit cum illa, reus erit, & ejus peccati particeps. Quod si mulier dimissa egerit penitentiam, & voluerit ad virum suum reverti, debet, sed non saps, recipere peccatricem.* Et ex concilio Parisiensi, licet maritis uxores suas etiam ex sola gravi suspitione, ac præsuntione, de adulterio accusare. Quando uxor adultera ad liberius adulterandum sponte a viro suo discessit, per excommunicationem quidem compellenda est ad relinquendum adulterii complicem; si tamen dimisso adultero petat restitui marito, hic non tenetur eam recipere, etiamsi convincatur, etiam ipsum commisisse adulterium. Si autem uxor adultera non sponte a marito discesserit, sed ab eo fuerit ejecta, tenetur penitentem recipere, quando etiam ipse convincitur commisisse adulterium, cum paria delicta mutua compensatione tollantur. Hinc si uxor committat adulterium, & maritus, antequam uxorem adulteram dimiserat, etiam ipse committat adulterium, marito nequidem conceditur, ut uxorem dimittat, si ea agat penitentiam, & ratione commissi delicti humiliter precetur veniam. Antea fuit relatum responsum ALEXANDRI III. de muliere accusante presbyterum, quod cum eo saepe in ecclesia adulterium commiserit, ut quidem reconcilietur aqua benedicta ecclesia, presbytero autem accusato, si crimen neget, permittatur purgatio canonica cum quinta manu presbyterorum vicinorum, quos episcopus nolle pejorare cognoverit. In aliis locis juris canonici & bullarum pontificiarum aliis etiam impuritatis speciebus pœnæ indicuntur, Sodomiae imprimis, ac excommunicationis quidem in laicis
- C. 4. b. t.**
- C. 6. b. t.**
- C. 7. b. t.**
- C. 5. b. t.**
- C. 13. de vita & honestate cleric.**
C. 4. de excessu praelatorum.

laicis, privationis autem beneficiorum & depositionis in clericis. Imo *Constit. P II V.* 1568. ecclesiastici omni privilegio clericali, omnique beneficio, dignitate & officio ecclesiastico privantur.

§. CIX.

Quoad bona fortunæ ac præcipuas injustitiæ species deinceps prosequitur RAYMUNDUS in collectione decretalium de raptoribus, incendiariis & violatoribus ecclesiarum, de furtis & usuris imprimis copiose.

De raptoribus &c. furtis, usuris.

Qui ordinem in collectione decretalium carpunt, huc intendant animum, ubi pro gradu bonorum vitæ, corporis, & fortunæ, ut vocantur, commode omnia sese consequi deprehendent. Ac primum de illis agit, qui de loco ad locum iter faciunt, & ibi rapinas & deprædationes peragunt, ut ab illius loci prælato excommunicentur, nec ante ex parochia illa exeant, quam digne, quæ perpetrarunt, emendent: quorum excommunicationis proptio episcopo significanda est, ne eos recipiat, antequam illuc redeant, ubi rapinam fecerint, & omnia plene emendent. Simili excommunicatione feriuntur, qui Romanos aut alios christianos pro negotiatione, vel aliis honestis causis navigio vectos, aut capere, aut rebus suis spoliare præsumunt. Qui vero naufragium passos rebus suis spoliant, nisi ablata reddiderint, excommunicationi se noverint subiacere. Commiserat

cap. 1.
b. t.

C. 3. b. 2.

rex

- C. 4.** rex Siciliae episcopis in suo regno puniendos, dum Saraceni , mulieres christianas & pueros rapiunt & eis abuti præsumunt , & quosdam etiam interdum occidere non verentur. Vult autem pontifex tales pecuniaria poena mulctari & etiam flagellis affici , ea moderatione adhibita , quod flagella in vindictam sanguinis transire minime videantur. *Si vero ita fuerit gravis excessus , quod mortem vel detractionem membrorum debeant sustinere , vindicta reservetur regiae potestati.* De illis vero , qui violenter surrexerint in rapinam , sive ecclesiarum violationes , nisi prius ablata restituant , si possint , vel emendandi firmam & plenam securitatem fecerint , beneficium poenitentiae penitus denegari statuitur. Si quis usque ad obitum in contumacia sua duraverit , & in extremis positus , remedium tamen poenitentiae humiliter postulaverit , si emendationem vel emendandi securitatem præstiterit , ei poenitentia & sepultura concedatur. Qui autem in sanitate obstinata mente non poenituerit vel emendaverit , & in morte securitatem præstare nequiverit , solemnitas poenitentiae parum prodesse videtur pontifici ; sed de peccato contrito viaticum non negetur , ita tamen , ut nullus clericorum sub poena depositionis sepulturæ illius intersit , nec ejus eleemosynam præsumat accipere. Incendiarius autem ecclesiarum , qui in morte poenituit , & ab excommunicatione fuit absolutus , non tamen consecutus sepulturam ecclesiasticam , permittitur a papa ad instantiam hæredum in cœmeterio sepeliri ; si his , quibus per incendium vel alio modo damna intulit , satisfaciatur condigne , ut a peccato valeat liberari.
- Sub
- C. 5. b. t.**

Subduntur decretales quædam de raptu sponſarum, qualis dici non debeat, qui ſœminam conſentientem abſtrahit a parentibus, quamvis reſeſclamantibus; aut quando puella ab initio quidem ad ſui abductionem diſſentit, poſtmodum vero, loco reddita tuto, ultro conſentit. Sed raptus tunc committi dicitur, quando cum ſœmina, quæ abducitur a parentibus invitis, nihil prius de nuptiis tractatur. Hinc ſi puella ab invitis parentibus abducta conſenſit in ſponſalia, & dein cum raptore in locis, ubi valet matrimonium clandestinum, conſummavit matrimonium, debet viro ſuo reſtitui, etiamſi a parentibus foret detrufa in monaſterium.

C. 6. §^o
ſeqq. b. t.

De furtis præmittitur lex Exodi contra plagium, ſubſequitur canon ex concilio Triburienſi, fures & latrones ſi in furando vel deprædando occiduntur, pro eis non eſſe orandum. Sed, addunt patres, ſi comprehenſi, aut vulnerati preſbytero vel diacono conſeſſi fuerint, communionem eis non negamus. Ex pœnitentiali THEODORI ſubditur: Si quis propter neceſſitatem famis aut nuditatis furatus fuerit cibaria, veſtem, vel pecus, pœniteat hebdomadas tres: & ſi reddiderit, non cogatur jejunaſſe. De fure, qui calicem in eccleſia abſtulerat, permittit ALEXANDER III. Quatenus ſi ſponte conſeſſus fuerit, exinde eccleſiæ cuius calix fuerat, ſatiſfecerit, nec eſt ſuper hoc nota vel infamia manifeſta reſperſus: poſt peractam pœnitentiam aut congruam partem pœnitentiæ ad ſacros ordines promovere. Hinc concludunt auctores, irregularitatem contrahi, ſi infamia accedat ex notabilibus furtis. Alias pœna furti notabilis aut iterati in clerico eſt deſcriptio. 12. diſt. 81. Potest

C. 2. de
furtis.

§ c. 5. b. t.

C. Preſb.

*C. Cum
non ab ho-
mine 10. de
judiciis.*

Potest autem episcopus clericum ob furtum depositum iterum restituere, & ad ordinem habilitare. *C. Etsi clerici 4. §. de adult. de judiciis.*

*C. 4. de
usuris. c.
7. b. t.*

*C. 1. b. t.
in 6.*

*C. 2. b. t.
in 6.*

De usuris jus canonicum strictissime & severissime agit, tanquam crimine utriusque testamenti pagina detestabili. ALEXANDER III. in concilio Lateranensi an. 1179. statuit, ut usurarii manifesti nec ad communionem altaris admittantur, nec ecclesiasticam accipiant sepulturam: & ne eorum obligationes seu chirographa debitorum, ab eis quisquam accipiat. GREGORIUS X. renovans constitutionem Lateran. concilii laudati sub excommunicatione omnibus principibus, & sub interdicto omnibus collegiis prohibet, ne extraneis vel aliis non oriundis de terra ipsorum publice fanebrem pecuniam elocantibus permittant in terris suis domos conducere, vel habitare; privatis personis autem prohibet, ne illis domos locent, vel sub quovis titulo concedant. Si principes per mensem in tali excommunicatione perstiterint, terræ illorum subjaceant interdicto. Laici autem contravenientes ab episcopis per censuras compescantur. Idem sub excommunicatione prohibet, ne quis usurarios manifestos etiam si in ultima voluntate de usuris satisfieri præceperint, ecclesiastica sepultura donet, antequam illis, quibus facienda est restitutio, actu satisfecerint, aut de satisfaciendo sufficiens præstita fuerit cautio. Item: ne quis testamentis manifestorum usurariorum interfit, aut eos ad confessionem excipiat, si ve illos absolvat; nisi de usuris satisfecerint, vel satisfaciendo pro suarum viribus facultatum idoneam coram deputatis ab ordinario

rio vel paracho præstiterint cautionem; testamenta autem manifestorum usurariorum, aliter, quam dicto modo facta sint ipso jure irrita. Cum vero fœneratores plerumque soleant contractus suos usurarios occulte ac dolose inire, ita ut vix possint convinci de usura, censura ecclesiastica compellendi sunt ad exhibendos *C. ex gra-*
 suos codices rationum, ubi de usura accusantur *vi b. r.*
 vel inquiruntur, uti statutum est in concilio *Clement.*
 Viennensi sub CLEMENTE V. In foro enim externo non aliter, quam per confessionem judicialem, aliasque legitimas probationes, aut per rei evidentiam convictus quis condemnatur: cum ecclesia & alii judices externi non judicent de internis. Secus se res habet quoad forum internum circa restitutionem, non solum ob realem, sed etiam mentalem usuram, quando creditor non fuisset aliter pecuniam daturus indigo debitori, nisi ipse debitor vicissim, *C. 10. b. r.*
 vel sine omni pacto, vel ex pacto aliquo simulato, quoad externam speciem non usurario, creditori concessisset.

§. CX.

Sequuntur fraudum diversa genera, maxime causas, instrumenta & judicia publica corrumpentium, idcirco in jure canonico cum primis præcavendorum. *De crimine falsi &c.*

Sunt qui, quæ nunc primum attigimus criminum genera, ceu ad jus canonicum, separato foro externo ab interno, sacro a profano, minus pertinentia, posthabeant in tractatione juris canonici. Injuria id quidem, sive amplitudo fori ecclesiastici spectetur, sive ipsa sacra judi-

C. 1. de
crimine
falsi.

C. 7. dist.
50.

C. 5. § 6.
9. b. t.
C. 7. b. t.

cia, imprimis ne qua fallacia & fraude cor-
rumpantur; quod imprimis cavetur titulo *de*
crimine falsi, recto nunc insequente ordine,
ubi de quadruplici agitur falsificatione, te-
stium, litterarum, sigillorum, auri ac mo-
netæ publicæ. Ex S. ISIDORO refer-
tur, quam sit obnoxius falsificus testis pri-
mum DEO, cujus præsentiam contemnit:
inde judici, quem mentiendo fallit: postremo
innocenti, quem falso testimonio lædit. Ex
concilio Agathensi GRATIANUS justam
& capitalem falsificantium pœnam designat:
Si episcopus, presbyter aut diaconus capitale
crimen commiserit, aut chartam falsaverit,
aut falsum testimonium dixerit, ab officii bo-
nore depositus in monasterium detrudatur, &
ibi quamdiu vixerit, laicam tantummodo
communione accipiat.

Emersit proxime elapso sæculo bellum di-
plomaticum; quo fides diplomatica ab illis
potissimum in dubium vocari potuit videri,
quibus minus vetera diplomata temporum in-
juria proderant; sed id utilitatis maxime inde
emerfit, ut genuinæ ac certæ dignoscendorum
verorum a falsis diplomatibus notæ ac regulæ
statuerentur. Varii modi, quibus litteræ pon-
tificiæ falsificari possint, aut falsæ deprehendi
INNOCENTIUS III. designat, & pœnas
gravissimas decernit: „ Nos enim (inquit) om-
„ nes falsarios litterarum nostrarum, qui per
„ se, vel alios vitium falsitatis exercent, cum
„ fautoribus & defensoribus suis anathematis
„ vinculo decernimus innodatos: statuentes,
„ ut clerici, qui falsarii fuerint deprehensi
„ omnibus officiis & beneficiis ecclesiasticis
„ perpetuo sint privati: ita quod qui per se
„ falsitatis vitium exercuerint, postquam per
eccle-

ecclesiasticum iudicem fuerint degradati sæ-
culari potestati tradantur, secundum consti-
tutiones legitimas puniendi: per quam &
laici, qui fuerint de falsitate convicti, legi-
time puniantur. Qui vero sub nomine no-
stro litteris falsis utuntur, si clerici fuerint;
officiis & beneficiis ecclesiasticis spolientur:
si laici, tamdiu maneant excommunicationi
subjecti, donec satisfaciant competenter.
Hæc poena in eos etiam statuitur, qui igno-
ranter falsis litteris se usos dixerint, si non
prius diligenter examinent. Ideo LUCIUS C. 2. b. t.
III. Vigoriensi episcopo rescribit: *Ut quotiens
aliqua scripta, sub nomine nostro destinata,
redarguenda videris falsitatis, nullam eis ad-
hibeas fidem: Et quod per ipsas mandatum
fuerit, non observes: sed eum, qui presenta-
verit, retineri facias diligenter.* Ex concilio
Agathensi patet inter crimina capitalia hoc
fuisse relatum; hinc etiam INNOCEN-
TIUS III. degradatum falsarium clericum
sæculari potestati tradi vult. URBANUS
III. autem jam antea poenæ genus determina- C. 3. b. t.
vit: *Ut eis nec membrum auferatur, nec poe-
na infligatur corporalis, per quam periculum
mortis possint incurrere; sed a suis ordinibus
degradatis, in signum maleficii character ali-
quis imprimatur, quo inter alios cognoscan-
tur: & provinciam ipsam abjurare compulsi,
abire permittantur.*

Qui sequitur de fortilegiis titulus aliorum
pertinere videtur, egimusque de electione, de
sortium genere, quod illic adhiberi solitum,
hic decretali HONORII III. prohibetur; C. 3. de
commode tamen huc revocatur impostorum *fortil.*
hoc genus, qui consultoriis ac divinatoriis sor-
tibus se aliosque decipiunt.

D d 2

Oppor.

Opportunius adhuc subditur titulus *de collusione detegenda*, quæ est occulta & fraudulenta conventio inter duos aut plures, qua per dissimulationem & mendacium id agitur, ut veritas criminis vel negotii in fraudem legis tegatur, & aliorum sensibus illudatur: Veluti, quando inter accusatorem & accusatum, delinquentem & inquisitorem, seu testes, interveniente pretio & fraude, id agitur, ut accusatus absolvatur. Aut quando clericus alteri clerico beneficiato ex condicto ac collusionem movet litem de beneficio, & dein fide cum illo transigit, ut pro cessione sui juris obtineat ab altero annuam pensionem, & post ejus obitum illi in beneficio succedat, qua detecta fraude ambo beneficiis perpetuo spoliuntur. Tale collusionis genus tit. de filiis presbyterorum ordinandis vel non, perstringitur, ne liberi in beneficiis paternis succedant.

C. 1. § 4.
de collusionem
ne deteg.
C. 3. eod. t.
C. 2. 3. 5.
7. 9. 13.

§. CXI.

De coercitione clericorum præsertim ob neglectum muneris sacri.

Præter communia crimina etiam laicis, in clericis pecuniaria sunt circa ministerium ac ordinem sacrum, quibus veteri & nova disciplina ac jure poena ac censura ecclesiastica pro qualitate delicti infligitur.

Crimina, quæ in laicis excommunicatione, in clericis pro qualitate delicti aut temporaria aut perpetua muneris sacri interdictione punita fuerunt: vel si atrox esset & cum scandalo conjunctum etiam excommunicatione. Huc referri possunt ea, quæ ex veteribus canonibus juxta decalogi ordinem collegimus
princi-

principia theologiæ moralis tractantes. Quoniam vero nunc principia theologiæ canonicæ præ manibus sunt, quæ exteriorem ecclesiæ statum & disciplinam circa res & personas sacras attinent, pauca delibare libet, quæ canones ecclesiastici in hierarchico munere sacroque ministerio, si quid delinquatur, aut negligatur, coercent pœnisque ac censuris perstringunt: *Certum tenentes, quod qui probibita deprebenſi fuerint admiſſiſſe, vel commiſſa non potius ſua ſponte correxerint periculum ſubituri proprii ſint honoris.* Quæ sunt GELASII P. verba celebri ad episcopos Lucaniæ &c. epistola: ubi in hoc totus est, ut regulas præfigat ministerii sacri juxta ecclesiasticos canones, quos sequi necesse sit: *Ib. c. 8.* Cum enim decreta venerabilium ſanctiſſimorum, inquit, nos quoque magnopere cuſtodire nitamur, ac ſine eorum diſpendio etiam illa, quæ pro alicujus utilitatis compendio fortasſe videantur laudanda, credamus &c. Ita ſe ſtringi fatetur, & ſimiliter alios præſules ſui muneris admonet in cenſura eccleſiaſtica erga commiſſum ſibi clerum, ut ſi aliquid inique ultra modum uſurparint ſacerdotes, præſbyterii dignitate & ſacra communione priventur. Quod, inquit, fieri necesse eſt cenſeamus, ſi eorum præſule deferente, hujusmodi fuerit prævaricatio comprobata, nec ipſo eorum episcopo a culpa conniventia ultione vacaturo, ſi immoderata facientem diſſimulaverit vindicare. Hoc primum in diſciplina & cenſura eccleſiaſtica eſt, ut ſuum quiſque rite obeat munus, & ſi excedat, coerceatur.

Hic neceſſarius eſt canonum eccleſiaſticorum uſus, quos ſervari omnino oportebat, & id negligentibus pœnæ & cenſuræ eccleſiaſti-

- C. 14. *cæ infliguntur: Si quis, habet concilium Carthaginense I. statuta supergressus corruperit, vel pro nihilo habenda putaverit, si laicus est communione, si clericus est, bonore privetur.* Infinitus essem, si omnes in eandem rem canones recensere vellem, qui aut idem jubent sub districtis pœnis, aut reipsa ea pœnarum severitate utuntur, in quibuscunque causis & materiis ecclesiasticis. Quibus de causis omnes sacri sunt habitû conventus, & præsulibus etiam necessitas imposita, ut illis adessent: *Si quis adesse, decernit concilium Arelatense II. neglexerit, aut cætum fratrum, antequam concilium dissolvatur, crediderit deferendum, alienatam se a fratrum communione cognoscat, nec eum recipi liceat, nisi in sequenti synodo fuerit absolutus.* Et concilium Tarracanenſe: *Si quis episcoporum, commonitus a metropolitano ad synodum, nulla gravi intercedente necessitate corporali, venire contemserit, sicut statuta patrum censuerunt, usque ad futurum concilium cunctorum episcoporum caritatis communione privetur.*
- Can. 19.
- Can. 6.

Constituebantur in conciliis hujusmodi omnia, quæ ad rem ecclesiasticam pertinebant, & in communi tractabantur: consilia inibantur, ac decreta edebantur, secundum quæ quisque præsul regere ecclesiam ac omnia ordinare debebat, quæ commissum sibi gregem & ecclesiam spectabant. Quod qui negligebat, omnino censuræ ecclesiasticæ subdebatur, pœnis adigendus, aut ab officio abjiciendus: *Episcopus, inquit canon apostolicus, aut presbyter, clerum vel populum negligens, & non docens eos pietatem, segregetur: si autem in socordia perseveret, deponatur.*

Hinc

Can. 58.

Hinc vetitum sub eadem pœna alio canone apostolico, alienas occupationes aucupari, unde negligi sacra necesse esset: *Non oportet, ut episcopus se in publicas administrationes demittat, sed ecclesiasticis usibus vacet. Aut igitur persuadeatur hoc non facere, aut deponatur. Nemo enim potest duobus dominis servire; juxta dominicam admonitionem.* Concilium Carthaginense I. in eandem rem illud apostoli usurpat: *Nemo militans DEO, ingerit se negotiis secularibus; & eandem censuram jungit: Proinde aut clerici sint sine actionibus domorum, aut actores sint sine officio clericorum.* Eadem pœna decernitur in concilio Toletano I. in clericum officium sacrum negligentem, si castigatus non emendaverit: *Presbyter, vel diaconus, vel subdiaconus, vel quilibet ecclesiæ deputatus clericus, si intra civitatem fuerit vel in loco, in quo ecclesiæ est, aut capella, aut vici sunt, aut villæ, si ad ecclesiæ aut ad sacrificium quotidianum non venerit, clericus non habeatur, si castigatus, per satisfactionem veniam ab episcopo noluerit promereri.* Firmat hunc canonem lex JUSTINIANI *co. Lib. I. tit. dicis, jubens, eos, qui inventi non fuerint 3. de episc. inculcate in liturgiis perseverantes, extra clerum constitui.* In concilio Toletano IV. variis canonibus variæ constituuntur pœnæ in eos, qui vel partem aliquam publicæ liturgiæ neglexerint. Varii etiam habentur canones, & censuris coercentur, qui propriam suam ecclesiæ deseruerint clerici, aut usurpati ab episcopis fuerint. „ Si quis presbyter (inquit canon apostolicus) aut diaconus, relicta paræcia sua ad aliam abierit; „ & cum migraverit penitus, in alia paræ-

Can. 81.

Can. 5.

Lib. I. tit.

3. de episc.

l. 42. §. 10.

Can. 12.

Can. 16.

Can. 15.

Can. 11.

„cia præter episcopi sui voluntatem manse-
 „rit; hunc jubemus non amplius sacris mi-
 „nistrare; præsertim si episcopo ad reditum
 „hortanti non obtemperaverit, in ordinis de-
 „sertione perseverans: illic autem veluti lai-
 „cus communicet. Sin vero episcopus, a-
 „pud quem versatur, pro nihilo ducens ad-
 „versum eos decretam cessationem a mini-
 „sterio, receperit eos tanquam clericos, se-
 „gregetur, ut magister turbati ordinis. „ Et
 concilium Nicænum: *Sin ausus fuerit quis-*
piam eum, qui ad alium pertinet, surripe-
re, & in ecclesia sua non consentiente pro-
prio episcopo, a quo recessit, qui in canone
censetur, irrita sit ordinatio. Similia habet
 concilium Sardicense. Et concilium Arela-
 tense gravem statuit pœnam: „ Nullus cujus-
 „cunque ordinis clericus, non diaconus,
 „non presbyter, non episcopus, quacunque
 „occasione faciente, propriam relinquat ec-
 „clesiam; sed omnimodis aut excommuni-
 „cetur, aut redire cogatur. Quodsi aliquo
 „commorationis tempore invito episcopo suo,
 „in aliena ecclesia habitans, ab episcopo lo-
 „ci clericus fuerit ordinatus, hujusmodi or-
 „dinatio irrita habeatur. „ Non solum qui
 sedem ac ecclesiam, sed etiam qui tribunal
 ac judicium ecclesiæ effugerit, severe puni-
 tus fuit, & censure ecclesiasticæ innodatus:
Si quis episcopus vel presbyter, habet canon-
concilii Antiocheni, non Arianæ, sed catho-
lici, ut SCHEELSTRATIUS peculia-
 ri opere demonstravit de concilio Antioche-
 no, *vel omnino ex canone, citra sententiam*
& litteras episcoporum provincie & maxi-
me metropolitani ad imperatorem proficisci
aggressus fuerit, is abdicetur & ejiciatur
 non

non solum a communione, sed etiam a dignitate, ejus est particeps. Et mox: Si quis a proprio episcopo depositus presbyter, vel diaconus vel episcopus a synodo, ausus fuerit imperatoris auribus molestam exhibere, quum oporteat ad majorem synodum converti, & jus, quod se habere putat, ad plures episcopos referre, eorumque examinationem & judicium suscipere: qui itaque iis contentis imperatori molestus fuerit, is nulla venia dignus, neque sui defendendi locum habeat, nec restitutionis futura spem exspectet.

Sed de his satis, possentque innumera afferri censuræ ac rigoris ecclesiastici specimina in clericos sui muneris ac ministerii negligentes, quibus aut excommunicationis, potissimum autem depositionis & suspensionis pro delicti ratione & gravitate censura est inflicta, ac infligi hodieque solet, aut medicinalis aut pœnalis in pœnam ac vindictam delicti, quæ in jure frequentissima est.

§. CXII.

Delicta personis ecclesiasticis propria ad jus canonicum præcipue spectant, de quibus hic agit compilator ad dignitatem & ordinem sacrum imprimis spectantibus.

De delictis personarum ecclesiasticarum.

Post delicta communia, quæ ab omnibus committi possunt, ad singularia descendit S. R A Y M U N D U S; præmissoque brevi titulo de delictis puerorum, ut sciatur, in quibus delinquere, & quousque eorum delicta puniri

D d 5

ri

Clement.
c. 1. §. de
statu mo-
nach.

C. 1. de
clerico ve-
nat.

C. 1. de
clerico
percuss.

C. 2. de a-
dult. C. 4.
do rapto-
ribus.

C. 9. 10.
11. dist.
45.

ri possint, ad clericos sit gressus; primusque de clerico venatore occurrit titulus; non quod omnis venatio eis sit interdicta; illis præsertim, quibus possessiones sunt silvarum, & annexa venandi jura; quomodo CLEMENS V. monachis quidem venationes interdicat, nisi saltus vivaria, vel garenas proprias, vel jus venandi in alienis haberent, in quibus cuniculi vel fere alia forsitan essent, quo casu hoc eis permittitur: dum tamen intra monasteria seu domos, quas inhabitant, aut eorum clausuras, venaticos canes non teneant, nec venationi præsentiam exhibeant personalem. Hoc autem titulo clericis canes, accipitres aut falcones, venationes, quæ vocantur clamosæ, ac silvaticæ vagationes cum canibus interdiciuntur, gravitati & muneri clericali adversæ: Quod si quis talium personarum in hac voluptate sapius detentus fuerit: si episcopus est tribus, mensibus a communione: si presbyter, duobus: si diaconus, ab omni munere suspendatur.

Apud GRATIANUM distinctione 45. & 46. episcopi & ecclesiastici, ut non sint percussores aut litigiosi, sed modesti juxta apostolum & canonum præscriptum monentur, pariter ac hoc titulo de clerico percussore agitur: ubi ex concilio Agathensi statuitur: Si quis in aliquo gradu percussor extiterit, corripiatur a crimine: & si non emendaverit, deponatur. Et si quando a prælatis vel judicibus & superioribus contra delinquentes corporalis castigatio adhibenda sit, misericorditer est agendum, & rigor mansuetudine est temperandus. Diximus superius, quando incurratur irregularitas ex percussione & conflictu: quo pertinent etiam h. t. posteriores duo.

duo decretales, altera ALEXANDRI III. altera CÆLESTINI III. de clericis, qui interfuerunt conflictui pro parte violentiam reprimendum.

Proximus de maledicis titulus a loco alienus haberi non debet, cum in editione Gonzaletiana inscribatur *de clericis maledicis*. Et prima decretalis CLEMENTIS III. expressa est contra clericum, qui multis coram adstantibus verba quædam in depressionem officii & beneficii papalis ac Romanæ ecclesiæ protulit; altera ac sola decretalis GREGORII IX. generalior poenam statuit, si quis contra DEUM, vel aliquem Sanctorum suorum & maxime beatam Virginem linguam in blasphemiam publice relaxare præsumpserit.

De clerico excommunicato, deposito, vel interdicto ministrante *per contemptum & superbiam*, distinguitur, utrum majori excommunicatione vel interdicto innodatus fuerit, aut minori; priori in casu si commonitus sine dilatione non desistit, perpetuæ depositionis sententiam incurrit, & irregularis fit, nisi per Romanum pontificem cum eo dispensetur. Debet autem actum sui ordinis proprium exercere e. g. missam celebrare &c. Ille vero qui minori excommunicatione tantum est innodatus, peccat quidem graviter, irregularitatem tamen non incurrit. Quodsi ex contemptu disciplinæ ecclesiasticæ hoc fiat, anathemate feriendus est, licet tantum minori excommunicatione sit innodatus; ut auctoritas disciplinæ ecclesiasticæ conservetur, a qua salus ecclesiæ dependet. Ignorantia probabilis etiam reddit excusabilem, juxta decretalem GREGORII IX. ad canonicos Pragenses, qui

qui tempore suspensionis ignari celebrarunt: *Ceterum*, inquit, *si forte ignorantia crassa & supina aut erronea fuerit, propter quod dispensationis gratia egeatis, eam vobis de benignitate apostolica indulgemus.* ALEXANDER III. aliam etiam tangit mitigandæ severitatis causam, si multitudo magna in hoc peccaverit: quando, qui magis causa delicti extiterunt, perpetua depositione condemnandi decernuntur; alii qui non tantum deliquerunt, ab officio ad tempus suspendendi, pœnitentia singulis conveniente imposita.

C. 4. h. t.

C. 1. de
clerico
non ordi-
nato mi-
strante.

C. 2. eod.
tit.

Adhuc grandius delictum est, si non ordinatus sacra obeat munia. Et quidem si quis baptizaverit, aut aliquod divinum officium exercuerit, non ordinatus, propter temeritatem abjiciatur de ecclesia, & nunquam ordinetur. Diaconus vero, qui, cum non fuerit ab episcopo ad sacerdotium admissus, nihilominus finxit, se fuisse in presbyterum ordinatum, & missas celebravit, postquam suum crimen fassus est prohibetur ad sacerdotium amplius promoveri, a diaconatu per biennium vel triennium manens suspensus, pœnitentia congrua corrigendus: quin tamen beneficio penitus privetur, ne sustentatione privatus ad sæculi negotia revertatur. Hodie juxta bullam CLEMENTIS VIII. *Etsi*, qui missam celebrare, aut confessiones audire nondum ordinatus presbyter ausus fuerit, debet per inquisitores, vel locorum ordinarios tanquam ecclesiæ misericordiæ indignus e foro ecclesiastico abjici, & ab ordinibus ecclesiasticis, si quos habet, degradari, atque a judiciis sæcularibus pro merito puniri.

Promotus per saltum ad sacerdotium prætermisso diaconatu, confessus se pro certo nescire,

scire, demandata digna poenitentia, ea per-
acta (quia non intelligitur iteratum, quod
factum esse nescitur) in diaconum ordinari
curatur, & sic in sacerdotio ministrare.
Sunt qui promotum per saltum putent abso-
lute irregularem; at communior est sententia
esse tantum ipso jure suspensum; irregularem
vero, si in ordine ministravit, tam suscepto,
quam quem suscipere omisit. Qui ordinem
furtive suscepit, suspensus est ab ordine su-
suscepto, & insuper inhabilis redditur ad supe-
riores ordines suscipiendos.

*C. un. de
clerico per
saltum pro-
moto.*

§. CXIII.

Non solum delicta coercet & pu-
nit disciplina canonica; sed etiam
prælatorum & subditorum excessus
in officiis ordinis, juxta æquitatis &
justitiæ regulas.

*De exces-
sibus præ-
latorum &
subdito-
rum &c.*

Postquam S. R A Y M U N D U S ordine ca-
nones & decreta pontificia collegisset de cri-
minibus & delictis, ad excessus descendit præ-
latorum imprimis, quos in suo regimine pro-
num est committere, de quibus, quas reperit
decretales hoc & sequentibus titulis compilavit.

Prælatorum autem appellatione jus canoni-
cum intelligit magistratum ecclesiasticum, ac
nobiliorum clerum jurisdictione ecclesiastica
pollentem; subditorum vero nomine, qui præ-
latis subsunt & imperio reguntur. Unde
subjecti quibusdam superioribus, possunt a-
liis præesse inferioribus, secundum ordinem
hierarchicum, in quo primum episcopi locum
tenent: ne quid de ulteriore usque ad supre-
mum

mun

*C. 1. de
excess. præ-
lat.*

mum caput Romanum pontificem subordina-
tione dicam, de qua nihil hoc titulo occur-
rit. Ab episcopis autem exordium sumitur,
„ ut presbyteros, quasi filios & fratres be-
„ nigna ac fraterna charitate foveant: tallias
„ & exactiones indebitas exercere nullatenus
„ præsumant, nec de cætero irrationabiliter
„ gravent, vel inhoneste tractent eosdem, aut
„ sine iudicio capituli suspendant, vel eorum
„ ecclesias, quarum una sufficiat, permittant
„ illos tenere, nec aliquem excommunicare si-
„ ne ordine judiciario præsumant. „ Nec po-

C. 2. hoc t.

test episcopus ecclesias inferioribus prælatis
subditas ab eorum jurisdictione eripere. Nec

C. 5. b. t.

debet superior aliquid imperare inferiori con-
tra privilegium ejus, nec tunc inferior te-
netur parere, nec excommunicatio contra

C. 7. b. t.

privilegium latum obligat, aut contra consti-
tutionem superioris: ut si ecclesiarum præ-
lati numerum evectionis & personarum in La-
teranensi concilio constitutum, cum ecclesias
visitant, excedere forte præsumerint, & pro
illis procuracionem exegerint, liberum sit au-
thoritate apostolica denegare.

C. 8.

Contra non potest abbas sine consensu e-
piscopi suum monasterium ordinario subje-
ctum unire ac subicere alteri monasterio,
etiamsi in eam unionem consentiret archie-
piscopus. Sicut enim unire & subicere unum
episcopatum alteri pertinet ad summum pon-
tificem; ita ad episcopum pertinet unio &
subjectio unius ecclesiæ sibi subditæ ad a-
liam sibi subditam. Archiepiscopus autem
non debet in diocesi sui suffraganei absque
illius assensu aliquid hujusmodi contra con-
stitutiones canonicas attentare. Abbatibus
prohi.

prohibitum est in conc. Lateran. sub INNOCENTIO III. ne quæ sunt episcopalis dignitatis attentent, cognoscendo de causa matrimoniali, pœnitentias publicas vel indulgentias concedendo: nisi forte quisquam eorum speciali concessione, vel alia legitima causa super hujuscemodi se valeat tueri. C. 12. b. l.

In archidiaconis notatur excessus, si in ecclesiis, quæ in suis archidiaconatibus vacant, se propria auctoritate intrudunt, eas occupant, occupatas detinent, et quod jus custodiendi & instituendi ab antiquo eis concessum est. Si veluti independentes ab episcopo esse quæsierint: contra fidem homagii præstiti, & debitam reverentiam episcopum suum esse Dominum negaverint, ac contra eum in foro sæculari super rebus spiritualibus quæstionem deposuerint. C. 3. b. t. C. 15. b. t.

Vicarii excedunt, si fide & juramento neglecto *personatum* sibi falso assumunt, & contra *personas* se erigunt, rectores, nimirum principales. C. 6. b. t. C. 8. de præscript.

Magistratus, si clerum ad aliquid adstringat, quod nec petere magistratum, nec agere clerico liceret. C. 13. de excess. prælat.

Privati homines excedunt, si collegium erigant, sibi sigilla constituent, aliaque jura collegiorum attribuant sine licentia superioris. C. 14. b. t.

Varia etiam gravamina ordinum religiosorum ad Romanos pontifices sunt allata, quæ e medio tollere summi pontifices satagebant: quam in rem tum h. t. decretalium GREGORII IX. cum etiam BONIFACII VIII. in b. t. C. 16. 17.

6. varia responsa & indulta pontificum recensentur, multis articulis comprehensa. C. cum eo b. t. in

Huc pertinet etiam sequens titulus de novis operis denuntiatione, qua intelligitur judicia.

dicialis contestatio ac exceptio apud episcopum contra constructionem novæ capellæ vel ecclesiæ, quam alius construi credit in suum præjudicium. Cujus effectus est, quod quis novum opus faciens ab opere desistere, & quidquid post nuntiationem ædificaverit, totum id suis sumtibus demoliri teneatur. Quod etiam civilibus legibus cautum est integro in digestis & codice titulo *de novi operis denuntiatione*. Unde fatetur LUCIUS III. c. 1. h. t. ecclesiam hoc sumxisse: *Sicut leges non dedignantur sacros canones imitari, ita sacrorum statuta canonum principum constitutionibus adjuvantur. Igitur quod post denuntiationem novi operis sive jure sive injuria construitur, de legalibus debet constitutionibus demoliri. Hinc negotium secundum legum & canonum statuta non differas terminare, cum te credamus in utroque jure peritum.*

§. CXIV.

De privilegiis & excessibus privilegiorum.

Privilegiorum & exemptionum vel ipsum innuit nomen, variis in iis posse esse excessibus locum: qui restringendi sint, ne in immensum a legibus communibus deflectatur.

C. 3. dist.
3.

Privilegia sunt leges privatorum, quasi privatae leges. Nam privilegium inde dictum est, quod in privato feratur. Est enim privilegium jus vel indultum singulate in certæ personæ aut causæ gratiam a superiore constitutum. Majores nostri, inquit CICERO, in privatos homines leges ferri noluerunt, id est privile-

Lib. III.
de leg.

vile.

privilegium. Quod dici etiam potest de antiquis ecclesiæ temporibus, quoad exceptiones illas a regulis communibus ecclesiasticis, & exemptiones eas præferim, quæ vocari solent *contra jus*, commune scilicet, & leges ordinarias. C. 7. de *privil. & excessibus privileg.* Unde sunt strictæ interpretationis: sic enim volunt pontifices privilegiorum suorum servare tenorem privilegiatos, quod eorum metas transgredi minime videantur. Est tamen hic etiam distinctio inter privilegia, ea præsertim quæ vocantur clausa in corpore juris, & inter data per speciale rescriptum: cum illa ordinarie perpetua sint, & recipiant interpretationem, ac aliquando ex paritate rationis extensionem, sicut ipsæ leges communes; secus ac privilegia extra corpus juris, quæ sunt temporalia & strictæ interpretationis, nec extenduntur ultra personas, quibus concessa sunt. Et quidem si *mere personalia* sint, sequuntur personam & cum persona extinguuntur; si vero mixta certo corpori aut collegio personarum concessa, etiam ad successores transmittuntur, & characteri ac dignitati inhærent, sicut realia privilegia rebus, quibus conceduntur.

Limites autem privilegiorum ex intentione ejus, qui privilegium concessit, colligi debent, & si de eorum tenore dubitatur, ante omnia sunt inspicienda, & ipsorum tenor est diligentius attendendus; teneturque privilegiatus privilegium suum exhibere, extra corpus juris per rescriptum speciale impetratum, quod cum sit facti, ignorari potest. Secus est circa privilegium clausum in corpore juris, quod judex non debet ignorare, & si contra tale privilegium privilegiato aliquid injungatur, non

E e

tene-

Ex c. 5. §.

7. de excess. prælat.

c. 3. b. t.

c. 6. b. t.

c. 15. b. t.

tenetur privilegiatus obtemperare , ut paulo ante probavimus.

Possunt etiam privilegia propter gravem excessum seu abusum & scandalum tolli , & unusquisque suo privilegio verbis vel factis renunciare : cum liberum sit unicuique suo juri renunciare , atque hinc etiam præscribuntur per usum contrarium, aut non usum. Sed difficultatem movent laudatæ Decretales 6. & 15. hujus tit. illa ALEXANDRI III. hæc INNOCENTII III cum ibi triginta , hic quadraginta annorum fiat mentio. Quin imo, cum illic facti tantum relatio quoad determinationem annorum , non juris dispositio fieri videatur , sunt qui omnia ad jus commune revocent ; sed nec hic conveniunt , an ad decem , an vero ad quadraginta annos extendatur præscriptio. Ubi sunt, qui ita distinguunt, ad conciliandas contrarias doctorum sententias , ut illi , qui amissioni privilegiorum ex non usu quadraginta annos præscribunt , intelligantur de privilegiis semel receptis & usitatis , qui vero minori tempore v. g. 10. annorum contenti sunt , intelligantur vel de jure civili, vel etiam de jure canonico in privilegiis, quæ nunquam in usum devenerunt.

Vid. P.

Engel. §.

3. ad b. t.

C. 7. b. t.

in 6.

Expressior habetur BONIFACII VIII. declaratio circa præscriptionem pro privilegio speciali seu exemptione a jurisdictione ordinarii , quæ legitime est probanda : „ Si autem , „ (verba sunt pontificis) ad fundandam intentionem suam super hujusmodi libertate „ solummodo præscriptionem canonicam duxerint opponendam : eisdem ordinariis vel „ delegatis ab eis viris prudentibus non suspectis de præscriptione hujusmodi facere debent fidem. Quod si tales privilegio & præscriptio.

scriptione asserant se munitos : privilegium „
 quidem ipsum exhibeant , ut in primo hujus- „
 modi constitutionis articulo superius est ex- „
 pressum. Et si privilegium exhibitum non „
 ad plenum per se sufficiat ad exemptionem „
 seu libertatem hujusmodi comprobendam , „
 sed tale est , quod saltem causam præbeat „
 præscribendi coram personis prædictis anno- „
 rum XL. præscriptionem teneantur probare , „
 præscriptionisque probatione pendente , li- „
 cet ordinariorum intentio de jure communi „
 fundetur , tamen quia de privilegio (quod „
 saltem causam præscribendi præbet) faciunt „
 fidem , in libertatis vel exemptionis possessio- „
 ne non violenta , non clandestina , non con- „
 cessa precario , de qua fidem coram eisdem „
 fecerint , non turbentur. Si vero privile- „
 gium per se sufficiens , quando solo privi- „
 legio se defendunt , vel saltem tale , quod „
 præscriptioni canonicæ causam præstet , cum „
 præscriptionem allegant , non exhibuerint , „
 ut est dictum : cum de jure communi or- „
 dinariorum intentio sit fundata , sua jurisdi- „
 ctione uti possint in eosdem libere : donec „
 de præscriptione canonica (ut præmissum „
 est) fecerint plenam fidem. „

Postea idem BONIFACIUS VIII. di-
 stinguat formulas privilegiorum , unde possit di-
 gnosci , an exemptio sit indulta vel non : „ Si „ C. 6. b. t.
 papa in aliquo privilegio vel scriptura non „ in 6.
 facta principaliter super donatione , vel sen- „
 tentia exemptionis seu libertatis , aliquam ec- „
 clesiam ad jus & proprietatem Romanæ eccle- „
 siæ pertinere , vel consimilia verba narret ; „
 non propterea illius ecclesiæ exemptio est „
 probata , nisi de libertate aliter doceatur. „
 Si autem ecclesiæ vel monasterio exemptio- „


E e 2

„ nis

„ nis privilegium concedendo, vel super ipsius
 „ exemptione sententiando (cum de ipsius ex-
 „ emtionis negotio ageretur) afferat ipsam ec-
 „ clesiam fore exemptam : aut etiam juris bea-
 „ ti P E T R I existere : sive ad jus & pro-
 „ prietatem Romanæ ecclesiæ, vel ad Ro-
 „ manam ecclesiam specialiter, aut sine me-
 „ dio, vel etiam simpliciter pertinere : per
 „ hoc plene debet exempta hujusmodi eccle-
 „ sia judicari. „

In decretalibus GREGORII IX. seu
 compilatione decretalium S. RAYMUNDI
 varia notantur excessuum genera : ac primum
 ex eorum parte, qui privilegiis & exemptio-
 ne abutuntur, & ea occasione jura episcopa-
 lia invadunt : ubi specialiter notantur fratres
 templi & hospitales, alique religiosæ pro-
 fessionis, quod indulta sibi ab apostolica sede
 excedentes privilegia, contra episcopalem au-
 ctoritatem multa præsumerent : quod eccle-
 sias & decimas de manu laicorum sine consen-
 su episcoporum reciperent, easque per vica-
 rios administrarent, redditus vero potiores in-
 de redundantes suos facerent : quod in ec-
 clesiis suis, quæ ad eos pleno jure non per-
 tinebant, præter episcoporum conscientiam in-
 stituerent, & amoverent sacerdotes : quod ex-
 communicatos & interdictos ad ecclesiastica
 sacramenta & sepulturam in suis cœmeteriis
 admitterent.

c. 22. b. t.

c. 26. 
 30. b. t.

Vicissim autem beneficiis & privilegiis pon-
 tifices plenissimam volunt esse interpretatio-
 nem ; ne nimirum eludatur indulgentia, & ef-
 fectu suo careat.

CAP. III.

C A P U T III.

De pœnis ecclesiasticis.

§. CXV.

Accusatis ac infamatis de crimine De purgatione canonica, & vulgari. jure canonico conceditur purgatio canonica per juramentum, ad probandam suam innocentiam; non vero, quæ vocatur *vulgaris* per duel- lum, ferrum candens, aquam fer- ventem vel frigidam.

Juramentum purgatorium ad criminis su- spicionem & infamiam abstergendam jure ec- C. I. 2. 3. de purgat. canonic. clesiastico secundum canones conciliorum con- ceditur, si fidelis quis sit, etiam clericis & regularibus utriusque sexus. Discimus ex S. AUGUSTINO jam suo tempore hanc pur- gationem in usu fuisse, manifesta divina vin- dicta in pejerantes. Nos, inquit, novimus Epist. 76. *Mediolani apud memoriam sanctorum, ubi mirabiliter & terribiliter demones confiten- tur, furem quemdam, qui ad ejus locum ve- nerat, ut falsum jurando deciperet, compul- sum fuisse confiteri furtum, & quod abstu- lerat reddere.* Ipsemet ad similem purgatio- nem recurrit, SPEM & BONIFACIUM mutuo se impuritatis accusantes ad sepul- chrum S. FELICIS NOLANI destinan- do; sed juramenti impositi non fit mentio, clericis forte adhuc insueto.

E e 3

Quod

- Quod tamen discimus ex GRATIANO a S. GREGORIO M. impositum fuisse, & susceptum etiam ab episcopis, qualia exempla apud eundem GRATIANUM referuntur ex eodem S. GREGORIO. Et SIXTI III. consequenter ponitur proprium exemplum, ac spontanea susceptio hujus purgationis: item LEONIS III. Jure decretalium imprimis auctoritate INNOCENTII III. solemnis fuit reddita hæc purgatio, & præscripta legitima forma, ut infamatus de crimine præstet juramentum tactis evangeliiis, quod crimen non commiserit, & præterea alios honestos sui ordinis & conditionis, si haberi possint, vel in ipsorum defectu alios, juxta numerum arbitrio judicis taxandum, adhibeat, qui simul juramentum de credulitate deponant, quod cum habeant notitiam infamati, credant eum innocentem & verum jurare. Jubetur etiam judex se priorem ad absolvendum, quam condemnandum exhibere, hinc non scrupulosius circa purgatores inquisitionem instituere: quamvis admitti non debeant, si minus honesti habeantur, aut verisimiliter amore erga infamatum aut pecunia corrupti. Compurgatores hi, qui etiam vocantur *testes de credulitate*, si jurare noluerint, & reus juramentum præstare non potuerit, ac in purgatione defecerit, censebitur de jure convictus, & pœnas ecclesiasticas promeritus.
- C. 5. caus. 2. q. 5.*
Ib. c. 6. 7.
8. 9.
Ib. c. 10.
Ib. c. 18.
c. 10. c.
- c. 5. c. 7.*
b. 1.
- c. 9. b. t.*
- c. 7. b. t.*

Indici potest ob vulgatam infamiam, aut ob grave scandalum; aut ob vehementem suspicionem ex testium dictis obortam. Quod si omnia hæc concurrant, accusato purgatio extraordinaria *cum decima quarta manu* sui ordinis indicenda est, in eo loco, ubi noscitur infama-

infamatus. Crimen tamen, cujus probatio indicitur, debet esse probatum ex suspicionibus verisimilioribus seu præsumtionibus violentis. INNOCENTIUS tamen III. infamato *c. 12. b. t.* laudabilis vitæ, tum quia illa infamatio ab inimicis & æmulis processisse videbatur, non juris necessitate, sed importunitate petentis purgationem canonicam mandavit.

Hæc de purgatione canonica, cui opponitur vulgaris, singularique titulo mox sequenti reprobatur; & licet olim usitata passim fuerit, semper tamen a summis pontificibus fuit improbata, ut jam notavi in principiis theologiæ moralis, de primo agens decalogi præcepto.

§. CXVI.

Deliicta & facta illicita, nisi legitima vel canonica purgatione elisa sint, si aliunde pœnam non subeant, saltem injurias ac damnum datum alteri resarcienda habent. De injuriis & damno dato.

Ex veteri lege Mosaica variæ leges ad rem præsentem huic titulo de injuriis & damno dato sunt insertæ: *Si rixati fuerint homines, C. 1. & percusserit alter proximum suum lapide vel seqq. b. t. pugno, & ille mortuus non fuerit, sed jacuerit in lecto, operas ejus & impensas in medicos restituat. Si quis aperuerit cisternam & foderit novam, & non operuerit eam, cecideritque bos vel asinus in eam, dominus cisternæ reddet pretium jumentorum. Quod autem mortuum est, ipsius erit. Si bos alienus cornupeta fuerit ab heri & nudius tertius, & non custodivit eum dominus suus, reddet bo-*

rem pro bove, & cadaver occisi integrum accipiet. Si laeserit quispiam agrum vel vineam, & dimiserit jumentum suum, ut depascat aliena, pro damno astinationem restituet. Si egressus ignis comprehenderit acervos frugum, sive stantes segetes in agris, reddet damnum, qui ignem succenderit.

C. 8. h. 1.

Respondent his, quæ sequuntur ex pontificali Romano & decretalibus pontificum de compensandis injuriis & damno illato. Notandum autem, quod habetur de satisfactione expensarum, etli statutum editum ac conventio juramento firmata sit super non repetendis damnis: *Cum igitur, decernit pontifex, aliud sit damnorum restauratio, quam satisfactio expensarum: & ideo in juramento exhibito super damnorum articulo intelligi non debeat, quod factum expensarum fuerit comprehensum, mandamus, quatenus (juramento non obstante prædicto) auctoritate nostra provideas, quod dictum commune pro bono concordie ad expensarum satisfactionem aliquid contribuat, juxta tue discretionis arbitrium, a te, sicut expedierit, moderandum.* Idem pontifex de damno & injuria illata eandem obligationem statuens sive quis per se aut per alium, etiam per animalia damnum fecerit, justam tamen addit exceptionem. Sane, inquit, licet, qui occasionem damni dat, damnum videatur dedisse; secus est tamen in illo dicendum, qui ut non accideret, de contingentibus nihil omisit. De illis nihil est, ut hic dicam, quæ ad theologiam moralem spectant, aut in jure civili copiosius tractantur, quæ canonistæ etiam passim ad hunc titulum tangunt; tantum memorem, quæ ex concilio Lugdunensi sub

GRE.

GREGORIO X. de iniqua damni aut injuriarum compensatione, quæ alius præ alio prægravatur, sunt statuta, referunturque ac deciduntur etiam conformiter ad jus civile: *Et si pignorationes, quas vulgaris elo- cap. m. cutio repressalias nominat, in quibus alius h. t. in 6. pro alio prægravatur, tanquam graves legibus & æquitati naturali contrariæ, civili sint constitutione prohibita: ut tamen earum prohibitio in personis ecclesiasticis tanto amplius timeatur, quanto in illis specialius inbibentur, eas concedi contra personas prædictas, seu bona ipsorum, aut quantumcumque generaliter prætextu cujusvis consuetudinis (quam potius reputamus abusum fore) concessas, ad illas extendi præsentis decreto restrictius inbibemus.* Attendenda tamen sunt, quæ paulo ante attuli ex GREGORIO IX. *ad c. 8. de repetendis expensis, etiam ab hæredibus, h. t. et si ad damna aut pœnas non teneantur.*

§. CXVII.

Jure, ac legitima auctoritate sua De pœnis. pœnis coercet ecclesia delinquentes & inobedientes; sed salutaribus: donec juste degradatos etiam clericos penitus abjicit brachio traditos sæculari.

Qui legitimam ecclesiasticam potestatem ecclesiæ negant, quos principio statim notavimus, ac deiecimus, vim coactivam ecclesiæ demunt & coercitivam, nisi ad summum ex confœderatione, jureque collegiali, ac conventuali. Talis datur ex consensu partium, & contractibus possunt pœnæ apponi: ut e. g. certam pecuniæ quantitatem solvat is, qui

E o §

con.

C. 7. de
pænis.

C. 9. b. t.

C. 4. b. t.

contractum, transactionem vel compromissionem non servaverit; ita tamen, ut, si neuter servaverit, neuter obligetur ad solvendam pœnam, prout INNOCENTIUS III. decidit causam, qua episcopus promisit, se non exacturum procuraciones, & ecclesia vicissim promisit, se episcopo soluturam pensionem, neutra parte observante conditas condiciones, utraque a solvenda pœna libera decernitur. Quodsi vero una pars non servavit pactum ac contractum quoad aliqua tantum, ut si sub pœna 30. librarum tenebatur certo die 40. libras solvere, & tantum solverit 33. hunc pontifex absolvit ab pœna, ut pro rata tantum teneat. *Quia igitur, inquit, te non decet in tantum pontificalis modestiæ oblivisci, ut inhonestis quæstibus anhelando desideres cum aliena jactura ditari, mandamus, quatenus septem librarum solutione contentus, super pœna 30. librarum memoratos rectores de cætero non molestes.* Saluberrime etiam ab ALEXANDRO III. est constitutum, ut victus in judicio condemnatur victori, nisi pro absente sententia feratur, in expensas, etiam in causis pecuniariis: *Calumniam & audaciam temere litigantium condemnando in expensis.*

Sed age jam distinctius de pœnis ecclesiasticis tractemus, quas tantisper a censuris ecclesiasticis distinguimus ut genus a specie; quæ quidem etiam sunt pœnæ, privantes usu quorundam bonorum spiritualium ad rei correctionem impositæ; pœnæ autem proprie in criminis alicujus punishmentem fontibus infliguntur. Ita quidem omnis censura est pœna ecclesiastica, non autem vice versa omnis pœna ecclesiastica est censura. Nunc igitur agimus

agimus de pœnis stricte sic dictis, quæ aliquando in jure sunt expressæ, & determinatæ; aliquando vero, cum lex ipsa quidem actum prohibet, sed pœnam non statuit, vel certe non absolute determinat, sunt arbitrariæ. Quodsi pœna sit a jure determinata, regulariter & sine causa a judice remitti vel commutari non valet; nisi particulares quædam circumstantiæ aggravantes vel diminuentes in delicto occurrant, ob quas justitia ac æquitas poscat, ut ab ordinaria juris pœna abeat judex, & extraordinariam graviolem vel leviolem pro circumstantiis ex arbitrio imponat. Ita etiam olim obtinuit, ut in determinatis a canonibus pœnis episcopi indulgentiam concefferint pro majori fervore eorum, econtra autem rigorem in pervicaces strinxerint. Atque universim hodierna disciplina remissior est in pœnis imponendis, quæ pleræque arbitrariæ sunt, & præsertim censuræ tardissime vibrantur ac raro.

Quoad alias autem pœnas stricte sic dictas, de quibus ex instituto nunc agimus, indigne tulit ALEXANDER III. quod archidiaconi Conventrensis episcopatus pro corrigendis excessibus & criminibus puniendis a clericis & laicis pœnam pecuniariam exigunt, & pro annua exactione pecuniæ personas quandoque suspendunt, ecclesias interdicunt, & alia agunt, quæ canonum obviant institutis, & a radice cupiditatis & avaritiæ prodire videntur. Fuit tamen medii ævi disciplina, etiam pro homicidiis pecuniarias solvere multas; sed ex concilio Triburiensi, quos in usus verti debuerint, ostenditur: *Presbyteri in-* c. 3. b. t.
terfecti compositio, episcopo ad cujus parochiam pertinet, solvatur: ita ut medietatem utilita- c. 2. b. t.

Conc. Tri-
dent. Sess.
XXVII.
de reform.
c. 3. §
Sess. V.
c. 3.

utilitatibus ecclesiæ, cui præfuit, tribuat, alteram in ejus eleemosynam juste dispertiat; quia nullus ejus hæres proximior videtur, quam qui ipsum Domino sociavit. Recentiore disciplina subtractio fructuum beneficialium certis in causis, aut privatio beneficii, ac mulctæ etiam pecuniariæ vigent. Privatio feudorum ecclesiasticorum juxta c. 10. § 12. b. t. proprie laicos spectat, quemadmodum absolutio vassallorum & subditorum a vassallagio & homagio c. 13. b. t.

C. 3. b. t.
in 6.
It. 5. eodem t.

In pœnam etiam jure canonico carcer est pro clericis, non ad custodiam tantummodo. Quamvis, sunt BONIFACII VIII. verba, ad reorum custodiam, non ad pœnam carcer specialiter deputatus esse noscatur: nos tamen non improbamus, si subiectos tibi clericos confessos de criminibus seu convictos (eorum excessibus § personis, ceterisque circumstantiis provida deliberatione pensatis) in perpetuum, vel ad tempus prout videris expedire, carceri mancipēs, ad pœnitentiam peragendam. Quo pertinet detrusio in arctius monasterium, ut inclusus pœnitentiam ageret: unde in concilio Toletano VIII. sic dicuntur clerici sub oneribus pœnitentiæ in monasterium relegari, & monasterii in claustra sub pœnitentia detrudi. INNOCENTIUS III. in majoribus & capitalibus criminibus etiam degradationem jungit: *Ad illud quod a nobis tertio requisisti, qualiter clerici in latrociniis, vel aliis magnis sceleribus deprehensi, puniri debeant: respondemus, quod a suis ordinibus degradati detrudi debeant in arctis monasteriis ad pœnitentiam peragendam.*

c. 6. § 7.

c. 6. b. t.

Alias solent degradati ob capitalia crimina brachio faculari tradi. Est autem degradatio gravissi-

gravissima pœna clericorum, quæ etiam vocatur depositio realis, ut distinguatur a verbali; quando per sententiam episcopi vel vicarii ejusdem speciale ad hoc mandatum habentis clerico executio suorum ordinum & promotio ad altiores in perpetuum interdicitur, ut tamen clericalibus privilegiis gaudeat. Huc revocari potest irregularitas, quatenus ob delictum contrahitur.

Degradatio quomodo facienda sit a B O N I F A C I O VIII. præscribitur, haud absimili modo ac exauctoratio militum detractis insignibus militaribus. Clericus itaque degradandus vestibus sacris indutus, in manibus habens librum, vas, vel aliud instrumentum ad ordinem suum spectans, ac si in officio suo deberet solemner ministrare, ad episcopi præsentiam adducitur, cui episcopus publice singula, sive sint vestes, sive calix, sive alia, quæ illi in sua ordinatione fuerunt tradita, aufert, incipiendo ab illo, quod illi ultimo fuerat traditum, & descendendo gradatim ad vestem, quæ datur in collatione tonsuræ. Demum raditur seu tondetur caput, ne tonsura clericalis appareat. In degradatione verba illis opposita adhibentur, quæ in collatione ordinum adhibentur: vel saltem in ablatione ultimi insignis dicit degradans: *Auctoritate DEI omnipotentis Patris, & Filii, & Spiritus sancti, ac nostra, tibi auferimus habitum clericalem, & deponimus, degradamus, spoliamus, ac exuimus te omni ordine, beneficio, & privilegio clericali.* C. 2. b. t. in 6.

§. CXVIII.

Ad pœnas ecclesiasticas pertinet etiam pœnitentiæ disciplina vetus, præ- De pœnitentiis & remissionibus.

præsertim facta fori externi ab interno separatione, & remissionum seu indulgentiarum usu, de quibus tit. *de pœnitentiis & remissionibus*.

Opportune S. R A Y M U N D U S titulo de pœnis, hunc *de pœnitentiis & remissionibus* subnectit, dicique potest formari & describi recentior disciplina quoad pœnitentias & remissiones seu indulgentias: quo externum ab interno distinguitur forum, non quo externa & manifesta peccata non etiam externam pœnitentiam subeant, ut mox prima hujus tituli decretali habetur sententia sive A L E X A N D R I seu C A L I X T I sive potius G R E G O R I I M. *Manifesta peccata non sunt occulta correptione purganda.* Et concilium Tridentinum juxta apostoli monitum, publice peccantes palam esse corripiendos statuens, eandem firmat disciplinam. *Quando igitur ab aliquo publice, & in multorum conspectu crimen commissum fuerit, unde alios scandalo offensos commotosque fuisse non sit dubitandum; huic condignam pro modo culpæ pœnitentiam publice injungi oportet; ut quos exemplo suo ad malos mores provocavit, suæ emendationis testimonio ad rectam revocet vitam.*

Adhuc tamen hæc etiam publica pœnitentia diversa a veteri illa longo intervallo dici potest, qua certæ erant distributæ pœnitentium stationes cum separatione a communione fidelium & sacramentorum, donec peracto pœnitentiæ decursu restituerentur pœnitentes communioni: quomodo etiam successu temporum ad initium Quadragesimæ publici peccatores & pœnitentes induti sacco & nudis pedibus ad ecclesiam

*Lib. XII.
ep. 31.*

*Sess.
XXIV.
de reform.
c. 8.*

clesiam veniebant, & inde a ministris ecclesiæ certo ritu & certis orationibus expellebantur, donec statuto tempore ad communionem paschalem admitterentur, ut apud GRATIANUM C.64. *diff.* habetur, & in ordine Romano, tum variis 50. aliis ab EDMUNDO MARTENIO editis, totus ille ritus pœnitentiæ describitur, quæ solemnitas vocatur, recte a recentioribus theologis distinctione facta inter pœnitentiam publicam solemnem, & non solemnem, quæ ex publica quidem confessione seu publico delicto, sed absque cæremoniis ecclesiæ indicitur v. g. si publicæ preces in ecclesia, peregrinationes, jejunia &c. imponantur ob delictum publicum, non in tribunali interno pœnitentiæ secretæ confessionis sacramentalis; quomodo ex concilio generali Lateranensi sub INNOCENTIO III. celebri decreto, quod in rubrica vocatur famosum & multum allegabile c. 12. *b. t.* statuitur: *Omnis utriusque sexus fidelis, postquam ad annos discretionis pervenerit, omnia sua solus peccata saltem semel in anno fideliter confiteatur, & injunctam sibi pœnitentiam propriis viribus studeat adimplere, suscipiens reverenter ad minus in pascha Eucharistiæ sacramentum: nisi forte de proprii sacerdotis consilio ob aliquam rationabilem causam ad tempus hujusmodi perceptione duxerit abstinendum: alioquin & vivens ab ingressu ecclesiæ arceatur, & moriens christiana careat sepultura. Unde hoc salutare statutum frequenter in ecclesiis publicetur, ne quisquam ignorantia cecitate velamen excusatione assumat. Si quis autem alieno sacerdoti voluerit iusta de causa sua confiteri peccata, licentiam prius postulet & obtineat a proprio sacer-*

sacerdote, cum aliter ipse illum non possit absolvere vel ligare. Sacerdos autem sit discretus, cautus, ut more periti medici superinfundat vinum & oleum, vulneribus sanciat, diligenter inquirens, & peccatoris circumstantias, & peccati: quibus prudenter intelligat, quale debeat ei præbere consilium, & cujusmodi remedium adhibere, diversis experimentis utendo ad salvandam ægotum. Caveat autem omnino, ne verbo, aut signo, aut alio quovis modo aliquatenus prodat peccatorem: sed si prudentiori consilio indiguerit, illud absque ulla expressione persona caute requirat: quoniam qui peccatum in pœnitentiali iudicio sibi detectum præsumserit revelare, non solum a sacerdotali officio deponendum decernimus, verum etiam ad agendam perpetuam pœnitentiam in arctum monasterium detrudendum. Integrum hoc capitulum describendum esse duxi, quo universa continetur privatæ pœnitentiæ ratio, prout est distincta a publicæ pœnitentiæ in antiqua ecclesiæ disciplina, & constanti ecclesiæ praxi firmata hucusque, atque a concilio Tridentino iterum solemni ecclesiæ decreto confirmata, & adhuc articulatus determinata. In laudato autem concilio Lateranensi ab INNOCENTIO III. id etiam singulariter medicis præcipitur: *Ut cum eos ad infirmos vocari contigerit, ipsos ante omnia moneant & inducant, ut medicos advocent animarum: ut postquam fuerit infirmo de spirituali salute provisum, ad corporalis medicinæ remedium salubrius procedatur.* Quod PIUS V. renovavit decretum bulla: *Super gregem dominicum* &c. INNOCENTIUS autem III. de modo pœnitentiæ injungen-

Seff. XIV.
5.

C. 13. b.t.

jugendæ ita Livoniensi episcopo, & eis, qui cum ipso sunt fratribus rescripsit: *Cum pœnitentia non tam secundum quantitatem excessus, quam pœnitentis contritionem, per discreti sacerdotis arbitrium sit moderanda, pensata qualitate personæ, super fornicatione, adulterio, homicidio, perjurio & aliis criminibus consideratis circumstantiis omnibus, & præsertim novitate Livoniensis ecclesiæ, competentem pœnitentiam delinquentibus imponatis, prout salutis eorum videritis expedire.*

Titulum hunc S. RAYMUNDUS inscripsit de pœnitentiis & remissionibus, quæ etiam indulgentiæ nominantur. Quandoquidem sicut ecclesiæ ligandi est potestas data, ita etiam solvendi, ac, quas pœnas peccatis statuit, remittendi; quod fit per indulgentias, quas summi ecclesiæ pastores, ministri CHRISTI ac dispensatores mysteriorum largiri possunt pro suæ potestatis limitibus ac jurisdictionis terminis; prout ALEXANDER III. rescripsit archiepiscopo Cantuariensi consulenti, *utrum remissiones, quæ fiunt in dedicationibus ecclesiarum, aut conferentibus ad ædificationem pontium, aliis prosint, quam his, qui remittentibus subsunt, respondet: Quod cum a non suo iudice ligari nullus valeat vel absolvi, remissiones prædictas prodesse illis tantummodo arbitramur, quibus ut prosint proprii iudices specialiter indulserunt.* C. 4. b. t.

Fuerunt indulgentiæ ab episcopis concedendæ in concilio Lateranensi moderatæ. Deinceps autem Quæstuariorum fraudes repressæ; C. 14. b. f. ac anni Jubilæi determinati primum a BONIFACIO 1300. ad annum quemque centesimum; a CLEMENTE VI. an. 1350. ad b. t. in 6. quinquagesimum; a PAULO II. & SIXTO Extravag. 1.2.4. b. f.

TO IV. an. 1473. ad annum quemque vigesimum quintum; ut tamen in anno Jubilæo suspendantur omnes aliæ indulgentiæ plenariæ & facultates apostolicæ confessariis concessæ. Solent pontifices ad ingressum pontificatus Jubilæi indulgentiam dare fidelibus.

§. CXIX.

De Censuris.

Censuræ pœnæ proprie ecclesiasticæ & spirituales ac medicinales sunt, contumacem, donec resipiscat, privantes usu quorundam bonorum spiritualium.

C. i. b. t.
in 6.

Hanc censuræ definitionem a theologis & canonistis adoptamus, prout convenit hodiernæ ecclesiæ disciplinæ, juriq; canonico, quo hæ ab aliis pœnis distinguuntur ceu proprie medicinales. Quod maxime spectat ecclesia, non tam castigationem & punctionem delinquentium, quam correctionem contumaciæ & emendationem a crimine. *Cum medicinalis*, inquit, INNOCENTIUS IV. *fit excommunicatio, non mortalis, disciplinans, non eradicans, dum tamen is in quem lata fuerit, non contemnat; caute provideat judex ecclesiasticus, ut in ea ferenda ostendat se prosequi, quod corrigentis fuerit & medentis.* Hic semper fuit nervus disciplinæ ecclesiasticæ, excommunicatio, & in clericis depositio, accedente suspensione & interdicto, non ceu rebus novis, sed ordine rerum paululum mutato; ut quod olim depositione clericorum & separatione a communione fidelium reliquorum, idem paululum immutata disciplina deinceps intenderit suis censuris ecclesia, dum usu quo-

rum.

rumdam bonorum spiritualium privat auctoritate a CHRISTO concessa non communitati fidelium, sed illis penes quos est legitima ecclesiastica potestas, contra propositionem QUESNELLI 90. ejuscemodi: *Ecclesia auctoritatem excommunicandi habet, & eam exercet per primos pastores, de consensu saltem presunto totius corporis.* Præter alias autem mox subsequentes propositiones, imprimis quam floccipenderit fulmina ecclesiæ, ostendit nonagesima septima: *Nimis sæpe contingit, membra illa, quæ magis sancte & magis stricte ecclesiæ unita sunt, respici atque tractari tanquam indigna, ut sint in ecclesia, vel tanquam ab ea separata, sed justus vivit ex fide, & non ex opinione hominum.* Hæc maxime declarant animum censura dignum, superbum & contumacem, in qualem ea cadit.

Unde qui morem gerere ecclesiæ paratus est, etsi delinquat, dum ecclesiæ non contrahitur, censuram non incurrit; ignorans item delictum censura esse innodatum, quod debet esse formale, ut vocant, non tantum materiale peccatum, id est cognitum, in causa saltem ignorantia affectata & crassa. Alias enim non solum ignorantia facti, ut, cum quis nescivit, quem nocte verberavit, esse clericum, sed etiam ignorantia juris, qua ignoratur lex aut prohibitio sub pœna censurarum, excusat. Requiritur etiam culpa & peccatum grave vel in se vel ex circumstantiis, quia omnis censura de se gravis est pœna. Peccatum item debet esse perfectum & consummatum, atque externum vel saltem externo junctum, unde ad judicium externum ecclesiæ revocari potest, ad quod pertinet censuras ferre, ad illos nimirum, qui

potestate jurisdictionis vel ordinaria vel delegata pollent in ecclesia: qui nimirum vel proprio nomine externum ecclesiæ tribunal tenent episcopi, quique eorum sustinent vices, & ab his delegationem habent jurisdictionis, aut saltem specialiter censuræ cujuspiam ferendæ.

§. CXX.

Ac primum excommunicatione.

Gravissima est excommunicationis pœna, per quam homo christianus a communione ecclesiæ separatur, & bonis illius spiritualibus privatur.

C. 13.

Arctissima ecclesiæ est unio communioque, ut unius ecclesiæ communione privatus, a tota ecclesia habeatur abscissus: *Si quis clericus, habet canon apostolicus, aut laicus a communione suspensus ceu communicans ad aliam properet civitatem & suscipiatur præter commendatitias litteras; & qui susceperunt, & qui susceptus est, a communione priventur, excommunicato vero proteletur ipsa correptio tanquam qui mentitus sit, & ecclesiam DEI seduxerit.*

In eandem sententiam est canon 33. & complures antiquissimorum conciliorum tum generalium cum particularium; laudatum autem apostolicum selegi canonem, quod mentionem injiciat litterarum commendatitiarum, quæ solebant formatæ vocari a certis formis ac signis communionis indicibus, de quibus frequens in antiquis monumentis fit mentio, eratque constans apud catholicos & securus usus, ac lex: *Nos autem, inquit S. BASILIUS*

Epist. 203.

LIUS, ex illis orti patribus, qui legem tulerunt, ut brevibus notis communionis signa a terminis orbis terrarum usque ad terminos circumferrentur, atque omnes omnibus cives ac propinqui essent. Litteræ illæ ab episcopo tradebantur, qui est communionis ecclesiasticæ caput, unde semper mutua communicatio ecclesiarum ac membri cujuscunque dignoscitur penes eos, qui jus habent ab ecclesia separandi seu excommunicandi, cum quibus proin communio est habenda. Unde dicit S. CYPRIANUS, frustra sibi blandiri eos, qui pacem cum sacerdotibus DEI non habentes obrepunt, & latenter apud quosdam communicare se credunt; quando ecclesia, quæ catholica una est, scissa non sit, neque divisa; sed sit utique connexa, & coherentium sibi invicem sacerdotum glutine copulata. Epist. 69

Quemadmodum vero communio isthæc spiritualium bonorum ecclesiæ participes reddidit fideles, ita separatio illos privabat pro tota amplitudine clavium ecclesiasticorum juxta illud CHRISTI: *Quacunque ligaveritis in terris, erunt ligata in cælis*, ut qui a communione ecclesiæ ob crimen exturbatus fuerit, etiam jure ad regnum cælorum privatus sit; ut non, nisi vinculo isto legitime exsolutus & communioni restitutus, particeps regni cælestis esse possit, vinculis corporis solutus. Quare communibus fidelium suffragiis & sepultura etiam ecclesiastica privatus existit, qui innodatus excommunicationis vinculo ex hac vita migrat; nisi forte repentina morte abrepti sint, qui resipiscences disciplinæ ecclesiæ ac censuræ sese subjecerant, dederantque sincera pœnitentiæ indicia, re-

C. 2.

conciliationis & absolutionis cupidi. Quod pro veteri ecclesiæ disciplina pœnitentiæ publicæ, cui sententia excommunicationis erat connexa, non infrequens fuit, habenturque in eam rem plures conciliorum canones & decreta: *Quia nefas est, sunt concilii Vafensis II. verba, eorum commemorationes excludi a salutaribus sacris, qui ad eadem sacra fidei affectu contendentes, dum se diutius reos statuunt, indignos salutiferis mysteriis judicant, ac dum purgatiores restituere desiderant, absque sacramentorum viatico intercipiuntur: quibus fortasse nec absolutissimam reconciliationem sacerdos denegandam putasset.* Intelligit hic plenam reconciliationem & vinculi exsolutionem; cum alias etiam, ubi tempus necdum fuisset secundum rigorem censuræ ecclesiasticæ expletum, et si reconciliationis remedium in extrema necessitate fuerit exhibitum, periculo emerfus, iterum subditi salutari medicinæ debuerat: *Nullus, ut habet concilium Epaonense, sine remedio aut spe veniæ ab ecclesia repellatur, neve ulli, si aut pœnituerit, aut se correxerit, ad veniam redeundi aditus obstruatur. Sed si cui forsitan discrimen mortis immineat damnationis constituta tempora relaxentur. Quod si agrotum accepto viatico revalescere fortasse contingit, statuti temporis spacia observare conveniet.*

C. 36.

Quoad autem gravior & acerbior est hæc censura, & ad salutarem medicinam comparata, eo lentius infligenda semper censetur. Cum dolore, juxta S. AMBROSIIUM amputatur etiam, quæ putruit pars corporis, & diu tractatur, si potest sanari medicamentis; si non potest, tunc a medico abscinditur.

tur. Sic boni episcopi affectus est, ut oportet sanare infirmos, serpentina auferre ulcera, adurere aliqua, non abscindere: postremo quod sanari non potest, cum dolore abscindere.

Frequens quidem erat in antiqua ecclesia ἀφορισμός seu separatio in exclusione hominum a participatione eucharistiæ & precum fidelium, annexa, ut diximus, pœnitentia publica, quæ non erat omnimoda ab ecclesia abscissio seu excommunicatio. Oportet autem, inquit S. BASILIUS, non eos omnino arcere ab ecclesia, sed dignari auditione duobus vel tribus annis: & postea permitti quidem consistere, seu in fidelium esse congregatione, a boni tamen communione abstinere, & sic postquam pœnitentia fructum aliquem ostenderit, communionis loco restituere. Can. IV.

Gravissima est excommunicatio, quæ etiam anathema dicitur, atque a spiritualibus non solum bonis omnibus, sed etiam commercio fidelium & unione ecclesiæ exclusio, a fraternitatis communione & jure relegari, ut verbis TERTULLIANI utar, submoveri a limine & tecto omni ecclesiæ, sacramento benedictionis exautorari, communione interdici, abscindi, depelli. Sed quoad effectus civiles non erat semper idem rigor; quemadmodum nec quoad execrationes, quæ proprie anathema sunt. Cujus severior habetur in concilio Toletano IV. formula: *Anathema sit in conspectu Spiritus S. & martyrum CHRISTI*: atque ab ecclesia catholica, quam perjurio profanaverit, efficiatur extraneus, & ab omni communione christianorum alienus; neque partem justorum. Apol. c. 39.

rum habeat, sed cum diabolo & angelis ejus aeternis suppliciis condemnetur.

Non est una doctorum sententiâ de eo, quod D. PAULUS dicit, se tradidisse Sathanæ incestum CORINTHIUM, & HYMENÆUM & PHILETUM; quod multi ex SS. PP. & recentioribus ecclesiæ doctoribus sumunt de singulari quadam corporis afflictione, atque effectu extraordinario. Similiter de Paulina voce *Maranatha* juncta anathemati veteres & recentiores dissident. Quæ videtur cum Chaldæorum שְׁמָתָא *Schammata* convenire: apud quos triplex erat excommunicationis genus נִדְוִי nidui, quæ erat levissima חֶרֶם cherem gravior שְׁמָתָא autem dirissima; cum omnimoda separatione sine spe redeundi, ut penitus quis divino relinqueretur judicio. An respondeat huic excommunicatio, qualis in pluribus canonibus concilii Illiberitani habetur, etiam in fine vitæ communione negata, non est hic disquendi locus.

§. CXXI.

Quibus sit infligenda.

Sollicite semper attendit ecclesia, quæ & quibus personis excommunicationis censura esset stringenda, nullo humano habito respectu.

Iterum hic recolenda est distinctio excommunicationis cum anathemate & execratione, & separationis a communione, quæ olim indiscriminatim in actione publicæ poenitentiae interveniebat; & passim omnis generis homines stringebat. Sunt quidem qui raro aut nunquam

quam foeminas huic poenae subjectas fuisse putant; saltemque ob adulterium poenitentia clam fuit habita: *Adulterio pollutas mulieres*, habet S. BASILII canon, & *conf-* C. 34.
tes ob pietatem vel quomodocunque publica-
re quidem patres nostri prohibuerunt. Alias

vero cum aliis subire debebant poenam ac cen-
suram, quae sine acceptione personarum omnes
manebat. Meminit quidem & damnat jam S.
CYPRIANUS: *Qui personas accipientes* Epist. 11.
in beneficiis vestris aut gratificantur, aut illi- ad mar-
cita negotiationis nundinas aucupantur. E- tyr.
rat privilegii ac indulgentiae quoddam genus

a confessoribus tunc conferri solitum, ut
communioni restituerent abstentos, sed illic
etiam abusus interveniebat & damnatur a fan-
cto martyre. *Audio*, inquit in eadem epi-
stola, *quibusdam sic libellos fieri, ut dicatur:*
communicet ille cum suis. Quod nunquam

omnino a martyribus factum est, ut incerta
& *caca* petitio invidiam nobis postmodum
cumulet.

Abusum hic gliscentem contra vigo-
rem ecclesiasticum S. CYPRIANUS ani-
mose sustulit, & rigorem disciplinae ecclesia-
sticae tuitus est, ac integrum conservavit, quo-
modo sine omni respectu alicujus dignitatis
aut potentiae obtinuit. Jam alibi memini ca-
nonis concilii Arelatensis I. de praesidibus,
ut in quibuscunque locis gesserint (praesidatum)
ab episcopo ejusdem loci cura de illis agatur;
ut cum coeperint contra disciplinam publicam
agere; tunc demum a communione excludan-
tur. Si assertius apertiusque esset, quod E U-

SEBIUS refert de PHILIPPO imperatore Lib. VI.
a sacris coercito, insigne haberetur censurae ec- c. 34.
clesiasticae exemplum in supremam potestatem
exercitum. Quod confundendum non est cum

*Epist. 30.
ad Valen-
tin.*

*Lib. 4.
bist. c. 26.*

eo., quod S. CHRYSOSTOMUS de S. BABYLA refert & extollit, fuitque disparis eventus: cum is, de quo EUSEBIUS, detulisse feratur censuræ, & se pœnæ subjicisse; alter vero, de quo S. CHRYSOSTOMUS, furorem in S. BABYLAM converterit, inemendabilis. Jam memini S. AMBROSII, qua censura in maximos principes sit usus. *Ipsum MAXIMUM*, refert in ejus vita PAULINUS *communione consortio segregavit*. Et VALENTINIANUM etiam terruit; magnum autem THEODOSIUM intrepide repulit ab ingressu ecclesiæ & communione sacramentorum. Ut frustra obstrepent hodie, qui auctoritati ecclesiasticæ detrahunt, & pontifices Romanos incessunt, quod censuram in principes strinxerint. Cum & inferiores episcopi idem fecerint. Sic S. GERMANUS Parisiensis CHARIBERTUM excommunicavit, teste GREGORIO Turonensi. Et S. NICETUS Trevirensis THEODEBERTUM, & CLOTARIUM sæpius, exiliumque eo minitante, nunquam est territus.

Epist. 47.

*Ep. 29. ad
Theodos.*

De magistratibus inferioribus complura suppetunt exempla. In concilio Uliberitano plures habentur canones, quibus christiani, qui magistratum ac officium apud gentiles gerebant, a communione arcentur, quando sine superstitione geri non poterat officium & magistratus ille. S. ATHANASIUS præsidem seu ducem militiæ in Lybia excommunicavit, atque ad episcopos scripsit, igne etiam aqua, & tecto interdicendo, teste S. BASILIO. S. AMBROSIIUS de judice quodam christiano refert tempore JULIANI, quod, cum unum de fratribus suis, qui aram dejece-

rat,

rat, condemnasset, nemo illum ingressu, nemo illum unquam osculo dignum putaverit. Imprimis memorabile est SYNESII facinus contra ANDRONICUM, qui ecclesiæ affigi mandavit decretum contra asyla, & blasphema etiam protulit verba. Quæ ferre non valens SYNESIUS contra ANDRONICUM cum sociis THOANTEM ANDRONICI instigatorem hanc gravem tulit censuram: *ANDRONICO ejusque sociis, Epist. 58. THOANTI & ejus sociis nullum DEI fanum aperiatur. Omnis illi religiosa ædes ac septa claudantur. Nulla diabolo in paradiso pars est, qui si clam irrepserit, expelletur. At cum privatis omnibus & magistratibus præcipio eodem cum illo neque tecto neque mensa uti, tum sacerdotibus imprimis, qui nec viuentes illos salutabunt, nec mortuos funebri pompa deducunt. Sin quisquam velut angustæ urbis ecclesiam contempserit, & ab ea damnatos receperit, quasi pauperi parere nihil necesse sit; noverit infectam a se ecclesiam, quam unam esse vult CHRISTUS. Atque hic sive levita sive sacerdos sit, sive episcopus, apud nos in ANDRONICI loco reputabitur, neque cum eo dexteram jungemus, nec eadem ex mensa vescemur unquam: tantum abest, ut cum iis arcana mysteria communicemus, qui cum ANDRONICO & THOANTE partem aliquam habere voluerint. Juncta erat epistola ad omnes episcopos nomine ecclesiæ Ptolemaidis, in qua rationes expositæ erant, ob quas talis in ANDRONICUM fuit lata excommunicationis sententia. Visus est ea exterritus ANDRONICUS, & spopondit vitæ correctionem. Diu tamen precibus deferre detrectavit SYNESIUS, donec*

*Epist. 72.**Epist. 89.**Apud Bo-
land. 17.
Martii.
p. 538.**Lib. III.
cont. epist.
Parmen.
c. 2.*

donec tandem episcopis magis exercitatis, cum hæc primo episcopatus sui anno accidissent, cederet. Sed cum ANDRONICUS in pejus rueret suspensam excommunicationis sententiam publicavit, episcopis denuntians, ut ecclesiæ aditu arcerent ANDRONICUM: ut si mala prorsus cohiberi non possint, saltem illorum nos participes haud faciamus, sacrilegis sacra claudendo templa. Postea tamen, dum ANDRONICUS gratia principum excideret, SYNESIUS misericordia motus iteratis precibus a funesto tribunali liberavit, & ad THEOPHILUM ALEXANDRINUM ejus gratia scripsit, ut misero assisteret. S. PATRICIUS haud absimili rigore in principes egit. Cujus etiamnum extat epistola rigoris similiter & charitatis plena in COROTICUM & focios, ac fautores, quod etiam ex SYNESII sententia apparet.

Quamvis hæc fuerit causa alias, ut ob multitudinem censura non stringeretur, quod imprimis S. AUGUSTINUS fieri voluit, alias autem juste stringendam censuit: „Quando (inquit) ita cujusque crimen notum est „ omnibus, & omnibus execrabile apparet, „ ut vel nullos prorsus, vel non tales habeat defensores, per quos possit schisma „ contingere: non dormiat severitas disciplinæ, a qua tanto est efficacior emendatio „ pravitatis; quanto diligentior confirmatio „ charitatis. „

§. CXXII.

Et ob quas Ne autem cum fontibus infantes
les causas. excommunicentur, semper; quantum

tum potuit, cavit ecclesia; nec nisi pro majoribus criminibus stringit hanc censuram.

„ Interdum fit, (inquit ORIGENES) „ *Hom. 14.*
ut aliquis non recto iudicio eorum qui præ- „ *in Levit.*
sunt ecclesiæ, depellatur, & foras mittatur; „
sed ipse non ante exiit, hoc est, si non ita „
egit, ut mereretur exire, nihil læditur in „
eo, quod non recto iudicio ab hominibus „
videtur expulsus. Et ita fit, ut interdum „
ille qui foras mittitur, intus sit: & ille „
foris, qui intus retineri videtur. „ Et S. A- „
GUSTINUS, „ Sæpe etiam (inquit) finit „ *De vera*
divina providentia per nonnullas nimium „ *relig. c. 6.*
turbulentas carnalium hominum seditiones „
expelli de congregatione christiana etiam „
bonos viros: quam contumeliam vel inju- „
riam suam cum patientissime pro ecclesiæ „
pace tulerint, neque ullas novitates vel „
schismatis vel hæresis moliti fuerint, doce- „
bunt homines, quam vero affectu & quan- „
ta sinceritate charitatis DEO serviendum „
sit. Talium ergo virorum propositum est, „
aut sedatis remeare turbinibus; aut si non „
sinantur, vel eadem tempestate perseveran- „
tè, vel ne suo reditu talis aut severior o- „
riatur, tenere voluntatem consulendi etiam „
eis ipsis, quorum motibus perturbationi- „
busque cesserunt sine ulla conventiculorum „
segregatione usque ad mortem defendentes „
& testimonio juvantes eam fidem, quam in „
ecclesiâ catholica prædicari sciunt. Hos „
coronat in occulto Pater, in occulto videns. „
Rarum hoc videtur genus, sed tamen exem- „
pla non desunt, imo plura sunt, quam cre-

„ di

„ di potest. Ita omnibus generibus homi-
 „ num & exemplorum ad animarum curatio-
 „ nem, & ad institutionem spiritalis populi
 „ utitur divina providentia. „

*Lib. II.
 hom. 26.
 n. 6.*

In hujusmodi quæstionibus facti falli po-
 test ecclesiasticum judicium. Sed multo sæ-
 pius contingit, ut injuste se censura stringi
 causentur etiam meriti, & contra tribunal ec-
 clesiasticum se erigant. Quod nunquam est
 faciendum, & pax ecclesiæ turbanda, etiam-
 si quis se certo sciat injustam subiisse senten-
 tiam, quam ipsam etiam timendam vult S.
 GREGORIUS. „ Sed utrum juste (inquit)
 „ an injuste obliget pastor, pastoris tamen
 „ sententia gregi timenda est: ne is, qui sub-
 „ est, & cum juste forsitan ligatur, ipsam ob-
 „ ligationis suæ sententiam ex alia culpa me-
 „ reatur. Pastor ergo vel absolvere indiscre-
 „ te timeat vel ligare. Is autem, qui sub
 „ manu pastoris est, ligari timeat vel injuste;
 „ nec pastoris sui judicium temere reprehen-
 „ dat: ne etsi injuste ligatus est, ex ipsa tu-
 „ midæ reprehensionis superbia, culpa quæ
 „ non erat, fiat. „ Legi in hanc rem mere-
 tur NICONIS solitarii tractatus de excom-
 municatione injusta, qui extat *T. XXV. p.*
327. Bibliotheca PP. Lugdunensis.

Epist. 75.

Contingere primum est, ubi plures eodem
 innodantur vinculo, ut insons cum fonte per-
 cellatur, aut alius pro alio pœnam luat, quod
 S. AUGUSTINUS factum improbavit ve-
 hementer. „ Non mediocriter (scribit in eam
 „ rem ad AUXILIUM) æstuans cogitatio-
 „ nibus, magna cordis tempestate fluctuan-
 „ tibus, apud charitatem tuam tacere non
 „ potui: ut, si habes de hac re sententiam,
 „ certis rationibus vel scripturarum testimo-
 „ niis,

niis exploratam, nos quoque docere di-
 gneris: quomodo recte anathematizetur pro
 patris peccato filius, aut pro mariti uxor,
 aut pro domini servus, aut quisquam etiam
 in domo nondum natus, si eodem tempo-
 re, quo universa domus est anathemate ob-
 ligata, nascatur, nec ei possit per lava-
 crum regenerationis in mortis periculo sub-
 venire. Neque enim hæc corporalis est
 pœna, qua legimus quosdam contemtores
 DEI cum suis omnibus, qui ejusdem im-
 pietatis participes non fuerunt, pariter in-
 terfectos: tunc quidem ad terrorem viven-
 tium mortalia corpora perimebantur, quan-
 doque utique moritura. Spiritualis autem
 pœna, qua fit, quod scriptum est: *Qua li-*
gaveris in terra, erunt ligata & in cælo,
 animas adligat, de quibus dictum est: *Ani-*
ma patris mea est, & anima filii mea est.
Anima, qua peccaverit, ipsa morietur.
 Audisti fortasse aliquos magni nominis sa-
 cerdotes cum domo sua quempiam anathe-
 matizasse peccantium, sed forte, si essent
 interrogati, reperirentur idonei reddere in-
 de rationem. Ego autem, quoniam si quis
 ex me quærat, utrum recte fiat, quid ei re-
 spondeam, non invenio. Numquam hoc
 facere ausus sum, dum de quorundam faci-
 noribus, immaniter adversus ecclesiam per-
 petratis, gravissime permoverer.

Apud GRATIANUM plura afferuntur *Caus. II.*
 ex eodem S. AUGUSTINO & aliis testi- *q. 3.*
 monia in eandem rem, ut præcipitantia & inju-
 stitia caveatur studiose & religiose. Et est im-
 primis notandus Agathensis concilii canon tam
 de innocentibus, ut ne unquam, aut ob leves
 causas excommunicentur quiquam: *Episcopi,*
si

C. 8. caus.
11. q. 3.

si sacerdotali moderatione postposita, innocentes, aut minimis causis culpabiles excommunicare præsumerint, & ad gratiam festinantes recipere fortasse noluerint, a vicinis episcopis cujuslibet provinciae litteris moneantur: & si parere noluerint, communio illis usque ad tempus synodi a reliquis episcopis negetur. Correctores Romani apud GRATIANUM variantem hic lectionem notant in ultimis verbis particula negativa, *a reliquis episcopis non negetur*, ut ad excommunicatos non excommunicantem referatur, quatenus communio illis usque ad tempus synodi a reliquis episcopis non negetur.

De fide &
oper. c. 26.

In antiqua disciplina & separatione a communione ob poenitentiam publicam discrimen hoc canonibus & usu ecclesiarum fuit observatum: „ Nisi essent (inquit S. AUGUSTINUS) quædam ita gravia, ut etiam „ excommunicatione plectenda sint, non diceret apostolus: *Congregatis vobis & meo „ spiritu, tradere ejusmodi hominem Sathanae in interitum carnis; ut spiritus saluus sit in die Domini JESU*: Unde etiam „ dicit: *Ne lugeam multos ex iis, qui ante „ peccaverunt, & non egerunt poenitentiam „ super immunditiam & fornicationem, quam „ gesserunt.* Item, nisi essent quædam non ea humilitate poenitentiae sananda, qualis in ecclesia „ sita datur eis, qui proprie poenitentes vocantur, sed quibusdam corruptionum medicamentis, non diceret ipse Dominus: *Corripe eum „ inter te & ipsum solum, & si te audierit, „ lucratus es fratrem tuum.* Postremo nisi essent quædam, sine quibus hæc vita non agitur „ non quotidianam medelam poneret in oratione, quam docuit, ut dicamus: *dimitte „ nobis*

nobis debita nostra &c. „ In concilio Aurelianensi V. statuitur: *Nullus sacerdotum quem- C. 26.*
quam rectæ fidei hominem pro parvis & levi-
bus causis a communione suspendat: præter
eas culpas, pro quibus antiqui patres arceri
jusserunt committentes. In jure canonico huc
 pertinent excommunicationes a jure latæ. Si C. 5. b. t.
 quis violentas manus in clericos vel canonicos,
 aut cujuslibet religionis conversos injicit, quod c. 21. b. t.
 BONIFACIUS VIII. extendit etiam ad in 6.
 novitios. Si quis ecclesiam violenter perfrin- c. 22. b. t.
 gat & spoliât. Si quis superior religiosum suum c. 24. b. t.
 per non religiosum, aut absque necessitate re-
 gularis disciplinæ verberari præcipiat. Si quis c. 49. b. t.
 extiterit hæreticus, hæreticorum fautor, re- *Extrav.*
 ceptator, vel defensor. Si quis condât, scribat c. 3.
 vel servari faciat statuta contra ecclesiæ liber- c. 53. b. t.
 tatem. Si quis eos gravet, qui tulerunt, pro- c. 1. b. t.
 curaverunt vel observarunt censuras contra in 6.
 principes. Si religiosi violent interdictum, c. 1. b. t.
 postquam viderint servari in cathedrali vel ma- *Clement.*
 trice ecclesia. Si dominus territorialis compel- c. 2. b. t.
 lat sacerdotes celebrare tempore interdicti &c. *Clement.*
 Si excommunicatur concubina clericorum pub- c. 55. b. t.
 lica, etiam concubinarius eo ipso. Si quis c. 29. b. t.
 clericum in custodia publica vel privata deti-
 neat. Si quis, quamvis parvum aliquid dede- a. 1. b. t.
 rit in curia Romana pro gratia obtinenda, vel *Extrav.*
 si dantem intra triduum non denunciaverit.

§. CXXIII.

Præter alia minora excommunicatio- De ex-
 tionum genera, est etiam novo de- communi-
 cationum jure introducta excommu- catione
 nicatio minor dicta, & inflictâ ob illi- minori.

G g . citam

citam cum innodato in excommunicatione majori communionem.

- Reg. 39.* Excommunicationis nomen, ut jam non semel notavimus, non semper eodem rigore aut amplitudine præsertim apud antiquos sumebatur: aliquando etiam ab illis, qui jurisdictione proprie ecclesiastica non gaudebant, lata, veluti apud monachos. De qua S. BASILIUS in regulis minoribus agit, & exemplum in murmuratore habet, separato a reliquis fratribus; ut nec communiter labore manuum cum aliis fungi potuerit, nec opus manuum illius conjungi cum aliis, nec in usum fratrum impendi potuerit. Etiam ac abbatibus hæc excommunicatio stringebatur, uti ex regula S. CÆSARII discimus, qua excommunicata a consortio fororum separabatur, excepta una sorore spiritali. S. BENEDICTUS ordinem hujus excommunicationis duplicem describit, tam eorum, qui pro gravioribus culpis ab oratorio & mensa excommunicantur, quam qui pro levibus culpis excommunicantur a mensa tantum: cujus etiam modum alibi designat, & in abbatis relinquit arbitrio.
- Reg.n. 31.*
- C.44.Reg.*
- C.34.Reg.*

De pœnit. Lib. VI. c.25.n.13. Excommunicationis proprie ecclesiasticæ MORINUS quatuor distinguit species, quas quodammodo dicit minores: Prima a sola eucharistiæ participatione arcebat: secunda ab eucharistia & precibus eucharisticis seu fidelium excludebat: tertia addebat expulsionem sive excommunicationem a precibus super catechumenos & pœnitentes substratos factis: quarta ab omni ecclesiæ ingressu excommunicabat. Singulæ hæc species ad ordinem pœnitentiæ publicæ spectabant. Quam excommu-
nica.

nicationem distinguens a proprie dicta censura excommunicationis, medicinalem vocat S. AUGUSTINUS, hanc vero mortalem: *Nos vero, Hom. ult.* inquit, *quemquam a communione cohibere non inter se.* possumus, quamois hac prohibitio nondum mortalis sit, sed medicinalis; sed nisi aut sponte confessum aut in aquo sive seculari sive ecclesiastico iudicio nominatum atque convictum.

Minoris vero excommunicationis ob communionem cum excommunicato nullum habetur in antiquitate ecclesiastica vestigium; sed qui cum excommunicatis aut alienis ab ecclesia communicaverit, simpliciter excommunicationis sententiam ferebat. In concilio Illyberitano tamen mitiori quadam censura, qui cum Judæis vel cibum sumserit, perstringitur: *Si vero quis clericus vel fidelis cum Judæis cibum sumserit, placuit eum a communione abstinere, ut debeat emendari.* In concilio Antiocheno plures consequenter habentur canones, qui huc spectant: „ Si quem ex episcopis vel presbyteris vel diaconis, vel quem-
vis ex canone excommunicatis communicare apparuerit, eum quoque esse excommunicatum, ut qui canonem confundat. „ Et mox: „ Si eum, qui propter contumaciam depositus est, alius episcopus receperit, ille quoque a communi synodo puniatur, ut qui ritus ecclesiasticos dissolvat. „ Item: „ Si quis episcopus a synodo depositus, vel presbyter vel diaconus a proprio episcopo sacrum celebrare ausus fuerit, sive episcopus secundum præcedentem consuetudinem, sive presbyter, sive diaconus, nullam amplius spem restitutionis in alia synodo, neque defensionis locum habere ei liceat. Sed „ & omnes, qui ei communicant, ex eccle-

Can. 50.

C. 2. 3a

- can. 7. „ fia ejiciantur , & maxime si quam senten-
 „ tiam adversus prædictos prolatam didice-
 „ rint , eis communicare ausi fuerint. „ Con-
 concilium Carthaginense II. *Qui merito facino-*
rum suorum ab ecclesia pulsati sunt , si ab ali-
quo episcopo vel presbytero vel clerico fuerint
in communionem suscepti , etiam ipse pari-
tum eis crimine teneatur obnoxius. In con-
cilio Carthaginensi IV. plures etiam sibi mu-
 C. 70. *tuo succedunt canones huc pertinentes : Cle-*
 C. 71. *ricus hæreticorum & schismaticorum tam*
convivia , quam sodalitates evitet aequaliter.
 C. 72. *Et : Conventicula hæreticorum non ecclesia ,*
sed conciliabula appellantur. Item : Cum hæ-
reticis nec orandum nec psallendum. Qui
 C. 73. *vero rem conficit mox sequens est : Qui com-*
municaverit vel oraverit cum excommunica-
to , sive clericus sive laicus , excommunicetur.
 can. II. *Concilium Arausicanum : Placuit in*
reatum venire episcopum , qui admonitus de
excommunicatione cujuscunque , sine recon-
ciliatione ejus , qui excommunicavit , ei com-
municare præsumpserit , ut integra omnia ,
si reconciliatio intercesserit , de justitia vel de
iniquitate excommunicationis , proxima sy-
nodo referrentur. In concilio I. quod S. P A-
 T. III. *TRICIO attribuitur in Irlandia : Quicum-*
 conc. p. *que clericus ab aliquo excommunicatus fue-*
 1478. can. *rit : & alius eum susceperit , coequali pæni-*
 II. *tentia utantur. In concilio Parisiensi eadem*
 An. 615. *pæna expresse in omnes eos , qui cum ex-*
 c. 13. *communicatis communicent statuitur , ut ab*
ecclesia pellantur , & communione privati
duobus annis maneant. Quam in rem statui-
tur , ut excommunicatio in vicinis ecclesiis
publicetur , quo excommunicatus sit cogni-
tus , & nullus eum recipiat.

Ita

Ita constanter habent canones antiqui, nec ante decretales GREGORII IX. habetur exemplum minoris excommunicationis, quæ privat solummodo passiva sacramentorum participatione. De qua sub laudati GREGORII IX. nomine duæ habentur decretales. *Cap. fin.* In bulla MARTINI V. communicatio cum *de clerico* excommunicatis tunc tantum vetatur, si ex-*excommu-* communicati sunt nominatim denunciati, aut *nicato mi-* notorii clericorum percussores. Nec proprie *nist. & C.* est censura hæc minor excommunicatio, quæ *penult. de-* a publico iudicio ecclesiastico decernatur; *sententia* sed potius ad forum poenitentiale pertinet, & *excommu-* virtute simplicis juris clavium exercetur, pa-*nic.* rochis etiam, jurisdictione ecclesiastica licet destitutis, communicata.

Multi etiam casus dantur & exceptiones, quas plerasque jam GREGORIUS VII. in *T. X.* concilio Romano an. 1078. notavit, in qui-*cong. p.* bus communicatio mere externa cum excommu-*371.* nicatis est permissa, qui memoriæ causa isto solent versiculo exprimi:

Utile, lex, humile, res ignorata, necesse.

Utilitas autem non quælibet, sed quæ cum obligatione aliqua conjuncta sit, intelligitur a doctoribus; & illius exemplum exprimitur *c. 34. b. t.* exactio debitorum, ne excommunicatus ex censura lucrum reportet. *Lex* accipitur conjugale vinculum. *Humile* vero est obligatio subjectionis liberorum erga parentes, servi erga dominum, religiosi erga prælatum, clerici erga episcopum. *Ignorantia* dummodo non sit crassa, supina & affectata, sive sit juris sive facti. *Necessitas* qualis esse debeat, exprimitur laudato *cap. 34.* victus e. g. & alimenterum.

§. CXXIV.

De suspen-
sione aut
depositione
clericorum.

Peculiares sunt in clericos censuræ ac pœnæ, magis aut minus accedentes suspensioni, qua clericus prohibetur ab executione potestatis, quam habet ratione officii vel beneficii ecclesiastici.

C. 24.

Sicuti communio clericalis a laicali distincta semper fuit, ita etiam excommunicatio, seu ἀφορισμός separatio ea proprie est, quæ ad ordinis & ministerii executionem spectat, ac cum suspensione vel depositione convenit, relicta communione laica. Discrimen hoc expresse habetur in canone quodam apostolico: *Episcopus vel presbyter vel diaconus fornicationis vel perjurii, vel furti convictus, deponatur, & non segregetur. Dicit enim scriptura: Non vindicabis bis in idipsum.* In multis autem canonibus separationis distincta fit mentio de clericis, quando de minoribus criminibus, adeoque minori pœna plectendis agitur, qualis est suspensio ἀφορισμός seu separatio a munere sacro, ut non possint μηδὲ ὅλως ἱερατικόν τι ἐνεργεῖν ullum sacerdotale officium obire, ut R A L S A M O N scribit ad canonem 79. Carthaginensem. Et ad canonem 16. Nicænum expresse distinguit clericalem a laicali excommunicatione, dum statuitur: *Clericos, qui ab eis, quæ ordinantur, evocantur, & redire non persuadentur, esse a communione separatos, id est non permitti eis, ut simul sacrificent. In ea enim significatione non communicare accipitur:*
non

non autem in ea, quæ est, in ecclesiam non accedere, vel sacramenta non participare &c. Idem in eundem canonem ZONARAS observat.

Inde autem res apertissima fit, quod pro majoribus criminibus utraque separatio seu excommunicatio clericis fuerit inflicta. Quale exemplum in NOVATO S. CYPRIANUS notat, qui uxoris utero calce percussio abortui causam dederat, atque meruerat propter hoc se de presbyterio excitari non tantum, sed & communicatione prohiberi.

Ep. 52. ad Cornel.

In concilio Neocæsar. eadem apparet distinctio pro criminis ratione: Presbyter si uxorem duxerit, ordine suo moveatur. Si autem fornicatus fuerit, vel adulterium commiserit, penitus extrudatur, & ad pœnitentiam deducatur. In concilio Ilerdensi eadem habetur distinctio in recidivis: Si iterato velut canes ad vomitum reversi fuerint, non solum dignitate officii careant, sed etiam sanctam communionem, nisi in exitu, non percipiant. In hæreticos solebat ista adhiberi severitas, & canones apostolorum eandem in clericum Simonie reum adhibent, in eum item, qui propter abominationem nuptiis, carne, & vino abstinentium duxerit.

Can. 1.

Can. 5.

Can. 29.

C. 50.

Alter gradus censuræ in distinctione depositionis a suspensione consistit: illa enim privationem perpetuam & plenam ab officio & beneficio designat, hæc non item. Ita in concilio Antiocheno pœna statuitur: Si quis presbyter vel diaconus proprio contempto episcopo ab ecclesia seipsum segregavit: Is omnino deponatur, & non amplius curationem assequi, nec suum possit honorem capere. Infamia est, inquit ORIGENES, a populo DEI & eccle-

Can. 5.

Hom. 10.

sia in Ezech.

sua separari, dedecus est in ecclesia surgere de diaconatus gradu, & quidem eorum qui abjiciuntur alii seditiones commovent, alii vero judicium in se factum, cum omni humilitate suscipiunt. Quicumque igitur exiguntur, & dolore depositionis suae congregant populos ad schisma faciendum, & sollicitant multitudinem malignorum, non accipiunt inbonorationem suam in praesenti, sed thesaurizant sibi thesaurum in die irae. Qui autem cum omni humilitate, siue digne siue indigne depositi sunt, DEO judicium derelinquunt, & patienter sustinent, quod de se judicatum est, isti & a DEO misericordiam consequentur, & frequenter etiam ab hominibus revocantur in pristinum gradum, & in gloriam quam amiserant. In hoc textu distinguuntur laicorum & clericorum poenae. Idque innuitur, qui etiam depositionis poenam subiit, iterum posse revocari in pristinum gradum: cum olim ordinaria fuerit depositionis poena in clericos, sicut excommunicationis in laicos.

An. 394.

Sed praesertim in episcopis amplo judicio opus erat majoris concilii, ad hanc subeundam sententiam; unde concilium Constantinopolitanum decrevit, non licere in posterum nec a tribus quidem, nedum a duobus, eum qui reus examinatur, deponi; sed majoris synodi & provinciae episcoporum sententia, sicut apostolici definire canones. Poterant alii clerici quidem deponi a suis episcopis, sed si se gravatos existimarent, recursum habebant eundem ad concilium, aut papam.

Lib. III.
cont. epist.
Parmen.

Frequens nihilominus erat hæc censura. Quod S. AUGUSTINUS non dedecori ecclesiae cedere, sed potius honori esse existimavit; atquo hinc arguit disciplinam apud catho-

catholicos magis vigere, quam apud Donatistas, quod numerus ingens eorum esset, qui episcopatu aut alio gradu ecclesiastico depositi, pudore suffusi alias in regiones abscefferint, aut ad partem DONATI vel aliorum hæreticorum se contulerint.

Hodie rariora sunt hæc exempla, & suspensio est propria pro clericis pœna, quod vel in totum vel pro parte officio & beneficio ecclesiastico suspenduntur. Suspensio ab officio simpliciter expressa importat suspensionem ab executione ordinis & jurisdictionis, ut colligunt doctores ex cap. 1. de sententia & re-judicata in 6. ubi dicitur, quod si suspensus ab officio damnabiliter se divinis ingesserit, irregularitatem incurrat: adeoque supponitur, suspensum ab officio nullis se posse divinisingere muniis. Hæc proprie est separatio seu *ἀφορισμός* antiquis canonibus expressus. Habet tamen etiam suas restrictiones, quæ in sententiæ latione pro re rata solent exprimi.

Eadem est ratio suspensionis a beneficio, qua clericus perceptione fructuum beneficii aut aliis a beneficio dependentibus suspenditur. Distinctio hæc etiam ex S. CYPRIANO colligitur: „Interim (inquit) se a divi- *Epist. 34.*
sione mensura tantum contineant, non
„ quasi a ministerio ecclesiastico privati esse
„ videantur.„ Et in concilio Carthagenensi IV. *C. 42.*
Clericus, qui absque corpusculi sui inaequalitate vigiliis deest, stipendiis privetur. Hæc pœna extraordinaria hodie est in distributionibus diurnis.

§. CXXV.

De comu-
nitione lai-
ca & pere-
grina.

Lux sic affunditur veteribus ca-
nonibus, qua nunc *privata* nunc
laica nunc *peregrina* communio tan-
tum clericis indulgetur, aut alia qua-
dam sacra privantur prærogativa.

Can. 10.
Ep. 261.

Varia fuit antiquis temporibus clericos ex-
communicandi ratio. Aliquando jubebantur
esse contenti ecclesiæ suæ communionem: quæ
potest dici *privata* communio, & hæc fuit
pœna episcopi sine justa causa non accedentis
ad synodum provincialem. S. AUGUSTI-
NUS quosdam episcopos huic pœnæ addi-
ctos memorat, PRISCUM ac VICTO-
REM: „Cui (inquit) relicto in eadem pœ-
na, in qua & PRISCUS fuit, nusquam
„nisi in diœcesi ejus ab alio communicatur
„episcopo.” Huc pertinere videtur canon con-
cilii Arelatensis, qui episcopum *alienum fa-*
cit a fratrum communionem. Et concilium
Tarraconense, *usque ad futurum concilium*
cunctorum episcoporum charitatis communi-
one privat, sicut statuta patrum sanxerunt.
Non hic depositionis aut suspensionis aliqua
interveniebat censura.

Can. 19.

C. 6.

Secus fiebat, si clerici ad communionem
laicam vel peregrinam redigerentur, de qui-
bus variæ sunt doctorum sententiæ, hodie-
que inter se diversæ, necdum omnibus sub-
motis difficultatibus: quæ tamen facile eno-
dantur, si ad ea attendatur, quæ modo de
depositione & suspensione ex antiquitate ec-
clesiastica diximus, quatenus communione
sacramentorum admissa tantum functiones sa-
cræ

græ interdicebantur. Et quidem quoad depositionem omnimodam præter ea, quæ mox attulimus, observandus est concilii Ephesini canon, a Chalcedonensi postea notatus, ut constet communionem etiam depositis clericis non fuisse negatam, atque in hoc discrimen constituisse clericos inter & laicos: *Si quis velit ea, quæ de singulis per sanctam synodum Ephesinam gesta sunt, quocumque modo movere: sancta synodus ipsa decrevit, siquidem episcopi aut clerici fuerint, eos omnino a proprio cadere gradu; si vero laici, excommunicatos esse.* Can. 6.

In conciliis variis expressa habetur indulta communionis laicæ mentio, quando clerici ab officio depositi in monasterium detrudebantur: Ita concilium Agathense: *Si episcopus, presbyter vel diaconus capitale crimen commiserit, aut chartam falsaverit, aut testimonium falsum dixerit ab officii honore depositus in monasterium detrudatur; & ibi, quamdiu vixerit, laicam tantummodo communionem accipiat.* Concilium Epaonense: *Si diaconus aut presbyter crimen capitale commiserit, ab officii honore depositus, in monasterium retrudatur, ibi tantummodo, quamdiu vixerit, communionem sumendo.* Concilium Aurelianense III. *Si quis adulterasse aut confessus fuerit, vel convictus, depositus ab officio, communionem concessa, in monasterio toto vita sua tempore trudatur.* Et mox non detractionis in monasterium, sed degradationis mentione facta: *Si quis clericus furtum aut falsitatem admiserit, quia capitalia etiam sunt crimina, communionem concessa, ab ordine degradetur.* In collectione a MARTINO Braçar, ex canonibus Græcis in usum ecclesiæ Hispa- Can. 50.
C. 22.
Can. 7.

Can. 26.

Hispanicæ facta, similis habetur canon: Si quis homicidii aut facto aut præcepto, aut consilio aut defensione post baptismum conscius fuerit, & per aliquam subreptionem ad clericatum venerit, dejiciatur, & in finem vite suæ laicam communionem tantummodo recipiat. Hæc aliaque monumenta antiquitatis ecclesiasticæ, qui attenderit, nullum amplius dubium habebit, quid sit laica communio, ad quam redigi solebant frequenter clerici; aliquando autem ea etiam privati ob enormitatem scelerum aut disciplinæ severitatem. Qualem incurrisse censuram E V A R I S T U M

Ep. 52. ad
Cornel.

T. II.

conc. p.

615.

quemdam episcopum discimus ex S. C Y P R I A N O, scilicet, de episcopo jam nec laicum remansisse, cathedra & plebis extorem, & de ecclesia C H R I S T I exulem. Et in concilio Agrippinensi: quia Euphrata C H R I S T U M D E U M negat, consensio, eum episcopum esse non posse; qui nec laicam debet communionem accipere. Concilium Illi-

Can. 18.

beritanum: Episcopi, presbyteri, & diacones, si in ministerio positi, detecti fuerint, quod sint mæchati, placuit, & propter scandalum, & propter profanum crimen, nec in fine eos communionem accipere debere. Nec severitatem istam hoc tantum concilium adhibuit, in

Can. 2.

concilio Sardicensi latius extenditur: Omnino ergo has fraudes & artes puniendas esse existimo: ut nemo possit, qui est ejusmodi, ne in fine quidem laica communione dignus haberi.

Can. 76.

Canone I. eadem privatio laicæ communionis indicitur. Et in laudato concilio Illiberitano poena illa ad certum etiam restricta habetur tempus: Si quis diaconum se promiserit ordinari, & postea fuerit detectus in crimine mortis, quod aliquando commiserit, si sponte fuerit

fuerit confessus, placuit eum, acta legitima pœnitentia, post triennium accipere communionem. Quodsi alius eum detexerit, post quinquennium, acta pœnitentia, accipere communionem laicam debere. In concilio Hispalensi eadem indulgentia fit post relegationem in monasterium: Desertorem clericum, cingulo honoris atque ordinationis suæ exutum, aliquo tempore monasterio relegari convenit; sicque postea in ministerio ecclesiastici ordinis revocari. Can. 3.

Multi fuerunt, qui secuti auctorem glossarum decreti Gratiani, eandem putaverint esse communionem laicam, & peregrinam, quæ pariter occurrit in antiquis canonibus clericorum pœna. Ac primum in concilio Regien. constitutum fuit, ut ARMENTARIUS, qui invitus ad cathedram Ebredunensem, contra canones a binis duntaxat episcopis, absque provincialium consensu & primatis auctoritate ordinatus fuerat, juvenis canonumque ignarus, episcopali sede abstineret, & vel chorepiscopi titulum acciperet, vel peregrina communione frueretur. In Agathensis concilii duobus canonibus fit communionis peregrinæ mentio, ad quam redigantur contumaces clerici, & superbi, qui communionem contemserint, aut ecclesiam frequentare, vel officium implere neglexerint, aut qui furtum fecerint. Et in concilio Ilerdensi eadem pœna indicitur clericis rapacibus, diripiendis prælatorum vita functorum hæreditatibus intentis. Ex quibus omnibus colligitur, aliam & leviolem pœnam hanc fuisse communionem laicam, & haud dubie eandem, ac communio fuit clericis peregrinis indulta, qui munus ac officium in aliena ecclesia non obibant, nec sportulis aut beneficio gaudebant; ita, ut cum eos pœnitentia correxerit, An. 439.
Can. 2.
Can. 5.
C. 15.
C. 2.
rescri-

- rescripti in matricula gradum suum dignitatemque suscipiant. Haud absimiles habentur poenæ clericis inflictæ, ut communione clericali contenti ab officio penitus aut ex parte tantum arcerentur. Sic duo sunt apud S. BASILIUM canones: *De presbytero, qui per ignorantiam nefariis nuptiis implicatus est, definiui, quæ oporteat: esse quidem cathedra participem, a reliquis autem actionibus abstinere.* Et: *Diaconus, qui pollutus est labiis, & se eousque peccasse confessus est, a ministerio prohibebitur, sacramentorum autem cum diaconis particeps esse sinetur.* Faciunt hæc ad illustrationem communionis peregrinæ clericorum, ac ostendunt, clericorum communionem esse potuisse, & tamen poenam; quæ in ARMENTARIO respondebat ei poenæ, ut a munere episcopali alienus, tantum chorepiscopi nomen haberet.

- Quod in antiqua ecclesia non erat infrequens, ut quis nomen retineret sine officio, quam sententiam contra MELETIUM tulit, aut potius moderata est synodus Nicæna: *Ut in urbe Lyco degeret, quæ sunt SOZOMENI verba, solo episcopi nomine contentus: nec deinceps sive in urbe sive in vico ordinationem ullam faceret.* Idem circa Novatianos fuit statutum in eodem concilio: *Qui apud eos, qui Cathari dicuntur, nominatur episcopus, presbyteri honorem habebit: nisi utique episcopo placeat, ipsum nominis honorem impertire.* Et concilium Trullanum: *Ne liceat episcopo in alia, quæ ad se non pertinet, civitate publice docere. Si quis autem hoc facere deprehensus fuerit, ab episcopatu desistat, presbyteri autem munere fungatur.* Idem de aliis ordinibus contingebat: *Sub*

Subdiaconus defuncta uxore, habet concilio Toletanum I. si aliam duxerit, ab officio in quo ordinatus fuerat, removeatur, & habeatur inter ostiarios vel inter lectores, ita ut evangelium & epistolam non legat. C. 4.

§. CXXVI.

Clerici pro ratione criminis ad dicti poenitentiae publicae, aut censuram ecclesiasticam contemnentes, sacra munia obeuntes, penitus ad sacrum ministerium inepti reddebantur, & dicuntur irregulares. De irregulâritate in poenam.

Universalis hæc erat antiquæ ecclesiæ disciplina ac praxis, ut poenitentiae publicae addicti unquam, a clero omnino arcerentur, nec ad sacras functiones & ministerium redintegrari potuerint. *Ut constitueretur, inquit S. AUGUSTINUS, in ecclesia, ne quisquam post alicujus criminis poenitentiam clericatum accipiat, vel ad clericatum redeat, vel in clericatu maneat, non desperatione indulgentiae, sed rigore factum est disciplina.* In hoc canones veteres conspirant, ne quis ad clericatummitteretur, aut certe per errorem admissus deponeretur, qui poenitentiae publicae erat aliquando subjectus. Ita concilium Nicænum: *Quicumque ex iis, qui lapsi sunt, vel per ignorantiam, vel scientibus iis, qui promoverunt, ordinati sunt, hoc ecclesiastico canoni non præjudicat. Ii enim cogniti deponuntur.* Et concilium Carthaginense IV. *Ex poenitentibus (quavis sit bonus) clericus non ordinetur. Si per ignorantiam episcopi factum fuerit, deponatur a cle-* Epist. 185. ad Bonif. Can. 10. Can. 62.

Can. 3.

a clero, quia se ordinationis tempore non prodidit fuisse pœnitentem. Si autem sciens episcopus ordinaverit talem, etiam ab episcopatus sui, ordinandi duntaxat, potestate privetur. Concilium Epaonense: *Pœnitentiam professi ad clericatum penitus non vocantur.*

Conc. Tol.
let. I. C. 2.
De eccles.
dogm. c.
72.

Can. 9.

Intelligitur hic pœnitentia publica & solennis: *Pœnitentem dicimus, qui publicam pœnitentiam gerens, sub cilicio, divino fuerit reconciliatus altario.* Et GENNADIUS dicit: *Clericum non ordinandum, qui publica pœnitentia mortalia crimina deflet.* Nec tamen laudatus paulo ante canon Nicænus, nec alter ejusdem concilii proxime præcedens expresse meminit publicæ pœnitentiæ: *Si qui citra examinationem promoti sunt presbyteri, vel examinati peccata sunt confessi, eisque confessis, præter canonem moti homines manus imposuerunt, eos canon non admittit.* Quod est enim a reprehensione alienum, defendit ecclesia. Et concilium Neocæsariense: *Si presbyter, qui corpore prius peccaverat, promotus fuerit, & si ante ordinationem peccasse confessus fuerit, ne offerat, manens in aliis propter aliud ejus bonæ vitæ studium.* Reliqua enim peccata dicunt multi manuum impositione tolli.

Can. 9.

C. 10.

Obscurum est de qua manuum impositione agatur. In concilio Gerundinensi ita habetur: *Qui agritudinis languore depressus, pœnitentia benedictionem (quam viaticum deputamus) per communionem acceperit, & postmodum reconvalescens caput pœnitentia publicæ in ecclesia non subdiderit; si prohibitis vitiis non detinetur obnoxius, admittatur ad clerum.* Et concilium Carthaginense V. *Confirmatum est, ut si quando pres-*

C. 11.

presbyteri vel diaconi in aliqua graviore culpa convicti fuerint, quia eos a ministerio necesse fuerit removeri, non eis manus tanquam poenitentibus, vel tanquam fidelibus laicis, imponatur. Et S. L E O P. „Alienum est a „ *Epist. 92.*
 consuetudine ecclesiastica, ut qui in presby- „ *ad Rusti-*
 terali honore aut in diaconi gradu fuerint „ *cum*
 consecrati, hi pro crimine aliquo suo per „
 manus impositionem remedium accipiant „
 poenitendi: quod sine dubio ex apostolica „
 traditione descendit, secundum quod scri- „
 ptum est: *Sacerdos si peccaverit, quis orabit* „
pro eo? Unde hujusmodi lapsis ad promo- „
 vendam misericordiam D E I privata est ex- „
 petenda secessio, ubi illis satisfactio, si fue- „
 rit digna, sit etiam fructuosa.

Meminit tantum majorum ordinum presbyteratus & diaconatus; & in concilio Tolentino I. non omnino poenitentibus ad minores ordines, impeditur accessus: *Placuit, ut poenitentes non admittantur ad clerum, nisi tantum si necessitas aut usus exegerit, & tunc inter ostiarios deputentur, vel inter lectores.* *Can. 2.*
 Ad majores ergo ordines ordinaria hæc erat & rata irregularitas.

Quibus aliæ adjungi possunt ex crimine; & novo jure decretalium imprimis notandum est, quod suspensus ab officio seu ministerio sacro, si eidem se culpabiliter ingesserit, irregularitatem contrahat: cum talis veteri disciplina depositus penitus ab ecclesia excisus sit, *C. 1. de*
 & qui cum eo communicarint similiter ab ecclesia ejecti: *Sententia*
re jud.
Si quis episcopus, aut presbyter, in 6.
aut diaconus, habet canon apostolicus, juste C. 29.
propter manifesta crimina depositus, attingere
sibi quondam traditum ministerium ausus fue-
rit, is penitus ab ecclesia excindatur. Et concilium

H h

lium

Can. 4.

lium Antiochenum : Si quis episcopus a synodo depositus vel presbyter vel diaconus a proprio episcopo, sacrum celebrare ausus fuerit, sive episcopus secundum precedentem consuetudinem, sive presbyter, sive diaconus, nullam amplius spem restitutionis in alio synodo neque defensionis locum ei habere liceat. Sed & omnes, qui ei communicant, ex ecclesia ejiciantur, & maxime si quam sententiam adversus predictos prolatam didicerunt, eis communicare ausi fuerint. Alia ad hoc argumentum suo loco de sacramento ordinis dicentur.

§. CXXVII.

De interdicto.

Cum excommunicatione & suspensione in plerisque convenit interdictum & cessatio a divinis, quibus quarundam rerum divinarum usus, quatenus est communis fidelibus, interdictitur, intermittiturque, non vero quoad communicationem cum fidelibus.

Cap. 11. de sponsalibus &c.
& de penitent. & remiss.

Videtur interdictum cum excommunicatione convenire, quatenus est separatio a sacramentis & officiis divinis & ecclesiastica sepultura; in hoc tamen discrimen ponunt doctores, quod excommunicatio separet a divinis propter denegatam communionem fidelium cum aliis fidelibus in sacris & profanis; interdictum vero non subtrahat, aut denegat directe communionem fidelium, sed tantum divinarum dispensationem seu participationem. Addunt interdictum ferri posse
in

in locum vel communitatem, ut comprehendat nocentes cum innocentibus, excommunicationem autem tantum in certas & determinatas *Cap. 5. de personis nocentes. Unde qui accuratius present. ex-* niusque definiunt interdictum, addunt esse *commu-* censuram in locum & personas vel utrumque *nic. in 6.* simul latam.

Distinguunt nimirum triplex interdictum, locale, personale & mixtum. Locale dicitur, quod directe fertur ad locum, ne in eo exerceantur divina: dicitur directe ferri ad locum, quia indirecte etiam fertur ad homines, quatenus eo in loco divinis interesse nequeunt. Sed tamen quia directe solum locum respicit, non personas, ideo personæ possunt alio loco divinis assistere, sacramenta accipere, atque in locis sacris alibi sepeliri.

Interdictum personale vocatur, quod dirigitur immediate & directe in personam, ei que interdicat rerum quarundam divinarum usum: differtque a locali, quod non determinetur ad certum locum, sed ad certam personam: hinc dicitur ambulatorium, ac ambulare cum persona, quia quocunque in loco persona interdicta divinis interesse non potest; nullus autem propterea locus interdicto est suppositus, possuntque alii non interdicti in loco divinis interesse. Interdictum hoc revera suspensionem operatur, & in clericos decernitur vel in pœnam contumaciæ, ut sit medium eam frangendi, & clericos ad obsequium reducendi, vel ob culpam ac delictum hac pœna coercendum, vel ob accusationem seu inquisitionem ex gravi crimine contra clericum motam,

C. 10. de purgat. canon.

C. 26. de appell. 20. de verb. sign.

Mixtum ex utroque constat locali & personali, quod directe tam in locum quam in

C. 10. de purgat. canon.

personam fertur, ac uterque interdicto subiacet.

Interdictum tam locale quam personale iterum subdividitur in generale & speciale. Interdictum locale generale est, quo locus a pluribus communiter inhabitatus interdicatur, veluti regnum, civitas, castrum &c. speciale est, quo particularis locus sacer, ecclesia vel capella afficitur. Interdicto locali generali civitatis, castri &c. etiam contigua ædificia continentur etsi peculiaribus muris terminata juxta decretalem BONIFACII VIII. ne facile eludatur interdictum: „Nam
 „ (inquit) licet prædicta videantur alias murorum ambitu terminari, hoc tamen casu
 „ ne vilipendi valeat sententia interdicti (quod fieret, si posset in ipsorum suburbiis, vel
 „ continentibus ædificiis licite celebrari, ut prius) expedit interpretationem fieri latior.
 „ rem. „ De interdicto speciali similiter: „ Si sit ecclesia interdicto supposita vel subjecta;
 „ nec in capella ejus celebrari, nec in cœmeterio ipsius eidem ecclesiæ contiguus poterit sepeliri, secus si ea contigua non existant. „

C. 10. §
 17. de sentent. ex-
 commun.
 in 6.

Cit. c. 17.

Interdictum personale generale est, quod fertur directe in ipsos homines scilicet communitatem, collegium, populum &c. Et propterea locus ipse vel ecclesiæ in tali loco existentes non sunt interdictæ, quin ibidem possint divina officia celebrari, atque etiam ad ea admitti peregrini, viatores, & omnes alii habitatores loci, qui non sunt membra communitatis interdictæ, vel qui per domicilii mutationem, aut alio modo membra esse desierunt. Quin etiam in interdicto locali personæ, qui nec per se, nec per auxilium, consi-

consilium, favorem, interdicto causam dederunt, possunt licite extra locum interdictum divina audire juxta cap. 16. de sententia excomm. in 6. ubi etiam declaratur: *Si sententia interdicti proferatur in clerum, non intelligi (nisi aliud sit expressum in ea) interdictus populus; nec etiam e converso. Unde uno interdicto ipsorum, alius licite admittitur ad divina.*

Interdictum personale speciale est, quando aliquis aut plures interdicuntur expressis propriis nominibus aut saltem generaliter dicendo, singulos tali in causa culpabiles interdictos esse.

Huc referri potest, quod quidam primum ponunt interdicti exemplum ex S. BASILIO ob raptam virginem parentibus restituendam: „Puellam quidem (sunt S. Præsulis verba) „*Ep. 144. vet. ed.* ubicumque inveneris auferens omni contentione parentibus restitue. Raptorem vero e precibus excommunica, & ejectum proclama: quin etiam pagum, qui hominem illum susceperit cum puella rapta, aut servaverit, aut armis defenderit, ipsum orationum expertem cum omni populo effice. Negari non potest, quandam interdicti faciem hic apparere conformem disciplinæ illius temporis, quoad publicam pœnitentiam & excommunicandi modum. Quoad de re jam S. AUGUSTINUM adduximus, & mox laudabimus, quid de excommunicatione integrarum communitatum senserit, falsus aliquos magni nominis sacerdotes cum domo sua quempiam anathematizasse. Quod refertur a GRATIANO C. 1. *caus. q. 3.* *An pro peccato alicujus tota familia sit 24. q. 3. excommunicanda?* Nec excommunicationis nomen offendere debet, quod primum hic

*Aff. ord.
S. Bened.
Sec. III.
P. II. p.
313.*

*Lib. VIII.
hist. Fran-
cor.*

*Lib. V,
c. 33.*

*Lib. de
gloria con-
fess. c. 71.*

ob cognationem adhuc retentum est, etiam postquam propiora exempla censuræ interdicti, prout deinceps invaluit, habentur. Quale est apud MABILLONIUM de S. VIRGILIO in ejus vita: Quo cognito VIRGILIUS episcopus excommunicavit eam (ecclesiam) & appellavit eam discordia, & omnibus presbyteris contradixit, ut nemo ibi cantaret missam, nec aliud officium DEI, & ita excommunicata permansit, quousque VIRGILIUS episcopus vixit. Vixit autem VIRGILIUS vergente sæculo octavo, ubi & proxime superioribus sæculis vix alia occurrunt exempla, præter pauca a GREGORIO Turon. relata, e. g. ob S. PRÆTEXTATUM episcopum Rothomagensem in ecclesia ipso die Paschatis divina officia peragentem trucidatum: „ Tum LEUDOVICUS episcopus (ut rem narrat) episcopus stolas per omnes sacerdotes direxit, & accepto concilio ecclesias Rothomagenses clausit, ut in his populus solemnia divina non spectaret, donec indagatione communi reperiretur hujus auctor sceleris. „ Idem refert, dum ecclesia S. DIONYSII esset profanata cædibus & profusione sanguinis cessatum esse a faciendo officio divino, & culpabiles, donec satisfacerent, esse excommunicatos.

Singulare est, quod de FRANCONI episcopo Aquisgranensi refert, injuste a SIGEBERTO rege condemnato ad multam auri centum solidorum, ablata etiam terra ecclesiæ; episcopo sese prosternente ad sepulchrum S. MITRIATIS, & coram contestante, non fore luminaria accendenda, nec psalmos cantandos, donec sanctus vindicaverit servos suos ab inimicis suis, & ecclesiæ reddi fecerit vio-

lenter

lenter usurpata ecclesiæ bona. Quibus dictis episcopus spinas super sepulchrum & aditum ecclesiæ clausum sparfit. Idem haud ab simile narrat factum L E O N I S episcopi Agathensis *Lib. de gloria* sub Gothorum dominatione divinam vindi- *martyr. c. 79.* ctam provocantis in comitem G A M A C H A R I U M Arianum, qui terram ecclesiæ usurpaverat, & episcopo dira minatus fuerat. Ubi episcopus, postquam ad ecclesiam S. A N D R E Æ veniens orationi se dedisset, vigiliis celebrasset, & noctem in psalmodia & lacrimis transegisset, mane ad lampades in ecclesia suspensas accedens omnes confregit, contestans, non fore amplius luminare succendendum, donec D E U S vindictam ab hostibus suis sumserit, & bona domui suæ reddiderit. Hæc singularia & extraordinaria sunt exempla illorum temporum stirpis Merovingicæ.

Illud vero non apud omnes habet fidem, quod B A R O N I U S narrat ex annalibus Francorum de A G A P E T O P. C L O T A R I O regi mandante, ut culpam G U A L T E R O quodam domino de Yuetot, in ecclesia crudeliter interfecto, minante papa nisi digna satisfactione emendaret, alioquin regnum ipsius interdictum fore. Similiter, quæ ex conciliis Landaviensibus sæculi sexti & sequentium huc referri possunt, M O R I N U S, qui ea refert, supposititia habet, earumque synodorum auctorem ad initium sæculi duodecimi relegat, ut possit disciplinam sæculi undecimi referre. *De pœnitent. Lib. VII. c. 17.*

Sæculi illius undecimi habetur illustre exemplum in synodo Lemovicensi secunda an. 1031. Ne quid dicam de H I N C M A R O Laudunensi sæculo nono, qui clerum suum, cum sibi obedire detrectaret, excommunicans, presbyteris omnibus sui districtus interdixit

Sess. VII.

missam celebrare, baptismum administrare, poenitentiam item & viaticum etiam moribundis, & sepulturam mortuis: quod exorbitans est, cum baptismus & viaticum saltem ministrari tempore interdicto liceat. Audiamus autem qualem in laudato concilio Lemovicensi ODERICUS abbas suggererit episcopis medicinam adversus contumaciam principum & magistratuum tunc grassantem: „Nisi de
 „pace acquieverint, ligate omnem terram Le-
 „movicensem publica excommunicatione, eo
 „videlicet modo, ut nemo nisi clericus aut
 „pauper mendicans, aut peregrinus adve-
 „niens aut infans a bimatu & infra in toto
 „Lemovicino sepeliatur, nec in alium episco-
 „patum ad sepeliendum portetur. Divinum
 „officium per omnes ecclesias latenter agatur,
 „& baptismus petentibus tribuatur. Circa
 „horam tertiam signa sonent in ecclesiis om-
 „nibus, & omnes prout in faciem preces
 „pro tribulatione & pace fundant. Poeniten-
 „tia & viaticum in exitu mortis tribuatur.
 „Altaria per omnes ecclesias, sicut in Para-
 „sceve, nudentur: & cruces, & ornamenta
 „abscondantur: quia signum luctus & tristitiae
 „omnibus est. Ad missas tantum, quas unus-
 „quisque sacerdotum januis ecclesiarum ob-
 „feratis fecerit, altaria induantur, & iterum
 „post missas nudentur. Nemo in ipsa excom-
 „municatione uxorem ducat. Nemo alteri o-
 „sculum det &c. „ ADEMARUS Engolismensis vocat hanc *observantiam novam*. Et IVO Carnotensis vocat interdictum *remedium insolitum*. Vixque pauca in epistolis GREGORII VII. occurrunt exempla. Deinceps magis & magis sunt frequentata & jure canonico ad certam formam revocata, quin tamen
 ALE.

Epist. 94.

ALEXANDER III. ut quibusdam visum,
eorum auctor haberi debeat

§. CXXVIII.

Abusus & rigorem interdictorum ecclesia ac summi pontifices tollere studuerunt, varia etiam indulta & privilegia concedendo successu temporum. Ejusque modamine.

Tum ob novitatem, cum etiam inde, quod innocentes interdictis generalibus plerumque innodentur, acriter passim Protestantes in hoc censuræ genus invehuntur; alio tamen fundamento & cavillationis causa, quod legitimam ecclesiasticam potestatem & jus coactivum omne ecclesiæ demant, præsertim erga reges & princeps, quibus jus sacrorum adscribunt; ob quorum potissimum contumaciam hoc censuræ genus stringitur, dum aliter ad officium revocari nequeunt rebelles, contumaces, & censuras ecclesiasticas contemnentes, ut saltem sic flectantur, & sibi timeant, aut a suis subditis ad hoc inducantur.

Nonnunquam pluribus annis integra regna hoc in malo contabuerunt. Sic MARIANA scribit de Lusitania interdicto supposita ob dimissam ab ALPHONSO uxorem MATHILDEM: *Interdictum tenuisse duodecim annos scribunt*, sunt verba MARIANÆ, *Lib. III. dum neque rex mutat, neque consequentes pontifices de justissima indignatione remittunt, re- de rebus Hispan. c. 12. giæ improbitatis pœnam innocentes populi sustinent.* Hoc est quod maxime in interdicto offendit, cum tamen non directe puniantur inno-

H h 5

cen.

centes, sed damnum per accidens tantum sentiant, quatenus & quamdiu in loco vel communitate interdicta versantur; quia, ut diximus, extra locum interdictum divina audire possunt juxta jam citatum cap. 16. de sententia excommun. in 6. Alias vero nihil communius est in rebus humanis & moderna providentia, quam ut promiscue innocentes cum nocentibus mala sentiant in publicis calamitatibus; quemadmodum hic fieri solet ob publicam aliquam & gravem causam, quando rectores & personæ publicæ sunt culpæ obnoxii, & satisfacere renuunt.

Atque hinc etiam patet, quid ad id dicendum, quod ex S. AUGUSTINO afferunt, & nos jam retulimus de excommunicatione, ubi multitudo sociæ est etiam criminis, non stringenda; discrimen enim attendendum est excommunicationem inter & interdictum. Vel hinc enim, ne innocens forte cum nocente pœnam excommunicationis subeat, commoda est interdicti censura, quæ neminem directe ferit, nec ulli coram DEO nocet; qui peccati haud particeps luget malum publicum & patienter sustinet. Secus ac in excommunicatione contingit. Unde potius sequi, quantum licet, ecclesia consilium S. AUGUSTINI dici potest, integram multitudinem non excommunicando, sed ad mali sensum & indignationem justam provocando bonos & innocentes, malos autem & nocentes terrendo per interdictum. „ Ita enim (dicere cum S. AUGUSTINO licet) salva pace corrigitur, „ & medicinaliter uritur. Propterea de illo „ dixit, quem tali medicina sanari voluerat, „ satis hæc est correptio a multis. Neque enim „ potest esse salubris a multis correctio, nisi „ cum ille corripitur, qui non habet sociam „ multi-

*Lib. III.
cont. Par-
men. c. 2.*

multitudinem. Cum vero idem morbus pluri-
 mos occupaverit, nihil aliud bonis restat,
 quam dolor & gemitus; ut per illud signum,
 quod EZECHIELI sancto revelatur, illæsi
 evadere ab illorum vastatione mereantur.
 Est censura interdicti publici luctus quoddam
 genus, grande illud quidem, quod bonum
 quemcunque & religiosum maxime debeat per-
 cellere. Atque vel hinc ecclesia cavit, ne
 quæ exacerbatio interveniat, aut iniquitas:
 „ Quicumque ergo (jam a concilio Toletano „ *Can. 7.*
 XIII. est cautum) sacerdotum vel ministro-
 rum deinceps causa cujuslibet doloris vel
 amaritudinis permotus, aut altare divinum
 vel vestibus sacris exuere præsumserit, aut
 qualibet alia lugubri veste accingi, seu e-
 tiam si consueta luminariorum sacrorum ob-
 sequia de templo DEI subtraxerit, vel ex-
 tingui præceperit, aut quodcunque lugubri-
 tatis in templo DEI induxerit, atque (quod
 pejus est) occasionem nutrierit, unde de
 templis Domini aut officia consueta desint,
 aut oblatio singularis sacrificii videatur in
 aliquo defraudari, si eum antea veræ pœni-
 tudinis coram metropolitano satisfactio non
 purgaverit, ignobilitati perpetuæ mancipa-
 tus, juxta superiorem sententiam Domini,
 & loci sui dignitate se noverit & hoc ho-
 nore privari.

Romani pontifices mala, quæ ex interdi-
 cto provenire queant, attendentes multum mi-
 tigarunt, imprimis BONIFACIUS VIII,
 qui ea recenset, & cordi habet: *Quia ex di-* C. 24. *de*
strictione hujusmodi statutorum excrescit in- *sentent.*
devotio populi, pullulant hæreses, & infini- *excommun.*
ta pericula animarum insurgunt ac ecclesiis in 6.
sine culpa earum debita obsequia subtrahun-
tur.

*C. 43. de
sent. ex-
commun.*

*C. 11. de
pœnit. &
remiss.*

*C. 57. de
sent. ex-
comm.*

*C. 24. eod.
t. in 6.*

tur. Jam antea summi pontifices ALEXAN-
DER III. & INNOCENTIUS III. va-
ria remiserunt non solum ut baptismum par-
vulorum & pœnitentias morientium celebra-
re liceat; sed etiam tempore interdicti popu-
lo prædicari verbum DEI, & parvulis dari
sacramentum confirmationis, ut clerici dece-
dentes, qui tamen servarint interdictum in
cœmeterio ecclesiæ sine campanarum pulsio-
ne, cessantibus solemnitatibus omnibus cum
silentio tumultentur. Et in conventualibus ec-
clesiis bini & bini vel simul tres horas cano-
nicas valeant legere, non cantare, januis
clausis, interdictis & excommunicatis exclu-
sis, & voce ita remissa, quod exterius audiri
non possit. Cruce signatis & peregrinis por-
ro indulgetur etiam ut benevalentibus detur
pœnitentia cum postulaverint. GREGO-
RIUS IX. permittit ecclesiarum ministris se-
mel in hebdomada tempore interdicti, non
pulsatis campanis, voce submissa, januis clau-
sis, excommunicatis & interdictis exclusis,
missarum solemnia celebrare causa conficien-
di corporis Domini, quod excedentibus in
pœnitentia non negatur. BONIFACIUS
VIII. adhuc plus indulgit: „Quod tempore
„ interdicti ab homine, vel a jure prolati,
„ non tantummodo morientes, sed etiam vi-
„ ventes tam sani etiam quam infirmi ad pœ-
„ nitentiam (quæ propter pronitatem & fa-
„ cilitatem hominum ad peccandum, summe
„ necessaria est) licite admittantur, dum ta-
„ men excommunicati non fuerint, quos ad-
„ mitti (præterquam in mortis articulo) no-
„ lumus ad eandem. Illis etiam propter quo-
„ rum culpam, dolum vel fraudem lata est
„ sententia interdicti, vel qui ad perpetranda
„ dum

dum delictum, cujus occasione ipsum in-
terdictum est latum, præbuerunt auxilium,
consilium, favorem: nisi de ipso delicto (si
sint tales, quod id facere valeant) prius
satisfecerint, vel de satisfaciendo idoneam
dederint cautionem, aut si satisfacere ne-
queunt, vel hujusmodi cautionem præsta-
re juraverint &c. Adjicimus præterea quod
singulis diebus in ecclesiis & monasteriis
missæ celebrentur, & alia dicantur divina
officia sicut prius: submissa tamen voce &c.
In festivitatibus vero Natalis Domini, Pa-
schæ, ac Pentecostes, & assumptionis Vir-
ginis gloriosæ, campanæ pulsentur, & ja-
nuis apertis alta voce divina officia solemni-
ter celebrentur, excommunicatis prorsus
exclusis, sed interdictis admissis: quibus ob
reverentiam dictarum solemnitatum (ut ipsi
ad humilitatis gratiam & reconciliationis af-
fectum facilius inclinentur) præfatis diebus
participationem permittimus divinorum: sic
tamen quod illi propter quorum excessum
interdictum hujusmodi est prolatum, altari
nullatenus appropinquent.

In concilio Lateranensi IV. varia privilegia
quibusdam ordinibus religiosis leguntur con-
cessa, ut si ad locum interdictum venirent,
in eorum jucundo adventu semel in anno una
saltem aperiretur ecclesia, ut exclusis specia-
tim excommunicatis, divina celebrarent offi-
cia. Refertur hoc in decretalibus GREGO-
RII IX. c. 24. *de privilegiis & excessibus pri-
vilegiatorum*, & mox aliud subjungitur, in
favorem pontificalis officii, ut cum communi
terræ fuerit interdictum, excommunicatis &
interdictis exclusis, possint quandoque januis
clausis suppressa voce, non pulsatis campanis
cele.

C. 24. de
privil. &
excess. pri-
vil.

An. 1516. celebrare divina officia, nisi hoc ipsum eis expresse fuerit interdictum. Ordines ac monasteria varia diversa acceperunt privilegia tum circa interdicta generalia, cum etiam ne ullius episcopi interdicto subjici possint. Quale privilegium INNOCENTIUS capellæ regis Angliæ, & GREGORIUS IX. capellis regiis Franciæ indulgit. Singulare etiam est, quod LEO X. CAROLO V. pro ordine aurei velleris dedit.

§. CXXIX.

De legitimo ordine in censuris infligendis. Censuræ, quoniam medicinales sunt, præcipitandæ non sunt, legitimo juris ordine infligendæ, justaque apud superiorem potest interponi causâ ante censuram latam.

Cap. 1. de sent. excom. in 6.

Cum medicinalis sit excommunicatio, dæcernit concilium Lugdunense sub INNOCENTIO IV. non mortalis, disciplinans non eradicans, dum tamen is, in quem lata fuerit, non contemnat; caute provideat iudex ecclesiasticus, ut in ea ferenda ostendat se prosequi, quod corrigentis fuerit & medentis. Quisquis igitur excommunicat, excommunicationem in scriptis proferat, & causam excommunicationis expresse conscribat, propter quam excommunicatio proferatur. Exemplum verbu hujusmodi scripturæ teneatur excommunicato tradere intra mensem, si fuerit requisitus, super qua requisitione fieri volumus publicum instrumentum, vel litteras testimoniales confici sigillo authentico consignatas. . . Et hac eadem in suspensionis & interdicti sententiis volumus obser-

observari. Ibidem ab eodem qui legitima pol-
 lent potestate & jurisdictione monentur, ut
nec in specie nec in genere pro culpis & offen-
sis prateritis vel presentibus excommunica-
tionum sententias absque competenti moni-
tione premissa promulgent, & si contra
presumerint, injustas noverint esse illas. Jam
 antea in concilio Lateranensi sub INNOCENTIO III. circa idem fuit constitutum, C. 48. de
 „ Ne quis in aliquem excommunicationis „ *sent. ex-*
 sententiam, nisi competenti admonitione „ *com.*
 premissa, & personis presentibus idoneis „
 per quas si necesse fuerit, possit probari mo- „
 nitio, promulgare presumat; quodsi con- „
 tra presumerit, etiamsi justa fuerit excom- „
 municationis sententia, ingressum ecclesie „
 per mensem unum sibi noverit interdictum, „
 alia nihilominus poena mulctandus, si visum „
 fuerit expedire. Caveat etiam diligenter, ne „
 ad excommunicationem cujusquam absque „
 manifesta & rationabili causa procedat: ad „
 quam si taliter forte processerit, & requisi- „
 tus humiliter processum hujusmodi non cu- „
 raverit absque gravamine revocare, grava- „
 tus apud superiorem deponat de injusta ex- „
 communicatione querelam: qui (si absque „
 periculo morae potest) ad excommunicato- „
 rem illum cum suo mandato remittat, in- „
 tra competentem terminum absolvendum: „
 alioquin ipse per se vel per alium (prout „
 viderit expedire) sufficienti cautione rece- „
 pta munus ei absolutionis impendat. „ Alio-
 quin vero censuræ per appellationem subse-
 quentem minime suspenduntur juxta decreta-
 lem BONIFACII VIII. „ Sane sicut ex- „ C. 20. de
 communicatio sic ab officio vel ab ingressu „ *sent. ex-*
 ecclesie lata suspensio; aut ipsius effectus „ *com. in 6.*
 „ per

C. 14. eod.
t. in 6.

„ per appellationem sequentem minime sus-
„ spenduntur. „ Nec etiam valet juxta eun-
dem: „ Si appellationem eandem intra tem-
„ pus ad ipsam prosequendam ab homine, vel
„ a jure statutum, non fuerit, ut debuit, pro-
„ secutus. „ Quin tamen excommunicationis
sententia post appellationem legitimam
promulgata, per negligentiam appellantis, ap-
pellationem suam minime prosequentis ratifi-
cetur, nec etiam convalescat. Jam antea ab
INNOCENTIO III. fuit cautum: si quis
recusat ad archiepiscopum questus, se a suo
episcopo fuisse excommunicatum post jam in-
terpositam a se appellationem in causa; vel
in forma excommunicationis errorem intole-
rabilem patenter fuisse expressum, ad proba-
tionem admittendum esse, etiamsi non petat
absolutionem, sed donec de allegatis consti-
terit, in aliis actis non judicialibus citandum
esse. In aliis vero causis, nisi absolutionem
petat, non debere audiri &c.

§. CXXX.

Et absolu-
tione ab
iisdem.

Absolutio a censuris eadem au-
toritate fit, qua infliguntur, ab il-
lis, qui hac potestate gaudent, aut
quibus illi eam concesserunt, præ-
sertim in censuris a jure latis, & pro
foro interno.

Can. 33.

Ea constans & rata semper fuit in ecclesia
lex, ut censura solvere illi soli competeret,
qui eam inflixit. *Si quis presbyter, habet ca-*
non apostolicus, aut diaconus, ab episcopo se-
gregatus sit, hunc ab alio recipi non liceat,
præter.

præterquam ab eo, qui eum segregavit; nisi forsitan, qui segregavit illum, mortuus fuerit. Concilium Illiberitanum: Placuit cun- *Can. 53.*
ctis, ut ab eo episcopo quis accipiat commun-
ionem, a quo abstentus in crimine aliquo
fuerit. Quodsi alius episcopus præsumserit eum
admittere, illo adhuc minime faciente vel con-
sentiente, a quo fuerat communione privatus,
sciat se ejusmodi causas inter fratres cum status
sui periculo præstaturum. Concilium Nicæ- *Can. 5.*
num: De his qui communione privantur seu
ex clero seu ex laico ordine ab episcopis, per
unamquamque provinciam sententia regularis
obteneat, ut hi qui abjiciuntur non recipian-
tur ab aliis. Requiritur, ne pusillanimitate,
aut contentione, aut alio quolibet episcopi vi-
tio videantur a congregatione seclusi. Ut hoc
ergo decentius requiratur, bene placuit annis
singulis per quamcunque provinciam bis in
anno concilia celebrari, aut communiter om-
nibus simul episcopis provinciæ congregatis,
discutiantur hujusmodi quæstiones, & sic qui
suo peccaverint evidenter episcopo excommuni-
cati rationabiliter ab omnibus astimentur,
usquequo vel in communi vel episcopo placeat
humaniorem pro talibus ferre sententiam.
Concilium Antiochenum postea hunc renova-
vit canonem: Si quis a proprio episcopo fuerit *Can. 6.*
excommunicatus, ne prius ab aliis suscipiatur,
quam fuerit a proprio episcopo susceptus, vel
facta synodo accedens se defenderit, & per-
suasa synodo aliam sententiam retulerit. Ita
ergo firma fuit censura ecclesiastica, donec ab-
olutio ab eo, qui eam tulit, fuisset impertita,
aut synodus provincialis, intercessisset, si
forte injusta fuisset, aut jam eatenus satisfecisse
reus judicatus esset, ut absolutionem merere-
tur accipere.

C. 7. §. 3.
de sent. ex-
com. in 6.

Jus hoc revocatum est hodie, cessantibus conciliis provincialibus, cum aliis ad tribunal superius metropoliticum & Romanum. Quae de re ita INNOCENTIUS IV. statuit:

„ Sane si certum est excommunicationis sen-
 „ tentiam esse justam, velut cum propter mani-
 „ festum excessum est in aliquem promulgata:
 „ superior judex (nisi periculum sit in mora)
 „ excommunicatum ad excommunicatorem
 „ prorsus remittere debet: nec debet eum ab-
 „ solvere nisi excommunicator requisitus mali-
 „ tiose illi absolutionis beneficium denegat
 „ exhibere. Si vero constat, hujusmodi sen-
 „ tentiam esse injustam, nequaquam remitten-
 „ dus est ad suum excommunicatorem ex-
 „ communicatus, sed debet sine difficultate
 „ aliqua mox absolvi. Quodsi dubitetur,
 „ utrum justa sit vel injusta, superior (nisi ex-
 „ communicatori deferat) relaxare juxta for-
 „ mam ecclesiae potest illam: quamquam ho-
 „ nestius & convenientius agat, si ei deferat
 „ in hoc casu. Ubi etiam superiori competit
 „ de excommunicatione cognoscere, absolu-
 „ tio seu relaxatio, quam ipse fecerit, tenet,
 „ licet forsitan sit justa: quoniam etsi contra
 „ jus ligatoris, non tamen contra jus consti-
 „ tutionis absolvit. „ A censuris, a superiori-
 „ bus regularibus & abbatibus, qui sunt iudices
 „ ordinarii suorum regularium, appellatio ad
 „ episcopum pertinet.

C. 28.

Quodsi mortuus fuerit, qui censuram tulit, non propterea expirat censura, sed jus absolvendi ad successorem devolvitur, ut habetur apud GRATIANUM ex concilio Epaonenſi: *Si episcopus ante damnati absolutionem obitu rapiatur, correctum aut penitentem successoris licebit absolvere.* Capitulum cathe-

cathedrale, quia succedit in jurisdictionem C. un. de
episcopi; sede vacante eadem pollet auctori-
tate. Secus sciunt auctores de capitulis re-
gularibus & collegiatis sede vacante, ubi regu-
lariter ad ordinarium devolvitur jurisdictio. *majorit. & obed. in 6.*

Extrema necessitas seu articulus mortis; nulli
hic subest legi aut reservationi: *Atque adeo, Sess. XIV,*
sunt concilii Tridentini verba: *omnes sacerdo-*
tes quoslibet pœnitentes a quibusvis peccatis &
cenfuris absolvere possunt. Quodsi tamen peri-
culum evadat & convalescat; superiorem cen-
suram ferentem accedere debet, ut satisfactionem
præstet, ab eoque etiam in foro externo absolu-
tionem impetret. Quia altera illa absolutio
tantum pro foro interno fuit: & qui reconva-
lescens non se præsentarit episcopo cessante
impedimento quam cito commode potuerit, in
eandem sententiam recidere ipso jure decernit
BONIFACIUS VIII. *C. 22. de sent. ex-
com. in 6.*

A censuris jure latis, si non sint reservatæ,
proprius episcopus aut parochus absolvere po-
test, quemadmodum & ab excommunicatio-
ne minori. Ita expresse habetur cap. Nuper
29. de sent. excommunicationis: *A suo epi-*
scopo vel proprio sacerdote poterit beneficium
absolutionis obtinere; quamvis enim & tunc
non judicis sed juris sententia excommunicato,
communicans sit ligatus; quia tamen con-
ditor canonis ejus absolutionem sibi speciali-
ter non retinuit, eo ipso concessisse videtur
aliis facultatem relaxandi. Ex quibus ver-
bis colligunt doctores confessarium, qui ha-
bet auctoritatem absolvendi quoad forum in-
ternum, etiam ab ejusmodi censuris posse ab-
solvere. Unde solet in formula absolutionis
hodie usitata præmitti absolutio a censuris:
Absolve te ab omni vinculo excommunicatio-

nis, suspensionis & interdicti, in quantum indiges, & ego possum. Quæ vocatur absolutio ad cautelam, ne absolutio sacramentalis propter censuram a pœnitente contractam invaliditatis periculo exponatur. Hinc etiam in resccriptis, bullis & privilegiis apostolicis solet poni hæc formula: Te ab omni vinculo excommunicationis, quod incurristi, absolventes, vel absolutum fore censes. Nimirum ut additur: Ad effectum presentium consequendum, & non alias.


*Sess.
XXIV.
de reform.
c. 6.*

*De officio
episcopi P.
III. alleg.
5. n. 57.*

Quoad censuras reservatas reservans eoipso absolutionem sibi vindicat. Nihilominus in concilio Tridentino episcopis id est datum privilegium, ut in omnibus censuris & irregularitatibus occultis summo pontifici reservatis absolvere & dispensare valeant. Similia privilegia diversi ordines religiosi mendicantes imprimis, & qui communionem privilegiorum cum illis habent, a summo pontifice per speciales bullas habent, ad quos in dubio pro majori securitate & tranquillanda conscientia recurrendum est in sacro tribunali. BARBOSA ex variis canonibus & bullis ad 88. hujusmodi reservatas summo pontifici collegit, & in sola bulla Cœnæ Domini 20. habentur. Attendendum autem volunt doctores ad consuetudinem locorum circa receptionem talium censurarum & promulgationem legitimam præsertim quoad censuras, juxta ea, quæ paulo ante diximus. Unde sunt qui censeant doctores, etiam bullam Cœnæ, sicut in Gallia, ita & in Germania non esse receptam, licet Romæ quotannis promulgetur.



INDEX



INDEX RERUM MEMORABILIUM.

A.

Abbates ad concilia ultro olim admissi. 114. In suos religiosos plenam habent jurisdictionem. 117. In rebus majoris momenti adhibere tenentur fratrum concilia. 118. Ac in casibus jure expressis etiam consensum capituli exquirere. 119. Qui jurisdictione quasi episcopali gaudent, jus etiam institutionis ad ecclesiastica beneficia habent. 288.

Actor quis dicatur? 352. Reo comparere nolente verus efficitur possessor causæ. *ib.*

Accusatio quid? 364. Ejus forma ac institutio. *ib. seq.*

Adulterii definitio. 410. Hodie juxta duritiem legis Mosaicæ in illud non animadvertitur. 411. Divortium inducit quoad thorum & mensam. 412.

S. Ambrosii vigor pastoralis in reprimendis contra eccle-

siæ potestatem usurpationibus. 28. Et studium in dirimendis fidelium causis. 323. Vasis altaris christianos a barbaris captivos redimit. 236. Ab Arianis eam ob rem in crimen vocatus se defendit. 247.

Annatarum jus quid sit? 233. Unde earum usus invaluerit? 269. Graves ob eas motus sæculo XV. *ib.*

Appellationes quid & quibus concessæ. 359. Ad judicem competentem gradatim, non per saltum faciendæ, *ib.* In antiqua ecclesia non tam longinquæ ac frequentes ut hodie admissæ. 360. 361. *seq.* Ad Romanam sedem nunquam non factæ ejus primatû demonstrant. 69. Ob frequentes subreptiones exolæ. 71. *seq.* Gallorum ad parlamentum *tanquam de abusu.* 34.

Apostasia a fide gravius est crimen, quam hæresis. 380.

INDEX RERUM

- A** sacro ordine quibus pœnis coerceatur? 381.
- Arbitri** qui nuncupati? 351.
- In re spirituali laici esse non possunt, nisi aut clericis adjuncti, aut per compromissum a sede apostolica. *ib.* Qui alii ab eorum officio exclusi? *ib.*
- Archidiaconi** olim archipresbyteris superiores. 105. 106. Eorum præcipuum munus. *ib.* Ex rei ecclesiasticæ administratione iis auctoritas accessit. *ibid.*
- Audientia** episcopalis unde originem trahat? 12. In causis etiam sæcularibus fuit frequentata. *ib.*
- S. Augustini** assiduitas in dijudicandis ac dirimendis fidelium causis laudata. 323.
- B.**
- Baptismi** reiteratio genus est apostasiæ. 382. *seq.* Gravissimæ in eam pœnæ. *ib.*
- Baptisterium** circa oratorium sine episcopi licentia ne erigatur. 112.
- Beneficiorum** nomen unde in ecclesiam translatum? 270. Eorum definitio. *ib.* Olim certis tantum personis ad dies vitæ concessa. 271. *Curtata* in quo distinguantur a simplicibus. 273. Nonnisi per episcopos conferri possunt. 276. *seq.* Clericis sacris ordinibus initiatis. 124. 125. Pro meritis & dignitate personarum. *ib.* 386. Omni insuper habito lucro aut munere. *ib. seqq.* Vel pacto aut conditione. 391. 392. *seq.* Eorum locatio pro annuo censu districte prohibita. 400. 401. Collationes quoque per expectativas, reservationes a sede Romana factæ sunt abrogatæ. 280. *seq.* Circa eorum provisionem qualia concordata cum nostra Germania inita? 281. Institutionis circa ea jus ordinarium penes solos episcopos consistit. 288. Tres institutionis species. *ib.*
- Bona ecclesiastica** primitivorum christianorum largitate potissimum aucta. 188. 189. Ac piis fidelium legatis catholicorumque principum indulgentia. 207. 208. *seqq.* Ea distribuendi quæ ratio olim fuerit. 218. Eorum proprietas tum ecclesiastica puritate non pugnat. 185. 186. Iis administrandis soli ecclesiæ antistites horumque æconomi sunt constituti. *ib.* 221. Eorum usus insignis. 238. Quadruplex partitio. 222. *seqq.* Alienari aut vendi si-

ne

M E M O R A B I L I U M.

ne subscriptione cleri & episcopi non possunt. 248. 249. *seqq.* In eorum injustos invasores gravissimi canones, & anathemata. *ib.* Quid circa varios eorum contractus tenendum? 253. 254. *seqq.*

Brachium sæculare contra ecclesiæ tribunal expetere clericis prohibitum. 36. 37. *seqq.* Sub pœna excommunicationis. *ib.* 337. *seq.*

C.

Canonicæ theologiæ finis. 1. Et objectum. 2.

Canon VI. conc. Nic. primæ. tui Romanæ sedis nil derogat. 63. 64.

Capitulum clericorum ab episcopis in gubernanda ecclesia semper adhibitum. 97. Quæ fiunt a majore ejusdem parte, iis universim standum. 99. Amplissimam hodie jurisdictionem exercet sede vacante. *ib.* Nihil tamen innovare potest. *ib.*

Cardinales a titulis fundorum sic nuncupati. 78. Eorum institutio. *ib.* De cardinalibus episcopis ante sæculum VIII. vix aliquid determinati habetur. 79. Hodie amplissima est eorum dignitas. *ib.* *seq.*

Causæ ecclesiasticæ quid sint? 348. Coram iudice ecclesiastico sunt transigendæ. *ib.* Et saltem intra biennium terminandæ. 350.

Censuræ pœnæ propriæ ecclesiasticæ. 450. Earum definitio. *ib.* Medicinales esse debent. *ib.* Quæ personæ iis subjectæ? *ib.* *seq.* Ignorantia facti & juris quomodo ab eis excuset? *ib.* Per appellationem præcedentem interponi possunt. 495. *seq.* Eas ferendi auctoritas. 451. *seq.* Aut ab iis absolvendi penes quos sita? 496. *seq.* In iis infligendis ordo ac debita moderatio servanda. 494. *seqq.*

Chorepiscopi qui fuerint, & quæ genuina hujus vocis origines. 101. Frequens olim fuit eorum numerus. 100. Episcopali characterum fuerint insigniti? *ib.* Quas partes in ecclesiæ regimine obtinuerint. *ib.* *seq.* Ob nimias usurpationes eorum munus exosum redditum & successum. 101. *seq.*

Chrisma S. sub fidel. custodia debite conservandum. 176. *seq.* Illud a laicis tangi hæud licet. *ib.* Singulis annis novum ab episcopo

INDEX RERUM

consecratum accipere parochi debent. *ib.*

S. Chrysostomus bonorum ecclesiae fidelissimus dispensator. 220. Iniqua in eum hostium criminatio circa eorum dissipationem. *ib.*

Clerici apti & habiles muneribus ecclesiasticis admo- vendi: 123. 124. *seq.* Eorum ordo a laicis distinctus, juxta formam veteris levitici ordinis. 7. *seqq.* Immunitas conciliis & legibus imperatoriis communita. 40. 41. *seqq.* Praesertim ab obligatione militiae. 215. *seq.* Quibus instructi dotibus esse debeant? 121. 122. Olim artificioso victum sibi quarebant. 257. *seq.* De bonis ac redditibus ecclesiae nomine acquisitis testari non possunt. 263. 264. *seqq.* Varia doctorum de eorum peculio sententia. 260. *seqq.* Necessaria sustentatio iis omni jure a subditis populis debetur. 184. 185. *seq.* Negotiationes saeculares iis gravissime interdictae, 340. 341. *seq.* 258. 259. Procuratores, fidejussores aut sponsores coram tribunali ne agant. 344. *seq.* Varie hic delinquunt. 347. Percussores, maledici, excom-

municati, depositi, in duello pugnantes, non ordinati, *per superbiam & contumaciam* sacra munia obeuntes, aut in suo ministerio negligentes quo rigore ac censuris puniantur? 421. 422. *seqq.* 425. 426. *seqq.*

Cæmeteria unde sic dicta? 180. Eorum usus antiquissimus, martyrum sepulchris olim proprius fuit. *ib.* Temporibus persecutionum conventus sacri in iis celebrari soliti. *ib.* *seq.*

Collusio detegenda quid? 420. Ejus poenae. *ib.*

Commendæ quo tempore obtinuerint. 305. *seq.* In Galliis praesertim earum usurpationes. 307. *seq.* Summis pontificibus strenue se opposentibus, at non semper malo mederi praevalebantibus. *ib.* *seqq.*

Communio privata, laica, & peregrina, ad quam olim sedigebantur clerici. 474. 475. *seqq.*

Concubinarij ter admoniti a sua consuetudine non discedentes, excommunicationem incurrunt. 411.

Consanguinitas quoad matrimonij vinculum ad septimum usque gradum olim extensa. 162. 165. **Hodie**

M E M O R A B I L I U M.

die ad quartum revocata.
ibid.

Constantinus M. intempestiva
Donatistarum appellatione
victus, veniam precatur.

33. 43. Ejus circa bono-
rum ecclesiasticorum resti-
tutionem saluberrima con-
stitutio. 192. Plenissima ab
eo data potestas suas eccle-
siæ transcribendi facultates.
207. Ejus donatio Silvestro
P. facta sublestæ fidei est.
211. 212.

Crimen falsi quid? 418. Qua-
druplici modo committi
potest *ib.* Ejus poena. *ib. seq.*

D.

Damnum datum quid &
quomodo fiat. 441. Ejus
compensatio. *ib. seq.* Et sa-
tisfactio pro expensis. 440.

Decimæ propria clericorum
portio. 198. Earum præ-
statio jure divino debita.
199. 200. *seqq.* Tempore
Christi & apostolorum ob
statum ecclesiæ pressum
non adeo fixum fuit ea-
rum jus. 198. Vet. test. cir-
ca eas lex non mere cære-
monialis erat. *ib. seq.* Ea-
rum in 4. partes distribu-
tio. 204.

Depositio realis quid, & in
quo a verbali distinguatur?
445. Quomodo facienda. *ib.*

Dioeceseon constitutio qualis
antiquis temporibus? 53.

seq. Latius quam hodie pa-
tebant *ib.* Earum divisio
quo tempore facta? *ib.*

Divortium Judæis ob cordis
duritiam concessum. 168.

Hodie improprie tantum
datur. *ib.* Non sine episco-
pi judicio. *ib.* Variæ ejus-
dem causæ assignantur. *ib.*

*Dubius in fide num infidelis
sit, & hæreticorum poenas
incurrat.* 372.

E.

Ecclésiæ summa auctoritas
circa sacra omni tempo-
re agnita. 10. 11. Ac
exercita. 59. 60. *seq.* Non
solum per modum pacti
aut confœderationis, vel
jura collegialia. 14. 15. Sed
plena potestate divinitus
accepta. 17. Et ab ipsis ve-
teribus imperatoribus ei
asserta. 42. *seqq.* Ea quam-
vis in temporalia jurisdi-
ctionem sibi nullam arro-
get. 314. 315. *seqq.* Post
divisionem tamen imperii
magna etiam circa provin-
ciarum urbiumque dominia
potestas ei accessit. 210.
211. *seqq.* Ab ejus tribu-
nali ad forum sæculare ap-
pellare clericis sine speciali
episcopi indultu non licet.

INDEX RERUM

- 36.37. Variis conciliis stabilitur. *ib. seqq.*
- Novæ parochiales ædificari sine episcopi sententia non debent. 169. Neque nisi ab eo consecrari. 170. *seq.* Pollutæ reconciliandæ, non noviter sunt consecrandæ, 171. De earum redditibus providere ad episcopum pertinet. 170. *seq.* Quoad earum reparationem varia hodie consuetudo obtinet. 171.
- *Viduat*is quantocyus legitimus pastor constituendus. 136. Semestre hodie jure comuni statuitur. 137. Nul- lus tamen vivente pasto- re ad earum possessionem determinari potest. *ib.* Ni- si extraordinariis casibus. 138. Varii circa hanc rem abusus sæculo V. glisce- bant. 137.
- Edictum peremptorium** quid? 352.
- Electiones per inspirationem**, compromissum. 132. Sum- morum pontificum quomo- do instituuntur. 130. *seqq.* Inconsultis regibus catho- licis non sunt. 131. Epi- scoporum & clericorum non ex arbitrio populi de- pendebat. 127. Sed episco- porum provincialiū aut sal- tem matricis ecclesiæ. 129.
- Sæpius fraudes & seditio- nes iis intervenerunt. 128. 129. Quomodo distinguan- a postulatione. 133.
- Episcopi veri apostolorum** succeffores. 91. 94. Jure divino presbyteris supe- riores sunt. 92. In sua quæ- que diœcesi continere se debet. 96. Amplissimam nacti potestatem. 94. 232. Etiam in temporalibus do- minia & principatus. 210. 211. *seq.* In eorum con- temtores severissimi cano- nes constituti. 95. *seq.* Qui- bus dotibus instructos eos esse oporteat. 120. Quæ in iis ætas ut rite ordinentur, requiratur? 124. Concessa eis a principib⁹ sæcularibus potestas & intercessiones pro personis afflictis. 325. 326. *seqq.* Aulas principum nisi ex ecclesiæ necessitate aut publicæ rei emolumen- to adire non debent. 337. Gravissima eorum obliga- tio rectum faciendi usum bonorum ecclesiasticorum. 234. 235. Quorum procu- ratores sunt, non domini. 240. 241. *seqq.* In locum adhuc viventis nullus alius substitui potest. 136. 137. Ratio circa victum ex con- cilio Tridentino eis præ- scripta. 244. *seqq.*

Eusta-

MEMORABILIMUM.

Eustatiani bonorum ecclesiæ dispensationem arrogantes anathematizati. 218. *seq.*

Exceptio dilatoria, & peremptoria quid? 353. Variis ex circumstantiis repetitur. *ib.* Quomodo eam in probatione sequatur *reconventio*. *ib.* Peremptoria tam ante quam post litis contestationem opponi potest. 358.

Excommunicatio major quæ dicatur? 452. Quos effectus habeat? 453. Ejus ab anathemate & veterum separatione a communione distinctio. 455. Pro quibus personis. 457. Et criminibus stringi soleat? 461. *seq.* In ea infligenda injustitia & præcipitantia maxime cavenda. *ib. seq.* Secundum antiquam ecclesiæ disciplinam. 464. *seq.* *Lata* sententiæ quæ sit? 465.

Minor quid, & quam ob causam infligatur. *ib. seqq.* Ejus vestigium in antiquitate ecclesiastica nullum habetur. 467. *seq.* Primum novo decretalium jure sub Gregorio IX. introducta. 469. Quibus in casibus cū ea innodatis communicare liceat? *ib.* *Clericalis* in quo distinguatur a *laica*. 470.

F.

Fuldensis monasterii singulæ privilegia a Zacharia P. accepta. 115. Ejusdem abbatis S. Sturmii cum S. Lullo controversiæ. *ib.*

Furtum quid? 415. Ex notabilibus furtis si infamia accedat, irregularitas contrahitur. *ib.* Ob ejus crimen quomodo clericus puniatur? *ib.*

G.

Gerbasii Jo. tractatus de ecclesiæ causis majoribus ab Innocentio XI. damnatus. 67.

H.

Hæretici contumaces censuris ecclesiæ subjecti. 371. Pure mentales a quolibet sacerdote absolvi queunt. 374. Eorum defensores & receptores excommunicationem latæ sententiæ incurrunt, summo pontifici reservatam. 373. Aque ac ii, qui eorum libros sine apostolicæ sedis licentia imprimunt, legunt, defendunt. *ib.* Iis constitutæ pœnæ. 374. *seq.* Quare in Germania nostra quoad effectus civiles non omnimode locum obtineant? *ib.*

Hierar.

INDEX RERUM

Hierarchia ecclesiastica a civili immensum quantum diversa. 3. 314. 315. *seqq.*
Non tamen adversa. 4.
CHRISTI ordinatione instituta. 4. 46. Per apostolos & horum successores episcopos est dilatata. *ib.* Factum ac dominatum mundanum respuit. 5. *seq.* Cum cœlesti & legali quatenus participet? 46. *seq.* In ea subordinatio conservandæ unitatis causa summe necessaria. 49. 55. *seq.* Triplex statuitur ad formam primitivæ ecclesiæ. *ib.* *seqq.* Et rationem quodammodo imperii Romani. 53. *seq.*
Homicidium quid & quotuplex? 407. *seq.* Ab ecclesia severe coercitū. *ib.* In mere casuali num irregularitas contrahatur ex variis circumstantiis est dijudicandum. 409.
Horæ canonicæ divini officii pars. 149. Earum recitatio sub gravi obligatione incumbit clericis præsertim beneficiatis. *ib.* Eas omittens ad restitutionem fructuum pauperibus faciendorum tenetur. *ib.*

I.

Immunitas locorum sacrorum in quo consistat? 172.

Ipsis principum sæcularium legibus vindicata. *ib.* *seq.* Per eam scelera impunita non vult ecclesia, sed poenam mitigandam. 173. 175.
Imperii Romani divisio qualis olim erat? 54.
Indulgentiarū dispensatio juris est ecclesiast. 449. Episcopis concedendæ in conc. Later. moderatæ. *ib.* Plenariæ tempore jubilæi. *ib.* *seq.*
Infideles qui dicantur? 366. Eorū superstitio zelo principum christian. & vigore legum paulatim oppressa. 367. *seq.* In eos jus nullum nisi indirecte ecclesia exercet. 369. *seq.* Christianis præficiendi non sunt. 370. Nec arma ipsis contra catholicos sub excommunicationis poena ministranda. *ib.*

Inquisitio S. hæreticæ pravitatis ab Innocentio III. instituta, deinceps ab aliis pontificibus fuit promota. 376. Varia in Gallia præsertim & Germania habuit fata. *ib.* Sæc. XV. in Hispania sæc. demum XVI. in Portugallia est introducta. *ib.* *seq.* Romæ illustre ejusdem tribunal erectum. 377.

Instrumenta quibus qualibus instructa esse debeant? 357. Authentica æqualem cum

M E M O R A B I L I U M.

cum testibus vim probandi habent. *ib.*

Interdictum quid, & in quo cum excommunicatione conveniat, in quo differat? 482. Triplex locale, personale & mixtum. *ib.* Locale ac personale generale & speciale. 484. *seq.* Varia ejusdē exempla. 485. 486. *seqq.* Ejusdem rigor ob varia mala mitigat⁹. 489. 491. *seq.* Religiosis ordinib⁹ varia circa illud privilegia indulta. 493. *seq.*

Investituræ laicorum ad ecclesiastica beneficia ab ecclesia proscriptæ. 289. Ingens discidium ob eas ortum. 290. Quarum jus ob feuda imperialia per baculum & anulum sibi arrogabāt reges. 290. 291. Summorum pontificum in hac re studium & conatus. *ib. seq.*

Irregularitatis definitio. 479. Eam contrahendi causæ. *ib.* 481.

Judæi cur magis a D^{no} & ecclesia quam pagani tollerentur? 368. Novas construere synagogas haud permittuntur. 369. Neque aliquam in christianos exercere jurisdictionem. 370. Inviti ad baptismum ne cogantur. 369. Eis singularis habitus distinctio præ-

scripta. 370. Triplex excommunicatio apud eos. 456.

Judicium quid? 348. Et quomodo informetur? 351. *seq.*

Juramentum calumnie quæ contineat? 355. Tum actor cum reus id præstare obligantur. *ib.* Quid si recusent? *ib.* *Necessarium, voluntarium, decisivum* quid? 358. Horum essentielles & accidentales conditiones. *ib.* *Purgatorium* omnibus, etiam clericis concessum. 439.

Jus patronatus quid sit? 282.

Laicis quo titulo cōpetat? 284. Ex episcoporum negligentia ad eos devenisse est verosimile. 283.

-- **Spolii** quomodo invaluerit? 268. Legitimis ecclesiæ præsulibus indultum. *ib.* Varie olim circa illud peccatum. 267. *seq.*

-- **Afyli** ecclesiæ assertum. 173. 175. 326.

-- **Annatarum** quid? 233.

Earum usus unde repetendus? 269. Ortum ob eas sæculo XV. discidium. *ib.*

L.

Legati a latere, nati, & missi qui vocentur. 77. Eorum apud principes & regna residentia a quo tempore repetenda? *ib.*

Libel.

INDEX RERUM

Libellus solemnis quid? 352.

Alius *accusatorius*, *conventionalis* alius. *ib.*

Litteræ pontificiæ quibus modis falsificari possint? 418.

In earum falsificatores statutæ poenæ. *ib. seq.*

Commendatitiæ unde sic nuncupatæ? 452. *seq.*

Lirinenſis monaſterii ſingulares exemptiones. 114. *seq.*

Litis conſeſtatio. 353. Baſis eſt ac fundamentum iudicii accepti & conſtituti.

354. Actiones perpetuat.

ib. Et ea omiſſa vitiatur

proceſſus. *ib.* Quomodo li-

te non conſeſtata recipi

teſtes queant. *ib. seq.*

M.

Magiſterium docendi in ec-

cleſiis cathedralibus ve-

nale non ſit. 401. Stipen-

dium & congrua præbenda

ei tribuenda. 402.

Maranatha vox Paulina in-

certæ eſt notionis. 456.

Cum Chaldaeorū *ܡܪܢܬܐ*

convenire videtur. *ib.*

Matrimonium quid? 154.

Ratum primo bi-meſtri diſ-

ſolvi adhuc poteſt. 167.

De ejus validitate iudicium

ad forum eccleſiæ pertinet.

159. *seq.* Spectata ſacramen-

ti ratione. 157. 158. *seqq.*

Varia ejusdem impedimen-

ta. 164. *seq.* Eaſque con-

ſtituendi, ac diſpenſan-

di poteſtas circa eccle-

ſiam poſita. 161. 162. *seq.*

Legitimæ diſpensationis cau-

ſæ. 163. *seq.* De matrimo-

nio infidelium quid ſen-

tiendum. *ib. seq.*

Metropolitaram inſignis in

eccleſia poteſtas. 85. 86.

Ob variam provinciæ

diviſionem aut diminutio-

nem circa eorum jura ex-

ortæ lites. 87. 88. Conceſ-

ſum eis a pontifice pallium

non honoris tantum, ſed

jurisdictionis etiam inſigne

eſt. 89. 90.

Moniales Simoniaca labe in

ſuſceptione ſorum infe-

ctæ. 392. Prætextu pau-

perſatis vitium ſuum pal-

biantes. *ib.*

N.

Negligentia prælatorum &

patronorum qualiter ſup-

pleatur in collatione bene-

ficiorum. 144.

Negotiationes quæſtuofæ cle-

ricis graviffime interdictæ.

258. 259. 340. 341. *seq.*

O.

Oblationes fidelium eccleſiæ

facti varii generis. 192.

Aliæ ad altare, domi aliæ

pro pauperum, hoſpitum,

presby-

M E M O R A B I L I U M.

presbyterorum &c. necessitatibus fiebant. 193. *seq.* Ad eas sub præcepto tenentur fideles. 194. Injustitia in iis committi consuevit. *ib.* *seqq.* Episcoporum præsertim avaritia. 196. Quomodo successu temporis in numarias abierint? 197. *seq.*

Oratoria privata sine episcopi consensu ne extruantur. 169. Neq; in iis missam legere aut baptizare licet. *ib.* Eorum antiquissim⁹ usus. *ib.*

Ordinatio alieni clerici invito proprio episcopo rata non est. 273. 274. Graves olim eam qd rem commotæ lites. *ib.* Ad certam ecclesiam & beneficium fiat. 275. *seq.* Certis sedibus ac titulis per eam affixi pro lubitu cedere, aut expelli nequeunt. *ib.* *seqq.* Per pecuniam facta irritatur. 385. Per saltum si fieri contingat, quales incurrantur censuræ. 429.

Ordinis religiosi ingressus gratis concedendus. 392. Quadruplex susceptionis in eum forma. *ib.* *seq.* Quando Simoniacæ fieri dicatur. *ib.* Pro eo sponte oblata licite recipiuntur. 393. *seq.*

Otho I. in quarto consanguinitatis gradu ægre dispensationem obtinet. 162. Qui-

bus rebus canonicæ disciplinæ relaxationem compensare debuerit? *ib.* *seq.*

P.

Pæctorum gravissima obligatio. 350.

Pallium singulare ornamentum a pontifice archiepiscopis concessum. 89. 90. Quare certis tantum diebus & intra ecclesiâ uti eo liceat. *ib.* 91. Longe alia est ejus ratio quam veteris *imperialis*. 90. Pallia Græcorum unde *πολυταυρία* dicta. 91.

Parochiæ rurales non tam frequentes olim ac hodie fuerunt. 108. A presbyteris & diaconis etiam administratæ. 109. 110. *seq.*

Patriarchales sedes quæ sint præcipuæ? 80. *seq.* Earum post ecclesiam Romanam amplissima potestas. 82.

Patriarcharum Cpolitani. fastus. 83. Principum favore potissimum crevit. *ib.*

Constanter se opponentibus Rom. pontificibus. *ib.*

Pensiones ecclesiasticæ quid sint? 228. Earum origo unde repetatur? *ib.* Quibus titulis clericis concedi solebant? *ib.* *seqq.*

Pfaffii jura collegialia ad arbitrium conficta. 14. 15. Ecclesiæ auctoritatem a

C H B I.

INDEX RERUM

- CHRISTO** acceptam su-
stollunt. *ib. seq.*
- Pluralitas** beneficiorum gra-
vissimum munus pastora-
le impedit. 296. Antiquis
temporibus non nisi ob sum-
mam ecclesiæ utilitatem ac
necessitatem locum habuit.
299. *seq.* Variis canonibus
& conciliis proscripta. 301.
- Pœnæ** ecclesiasticæ proprie
dictæ quomodo distinguan-
tur a censuris. 442. In ju-
re determinatæ regulari-
ter ac sine causa a iudice
remitti non possunt. 443.
- Pecuniariæ** ab Alexandro
III. reprobata. *ib.* Varii ge-
neris pro criminum qua-
litate in clericos stringun-
tur. 444. *seq.*
- Pœnitentiæ** publicæ forma
quæ fuerit in primitiva ec-
clesia? 446. Quæ moder-
næ privatæ ratio. 447. *seq.*
- Ei** semel addicti ad sacras
functiones ordinum majo-
rum restitui non poterant.
280. *seq.*
- Pontifices** Romani ubique vi-
carios suos rei ecclesiasti-
cæ causa constituunt. 73.
74. *seq.* Eorum responsa
non consilii sed legis o-
tiam vim obtinent. 67.
Summa eorum vigilantia
quoad canonum observan-
tiam. 68.
- Postulatio** quid? 133. Ejus
ab electione distinctio. *ib.*
Ante acceptam a summo
pontifice vel alio legitimo
superiore dispensationem
nullum jus acquirit. *ib. seq.*
Ejus requisita, si cum vel
sine electione concurrat.
134. Ei ubi defertur, gra-
tiæ est, non justitiæ. *ib.*
Variæ ejusdem formæ a
concilio Lugdun. proscri-
ptæ. 135.
- Potestatis** ecclesiasticæ ac po-
liticæ limites & discrimen.
314. 315. *seqq.*
- Præbendarum** nomen a mili-
tia profana ad usum sacræ
translatum. 225. Eas propria
auctoritate permutare. 254.
Alienare, aut præscribere
clericis prohibitum. 226.
Earum partitio monaste-
riis extirpata, proprietatem
olens. 226. *seq.*
- Prælatorum** nomine qui in
jure canonico intelligan-
tur? 429. *seq.* Varie in suo
quisque munere excedere
potest. 430. Pœnæ exces-
sum. *ib. seq.*
- Præsumptio** quid? 357. In ju-
re fundata a probando li-
berat. *ib.*
- Precarias** & precarium quo-
modo inter se differant?
253. Quando possint re-
vocari. *ib.* Cur revocatio
quin.

M E M O R A B I L I U M.

quinquennalis statuta. *ib.*
Princes titulo juris territorialis nullum in sacra jus acquirunt. 20. *seq.* Multo minus jure aliquo episcopali. 22. *seqq.* Protestantium circa hoc errores. *ib.* Qua ratione quandoque pontifices appellati? 23. *seq.* In negotiis æternæ salutis ecclesiæ potestati subfunt. 25. 26. *seq.* Varia hujus rei testimonia. *ib.* Opportune tamen eorum imploratur auxilium ad tuenda ecclesiæ jura & canones. 32. *seqq.* Eorum jura circa beneficia & ministros ecclesiæ constituendos. 285. *seq.* Causæ sæculares sæpe ab iis ad tribunal & judicium ecclesiasticum delatæ. 319. 320. *seq.*
Privilegia quid & unde sic dicta? 432. Quænam distinctio inter *clausa* in jure, & data per speciale rescriptum. 433. Item inter personalia & mixta? *ib.* de eorum tenore si sit dubium, qualis privilegiato obligatio incumbat. *ib. seq.* Propter gravem excessum aut scandalum tolli & renunciari possunt. 434. Quale tempus circa eorum præscriptionem requiratur? *ib. seq.* Quomodo ex iis

dignosci queat, num exemptio ab ordinario sit indulta, vel non? 435. *seq.* Varia circa ea excessuum genera notantur. 436.

Probatio probatissima quid? 355. Vera est, vel ficta. *ib.* Ejusdem vires ac momenta variis modis judicantur. 356.

Processus ordinarius, summarius, tumultuarius quid? 349. In re manifesta summarium tantum ecclesia amplectitur. *ib.*

Pupillorum cura ab ecclesiæ præsulibus suscepta. 331. 332. *seq.*

Purgatio canonica & vulgaris quid? 437. Illa omnibus fidelibus concessa. *ib. seq.* Quas ob causas indicetur? 238. Vulgaris reprobata. 439.

Q.

Quesnelli circa auctoritatem ecclesiasticæ excommunicationis propositio- nes damnatæ. 451.

R.

Raptus quando committatur? 415. Rapta puella loco reddita tuto, si in sponsalia consentit, matrimonium de jure canonico

INDEX RERUM

nico fit validum. *ib.* Raptorum poenæ. 413.

Religiosi temerarie habitum suum dimittentes ipso facto excommunicationem contrahunt. 382. Secus qui per loca hæreticorum vel infidelium imminente periculo eum ad tempus deponunt. *ib.*

Reliquiæ Sanctorum venales ne sint. 177. Inventas de novo publice venerari sine auctoritate Rom. pontificis haud licitum. *ib. seq.*

Residentia episcoporum & clericorum pluribus canonibus & conciliis asserta. 292. Severissimæ poenæ in hanc legem excedentes statutæ. 294. Quæ sint legitimæ causæ ab ea excusantes? 295. *seqq.*

Resignatio beneficii alia tacita, expressa alia. 141. *seq.* Nulla sine legitimo superiore fieri potest. 142. Sex causæ, ob quas illa peti & concedi a pontifice solet. 143.

Reus qui dicatur? 352. Tribus edictis aut peremptorio citatus si non compareat, contumaciæ crimen incurrit. *ib.* Quomodo coerceri propterea solet. *ib. seq.*

Romanæ ecclesiæ præ reliquis prærogativa honoris

& jurisdictionis. 57. 58. Non principum favore ei accessit. 59. Majores ecclesiæ causæ omnes ad eam translatae. 67. *seq.* Et ab ea decisæ. 60. 61. Injuste oppressi apud eam solam patrocinium & justum acceperunt judicium. 69 70. *seqq.* Ejus erga reliquas ecclesias munificentia & bonorum largitio. 189.

S.

Sacramentorum quoad exteriorem formam dispensatio ad solam ecclesiam spectat. 151. Quædam ad ingressum, quædam ad progressum, alia ad egressum ecclesiæ sunt comparata. *ib. seqq.* Eorum administratio gratis fiat. 204. 205. *seq.*

Salmasii hallucinatio circa patriarchalium sedium ætatem. 80.

Schisma quid? 377. In purum & conjunctum eum hæresi dispescitur. *ib.* Ejus ab hæresi distinctio. *ib. seq.* Vix unquam & diu nunquam sine ea subsistit. *ib.* Ejusdem rei excommunicationi sunt obnoxii. 379.

Sententia interlocutoria & definitiva quid sit? 358. *seq.* Hæc nisi intra decem dies fuerit suspensa, revocari

M E M O R A B I L I U M.

carl nequit. 359. Ab interlocutoria, quæ vim definitivæ habet, aut gravamen irreparabile infert, appellari juxta concilium Trident. potest. *ib.* Lata antiqua ecclesiæ praxi sacratior fuit. 360. *seqq.*

Sepultura in loco sacro ad jura parochialia pertinet. 179. In fide & communione ecclesiæ defunctis solummodo concedenda *ib.* Ejus usus ex veteri & novo testamento demonstratus. *ib.* Qui speciatim ab ea excludantur? 182. *seq.* Licite pro ea secundum laudabiles consuetudines portio canonica accipitur. *ib.* Exactiones tamen & turpe lucrum cavendû. 397. 398.

Simonia unde sic nominata? 383. In mentale, conventionale, reale & confidentiale dividitur. *ib.* Cujusque definitio. *ib. seq.* Varie circa eam delinqui solet. 386. 387. Quæ poenæ a conciliis & SS. PP. pro ea constitutæ. 403. 404. *seq.*

Simonis Magi hæresis quæ fuerit? 384.

Sponsalia de futuro. 154. Etiam de præsentî accipi queunt. *ib.* Clandestina valida sunt quidem, sed improbanda. 156. Eorum a matrimonio ipso distin-

ctio. *ib.* Et gravissima obligatio, præsertim si jramento firmentur. 155. Dissolvi mutuo possunt interveniente etiam jurejurâdo. *ib.*

Stipendia ex celebratione missarum licite accipiuntur. 206. Sæpius hic excessus irrepperunt. *ib. seq.* Suburbicariæ regiones quid fuerint, non facile definitur. 65. Varie eruditorum de iis opiniones. *ib. seq.* Quæ verosimilior & concilio Nic. propius accedat. 66. Suffraganei hodierni a chorepiscopis antiquis distincti. 103. Veteribus perideutis respondent. *ib.*

Suspensio quid? 470. Ejus a depositione discrimen. 471. Alia est ab officio, alia a beneficio. 473. Quid quæque importet. *ib.*

Synesii rigor in excommunicando. 459.

T.

Testamenta fidelium ecclesiæ facta sine requisitis alias solemnitatibus olim valida. 209. Per ea maximis ecclesia bonis excrevit. 207. 208. *seq.* Clericorum quibus in rebus fieri possint. 263. 264.

Testes, conditione naturæ & vitæ censendi. 356. Qui sint inhabiles. *ib.* Eorum jura-

men.

INDEX RERUM MEMORAB.

mentum quale esse oporteat. *ib. seq.* In iudicium venire nolentes cogi a iudice gravissimis censuris possunt. 357.

Torneamenta prohibita. 409.

Transactiones, nisi sint iuri contrariæ strictissime servandæ. 350.

V.

Venatio clericis severe interdicta. 426.

Violatores ecclesiarum quibus pœnis subjecti? 414.

Unio beneficiorum quibus ex causis fieri possit? 304. Alia gratiosa, alia ad dies vitæ, seu *palliata*. 303. Variis circa utramque abusibus a concilio Trident. obviatum. *ib. seqq.*

Usurarii publici ad communionem altaris non admittendi. 416. Nec ante actu factam restitutionem ad ecclesiasticam sepulturam. *ib.* Foenebrem pecuniam elocantibus nulla datur a Principibus habitatio, aut locatio a privatis. *ib.* Eorum testamentis interesse prohibitum. *ib. seq.*

X.

Xenodochia largissimis provisionibus inde ab antiquissimis temporibus instructa. 311. SS. Chrysostomi, Ambrosii, Augustini singulare studium circa eorum curam laudatum. *ib. seq.* In vera ecclesiastica beneficia abierunt. 312.

F I N I S.

E R R A T A.

Pag. 7. Lin. 15. pro *propositorum*, lege præpositorum. Pag. 15. lin. 17. pro *coactioni*, lege coactione. Pag. 61. lin. 9. pro *imperatorum*, lege imperatorem. Pag. 69. lin. 26. pro *in justo*, lege injusto. Pag. 178. lin. 8. pro *procati*, lege procaci. Pag. 205. lin. 20. pro *correxerant*, lege correxerint. Pag. 215. lin. 6. pro *dilapiduntur*, lege dilapidantur. Pag. 231. lin. 9. pro *consulerint*, lege consuluerint. Pag. 234. lin. 32. pro *conseruetur*, lege conserventur. Pag. 264. lin. 27. pro *qui*, lege quæ. Pag. 280. lin. 26. pro *conatibus*, lege conatus. Pag. 296. lin. 2. pro *longe*, lege longo. Pag. 346. lin. 4. pro *prapofiti*, lege propositi. Pag. 350. lin. 12. pro *translationes*, lege transactiones. Pag. 482. lin. 6. pro *alio*, lege alia. Pag. 489. lin. 15. pro *princeps*, lege principes.





